柳如是别傳

下

獨立之精神自由之思想

生活.讀書.新知三聯書

店

## 柳如是别傳陳寅恪集

(下)

生活·讀書·新知三縣

Copyright © 2015 by SDX Joint Publishing Company All Rights Reserved. 本作品版權由生活·讀書·新知三聯書店所有未經許可,不得翻印。

## 圖書在版編目 (CIP) 數據

陳寅恪集。柳如是别傳/陳寅恪著。—3版。—北京:生活· 讀書·新知三聯書店,2015.7 ISBN 978-7-108-05404-3

I. ①陳… Ⅱ. ①陳… Ⅲ. ①陳寅恪 (1890 ~ 1969) - 文集 ②柳如是 (1618 ~ 1664) - 傳記 Ⅳ. ① C52 ② K828.5

中國版本圖書館 CIP 數據核字 (2015) 第 131969 號

齋詩文於此期內, 此章所欲論證者, 較前諸章尤爲困難。 多所避忌, 故往往缺略, 蓋關於河東君之行事,自以牧齋之著作爲主要資料, 不易稽考。牧齋外集貳伍「題爲黃子羽書詩册」(寅恪 但牧

黃子羽名翼聖,太倉人。事蹟見有學集叁柒蓮蕊居士傳。)云: 余自甲申後,發誓不作詩文。間有應酹,都不削藁。戊子之秋, 囚繫白門,身爲俘虜。 閩人

成册,題之曰秋槐小稿。蓋取王右丞落葉空宮之句也。

林叟茂之僂行相勞苦,

執手慰存,繼以涕泣。

感嘆之餘,

互有贈答。林叟爲收拾殘棄

楷書

是非。 斯則牧齋詭託之辭, 今就能見及之資料, 非其實情也。 互相參校, 至若同時諸人之記載, 求一最可能之真實,然殊不敢自信也。 以門戶恩怨之故,所言亦未可盡據以定 茲先逐錄顧云美河

東君傳關於此期者於下:

影園集壹河東君傳「沈」作「投」。)其奮身池上也, 乙酉五月之變,君勸宗伯死,宗伯謝不能。 君奮身欲沈池水中, 持之不得入。(寅恪案, 長洲明經沈明論館宗伯寓中見之, 而勸宗

第五章 復明運動

東坡西臺詩韻」六首之一及牧齋遺事本「從行」皆作「從行」。 詩以美之。 至云「從行赴難有賢妻」。時封夫人陳氏尚無恙也。(寅恪案,錢曾注本有學集壹秋槐詩集「和 宗伯亚, 有「給事」二字, 伯 條裁製蓮花服,數畝誅鋤穲稏田。 之」作「報之」。誤。)久之,不自得。生一女,既昏。癸卯秋下髮入道。 本作「徒步」。 園集及牧齋遺事本, 君能曉 學集壹肆及涵芬樓本有學集壹叁東澗詩集下「病榻消寒雜詠 無「生一女,既昏。癸卯秋」等八字。)宗伯賦詩云:「一剪金刀繡佛前。 知子之順之,雜佩以問之。 向之圖書玩好略盡矣。 則宗伯以 君絜一囊, 已過三冬枯木禪。 (寅恪案, 塔影園集「捕宗伯亟」作「宗伯有急徵。」「和」作「次」, 「妻」作「子由」。) 俱非。 似無此二字更佳。)是秋宗伯北行, 語兵科都給事中寶豐王之晉, )宗伯選列朝詩, 從刀頭劍鋩中, 「紗」均作「疏」。 鸚 宗伯失職, 鵡紗窗畫語長。 有雞鳴之風焉。(寅恪案,「閨秀」應作「香奩」。塔影園集「問 朝日裝鉛眉正嫵, 牧圉饘橐惟謹。 較佳。)又教雙燕話雕梁。 君爲勘定閨秀一集。 眷懷故舊, (寅恪案, 之晉語余者也。 君留白下, 事解, 山川間阻, 君則知子之來之, 高樓點黛額猶鮮。 錢曾注本及涵芬樓本有 但涵芬樓本作「徒行」, 庚寅冬絳雲樓不戒於火, 詩」「黛」作「粉」。 宗伯和蘇子瞻御史臺寄妻韻,賦 (寅恪案, 宗伯尋謝病歸。 (寅恪案, (寅恪案, 裹將紅淚灑 (寅恪案, 塔影園集 之晉」上 錢曾注本有學集 是。 學 塔影園 塔影園 横陳 雜佩以贈 錢曾注 諸天。 延及半 並塔影 嚼 集

趙管爲君訟冤,邑中士大夫謀爲君治喪葬。(寅恪案,近影得瀋陽市博物館所收羅振玉舊藏 號東澗遺老。 今而後宗伯語王黃門之言,爲信而有徵也。 河東君過訪半野堂小影並云美河東君傳此句「謀」作「課」,蓋誤。)宗伯門人顧苓曰,嗚呼! 初著染衣身體澀,乍抛稠髮頂門凉。(寅恪案,此二句各本均同,惟涵芬樓本異。 「話」亦作「話」,涵芬樓本及牧齋遺事本作「語」。 給事」, )縈煙飛絮三眠柳,颺盡春來未斷腸。」(寅恪案, 塔影園集此句下有「時癸卯秋也」五 塔影園集無「于」字。 一爲君求金」牧齋遺事同。 見前論河東君崇禎十四年冬留蘇州養疴條,茲不贅。) 至顧公燮消夏閑記摘抄下「柳如是」條, )明年五月二十四日(寅恪案,塔影園集無「二十四日」等字。)宗伯薨,族子錢曾等爲君 (寅恪案) 「甲辰七月七日」作「甲申閏六月七日」。「申」自是「辰」字之誤。 「閏六月七日」則取牧齋前七夕合歡詩意, 甲辰七月七日書於真孃墓下。 塔影園集「子」作「孫」。其實遵王乃牧齋之族曾孫也。 牧齋遺事「于」作「以」,可通。「八」作「七」誤。)宗伯子曰孫愛及壻 塔影園集作「求金于君」。是。)于六月二十八日自經死。 宗伯諱謙益,字受之。學者偁牧齋先生。 。(寅恪案,塔影園集「趙管」作「趙某」,「黄門」作 有「甲辰七月七日東海徐賓爲葬於貞娘墓下」等 恐非。)雨交灃浦何曾溼,風認巫山 皆可通也。「真孃」塔影園集作「貞 牧齋遺事作「族人」亦 「七月七日」或取陳鴻 晚年自 別有香。 餘詳前 (寅恪

八四六

此段文字特異者於後,讀者可取相參校也。其文云: 極意經營之作,必累加修改。故今日流傳之本未能一致, 注云「顧云美河東君傳墨跡, 又虞陽說苑甲編牧齋遺事附載顧云美河東君傳。 文字與此略異。 」前已述及, 其文與華笑廎本及塔影園本頗有 亦事 差異之處或是云美原稿, 理所當然。 茲因參考便利 異同, 蓋此 且傳 傳 乃 並 節錄 顧 後 附

歸。 之,不自得,生一女,既婚。 夫人陳氏 謝病歸。丁亥三月捕宗 乙酉五月之變,君勸宗伯死,奮身自沈水中,侍兒持之不得入。(中略。)是秋宗伯北行, 邑之士大 庚寅冬絳雲不戒於火, 君求金, 事解歸, 日懷故舊, 蹟見光 陳式事蹟見程嗣立水南先生遺集伍陳式傳。 尚無恙也。 緒 夫王 三十設帨, 要挾蜂湧, 修常昭合志稿 山川間 夢鼎陳 宗伯撰集列朝詩, 阻。 伯甚急, 宗伯和坡公御史臺寄妻韻以美之,至云:「從行赴難有賢妻。 式等爲君治 以六月廿七日自經死。 君則知子之來之, 延及半野堂, 癸卯秋下髮入道。(中略。)明年五月廿四日宗伯薨, 貳陸嚴惇傳 時君病, 喪葬。 君爲勘定閨秀一册。 附 力疾挈一囊,從刀鋩箭簇中, 圖書 父 靈巖儲 熊傳。 雜佩以贈之。 玩好, 長子孫愛與所生女暨宗伯門下嚴熊爲君訟 靈巖儲和尚即理洪儲。 和尚聞之日, Ŧ 盡爲煨燼。 夢 鼎 事 知子之順之, 戊子夏宗伯復繫白 蹟 善哉 見 宗伯隱居芙 同 書 !愧宗伯矣。 貢 寶東牧圉, 事 伍 雜 蹟見小腆紀傳伍 I 蓉 佩 夢 門, 以問 莊 (寅恪案 傳 族人錢曾 之。 附 抑鬱 判 畫夜不 時封 兄 年 始

致方外門南嶽和尚退翁傳。 顧苓 )嗚呼!宗伯諱謙益, 字受之, 學者稱牧齋先生, 亦稱虞山先生

云美此傳於弘光元年乙酉之前, 但今日考河東君本末者,其主要事蹟則不應概從刪削也。 即崇禎十七年甲申一歲間有關牧齋事, 茲約略論述之於下。 皆從闕如, 固文章體例使

初學集末附「甲申元日」七律云:

又記崇禎十七年。 自注云:「賊入長安。 千官萬國共朝天。 」)台墙兩兩見星聯。 偷兒假息潢池裏, 衰殘敢負蒼生望, 倖子魂銷樂水前。 自理東山 舊管絃。 天策紛紛憂帝

此集最後之壹捌,壹玖,及貳拾上下共四卷,爲東山詩集, 寅恪案, 初學集本迄於崇禎十六年癸未。 旣刻成之後, 附補此詩於後者, 遂以七八兩句結束之。前已論及。 其理由殆有三端。 大

句。 所以表見意旨所在也。三因集名東山, 顧云美塔影園集壹東澗遺老錢公別傳云: 實取義於河東君半野堂初贈詩「東山葱嶺莫辭從」之

因第肆句第陸句謂政敵周玉繩已死, 代其位者, 舍我其誰?謝安石東山再起,

正是此時。

特賦

此

崇禎庚辰辛巳間 趙 德 南校雠 延儒 金石, 再召, 不離易安之堂, 疑忌未消 公乃寄情聲伎, 蘇子瞻 不合時 宜 稍以 自汗。 獨出朝雲之口。 近陳平之婦人, 開馬

夫河東君嘗爲崇禎初年宰相周道登之**妾**, 以讒譖被逐, 幾至殺身, 乃其一生憾事。 牧齋爲當時之

動

妻有沮 塞河東君平 與東坡妾錢 蘇子瞻, 色, 不合時宜, 因以 生欲作裴柔之「興慶首行千命婦」之願望, 塘王朝雲之故事相符合。由是言之,牧齋賦此一詩於初學集東山詩 四 韻 曉之。 未躋相位。 雖世人習知, 然河 東君知之獨稔。 (見才調集伍及元氏 況又曾自稱楊朝, 長慶集漬漬 集之末, 字朝 初除浙東 蓋所以慰 雲,

又檢顧 公燮消夏 果 記 選存「錢牧齋」條略 云

日, 夫之領,學前朝, Z 酉 老大人許久未晤, 師 南 下, 錢率 取其寬。 先投降。 到底不覺老。 滿 (原注:「覺」與「閣」同音。 ) 錢默然。 矣。 諸 日 生 謂 郊 諸 生 日

俱保存原語 小領大袖 寅恪案, 寬領 與閣 之 狹袖之語, 牧齋在明朝不 服。 誠 同 」條之類。 讀, 甚得 殊 得躋相位 有風 其實。 蓋由記 趣。 他記 者距離明末清初已遠, 可參 降淸復不得爲「閣老」, 載或有誤倒領袖之寬狹者, 第 肆章 一論。烏 個頭髮, 懵於兩 雖稱 白個肉。 兩朝領袖」, 朝衣服 如牧齋遺 形式 節。 事「牧齋遊 所致耳。 終取笑於 顧 書 所 記 人, 顧 虎 丘 公燮 柳 可哀 兩 衣

牧齋於崇禎十

-七年甲

概從刪

削

故幾無痕迹可尋。 是有價值之史料也 申元日 」七律。 雖附補 袖依 檢有學集柒高會堂詩集「 )且藉以 時樣, 擬 詩於初學集之末, 入掌綸扉, 取其便。 快細 君胸中恩讐之微 不意授爲禮侍。 或笑曰, 贈雲間顧觀生秀才」(寅恪案, 以微見其東山再起之可 可謂 意也。 兩朝領袖 尋謝病 歸, 能性。 錢曾注本 但此 迎, 後諸

此題「間」誤作「開」,「秀」字下脫「才」字。)詩並序云:

難作矣。(寅恪案,錢注本「十九」下有「日」字。)顧秀才觀生實在貴陽幕下,與謀削藁。 結策應,畫疆分界,(寅恪案,錢注本「界」作「間」。)綽有成算。拜疏及國門,而三月十九之 已北援剿軍務,南參贊史公專理陪京兼制上游。特命余開府江浙,控扼海道。 崇禎甲申皖督貴陽公(寅恪案,錢注本此序「貴陽」均作「桂陽」。)抗疏經畫東南,請身任大江 局勢宛然, 許玠孚爲余言,始知之。請與相見。扁舟將發, 當憫予孤生皓首, 亦將爲之俯仰太息,無令泯沒於斯世也。 亦曾闌入局中, 備殘棋之一着, 而貴陽賓主苦心籌國, 明燈相對,撫今追昔,慨然有作。 丙申陽月八日漏下三鼓, 書於白龍 三方鼎立,連 楸枰已

書記蕭閒寸管霜。 東南建置畫封疆。 此夕明燈撫空局, 幕府推君借箸長。鈴索空教傳鐵鎖,泥丸誰與奠金湯。旌麾寂寞盈頭雪, 朔風殘漏兩茫茫。

朱緒曾編金陵詩徵肆壹「顧在觀」條云:

在觀字觀生,華亭人。居金陵。晚號東籬子。

此條下注云:

觀生爲楊文驄所引,入馬士英幕。 嘗言阮大鉞不可用。 士英不從。 大鋮欲起鉤黨之獄, 觀生

復使士 英子鑾泣諫, 賴以稍止。 南都亡, 歸守二頃, 復以逋 賦, 遂棄産 遁。 居金陵衡陽

终

字,三處皆作「桂陽」,必非傳寫偶誤所致。 寅恪案,今取牧齋此詩並序就涵芬樓有學集本與錢遵王注本相校,注本雖有譌脫,然「貴陽」二 本原文, M 挾掖廷南奔。」及「桂 「貴陽」作「桂陽」,以諱 不改作「貴陽 但未加 說明, 金鶴沖撰錢牧齋先生年譜, 陽 恐尙 亦嘆賞」等語, 飾其與瑶草之關係耶?觀有學集叁柒「蓮蕊居士傳」中「乙酉之亂, 不了解牧齋當日之苦心也。 可爲旁證。 蓋「桂陽」實指馬士英。 於崇禎十七年甲申 遵王在當日, 自知其師之微意, 又顧云 美東澗遺老錢公別傳云 條, 牧齋殆因「桂」「貴」古通, 亦作「桂陽」, 故仍用「桂 固沿用 桂陽相 遵 遂改 Ŧ 陽

鏑 鲖馬 騷動 中外, 江 南士民爲桑土計者, 欲叩 間援豫楚例 請以公備禦東南。 上亦於甲

申三月十一日

賜

環召公,

而遇

十九日之變。

寅恪案, 「甘陵錄牒寢, 錢曾有學集詩注肆 元祐黨碑 鐫。 絳雲餘燼 \_ 聯, 牧齋自注 集「哭稼軒留守相公詩一百十韻,用一千一百字。 云 」五言排律

余與君以甲申三月初十日同日賜環,邸報遂失傳。

即云美傳語 (十一日)己亥有 之所本。 但云美作「十一日」與牧齋自注相差 日。 檢國權壹佰崇禎十七年甲申三月

牧齋自注,

乃依明實錄所根據之材料計算也。

餘可參夏燮明通鑑玖拾「崇禎十七年三月庚寅

之記 錄懷宗實錄壹柒載:「三月己丑朔。」明史貳肆莊烈帝本紀載:「三月庚寅朔。」亦相差一日, 載。云美「賜環」之語, 與此有關。寅恪初未解牧齋自注, 何以與顧談不合之故。後又檢明實 始知

考異。 固極可嘉 至云美不著瑶草疏薦本末, 殊不知牧齋此次之起廢, 豈欲爲其師諱, 由於瑶草之推薦, 而避免 吕步舒之嫌疑耶?鄙意云美宅心忠厚, 實爲牧齋一生前後打成兩橛之關 鍵所在。

若諱言此點, 則於當日之情事, 不可通解矣。 檢明史叁佰捌奸臣傳馬士英傳略云:

馬士英貴陽人,萬曆四十四年與懷寧阮大鋮同中會試。 召。 南 流 禎]五年擢右僉都御史, 京, 賊 至, 惡大鋮 顧果, 與士英相結甚歡。 甚 吳縣楊廷樞, 作留 巡撫宣府。 都 防 亂 大鋮機敏猾賊, 蕪湖沈士柱, 揭 逐之。 坐遣戍, 大鋮懼, 餘姚黃宗羲, 有才藻。 流寓南京。 乃閉門謝客, 頗招納遊 又三年成進士授南京户部主事。 時大鍼名掛逆案,失職久廢, 鄞縣萬泰等皆復社中 俠, 獨與士英深相結。 爲談兵 説劍, 名士, 周 覬 以 延 方聚講 以避 邊才 儒 内

召, 失五城逮治。 大鋮沈吟久之。 大鋮輦金錢, 禮部侍郎王錫袞薦士英才, 曰,瑶草何如?瑶草士英別字也。 要之維揚, 求浦 濯 延儒 延儒從中主之,遂起兵部右侍郎兼右僉都御史, 日, 吾此行謬爲東林所推, 延儒許之。 十五年六月鳳陽總督高 子名在逆案 斗光以 可乎?

第 五 章 復明運動

總

如 是 別 傅

督

廬

鳳

等

處

軍

務。

據 此 瑶 草之起 廢, 由於 員 海, 而牧齋之起廢又由於瑶 草。 瑶 草旣 難不 與 圓 海發生 關係, 牧齋自 更

不能 始能 不 直接與 衝破 瑶 解 脱, 草, 間接與 未可 以是希望於熱中怯懦之牧齋也。 員 海 斷絕聯繫。 世情 人事 如鐵 苟明乎此, 鎖連 環, 密相銜接, 則牧齋旣 已是袁紹弦上之 惟有恬 淡 勇敢之

·之語乎?於是遂有云美「東澗遺老錢公別傳」所謂「前此異同

藩

棘

旦破

除, 非得已也。 上之語。 噫!

箭,

豈能

不作黃

祖腹中

廣, 揆席」條等。 小腆紀年附考捌順治元年甲 夏完淳續幸存錄「南都大略 申十月條(可 |中「錢謙益請用楊維垣」條及南沙三餘氏南明野史上「錢謙 參國權壹佰貳崇禎十七年八月丙子貢生朱統 獺 誣奏姜 益 心

解。 列 丁巳(初三日)明 四 事, 士英欲起 日 嚴內治 用 蔡奕琛 錢 謙 益 定廟算, 楊維垣, 疏 頌馬 振 士英功, 恐物論 紀 綱, 惜人才。其請定廟算也, 不容, 雪逆 案冤。 以 謙 益人望也, 謙益 以定策異議自 屬 薦之。 有云 :「先臣 危, 謙益 遂 乃 諂 孫承宗言, 阿 附馬 士英指 阮 以 以

疏

自

虞, 文統武 承宗之後, 此 專 極是 任武將之明效也。 馬 人弊端。 士 英 人耳。 臣觀三十年來, 」其請惜人才也, 先帝以楚事付左良 文臣出鎮專 \_ 玉 曰資幹濟。 征 而 舊 鮮不覆敗。 疆 恢 復, 今天下非才乏也, 以 其綽 閩 事付 有成算, 鄭芝 龍, 分門 克奏膚功者 户, 而 嶺 競愛 海

笑之。 攻臣, 隙, 某者 逆施之舉, 周昌晉,乞下部詳察錄用,許其自新,亦渙羣破黨之一端也。 殘剝落之秋, 憎,修思怨, 臣蕭曰, 奕琛見中有「魁壘男子」語, 上下在手。陛下既以贊導無據, 可惜者, 馮元颺及某某者, 皆慷慨魁壘男子也。 斷送君父, 固當先國家之急而後私仇, 臣心知其誤, 端委廟堂, 特書何?罪謙益之無恥也。 科臣陶宗道, 勢利薰心, 即其胸中了然,如喑者之不能言,魘者之不能寐,有物以限之也。今人才當摧 以真心愛惜, 何忍復師其故智。 疏穢鎮浮之選也。 有公望著聞者, 謀國任事,急病攘夷之選也。 **固已釋然置之矣。天下多事,將伯助予。** 廉恥道喪, 楊兆升及某某之流也。二曰雪冤滯。欽定逆案諸臣, 」疏數千言, ,則不喜,颺言於朝曰:「我自宜錄用, 以公心搜訪,庶可共濟時艱。臣所知者,有英穎特達如蔡奕琛, 況臣本無仇於奕琛乎?臣親見門户諸臣, 拔阮大鋮而用之矣。若虞廷陛、楊維垣, 虞大復, 吳孔嘉, , 蓋自漢唐以來, 文人之晚節莫蓋, 且他日獨不思見先帝於九原乎?逆案之賈繼 謙益謬附東林,以爲名高, 煩猥不盡錄。 有老成典型如唐世濟, 大旨在頌馬士英功, 詞臣余煌 中流遇風, 」又云:「蔡奕琛曾以復社抗疏 既以患得患失之心, 道臣陳洪謐之流也。 何藉某之薦贖誚我?」聞者 無如謙益之甚者。 范鳳翼, 雪逆案諸臣 吳越相濟。 植黨營私, 未免軒輊有心, 春, 鄒之麟及某 果有嫌 冤 阮大鋮 斷送社 爲倒行 有淪落

純廟

而

第五章

復明運動

毁 其 書 謂 不足 齒於 人類。 蓋 以 爲有文無行 者戒

或 権壹佰叁崇禎 + 七年 十月戊午(初 四日) 記「南京 協 理 詹 事 府禮部尚書 錢 謙益上言」條云:

之。

謙 益 顗 相 位 E 逢 馬 阮意游 宴, 闡 者鄙

書 壹 佰 肆 弘光元 年正 月辛丑 條 云

援 南 京 吏 而 奕 部 琛 左 以 侍 誠 郎 意 蔡 侯 奕琛 劉 孔 兼 昭 東 薦 閣 得之。 大 學. 士, 大 鋮築堡 直 文 淵 江 閣 上 枚卜 聞之 時, 馳 還 錢 謙 怒馬 益 阮 士 大 英 鋮 李 無及。 沾 各 有

人欣 派。 作自解之語 凊 寅恪案, 高宗欲 賞不置。 牧齋自崇禎 毁 彝 滅 舟 牧齋文字, 所引 吾人今日 庶発違旨之嫌也。 晚 牧齋上 年 至 凊 讀 順 不 疏 史, 使流 原 治 末 文較孺木爲詳, 應注意其 歲, 傳, 細繹牧齋此 約二十 徐氏著書時 所言馬 疏 餘 年, 因全 1 措 禁網已 英左良玉 一錄之。 解 前後欲 巧 妙, )稍疏 依賴 至其 鄭芝龍 內容固 痛 利 然以特錄錢 用 詆 極 牧齋之言, 此三人以 節, 鄙。 蓋此三人乃當 氏 作 若就文章論 原 政治 古 疏之故, 是事 活 實。 動 時 仍 之實 雖 則 不 但 殊令 終 得 亦

無

力

因

淑 此 所 成 數 其 語 然亦 故 最 雖 能 如 口 道 藉 東 出 澗 是窺見 牧齋及 遺 老 明 別 河 傳 清 東 間 所言 君 政 心 治軍 事。 東 林 事 但 以國 關鍵之所在矣。 河 東君僅得 本爲 終始, 爲 汧 M 孺 國夫人之李 公與 木 謂 東林爲終始 謙 益 覬 娃 相位 M 終 不 然尚 -得作 逢 未 馬 加 窮溯 阮意 東 郡 其 游 君之裴 宴。 淵

遂亦 未 虚 通 其 本末也。 史惇慟餘雜記「東林 緣起 」條云

切諫,

令爲帝草罪己御札,

又召帝長跪數其過。

帝涕泣

請改乃已。

[萬曆]六年帝

大婚

太

東林之局, 加 嚴 譴 始於神廟寵鄭 望風 貴妃, 有母愛子抱之意, 競起, 以 而 一二賢者, 且欲結 杯蛇弓影, 知東宮 形諸 以 爲 章奏, 乃神

寅恪案, 不 少時讀史見所述東林本末頗多, 者遂疑真有其事而 大抵與 《顧史兩氏之言無甚差異。 欲因 爲名高 故僅擇錄 一二條。 厚利 聊見

材料於下。

謂「國本」開始,

殊不足說明後來南都政局之演變,

梗概而已, 不遑亦不必廣徵也。

近歲偶檢明史,

始悟昔人所論,只從光宗與福王競爭皇位

即所

似有更上一層樓之必要,

茲節錄明史最有關之

明史壹壹肆后妃傳孝定李太后傳略云:

酒 號 太后教帝頗 皇太后, 時太監 孝定李太后神宗生母也。 曰慈聖皇太后。 令内 馮 侍歌新 始無別矣。 保欲媚貴妃, 陳氏乃穆宗爲裕王時之繼妃, 嚴。 聲, 帝事 舊制天子立, 辭不能 太后惟謹 仁聖居慈慶宮, 因以並尊風大學士張居正下廷臣議。 漷縣 取劍擊之。 人。 尊皇后爲皇太后。 而諸内臣 侍穆宗於裕 慈聖居慈寧宮。 隆慶元年册爲皇后。 左右 奉太后旨者, 勸解, 邸。 若有生母稱太后者, 隆慶元年三月封貴妃。 乃戲 居正請太后視帝起居, 往往挾持太過。 割其 實神宗之嫡母也。 髮。 尊皇后(陳氏)曰仁聖皇太后, 翼 日 太后 帝嘗· 則 加徽號以 (神宗)即位, 聞 在西城 乃徙居乾清宮。 ) 貴妃 曰慈聖 傳 曲宴, 別之。 語 居正 上尊 被 具

后問 之 力居多。 几之誼。 后將返 日 明年, 都 故。 慈寧宮, 太 帝 光宗之未册 四十二年二月崩。 以祝太后 后 自 亦 彼都 由宮人 敕居正 誕 爲 立也, 人子也。 進 解。 日, 故云。 給事 太后 后性 吾不能視皇帝朝夕, 太后大 嚴明 E 中姜應麟等 光宗 怒 吾潞王亦可來上壽乎? 由是 萬曆 日 初政, 得 爾亦都 疏 立。 請 先生親受先帝付託 人子。 被謫。 翠臣 委任張 請 居正, 福 太后 帝惶恐伏地 貴妃 E 之 聞 乃不 之, 藩 綜覈名實, 弗 ·敢留 其朝夕 行 不 敢起。 有日 善。 福 矣, 王。 納 幾於富強, 日 誨, 蓋 帝 内 鄭 終先 貴 廷 入侍 呼 妃 后之 欲 宮人 帝 遲 太

口 書同卷孝婧 王太后 傳云

故。 社福 靖王太后光宗生母也。 貴妃生皇三子, 抉鑰 三十 也。 語及之, 必有賞養 母 四年元孫生, 以 八子貴, 帝不應。 妃目眚, 文書房内侍記年月及所賜 進 封皇 寧分差等耶?[萬曆]十年四 慈聖命取内起居注示帝, 加慈聖 一貴妃, 初爲慈寧宮宮人。 徽 號 而 而 恭妃不 始 日, 進 封皇貴妃。 進封。 以爲驗。 年長矣, 兒長大如此, E 月封恭妃。 二十九年 好語曰, 時帝諱之, 帝過慈寧, 四十 年 我死何恨?遂 册 病 Л 吾老矣, 立皇長子爲 革, 月光宗 故左右無 私幸之, 光宗 生, 猶未 請旨 言者。 皇太 有身。 是爲 有 孫, 得 子 往 皇 長子。 故事 果男者 H 仍 宮門 侍 不 宮中承 慈 封 既 如 宗 聖 而

口口 書壹貳拾諸王傳潞簡 Ŧ 郊鏐傳略云

而

手光宗

衣

泣

第五章 復明運動

伎

居京邸, 潞簡王翊鏐穆宗第四子。 王店王莊徧畿内。 隆慶二年生,生四歲而封。萬曆十七年之藩衞輝。初翊鏐以帝母弟 比之藩, 悉以還官,遂以内臣司之。皇店皇莊自此益侈。 翊鏐居

地曠 藩, 多請贖田食鹽,無不應者 其後福藩遂緣爲故事。景王[載圳]就藩時, 多閒 田。 韶悉予之。景藩除, 潞得景故籍田, 多至四 萬頃, 部臣無以難。 賜予槩裁省 至福王常洵

之國, 云。 翊鏐好文。 版籍 更定, 四十二年薨。 民力益絀, 尺寸皆奪之民間, 四十六年常淓嗣。 後賊躪中州, 海内騷然。 論者推原事始, 常淓流寓於杭 頗以翊鏐爲 順治二年六月 口 實

降於我大清。

書同卷福恭王常洵傳略云:

ī

福恭王常洵神宗第三子。

初,王皇后無子,

王妃生長子,是爲光宗。常洵次之,母鄭貴妃最

秋七月由松襲封。 英等迎由松入南 之。〔萬曆〕二十九年始立光宗爲太子, 帝久不立太子, 京。 明年三月京師失守, 中外疑貴妃謀立己子, 庚寅 稱監國。 壬寅自立於南京 由松與潞王常涛, 而封常洵 交章言其事, 福王。 僞 至四十二年始令就藩。 (崇禎)十六年 號弘光。 俱避 竄謫相踵,而言者不止,帝深厭苦 賊 至淮安。 由松性 闇 四月鳳陽總督馬士 弱, 湛 於 酒 色聲

帝太子,下之獄。又有婦童氏, 委任士英及士英黨阮大鋮。 二人日以鬻官爵, 自稱由松妃,亦下獄。於是中外譁然。明年三月寧南侯左良 報私憾爲事。未幾有王之明者, 詐稱

莊

烈

1 Ħ. 1

是年五 玉 城 舉 兵 月己 武 文武官出降。 昌 1 渡 以 救太 江。 辛卯 子, 丙午 誅士 執 夜 由松至 由松走太平, 一英爲 一南京。 名, 順 九月 蓋趨 流 東下。 甲 得 寅 功 以 軍 阮 大鋮 歸 也。 京 黄得 師 癸 E 功等 由 松至蕪 帥 師 湖。 禦之, 丙 申 而 大兵 我 大 至 清 南 兵 以

宗。 繼承權一 肖, 統 子, 母 心也。 是言之, E 寅恪案, Ŧ 與 所 替代。 外人 福王 常淓之血 必致之情 淓之親 純 不及 由 一常洵 其 馬 光宗生母 其 舊題 阮 潞 由崧之合法 難 旭 祖 生母 統與熹宗思宗共出於穆宗。 Ŧ 母 之擁立由崧 察 事 母 李 也。 翊 知 即李太后。 東 鏐 太后之 王太后 梅 雖俱 就昔 亦李太后所生, 至若常淓 村野 」、飲食 壓 非 時 史 至認 力 乃其 正 實爲合法。 繼 此 鹿 使然。 嫡 之爲 東林 承 樵紀聞 童氏 祖 權 但常 团 所以 論 人, 爲 與 李太后享 (光宗血 值 東 洵 即神宗生母 必需 自當以 或優於由崧。 林諸 故兩 兩 福 之生母, 太子 E 擁戴之以 者相 親 车 繼 賢往往 親疏 妃者 最近。 條 頗 較 長, 其出 李太后之宮人。李太后亦是宮人出身。 及 爲 有 然生於 標準。 與 常淓之皇帝繼 兩 認王之明爲眞 故光宗遂能 身遠勝於光宗之生母。 蓋 由是言之, 福 欲 疑 E 藉 案 深 由崧 由崧之血 此 條 宮之中, 韓 所 相 證弘 東林者, 維持其太子之地 載 抵抗。 太子 承 統 光 權 長 慈 野 爲 於 與 李太后 斯 烺 史氏 較 假 婦人之手, 熹宗思宗共 歷史背景, 由崧 者 光宗所以 福 E 之黨也。 位 殆亦 疏 遠 余聞 似 亦 得 知 m 光宗生 出 常 級 其 恩 立 不 於 賢 忽 悲 淓之 爲 爲 嗣

稱崇禎

又稱齊王,

繼復稱神宗子,

因宮闈有隙,

寄育民間

長

而爲僧。

其言詭

誕

不

足信

用

據

神

動

時畿 全 知 無瓜 其決非妖僧也。童氏之爲繼妃, 東 意也。 詩 有 隆準幾曾生大耳, 餘姚黃宗羲, 桐城錢 可哀猶自唱 秉鐙 爲司寢, 皆以福王爲李件讀,非朱氏子也, I無愁。 爲淮上私奔,亦未可定。 白門半 載迷朱李, 然知其決非周王婦, 青史千年紀馬牛。 而童氏 乃眞 妃。 說者又謂 與 故當 福 E

發此怪論。 疑焉。 東 有 林復 非宗藩本人自撰 社 」)昔年嘗見王船山之書, 之事, 後來細思之, 朱明一代, 深憾馬阮, 而倩門客書傭代爲者。 故造此謗, 痛詆曹子建, 宗藩固多賢者, 似矣。 薑齋指桑罵槐, 以爲陳思王之詩文, 然觀童氏之哭求 其著述亦甚豐富 殆由於此耶?然則常淓果優於由 見 皆其門客所代作, 而不可得, 儻詳悉檢察稽考, 後之人猶不能 殊不 其中 解何 一級與 無

否 **猶待證實**。 年天子小 朝廷。 東林愛憎之口, 遺恨虚 傳覆典 未必盡可 刑。 信據。 豈有 庭花歌 有學集捌長干塔光集「一年」七律云 後閣, 也無杯酒 勸 長星。 吹唇沸 地 狐 力,

參互比 牧齋此詩 較, 面 呼 所 水 風 蜮 平允之論也。 古 鬼 是 靈。 偏 (寅恪案,「蜮」錢曾 袒弘光之辭, 華笑廎 雜筆壹「黃梨洲先生批錢詩殘本」條, 但亦應取與東林黨人之記載 注本作「羯」, 是。) 奸佞不隨京维 以由 一級馬 盡 年詩 天下之惡皆歸 尚 流餘毒 批云: 螫 丹

然則, 梨洲以牧齋此律 片爲詩 史,則其意亦不盡以弘光爲非, 可以窺見矣。 又關於阮大鍼王

一年,

久將滅沒,

存此作詩史可也。

就鄙見所及, 略述數語。 圓海人品, 史有定評, 不待多論。 往歲讀詠懷堂集, 頗喜之, 以爲

少年 故。 絲闌 兵, 春 局, 斯之書法俱爲當時之絕藝也。 以爲言。 斤以十七年合算一疏, 璫亦無實指 統之教訓 分別主 事不如杯 可與嚴惟中之鈐山, (寅恪檢明季稗史本夏完淳續幸存錄「南都雜志」中「阮圓海之意」條云:「 燈謎二 王曰 益 寫 恐燕子箋 似亦持之太急, 附 不可 在手, 曲 所作 又夏燮明通鑑附 收拾矣。 梨園 不 輕重定 春 尤推佳作。 持論太苛 敢作怨懟司 燕子 燈謎未見枕上之陰符而 殊少佳者。 罪之律, 年幾見月當頭?旁注:東閣大學士王鐸奉敕書云。 箋 夫天啓亂政, 王修微之樾館 雜劇 杜絕其悔改自新之路, 爲楊左之通王安, (寅恪案, 釀成奇禍 編壹附記壹下大清世祖章皇 進之。 馬氏之王偉元, 贊周 泣曰, 阮氏之罪, )其痛陳錯認之意, 歲將暮, 兩集, 應以朱由 張岱 不可 當從末減。 奴以陛下或思皇考先帝, 袖中之黃 石 同是有明一代詩什之佼佼者, 謂非君子之過。 呈秀之通忠賢, 貴 而斤斤計較, 兵報迭至。 「校魏忠賢爲魁首, 竟以「防亂」爲言, 書後集肆 石也。 情解可 黃梨洲乃明清之際博雅 王一日在宫, 帝順治元年十二月辛巳條 捌阮大鋮傳, 」亦足證當 集矢於圓海, 憫。 阮之阿 同爲通內。 此固文人文過節 集之不過 遂釀成讐怨報復 璫, 乃作此想耶?時宮中 B 引羅萬象奏言:「 愀然不樂。 阮 原爲 」亦可旁證 遂犯君子之忌。 斯殆時代 氏 圓海原有小人之才, 至所著諸劇 趨勢羣 枉案。 兩 通儒 劇 本盛 非 之巨 1 云 之舉動 中 之伎 ++ 中 限人之一 圓 一:「阮 官 擘, 行, 之一人。 海之戲 本 大鍼 年田 ·楹句 韓 Ė, 倆 若目以阿 然囿 贊 大 故 燕子箋 例 劇 萬 野, 或 但 有 周 實 鋮 東林 Ħ 歟? 於傳 揆以 請 以 象 未

其

知

第五章 復明運

大學士,

直文淵閣。

時同推前禮部右侍郎陳子壯,

少詹事黃道周,

右庶子徐汧,

而

監

國故與

涉上文「十七年田野」之語而衍也。)後來永曆延平傾覆亡逝,太冲撰「明夷待訪錄」, 烏能冤其反擊乎?」存古之論, 頗爲公允。至「十七年合算一疏」之「十」字應刪去, 自命 蓋 爲殷箕 寫刻者

子, 雖不同於嵇延祖, 但以清聖祖比周武王, 豈不愧對「關中大儒」之李二曲耶? 惜哉

銘」。)當崇禎十七年三月北京岌岌不可終日之時,錢王二人同時起用,思宗之意似欲使之治國治 王覺斯者,明末淸初之大藝術家。牧齋爲王氏作墓誌銘盛稱其書法,而有關政治諸事, 不僅爲之諱,亦以王氏之所長,實在於此故也。(見有學集叁拾「故宮保大學士孟津王公墓誌 多從省

治二年五 月〕丙申多鐸師至南京, 故明福王朱由崧及大學士馬士英遁走太平。 忻城伯趙之

誠可歎可笑也。清史稿肆世祖本紀云:

軍以振危亡之局,

大學士王鐸, 禮部尚書錢謙益等三十一人以城迎降。

夫此文官班首王錢二人, 俱是當時藝術文學大家。太平之世, 固爲潤色鴻業之高才,

但危亡之

時, 牧齋終未列揆席, 五月二人之迎降, 則舍迎降敵師外,恐別無見長之處。崇禎十七年三月二人之起用,可謂任非其材。 蓋亦有特殊理由。 則得其所矣。茲有一事可注意者,即二人在明季俱負盛名,覺斯果位躋宰輔 國権壹佰壹崇禎十七年五月條云: 弘光元年

癸巳南京詹事兼翰林院侍讀學士姜 一日廣 前禮部尚書兼翰林院學士 王鐸 並 爲 禮部 尚 兼 東 閣

八六一

鐸有舊。

同書同卷崇禎十七年十月乙卯朔條云:

I 庸王無黨世授南 京錦衣衛指揮僉事。 俱大學士王鐸子。 以舟渡慈鑾也。

條, 關。 遊記小說之猪 之黨與鄭貴妃福王之黨, 據此覺斯之得爲宰相, 一月癸未「明僧大悲伏誅」條並夏完淳續幸存錄「南都大略」中「妖僧大悲」條等。 大悲之獄, 牧齋亦被牽連(見鹿樵紀聞上福王條下, 小腆紀年附考捌順治 八戒, 即是其例。 由於與由崧有舊。 其分野恩怨始終不變。 :元年甲申十二月己巳「明下狂僧大悲於鎭撫司」條及同 聾騃道人(見金氏錢牧齋先生年譜首。)往往以老歸空門自許, 牧齋之不得爲宰相, 牧齋之未躋宰輔乃佛教「中陰身錯投母胎」, 國権壹佰叁崇禎十七年甲 由於與東林即 主立 書玖 故知李太后 申 路王常淓者有 順 十二月 治二年 如西 光宗 之酉 丙 儻 寅

亦通解此妙諦耶?

七年首夏, 第叁章引玉 河東君將偕牧齋自常熟往南京翊戴弘光之時。 臺畫史載黃媛介畫扇題有「甲申夏日寫於東山 閣」之語, 茲更據國權壹佰壹崇禎十七年四月條略 因論皆令作畫之際似 在 崇禎

丙戌(廿九日)福王至燕子磯。甲申(廿七日)史可法迎[福王]於邵伯鎮。

云:

## 丁亥(卅日)福王次龍江關。

五月條略云:

庚寅(初三日)福王監國。

六月條云:

壬寅(十五日)監國福王即皇帝位於武英殿。

壬戌(初六日)錢謙益爲南京禮部尚書,

兼翰林院侍讀學士、

協理詹事府。

同書卷首之三部院上南京禮部尚書欄載:

甲申崑山顧錫疇□□□□進士,五月任,

署吏部。

弘光實錄鈔壹崇禎十七年甲申條略云:

(五月)乙卯召陳子壯爲禮部尚書。

[六月]辛酉起錢謙益協理詹事府事, [六月]丙子禮部尚書顧錫畴上言, 刻期進取。

禮部尚書。

同書貳崇禎十七年甲申條云:

[九月]甲辰起黃道周爲禮部尚書,

兼侍讀學士,

協理詹事府事。

第五章 同書叁弘光元年乙酉條云: 復明運動

八六四

(二月)己巳禮部 尚書 顧 錫 疇 致仕, 以錢謙 益代之。

明史貳伍伍黃道 周 傳 略 云

法擁立潞王耶?乃不得已趨朝。 福 王監 國, 用道 周 吏部左侍郎。 道周不欲出, 拜禮部 尚書, 馬士英諷之曰, 協理詹事府事, 人望在公,公不起,欲從史可 而朝政日非, 大臣 相繼去國

識 者知其將亡矣。 明年三月遺祭告禹 陵。 甫竣 事, 南都亡。

王也。 後。 缺。 知。 綜合推計之, 壹肆夏允彝幸存錄云:「錢謙益雖家居, 而以錢代顧。 所以不以石齋補顧氏原缺者, 考當時原任禮部尚書爲顧錫疇, (見下引臥子「薦舉 餘見下所論。 至牧齋是否在此以前, 則錢柳二 關於錢柳同往南京事, 人才疏 人同由常熟赴 近批語。 因漳浦求去之志已堅, 獨往南京, 然後還家坐待新命, 顧氏署吏部, )其所以赴任之理由, 南京之時 往來江上, 舊籍有 間 至弘光元年乙酉二月致仕, 涉及此時之記載, 當在甲 亦意在潞藩。 藉故出都, 申七月 或與 〈黃道周被迫之情勢相同 」然則牧齋似曾至 廿五日 茲擇 尙俟詳檢。 馬阮輩知之甚審 福 引數條, 王 催其速赴· 牧齋乃補 據明季稗史初編 金陵, 略辨之於下。 南京 其 遂不以黃 謀立 原 亦 任以 未 任

實

口

潞

鹿樵紀聞 上(參趙祖銘 國朝文獻邁古錄貳拾。 略云 服妖也。

明季 ,稗史初編壹陸夏完淳續幸存錄「南都雜志 先是錢謙 益 入都, 其妾柳如是我服控馬 」條(參南明野史上「起錢謙益陳子壯, 挿 装 雉尾, 作昭 君出塞狀。

轉黃道周,

但不願爲王昭君,

殊堪欽服也。

禮部尙書」條等。)云:

錢 謙 益家妓 爲 妻者柳隱, 冠挿雉 羽, 戎服騎入 國門, 如明妃出塞狀。

(寅恪案,

昭君出塞之

九五七年戲劇報第拾期封面尚小雲漢明妃圖。

牧齋遺事云:

裝束,

可參

弘光僭立, 牧翁應召, 柳夫人從之。 道出丹陽, 同車攜手,或令柳策蹇驢, 而己隨其後。 私

。」邑中遂傳錢令柳扮昭君妝,

炫煌道路。

吁!

衆口

古

可畏

也。

語柳日

:「此一幅昭君出塞圖也。

然則, 遷, 捌長干墖光集「雞人」七律「刺閨痛惜飛章罷」句下自注云:「余力請援揚,上深然之。 州危急之時, 自出督兵, 仇人怨家, 河東君亦可偕行, 錢柳自常熟至南京, 蒙溫旨慰留而罷。」)故河東君雖願作梁紅玉而不能。 藉爲詆誚之資。 牧齋自請督師, 但終留江南。 遺事之言, 道出丹陽時, 河東君應可隨行。然弘光不許牧齋作韓世忠,(見錢曾有學集詩注 故河 最爲近情。其他如吳夏諸書所記, 得意忘形, !東君雖可作漢明妃而不願。 偶一作此遊戲, 迨南都傾覆之後, 亦有可能, 其未能作梁紅 殊不足信也。 遂致衆口 玉, 牧齋隨例北 已而抗疏請 噫 誠是遺 譌傳,

吳偉業辛未會元榜眼 薄有才名, 詩詞佳甚。 然與人言, 如夢語囈語, 多不可了。 余久知其

又檢林時對荷牐叢談叁「鼎甲不足貴」條

云:

傳

ハ六六

往。 謎 じい 褫職 滿 人詗 鼎 革 後, 知 投入 而 以 死。 拜 土 謁 所謂 撫 爲 名, 國 身名交敗, 寶 幕, 直 造 内 執 室, 黄 非 爲 恣意 耶 門 生, 宣 受其 淫 受辱 題 薦 不 堪, 復 入詞林。 告 假 而 歸。 未有子, 又 以 錢 多 攜 糧 奏 姬 妾以 銷

憤

之情況。 寅恪案, 窘之狀歟 林氏之語 河東君之獨 渦 留 偏 南 中, 未可 固由 盡信 於心懷復楚報韓之志業, 然藉 此亦得窺見當建州入關之初, 但其 人聰明 絕世, 北京漢族士大夫受其 似亦 懸知繭 翁 所 凌辱

自崇禎 生最榮顯之時 十七年五 月十五日 間 也。 至次年, 牧齋投筆 即弘光元年五 集 -一後秋興之三、八月初 月十五 日, 此一 十日 /[\ 年天子小 舟夜渡, 朝廷」之歲月, 惜別而 作 八首之二 實 河

東

梅村困

君者亦有數事 幾曾銀浦(「浦 」似應作「漢」。 茲略述之於下。 共仙 槎」句, 蓋惜河 東君得意之時間甚短也。 關於此 時 間 涉 及 泂

計六奇明季北 略貳 肆 五 朝大事總論中, 門戶 、大略「韓錢王鄒才旣相伯仲」條 (参南明野 史上 起

益 陳子壯轉黃道 聲 色自 周各禮 娛 部 尙 末 路 . 書」條等。 失節, 既 云 投阮 大 鋮 而 以 其 、妾柳 氏 出 爲 奉 酒。 阮 贈 以 珠 冠 頂

價

值

寅恪案, 千金。 前引談孺 錢 令 柳 姬 木之言謂 謝 阮 F 謙 命移 盆覬相位 席 近 阮。 日逢馬阮意遊宴, 其 醜 狀令人欲 嘔。 聞者鄙之。 嗟 乎 相 鼠 」牧齋與 有 體 馬 錢 阮 胡 遊宴, 獨 不 闡

宴, 當然之事。 河東君自多參預, 頗疑錢阮二人遊宴尤密, 此亦情勢所必至。 蓋兩人皆是當日文學天才, 圓海乃當日編曲名手, 氣類相近故也。 世所推服。 鹿樵紀聞上「馬阮 牧齋旣與圓 海遊 始

末」條云:

省吳音

則改

八唱七

陽腔

諸公於是點

頭

稱

善

日

阮

君具

才子。

諸公故聞 其有春燈謎燕子箋 諸 劇 本, 問 能自 度 曲 否 ? 即 起執 板 頓足而唱, 諸 公多北 不

中諸詞 據此集之不 絲吹竹之樂。 可作南都禮部尙書官署中招宴阮氏之綺席寫照矣。 頗有似 僅能製 但歌唱音樂牧齋乃門外漢, 曲 者, 曲 如西 且能 度曲。 河柳」之類 河東君之能度曲 白香山 即是例 證。 [新樂府杏爲梁篇云:「心是主人身是客」] 圓海珠冠之贈, 自不待言, 然則牧齋招宴圓海筵上, 前多論及, 實爲表達賞音知己之意, 不必復贅。 柳阮二人, 觀 語 民戊寅草 必極 於情 彈

夫牧齋雖 殊應如此 善編 劇 度 然牧齋此際 曲 然最擅長詩什。 則不免有向隅之歎也 其與 圓 海遊宴所 賦篇章 應亦 不少。 河東君想亦間

有酬和

藁。 不確耳。 所謂「詩」者, 阮氏之作。 |所謂「文」者, 牧齋之刪棄此時作品, 前引牧齋「題爲 即興 (圓海等所賦 即甲 申 十月丁巳日所上「嚴 黃子羽書詩册」云:「余自 篇章之類。 雖可掩飾其醜行, 間 有應 內治, 但河東君之詩篇流傳於天壤間者 甲 語, 定廟 申後, 算, 其「應酬 發誓不作詩文。 振紀 綱 固是 惜 人 事 才。 實 間 有 應 m 兀 酬 間 轉因是 事 有」則恐 疏之類。 都 更減 不 削

動

部分, 殊可惜也。

章論 在此 時 洄 間 東君與 內錢 李待問之關 柳 二人除與 係節, 馬阮遊玩外, 已引王 一震虞 尚有招宴當日名士, 山柳枝詞第陸首及自注並其他有關李氏事 即河東君舊交一事, 最堪注意。 蹟諸 讀

取 不 重 述。 但存我在明南都 時 爲中書舍人。 前所引

史料,

雖已言及之,

至其

何

時 始

口

參閱,

茲

李待問

南

直

華亭人。

崇禎癸未進

士。

甲

申

北

變,

以

歸

弘光登

極

待問

之南

南 都 則未 能 確 知。 檢張岱 石 匱 書後 集 叁肆 江南 死義 里不及難。 列 傳李待問 傳 云

我之離南都 南都 乃在弘光元年五 繼陷, 逃至松江。 日前後也。 王勝時所述牧齋招宴存我,

是存 事 究在 何 時, 尙待考證。 月十五 又檢宋尚木含真堂集陸有:「元宵同陳實庵太史集錢宗 河東君遣婢送還 伯際

張燈陳樂, 疎 鐘 觀 漏 思 魚 龍之戲。 冥 冥。 盡 上. 醉 芳筵 E 暮 情。 葭谷漸 回 春 乍 暖 金吾不 禁月 偏 明。 星 橋 匝 樹 連 銀

寅恪案, 陳美發。 陳 實 今檢乾隆修紹 庵太史者, 陳忠裕 興府志叁壹選 公全集壹 舉志貳進士 柒 湘 眞 閣 集「洲陳實菴翰 |欄明崇禎元年戊辰科劉若宰榜云: 林」七 律附 考證 據紹興府志疑實

上虞人。

吹笙

跨

玉京。

莫道

上

林 誇

角

觝

大官俱

得

戲

長

考證所言, 當即出此。 又檢光緒修上虞縣志玖陳烟傳云:

庶吉士。 辛未(四年) 陞檢討, 分校禮聞, 字木生。 德。 幼奇穎, 善屬文。 臣, 廷議 天啓丁卯(七年)舉人,戊辰(崇禎元年)進士, 稱得士, 非祖 制, 事寢。 晉東宮日講官。 奉敕封藩。 丁外艱, 歸里, 特恩賜 卒, 年三十九。 授翰林院 服関

熙志)美發與 族父達生 族弟元 暎 時 稱陳氏 三鳳。

赴都,

轉翰

林諭

時

會推

閣

以

但美發是否號實菴, 與尙木爲天啓丁卯科舉人同年也。 陳實菴太史」, 乃陳于鼎。其名號「鼎」與「實」有相關之意。其官職與太史又相符合, 未見明文, 且傳文所記甚簡略, (參光緒修華亭縣志壹貳選舉上舉人表。)或疑尙木詩題所 或有所忌諱, 尚須詳考。 若果是實菴者, 且陳臥子兵 則

樂, 亦有 詩題下莊師洛之考證, 垣奏議上「薦舉人才疏」有「庶吉士陳于鼎, 所謂「小王八」者, 觀魚龍之戲, 賦此 題之詩, 是也。 如是盛會 遂語及之耳。 未必確切。 尚木詩題中僅言弘光元年元夕與實庵同 所招之客, 于鼎事蹟見小腆紀傳陸叁本傳。其人即下引林時對荷牐叢談 讓木此時與存我同爲中書舍人(見下論。)又同爲松江籍 絕不止陳宋二人。 英姿壯志。 之語。 讓木不過學實 故此說殊有可能。 集牧齋齋中, 庵以概其餘。 然此 。由是 夕旣是 之觀之, 或者實庵 張燈陳 臥子 更俱

動

是河東君舊友。

揆以物以類聚之義,

牧齋此夕頗有招宴存我之可能。

河東君若以女主人身分,

親出陪客,

且持此紀念品面

問郎玉篆之送還,

恐即

在此

蓋預宴者既甚多,

依當日禮俗之限制,

傳

第叁 交問 章 郎 論 在 加 東 河 君 東 君 居 松 方 江 面 時 雖 最密切之友 可 不 -介意, 人爲宋 在牧 、轅文, 流無方 面 李存 則 我 難 発 陳 有 臥 所 子。 顧 忌, 當錢 故遣 柳 南都得 雙鬟代 送 意之際, 耶 俟 考。

在何 份 無 確 證。 據陳忠裕公全集 貢 陸「三子詩 選序 略 云

三子 請急 者 何? 還 里。 李子 宋子 雯宋 閒 子 居, 徴 奥 則 及不 梓三人之詩 ·佞子 龍 也。 爲 今天 集, 子 大率 起 淮 皆 甸 庚 辰 都 以 金 後之 陵, 作 東 也 南 底 定。 子 λ

備

侍

亥, 子龍 等, 並 而其 雲 新 九 詳 間 不 年 露 或 臣民 內 堂 不 子新詩合稿 権 得 子 集 壹 也。 哭臨 序 M 佰 中 知。 青 特 崇禎 Z (今峭 附 服除 陸 一丙之 IE 轅文「野 1 之於此。 M 帆 七年 際 作。 樓 爲 叢 甲 哭」題下 順 及同 書 申 治二年 但 重 DI. 月丁 校刻 書 泂 自注云:「五 東 捌「聞吳大將軍 之西, 雲間 君 丑、吳三 早 三子新詩合稿 與 三年 轅 桂大破賊 文絕交, 月 丙 初 卒 戌。 關 H 於關 寧兵以 其實宋序之「乙丙 假使 Ŧ 始聞三 一培孫 內 此 東西二 條。 一月十 時 植 善序, 在 南 九 П 虜大破李賊 事 略 誤 見轅文 乃 亦 以 越 指 宋 數 必 崇 與 徵 日 此 志 錢 禎 壁 喜一 時 始得 所 柳 不 年 撰 律 跡 陳

於臥子 所欲 庭 (芳詞 論 即 則 爲 即 其 洄 臥子 東 證 君 在 故寅 始 南 終眷戀不忘之人, 都之時 恪戲作 間 絕, 是否亦曾與李存我宋讓木陳實 中 有「一 前 述崇禎 念十 车 t 抛未得」之語 年 申 申 夏 黄 庵 輩 實能 媛 百 介 被牧齋招宴等 道 畫 出 扇 洄 東 洄 君之 東 君 問 心 題 題。 事 有 也。 臥 茲擇 滿

無

疑

世

存我

此

際

供

職

南

都

河

東君

旣

送

還

問

郎

玉

篆

則

普日

段因

緣

亦

於

此

錄臥子自撰年譜,兵垣奏議, 焚餘草及讓木含真堂集並參以國榷等,綜合考釋之於下。

陳忠裕全集年譜中崇禎十七年甲申條略云:

弘光帝監國南都, 予補原官(兵科給事中), 隨奉命巡視京營。 予以國家傾覆之後, 義不敢申

前 請一解兵 科給事中〕。 而又決江左事尚可爲 決計赴召。

予遂以六月望後入都,

貴陽一至, 即薦懷寧(指阮大鋮。)當大用,衆情大譁,攻者四起。

而是時貴陽(指馬士英。)入輔,

祥符(指史可法。)出鎮,

國事

,稍變

厄時, 作蜚語以爲主上之立, 貴陽先君同籍也。 而懷寧 挾其權智以御之, 與懷寧爲狎邪之交,相歡如父子,浸潤其言,且曰,苟富貴,無相忘。及貴陽 遇予亦厚。其人儻募不羈,久歷封疆,於門户之學,非素所深研也。 非諸君子意,故力攻擁戴定策之人,以孤人主之勢。蓋懷寧挾貴陽以 且責前盟。 見攻之者多, 則曰, 彼黨人者, 不殺我兩人不止。又造 柄用 當困

爲援 共推也。 而 貴陽挾主上以自解。 予因正告貴陽曰, 懷寧之奸, 海内莫不聞, 而公之功亦天下所 以生平之言

不可負也。公以素交而薦之, 而公何怒爲?今國家有累卵之危,東手坐視,而爭此一人,異日責有所歸矣。貴陽曰,逆案 公於人無豪髮之隙, 衆以 奈何代人犯天下之怒乎?且公之冒不韙而保任者, 公義而持之, 使公既信友又不害法, 則衆之益公者大矣。

本不可翻也。

止以懷寧一人才不可廢耳。

予 曰,

公既不能負懷寧,而獨用之,

則懷寧又何辭

傳

八七二

之何矣。 以 拒 同科之數百人而獨登膴仕乎?一小人用,衆小人進。 且公爲宰輔, 苟能真心以求天下之才, 何患無人?如懷寧者, 必然之勢。 踰短垣, 何足數哉 雖公亦無如

路,小人成羣, 不過五十日, 予私念時事必不可爲, 章無慮三十餘上, 海内無智愚, 而祖父俱在淺土, 皆知顛覆不遠矣。 多觸時之言。 甚懼。 時人見嫉如仇。 請急歸營窀穸之事, 及予歸, 蒙思允放。 而政益異。 予在言路 木瓜盈

同書同卷弘光元年乙酉條云:

重禍 時羣小愈張,諸君子多被彈射。 以爲親憂, 陳情侍養, 得遂宿志焉 予爲此輩 深忌, 而未有以中。 私念大母年益高多病, 再出必

陳臥子先生兵垣奏議上「薦舉人才疏」略云:

已補者如錢謙益黃道周徐所吳偉業楊廷

麟等,

皆一時人望,

宜速令赴闕。

庶吉士陳于鼎英姿

壯志見累門閥。 小則陳于鼎溺韻珠云。 林時對荷鍤 載談叁「東林依草附木之徒」條云:「江南有老亡八小亡八之謠, 既以不阿鄉袞, 」繭庵之書語多偏激, 浮沈至今, 困衡之士, 未可盡信, 在英足惜。 但所記江南之謠,或是實錄。噫! 當量才錄用也。 老謂謙益嬖柳影 (寅恪案

此文後附批語略云:

臥

子爲人中之

此時薦舉二龜,

豈神州陸沈之先兆乎?由今思之,可嘆亦可笑也。)

崇禎十七年七月二十五日奉旨 :人才宜乘時徵用, 説得是。 錢謙益等速催來京到任。

同書下「請假葬親疏」批語 云:

崇禎十七年八月十一 日奉旨:陳子龍准給假三個月, 即來供職, 不得遲延。 該部知道。

國権壹佰貳崇禎十七年八月癸酉(十八日)「南京兵科給事中陳子龍言中興之主莫不身先士卒。

條

云:

子龍尋省葬。

同書壹佰肆弘光元年二月丙寅(十三日)條云:

許兵科給事中陳子龍終養。

百

錢謙益爲 南京禮部尚書兼翰林院侍讀學士。

]書壹佰貳崇禎十七年六月壬戌(初六日)條云:

國権壹佰貳崇禎十七年八月廿一日丙子「宗貢生朱統鐁又誣奏姜曰廣陳必謙等」條略云 牧齋於是年六月初六日已補授禮部尚書,至七月廿五日尚未至都就職。 過五十日。牧齋是否在崇禎十七年七月廿五日以前曾一度獨至南都預謀立君之事, 寅恪案, 臥子以崇禎十七年甲申六月望後至南都,八月十八日准假還里葬親。其在南都之時間不 姍姍來遲, 頗覺可怪。 今難確考。 據 但

第五 童 復明 運

動

丙子宗貢生朱統鎖又誣奏姜曰廣及陳必謙等。

初陳必謙北轉,

邑人錢謙益求復官未遂。

今入

京首 武武之, 結 歡 馬 士英, 百 諸 動貴, 專言定策, 意逐 高弘 圖 姜曰廣代之, 而謙益先入金陵

夏彝 亦謀 迎 潞 E 又心

昧之矣

仲 幸存 錄 云 (此條上已引。

談 遷棗林雜俎仁 錢謙 益 雖家居, 往來江上, 亦意在潞

錢謙益侍郎 |集逸典類「異議」條云 觸暑 步 至膠東 (指高 弘 )第中,

福藩。 我雖 削 籍 色不懌, 嘗經 赦矣。 即 告別。 候駕 膠東留之曰, 江 關 諸臣指異之。 天子毋容 抗也。 監國 初 錢悟, 復官。 仍坐定。 八月入 遽令僕市烏 朝, 陰附 貴陽 調 指

汗渴

解衣,

連沃

豆湯三

四

甌。

問

所

立,

膠

東

日

馬士英)日 同朱撫寧(國 劉誠 意[孔昭], 趙忻城(之龍), 張冢宰捷, 阮 司 馬 大鋮 聯疏

可爲牧齋在福王即位以前已先入南京之一旁證。 計 異議者。 膠東解相印, 欲卜居虞山, 謙益恐忤貴陽, 却之, 且不祖 送。

熟 牧齋同 坐待機會耶?茲姑不深究其遲滯不前之故,惟有一事可以決言者, 行赴任。 計其抵都之日,至早亦必在七月下旬之末, 然則牧齋先至南京預謀擁立潞王之後, 距臥子准假還家之時, 即河東君之至南都 僅十餘日。 始還常 當與

陳

會吳中奸民張漢 儒計奏錢牧齋瞿 稼 軒 以 媚 政 府。 有旨 逮治。 予與錢瞿素稱知己。 錢瞿

錢交誼

素篤

觀臥

子自

撰年譜崇

順十

年

丑條略

云

無傷也。 朝士未有與通者,予欲往見,僕夫曰,較事者耳目多,請微服往。 冠蓋策馬 而去,周旋竟日乃還。 其後獄急, 予頗爲 奔奏。 予曰, (寅恪案, 親者無失其爲

有「上牧齋年伯於獄中」五古一首, 然則不 獨 臥子即舒章亦與牧齋交誼甚篤也。

及陳忠裕全集壹壹湘眞閣稟「東皐草堂歌 明聖 東皐草堂者, 越數月而事得大白。 給諫瞿稼軒先生別墅也。 我友吳駿公太史作東皐草堂歌以記之。 時予方廬居, 」序云: 丙子冬好民奉權貴意, 計錢少宗伯及先生下獄。 駿公以前

錢陳此 鶯 適人後, 宴臥 然則錢陳兩人之舊日關係, 見 次兩 不知河東君是否採取如對待李存我之方式, 人同 張生求與相見, 因爲屬和。 在金陵, 辭雖不工, 而悲喜之情均矣。 雖爲時甚短, 終不爲出, 旣如臥子所自述, 牧齋之赴南都就禮部尚書任, 賦詩謝絕。 揆以常情, 今日俱無從得悉。 必無不相見之理。 以對待臥子, 抑或如 若河 儻臥子造訪牧齋, 東君採取雙文對待 元微之鶯鶯傳 復經臥子之催促, 所載 或牧 張生 故

撰三世苦節傳。)能及崇禎六年癸酉秋間白龍潭舟中,八年乙亥春間生生庵南樓中舊時「眼前人」 百分之幾耶?噫!吾人今日追思崔張楊陳悲歡離合之往事, 眼前人」, 即臥子崇禎十四年辛巳所納之沈氏。但不知此宜男之良家女,(見臥子年譜後附王澐 益信社會制度與個人情感之衝突,

之方式,

以對待臥子者,

則雙文詩「棄置今何道,當時且自親。

還將舊時意,

燐 取

眼前人。

第五章 復明運動

如盧梭王 國維之所言者矣。 寅恪曾寄答朱少濱叟師轍絕句五首, 不僅爲楊玉環李三 一郎陳端生范菼

道, 兼可爲河 東君陳臥子道。 茲附錄之於下, 以博 讀者 笑。

甲午春朱叟自杭州寄示觀 新排長生殿傳奇詩 因 亦 賦答絕 句

五首。

近 戲 撰「論再生緣」 一文, 故詩 語 牵連 及之 也。 、聽 曲 東華史, (叟自號「東華 -舊史」。

唱到

興亡便掩

巾。 死 楊生共 辰。 美人才士各傷神。 白 頭

淪落多時 忽 值 錢。 霓裳 新 譜聖湖邊。 文章 聲 價關天意, 搔首呼天欲問天。(用再生緣

魄詩魂若可招。 曲江 波接浙江 潮。 玉環已 遠端生近 暝寫 南 詞 破寂 寥。

艷

抹紅牆

隔死生。

皕年

悲恨總難平。

我今負得盲翁

鼓

説

盡

人間

未了

情。

干饒舌笑從 君。 不似 遵朱頌聖文。 願比 麻姑長指 爪 爣能 播 杜司

又檢陳忠裕全集壹柒七律補遺「乙酉上元 滿城無燈 三二:

江 榻 皋 香風 夜 色編 散 烽屯。 錦 茵。 獨 鼓 吹聲 有淒涼霜塞月, 一銷萬 门户春。 偏乘 幕 府 畫 但 角 聞 照 嚴成 杯 火 冶城不 動 踏 歌塵。 九枝瓊 樹 沈

寅恪案, 在座之可能。 前論宋尚 尙木存我臥子三人同爲河東君雲間舊友, 木弘光乙酉元夕集牧齋齋中「張燈陳 樂觀魚龍之戲」詩, 而陳李與河東君之交誼, 謂此夕盛會或有李待問 時間尤爲長久,

儻讀者取尚木臥子兩人同時異地所賦之詩以相對照, 則是夕南宗伯署中(參前引有學集貳拾贈黃

皆令序。 世紅學專家以爲然否?)評紅樓夢「壽怡紅羣芳開夜宴」回中,「芳官嚷熱」一節之感慨。 冷之情景大有脂硯齋主(寅恪案, ) 與松江城內普照寺西之宅內(見王澐雲間第宅志「陳工部所聞給諫子龍宅」條。) 一 脂硯齋之別號疑用徐孝穆玉臺新詠序「然脂暝寫」之典, (見脂 不知當 熱 硯 齋

或據以爲 治二年乙酉 重 評 頭記 幾社 庚辰 八月條後附案語。 頗 復社 四閱評過本陸叁回。 不 同之點在此。 )則時 同人異, )唯脂硯齋主則 今觀臥子自撰年譜 崇禎十七年甲 微有區別而 人同 時異, E 至續幸存錄於阮大鍼有恕辭, 而潁川明逸(見王澐續 申」條 涉及馬士 臥 子年 論者 譜 順

拁 則知幾社領袖如陳 更有可論者, 宋徵璧含真堂集陸「予以病請假」 、氏者, 其對阮氏之態度, 實無異復社。 戲摘幽蘭緘寄大樽。 或說之未當, 不待詳辨矣。

美人 采采緘題 八皋佩 意何 寄所思。 遲。 巖阿寂寂堪招隱, 水晶 簾模弄芳姿。 不信東風 朱絃乍 奏幽 有別 蘭 離 曲 郢 客長吟白雪 詞。 君子名香

寅恪案 此詩 之作成當在弘光元年二月丙寅即 十三日, 准臥子終養後不久之時間。 蓋 尙 木得知

此

人同 集陳李唱和集「寒日臥邸中讓木忽緘臘梅花一朶相示」五古及本文第叁章所論。) 故賦 在北京待會試 詩寄臥子。 時, 觀七八兩句及蘭花開放季節 臥子臥病因緘封臘梅花一朶以 可以證明。 表慰問之意者, 其緘封蘭花, E 復相似。 與崇禎六年癸酉 不過前時爲臥子 (見陳忠裕公全 寒日 兩

動

子之戲 與尙 類是之作。 臥 病 旅 木寄詩 邸 豈當 此時 時 唯 相距 陳 H 忠 1習俗 則爲尙木以病 不久之作, 裕公集貳拾詩餘中 如是耶? 俟考。 故疑是因宋氏之詩有所感會而成。 請 假, 略爲 有念奴嬌「 以常情論 不同。 春雪詠蘭」 臥子必有答宋氏之篇什。 宋氏往往緘封花朶, 関 此闋甚佳, 雖未能確定其 寄慰友人, 今檢陳 因逐錄之於下。 何 時 何其 氏詩 所 賦 (喜作 集末 但必是 發見有 此 其詞 兒女

冷, 問 曾在多 天 料 何意, 情 得 懷 都 袖 攀 到 裏 折。 春 深, 媽 縷 然 Ŧ 同 幽 里 心千 谷 龍 Ш 結。 飛雪 只愁又聽 玉 腕 解 香 啼 珮 銷, 鴂 凌波 雲鬟 人 不 家掩, 當 見, E 九 漫 空 畹光 説 贈金跳 蓝 風 珠 官 脱。 數 闕。 莖 洛濱江 清 楚 露 殿 上, 烟 纖 微 手 尋芳再 分花 湘 潭 望 月

云

又含真堂集陸有「東大 人樽」七 律 Z

時

同

侍從武

英,

陳

日

君

隨

丞

E

華

崑

佳

何 南 浦 期 扁 東 舟 髮 問 便 采 相 尊。 親 知 百 有 R 崑 樓 陰堪 所謂 邊 美 婉 1 變, 隣。 相 口 + 後 容 載 觴 浮 吾 詠 沈 住 倦 隨 遊 木 石 東。 子 時 答 憔 日 悴 識 不 君 若 臣。 東 風 苦 雨 愁啼

寅 其語意可 俗案 以互 此詩 相證發也。 作成當在弘 光元 檢陳忠裕全集貳陸宋尚木詩稿序云: 年春暮或 刨 洲答臥 子念奴 嬌「春雪詠蘭 詞亦 (未可 知。 蓋 兩 人詩詞

予與尚木同 里開稱無間, 相倡酬者,幾二十年。 自予治獄東土, 而尚木往來舊都, 蓄 四 Ŧ 祀

問, 不數見也。 忽忽日 在桑榆間矣。 今上定鼎金陵, 予既廢筆墨, 而兩人皆以侍從朝夕立殿上, 而尚木亦未見所謂吟詠者。 退則各 入省治事。 及予請急東歸 諸公 相 明年尚木 调 從報

以奉使過里門,則出新詩數卷見示。

及嘉慶修松江

府

志伍

陸宋徵壁傳

云

宋徵壁字 ,尚木, 華亭人, 懋澄子。 初在幾社中名存楠。 崇禎十六年進士, 授中 充翰林院

經 筵展書 官, 奉差督催蘇松四府柴薪銀 兩 未復命, 以 國變歸

頗疑尙木將往蘇松四府督催柴薪銀兩時, 南浦 裴駰集解引郭璞曰「厭游宦也。」漢書伍柒司馬相如傳王先謙補注曰:「倦遊謂游宦病免而 」指松江 M 第捌句「可容觴詠倦遊人」之「倦遊」, 出史記壹壹柒司 先以此詩柬大樽, 故第陸句有「南浦扁舟問采蓴」之語。 '馬相如傳「長卿故 倦

宋氏賦詩之時, 耳。 言其曾爲官也。 當在弘光元年暮春。 」葵園即襲用景純之解, 其至松江, 而不著其名。 以所作詩 稿示臥子, 尚木以長卿自比, 屬爲之序, 謂將因奉使歸 未及復命 里也。 而南

以 尚木詩 都傾覆矣。 爲尙木賦此詩時之事也。 題序 所言, 尚木此詩所言。 即崇禎 十七七 尚木詩題序中引臥子之語。 可與臥子所作「宋尚 年甲 ·申六月望後至八月十一日間陳宋兩人之情況 木詩稿序 出杜工部集拾「奉答岑參補闕見贈」五律第 」所述兩人同 在南都供職 時 讀者不可誤會, 事相印 證。 故

贅述

尚木答語

出

文選賞肆

陸士

衡

贈從

兄車

·騎」五古,

其詩

云

與

衿。

斯言豈

虚

作,

思鳥

有

壹 蓋是 時尚木任中書舍人, 臥子任兵科給事 中, IE 與 杜岑當日 情事 符合。 詳見諸家杜 詩

土, 孤 獸思故藪, 精爽若飛 沈。 離 鳥 寤 悲 寐 舊 靡 林 安 一豫, 翩翩 遊 願言 宦子, 思所欽。 辛苦 誰 感彼歸 爲 N's 塗艱, 髣髴谷 使我怨慕深。 水陽, 婉孌 崑 安得忘 Ш 陰。 營魄 草 言 懷 樹 兹

尙 盛唐詩什之一 木詩 語 意全從士 斑也 衡 此 篇 得 來 故不避鈔胥之嫌, 特逐錄之, 並以見幾社名士 之熟精選 理及 玩

當南 牧齋度歲 有 令留居 錢柳崇禎 令自弘光元年 令序」中「南宗 一見之機緣 都錢 柳得 柳 之 成 七 家 中 例 年 È 伯 意之際, 曲 月 署中 尙待 至 洄 亦 申 至 関 秋 五月, 研 君 考。 南 季 袁 河東君男性舊友如李存我宋尚木二人確有相與往來之事 壁 都件 數 還問 就南宗 必在 畝 其他男性故交, 河 南 郎 東 老梅盤拏, 都留宿 Ī 君 伯 度 篆之際, 任 歲 時 禮部 今以 皆令即已 柰子花如雪 更不易詳知矣。 能否從青瑣 份 缺乏 書 署 〕隨行。 資料 中, 屋。 中 爲 若不 窺見是夕筵上存我及牧齋並 洄 無從詳考。 至女性朋輩, 烽 東君之女伴兼作牧齋之清 烟 - 然者, 旁午, 皆令做傚 但 訣 有可 別 則據前引牧齋「 倉皇。 注 蹟 意之 程 陳臥子是否 孟 等 陽至 事, 諸座 贈 或者 熟件 書 知

面部表

情

如

何

笑

其事旣絕不涉及河東君, 明南都傾覆, 牧齋迎降清兵, 非本文主旨所在, 隨例北遷。 關於錢氏此時之記載頗多, 若一一詳加考辨, 則不冤喧賓奪主。 有可信者, 有不可信者。 故皆從省略。 但

引顧苓河東君傳云:

Z 西西 五月之變,君勸宗伯死,宗伯謝不能。君奮身欲沈池水中,持之不得入。其奮身池上 而勸宗伯死,則宗伯以語兵科都給事中寶豐王之晉,

之晉語余者也。 是秋宗伯北行, 君留白下。 宗伯尋謝病歸。 也,長洲明經沈明論館宗伯寓中見之,

同治修蘇州府志捌捌沈明掄傳云:

沈明輪字伯

叙

精春秋

得安成聞喜之傳,

與同里徐汧李模鄭敷敎友善,

從遊甚衆。

崇禎癸

西 以恩貢中順天副榜。 乙酉亂後, 授徒自給。三十餘年卒。

重刻雍正修河南通志伍貳選舉貳明天啓五年乙丑科余煌榜載:

王之晉,寶豐人,給事中。

構, 寅恪案,云美特記南都傾覆時 柳如是 有類司馬溫公撰涑水紀聞之體,故吾人今日可以信其爲實錄也。 上條云 河東君欲自沈, 並勸宗伯死一事, 備 復次, 列 人證, 顧公燮消夏閑記選存 所以 明其 非阿 私虚

第  $\overline{\pi}$ 章 復明運 動

宗伯暮年不得意,

恨曰,

要死,

要死。

君叱曰,

公不死於乙酉, 而死於今日,

不已晚乎?柳

哉

虞陽說苑本牧齋遺事 君 亦女中丈夫也 三

中, 濯足其中, 於尚書家, Z 酉 (原注 五月之變, 而不 親見其事, 瞿本有「牧翁」二字。 勝前卻, 柳夫人勸牧翁曰, 歸說 柳笑(原注:一本有「而戲語」三字。 如此。 是宜取義全大節, 後牧齋偕柳遊拂水山莊, 本「牧翁」下有「抱」字。 以副 盛名。 持之不得入。 見石澗 日, 牧齋 此溝渠水, 流 泉 有難色。 是時 澄潔 長 柳 豈秦淮 可爱, 洲 奮 沈 身 河 牧 明 欲 耶? 齋欲 輪館 沈池

合。 寅恪案,消夏閑記及牧齋遺事 且秦淮河 復在 南 都 雖略異 所記 顧 氏 所述, 與河東君及牧齋之性格, 頗亦可 信。 至若 靡 蕪紀聞 詼諧 勇敢 引掃軌閑 遲疑 談 云 、怯懦, 頗相符

牧翁有恋容。

Z 效屈子沈淵之高 西王 師 東下, 節 南 都 旋亡。 及日暮, 柳 旁皇凝睇 如是勸宗 西 伯 死, 山 風 景, 宗伯 佯 探手水中 應之。 日 於是載 冷極奈 酒 尚 何 湖 遂 徧 不死 語 親 知, 調 將

談 則尙 湖 不待詳辨。 西山皆在常熟, 當南都傾覆時, 錢柳二 人皆在白下, 時間 地域, 實相衝突。此妄人耳食之

牧齋投筆集遵王箋注上後秋興之三「八月初十日小舟夜渡惜別而作」八首之五云: 關於牧齋北行, 河東 君 獨留白下, 此時間發生之事故, 殊有可言者, 茲擇錄資料略論之於下。

天將市虎試朱顏。 水擊風摶山外山。 前期語盡一杯間。 衣朱曳綺留都女 五更噩夢飛金鏡,千疊愁心鎖玉關。人以蒼蠅汙白璧, (寅恪案) 有學集拾紅豆二集「衣朱」作「衣珠」非是。

傳寫者誤以此詩第陸句有「朱」字,故改作「珠」。不知昔人作今體詩不嫌重字。

觀錢柳諸作,

即 可證知也。) 羞殺當年翟茀班。

寅恪案, 牧齋此首乃總述其南都傾覆隨例北遷, 河東君獨留白下時所發生之變故, 並爲之洗滌

加以溫慰也。 頭 碰 刀頭有環, 今何在 遵王注牧齋此題第壹首第捌句「樂府偏能賦藁碪」引吳兢樂府古題要解下云: 藁碪砆也。 問夫何時還也。 問夫何處也。 破鏡飛上天,言月半當還也。 山上復有山, 重山爲出字, 言夫不在也。 何當 大刀

詩乃沈約之作, 其實牧齋喜用此典, 貳句'前期」遵王注云:'謝玄暉別范安成詩,生平少年日,分手易前期。 杯」即休文之「勿言一樽」, 休文此詩全部語意與牧齋此句有關, (見漢魏百三名家集沈隱侯集及丁福保全梁詩沈約詩。)遵王偶 不限於第壹首, 非引沈氏全詩, 即此首第壹句「山外山」,第叁句「飛金鏡」皆同一出處也。 遵王僅引兩句, 則不得其解。 未能盡牧齋之所欲言。 茲迻錄之於下, 」檢謝朓集中 以見注詩之難也。 [誤記, 如牧齋之「語盡 ·無此詩 以沈 沈 此

第五章 生平少年日, 分手易前期。及爾同衰暮, 復明運動 非復別離時。 勿言一樽酒,明日難重持。

約

「別范安成」詩云:

夢中不識

路,何以慰相思。

牧齋詩第叁句 人詩「太微廓金鏡, 「書王定國所藏 煙江 即古樂府 疊 端拱清遐裔」爲釋。 嶂圖王晉卿 「破鏡飛上天」之典並寓樂昌公主 畫」七古「江上愁心千疊山 金 鏡」用字 雖 同, 一破鏡待重圓之意。 所指 浮空積翠如 則 非 也。 雲煙。 第肆句 遵王 」句及全 合用 注引 東 李白答高 坡 唐 集 壹

長安一片月, 萬 À 揭衣聲。 秋風吹不盡, 總是玉 開情。 何日平胡虜, 良人罷遠征

函李白伍子夜吳歌中「秋歌」云:

看。 同心 蓋當錢柳 」此題乃牧齋乙酉秋間北行時別河東君 蘭四 且與李之「平胡 分別, [絕句」其四云:「花發秋心賽合歡。 正值秋季, 房」有關。 (見顧苓河東君傳「是秋宗伯北行」之語。 遵王注太泛, 秋蘭心好勝春蘭。 於南京時之作, 非好學深思心知其意者也。 可爲旁證也。 花前倒掛紅 又有學集壹秋槐集第壹題「詠 第貳 )、王 鸚鵡, 、聯言 關」即李之「玉 口 恰比 東 君本 西方共 無昵 

好於南 河東君 」指王覺斯輩之眷屬。 深切 精通 中」之事, 如 此, 楚辭文選, 其受感動應非常人之比 即離 騷「衆女嫉余之蛾眉兮, 又曾在周道登家爲念西羣妾所譖 謂當日諸降臣之妻皆隨夫北行, 抑更可 謠 知也。 ||涿調 余以善淫。 第柒句「留都女」指河東君。 河東君獨不肯偕牧齋至燕都 幾至殺身。 」並王 今觀牧齋詩句 逸注及洪 興 祖 第捌 寬廣溫 即此一 補 句翟茀

足以愧殺諸命婦矣。

至於孫愛告殺河東君有關之鄭某或陳某事如徐樹丕識小錄肆「再記錢事」條云:

柳姬者與鄭生姦, 柳是殺父也。 汝此舉是殺父耳。 其子殺之。 錢與子書云:「柳非鄭不活, 」云云。真正犬豕猶然視息于天地間。 殺鄭是殺柳也。 再被□□, 父非柳不活, 再以賄免

不活」一語, 已明許之矣。

其家亦幾破矣。

己丑春自白門歸,

遂攜柳復歸拂水焉,

且許以畜面首少年爲樂,

蓋「柳非鄭

殺

王澐輞川詩鈔肆虞山柳枝詞十四首之十三云:

荷牐叢談叁「東林中依草附木之徒」條云:

芙蓉莊上柳如縣。秋水盈盈隱畫船。夜靜禿鶩啼露冷。

文鴛常逐野鷗眠。

當謙益往北

柳氏與人通姦,子憤之,

鳴官究懲。

及歸,

怒罵其子,

不容相見。

謂國破君

亡,士大夫尚不能全節,乃以不能守身責一女子耶?此言可謂平而恕矣。

牧齋遺事柳姬小傳(此傳上文於第叁章論河東君嘉定之遊節已引。)云:

姬蹀躞其間,

聆屬

中, 篥之雄風, 有遠騁 子孝廉公恧甚, 沐貔貅之壯烈。其於意氣,多所發抒云。不再閏而民以緣事北行,姬昵好於南 以娛其志,旋殪諸狴犴不惜也。至北兵南下,民於金陵歸款, 謀壓諸 獄。 民歸而姬不自諱,喪以喪夫之禮。 民爲之服浣牏

第五章 復 明運 動

厥子爲弗克負荷矣。

民雖里居,

平日顧金錢,招權利,

大爲姬歡。

微吟響答,

不啻咽三台之

濡

沫

重以

傳

瑞露 咀 九 畹之 靈芝, 公諸 殺 青 以 揚 属其 事, 加 姬亦興益豪, 情益蕩, 揮霍 一飆忽, 泉湧雲

李清三垣筆記中云

流。

面首之

樂,

獲

所願

馬

鳴其私夫於官, 若 錢宗伯謙益所納 杖殺之。 妓柳隱 謙益怒, 則一狎邪耳。 屏其子不見。 聞謙益從上 語人曰, 降北, 當此之時 隱留 南都 士大夫尚不 與一 私 夫亂。 能 堅節

況一婦人乎?聞者莫不掩口而笑。

虞陽說苑乙編虞 之孽。 錢受之謙益生一 蕨 謙益 甚聰慧。 云, Ш .趙 孫。 某撰 皆我之事也。 忽感時疫, 生之夕, 唇亭雜記 云有許多無頭無足人在此。 夢赤脚尼解空至其家。 於中一件爲 (參牧齋遺事附趙水部雜記 伊父孫愛南京所殺柳氏姦夫陳姓者, 解空乃謙益妻陳氏平日所供 又歷歷言人姓名。 JU 則之四。 ) 云: 又云, 餘事 不是我 養者。 秘 不 所 孫 作 生

寅恪案, 雖用孫愛之名義, 前論 河 東君嘉定之遊節 然主持其事者當是陳 引柳 姬 夫 小傳謂 人黨遵王之流。 河 東君 輕 一鄙錢 至若孫愛, 氏宗族 姻 性本 戚。 ·怯懦 故告 殺鄭某 又爲 瞿 或 稼 陳 軒孫

語可 證。 牧齋痛駡孫愛, 亦明知其子不過爲傀儡 罵傀儡**,** 即所以罵陳夫人黨也。 牧齋罵孫愛之

婿,

其平日

與

河

東

君感

情不惡,

後來河

]東君

與其女遺囑有

「我死之後、

汝事兄嫂

如事父母。

之

聞。

其孫七日死。

果報之不誣如是。

謬說。 亦可見錢氏之論,實犂然有當於人心也。 原書,今不可見。 但於此不立聖言量, 自劉宋山陰公主後, 依活埋庵道人所引,則深合希臘之邏輯。 尤堪欽服。 無此合情合理之論。 依明州野史繭翁所述, 林氏乃極詆牧齋之人,然獨許蒙叟此言爲平恕。 則一掃南宋以來貞節僅限於婦女一方面之 蒙叟精於內典, 必通佛教因 明之學,

敢多所妄言也。 錄原詩並莊師洛考證,復略取其他資料參校,存此一重公案, 關於牧齋順治三年丙戌自燕京南還,有無名子虎邱石上題詩, 涉及陳臥子及河東君一事。茲先逐 留待後賢抉擇。 謝陋如寅恪 固未

襟。 陳忠裕全集壹柒七律補遺「題虎邱石上」〈談遷棗林雜俎和集叢贅「嘲錢牧齋」條云:「或題虎邱生公 石上寄贈大宗伯錢牧齋盛京榮歸之作。 山斗才名天下聞。 國破從新朝北闕, 」共載詩兩首。 官高依舊老東林。 前 首見下,後一首云:「錢公出處好胸 」寅恪案, 此首或非七絕, 而是七律

之上半, 其下半爲傳者所遺忘耶?俟考。)云:

可。 邱題詩」條, 「借」。) 昔去幸寬沈白馬 入洛紛紛興太濃。(談書「興太」作「意正」。董含尊鄉贅筆壹「詩諷」條及鈕琇觚賸壹吳觚上「虎 「早已」談書作「已自」, 「紛紛」俱作「紛紜」。) 蓴鱸此日又相逢。(諸本皆同。) 黑頭早已羞江總, (談書董書俱同。 董書作「已是」。 )青史何曾用蔡邕。 鈕書「幸」作「尚」。)今歸應愧賣盧龍。 (談書董書 俱同。 鈕書「用」作 (一歸」董書 (鈕

第

章臺 司, 西風 俱 柳, 談書 同 間 (董書 鈕 阿 書俱 儂。 鈕書作「怨」。) 同。 作「來」。 (「憔悴西」談書作「撩亂春」, 鈕書「最」作「可 陳集「愧」下 ∟`, 注云 「攀」作「折」,「折」作「盡」。 :「一作悔。 董書作「撩亂秋」, 」談書董書 鈕書作「日暮東」。 鈕書俱作「悔」。 談書「章臺」作「庭 最 邊」。 憐 攀 憔 折

陳集此詩後附考證云

容全同, 無名氏 (董含) 蓴鄉贅筆(壹詩 題詩 其實二者乃一書而異名耳。 虎邱 以銷之云云。 諷 條), 海虞錢蒙叟爲一代文人, 錢見之, 不懌者數日。 (寅恪案 然其大節或多可議, 董含三 岡 識 略 本朝 壹詩 官歸, 諷」條 内

有

## 又附 案語!

此詩徐雲將〔世禎〕鈕玉樵〔琇〕俱云是黃門作, 但細 玩詩意, 語涉輕薄, 絕不類黃門手

姑

寅恪案, 此詩融會古典今典, 前論 及詩 後考辨其作者。 中所 存之, 釋臥子滿庭芳詞之例, 指者 以俟博雅審定。 以證 但辭語之關於古典者, 實之。 此詩 校勘諸本文字異同, 辭語工 既綰紐 切, 僅標其出 柳 錢 意旨深長, 陳 人之 處, 附注句下, )離合, 殊非通常文士所 不 復詳 以便抉擇。 而此三人, 引原文。 歸 能 乃本文之中 爲。 若讀者譏爲過於煩瑣 於今典者, 茲先證 釋其 則 È 人物。 略 解 徵 故依 亦 然

不敢逃罪也。 虎丘詩第壹句, 其古典出文選貳陸, 陸士衡赴洛詩 二首及赴洛道中作二首並晉書伍

以推知也。 肆陸機傳及玖貳張翰傳等。 興太濃」三字, 指他人或可, 今典則明南 加之牧齋, 恐未必切當。 都 傾覆, 弘光朝士如王 觀牧齋後來留燕京甚短, 覺 斯錢 牧齋之流 即託病南 皆隨 例 П

虎丘 詩第貳 句, 其古典亦出晉書張 翰傳, 世所習知。 今典則 清史列傳 柒玖, **漬**臣 傳錢 謙 益 傳 云

順治 事 寅恪案 二十六年五 充修 二年五 雖多, 清 明 月廿 月豫 初 史副 λ 似未 關 親王 九 總 E 裁 達此點。 中 多 只認崇禎爲 鐸定 央 六月 時 江 事 以 唐 南 疾乞假 IE 報第陸 統 謙 益 迎 卷第貳 而 得旨 降, 以福王爲 尋 治期 馳驛 至京候用。 偏藩 黄 回 八秋岳 籍 故漢 濬 令巡 三年正 花 人官衛皆以崇禎時爲標準。 隨 撫視其 人聖盦摭憶論太后下嫁條。 月 命 疾痊具 禮 部 奏。 侍 郎 可可 管 參民 秘 書 院

及東華錄貳 ヹ

氏

所引證

牧齋此 順 次 治 南 三年六月甲 歸 清廷 頗 辰 加 秘 優禮 書 院學 士錢 既令巡撫視 謙 益乞 其 回 籍 疾痊具 病 奏 許之, 則還家時 仍 賜 必經蘇 馳 州見當日

此時

律三首 江寧巡 撫 詩頗 爲 1 不佳, 或 寶。 牧齋留滯吳門, 或是門客代作。 或偶 其第壹首第陸句一愛日催開雪後梅 遊虎丘 亦極 能。 檢牧 齋外集壹載 第貳首第柒句 爲 贈 之巡撫。 開 府誕 目七

第

H 音

復明

運

動

報懸

弧春正永」, 可知國寶生日在春初。 第叁首第壹句「兩年節鉞惠吾吳」。 據清史稿貳佰柒疆臣年 表

伍各省巡撫江寧欄云:

順治二年乙酉。土國寶七月乙卯巡撫江寧。

四年丁亥。 三年丙戌。 土國 土國寶二月丁 寶。 西降。 三月己未周 伯達巡 撫 江寧。 劉今尹署。

五年戊子。 周伯達閏 四 月甲寅卒。 五月壬午土國寶巡撫江

七年庚寅。土國寶。

八年辛卯。土國寶十二七年庚寅。土國寶。

土國寶十月丙 辰 罷 十二月丁巳自縊。 丁卯周 或 洲 江 寧。

乾隆修江南通志貳佰伍職官志文職門云:

土國 張文衡。 通省按察使司。 通省按察 使 司。 開平 大同 衛人。 人。 順治 廩生。 四年 任。 順 治 四 年任。

夏一鶚。通省按察使司。正藍旗人。生員。順治五年任。

牧齋詩旣作於春初,其「兩年」之語, 二爲自二年七月至四年春初。前者之時 若從順治二年算起, 期, 應是牧齋尙留北京寄贈此詩。 則有 兩可能。一 爲自二年七月至三 後者之時期, 即牧

齋乞病還家不久所作。 豈此詩具有贄見及上壽之兩用歟?無論如何, 或牧齋過蘇時贈詩預祝生日, , 牧齋此際必與土氏相往來, 亦有可能。 觀此詩題,旣曰「贈」, 可以推知也。 又曰

第壹次在天啓五年乙丑, 史叁陸江總傳。 虎丘詩第叁句, 其古典出杜工部集拾「晚行口號」詩「遠媿梁江總,還家尚黑頭。 今典則略須考釋,蓋牧齋由北京還家, 以忤閹黨還家, 時年 四十四。 除應會試丁父憂不計外, 第貳次在崇禎二年己巳, 」並陳書貳柒及南 前後共有四次。 以閣訟終結歸

里, 有「歲戊寅 (寅恪案, 時年四十八。 潘景鄭君輯絳雲樓題跋引張大鏞自怡悅齋書畫錄所載「祝枝山書格古論卷」一則。 漫遊廣陵。 第叁次在崇禎十一年戊寅, 」及「時三月旣望, 漏下二刻, 因張漢 剪燭爲之記。 儒誣告案昭雪, 」等語。 被釋放還, 殊不知牧齋此時尚在 時年五 其文

若釋爲第叁次或第肆 北京刑部獄中, 譜。)由是言之, 降淸北遷後, 乞病回籍, 時年六十五。 , 虎丘詩此句所指, 何能具分身法, 次, 則「早已」二字亦不切。 忽遊揚州耶?其爲僞撰,不待詳辨也。)第肆次在順治三年丙戌, 若釋爲第壹次或第貳次, 即虎丘題詩之歲也。(可參葛萬里金鶴沖所撰牧齋兩年 殆此詩作者, 則牧齋年未及五十, 未詳 知牧齋四次還家之年齡所致 「黑頭」句欠妥。

泥過甚也 虎丘詩第肆句, 其古典出後漢書列傳伍拾下蔡邕傳。 伯喈博學好辭章, 正定六經文字,爲一 代儒

耶?儻從董氏書所載,作「已是」,固無語病,

但以詩論,

似不及作「早已」較有意趣,

斯亦

不必拘

第五章 復明運動

宗, 證五卷, 成漢史, 以忤 以見 終不見許, 星 宦 惡於魏忠賢黨罷官, 謫戍亡命。 死於獄 中。 後爲董卓識拔 此與牧齋之「學貫天人」,爲「當代文章伯」, 後由 馬士英之推薦起 以傷痛卓死之故, 用。 前後情事, 爲王允收付廷尉治 約略 相似 早年已成太祖實 罪。 殊非 請 泛用 発死 錄 典 故 辨 續

多, 等。 開局。 也。 副總裁。 柒題程穆倩卷:「**漳** )及清史列傳柒玖, 其今 如有 不許。 典 學集壹 」此爲牧齋於 則 或 権 肆「啓禎 多李 壹 海 佰 畢 明末清初 肆 清三 置 命 野 載 日, 乘序」引黄 弘弘 垣 傳錢 筆 猶語所知, 兩次欲修史, 謙 記下「錢宗 光元年乙酉二月壬 益 石齋臨 傳載 虞山不死, 伯謙 死之言, 順 而未能 治三年正月命 益 博 成就之 申 覽 虞山尚在, 南京 國史未死也。 羣 書」條 禮部 事實也。 以禮部侍郎 尚書 及上 國史猶未 」之語。)可見牧齋自負 關於牧齋有志 錢 引 謙 曹 管秘 益 溶 死也。 求 書 絳 退 居修 院 雲 修史 事 樓 或 多同 之材 史, 充修 題 書 料 明 即

肆

頗

史

論首三 虎丘 斑 詩 其他 次之禍 第 伍 不 句 煩 力 其古典 徵 出 新 唐書 壹肆 拾 裴 遵 傳 附 樞 傳。 其今 典 則 牧齋爲明末 清流 但幸免於上所

雷

此句 虎 E 向 書「歸 來 第陸句, 烟月是愁端。 」作「來」, 其古典 疑較近 出 聯。 國志魏 眞。 河東君爲幾社女社員, 志壹壹 蓋前引 H 東 I疇傳。  $\Box$ 洲 和集 其今典則指此 河東君「我聞室呈牧 其早歲賦詩, 次牧齋南還過 多受松江派之影響。 翁 」詩有「此 蘇 州 之 去 事 柳 也。 此 花 虎丘 如 腦

詩是否出自大樽, 雖待考實, 然觀其辭句,如「昔去」「今來」一聯, 必爲雲間幾社流輩之作品,似

無可疑也。

虎丘詩第柒第 捌兩句, 其古典俱出太平廣記肆捌伍許堯佐柳氏傳及孟棨本事詩情感類「韓翊

少負才名」條。 其文云

垂, (韓翃)以良金置練囊中寄之, 亦應攀折他人手。 柳復書, 題詩曰, 答詩曰, 楊柳枝, 章臺柳, 芳菲節。 章臺柳, 往日依依今在否。 可恨年年贈離別。 縱使長條似 葉隨 風

縱使君來豈堪折。

第柒句用君平詩, 第捌句用柳氏詩。 但鈕書作「日暮東風怨阿儂」, 則竟認其出處爲杜牧之「金谷

園」詩(見全唐詩第捌函杜牧陸。)此詩云:

繁華事散逐

流水無情草自春。

日暮東風怨啼鳥,

落花猶似墮樓人。

不獨此時牧齋無季倫被收之禍, 王八之謠。作虎丘詩者因得舉以相嘲也。 以孫愛名義鳴其私夫鄭某或陳某於官, 石上」詩之季節不合。 又相違反耶?七八兩句之今典,即前述牧齋隨例北遷, 香塵。 況虎丘詩第貳句用張翰傳,「翰因見秋風起, 河東君 而杖殺之之事。此事當時必已徧傳。 無綠珠墮 解釋虎丘詩之辭語旣竟, 樓之事, 且樊川詩中「春」及「東風 河東君獨留南都時, 請略考其作者。 乃思吳中菰菜蓴羹鱸 故林繭庵謂江南有老 王昶莊師 」更與「題虎丘 其仇人怨家, 魚膾。 洛編

輯陳 似 由 可以解釋王 が頗有 北 忠裕 京返常熟, 理。 公全集, 莊 茲就牧齋及臥子兩人之行蹤, 兩氏之疑問。 必經過 於此詩作者爲何人, 蘇州, 前據淸史列傳牧齋傳及東華錄順治三年六月甲辰條, 稍有滯留。 不敢決定。 又綜合錢曾有學集詩注壹秋槐集「 即 順治三年丙戌秋間 蓋以其「語涉輕薄, 兩人是否俱在蘇州一點推之, 絕不類黃門手筆。 丙戌七夕有 知牧齋順 懷」云 之故 冶 三年

矣。 本 閣 作 道 垣 生憎銀 望 牆 樓 摠 頭」, 罷 漢 休。 偏 俱 如 天 非 舊 街 牧 無路 齋 寅恪案 原 限旄 文。 頭。 蓋 銀漢」甲辰乙丑 此 (寅 詩 恪 第 案, 壹 第 康熙甲辰 煮 一兩本, 兩 句, 本「限 出王勃乾元殿頌「銀漏與三辰合運」 俱作「銀漏」, 是。 實 用 史記 旄 頭」作「 天 官 接 書, 清 若作「銀 秋 遵 王 E 康 漢 詳 熙 注 Z 則 之 #

柳氏, 之典, 與下句「天河」二字, 句 見蔣清翊王子安集注壹肆。 而 用 首二句 范鍇華笑廎雜筆 星 宿 之 寄意甚遠。 典, 語意重複, 以 指 壹黃梨洲先生批錢詩 」今推梨洲 南 都 不可通。 傾 牧齋詩意謂己身此時 覆 之意, 建 蓋「銀漏」二字, 州 入關之事 所以 殘本條云:「牧翁丙 深賞此 "尚留北京朝參也。) 橫放天河隔女牛。 甚 詩 爲切合之故。 者, 蓋 太沖 戌七夕有懷, 夙 黄錢二人 精天算之 意中不 關 係 调 而

懷

字。 及 此 題後, )七律兩詩推之, 即 接 以下丙 可知牧齋於順治三年夏, 戌初 秋燕市別 惠 世 揚〕房〔可壯〕二老」(甲辰 以病乞歸, 其離北京之時間, 乙丑 兩本, 至早亦在是年七月 無「丙 戌初 秋四

所言自

較

金鶴

沖

附

會之

説

爲

可

信也。

詳見金氏錢牧齋先生年譜丙戌隆武二年

也。 初旬以後。 據陳忠裕公全集王勝時補撰年譜下, 到達蘇州時, 當在八月間。 若少有滯留,則九月間尚在吳門。 順治三年丙戌條, 附錄中載, 王澐宋轅文選唐五 此牧齋蹤跡之可考見者 言古詩

人。事蹟見同治修蘇州府志捌捌本傳。 跋略云:「丙戌秋師遊虎丘, 鄙意諸詩不甚佳,故第肆章未論述之。) 此臥子踪跡之可考見者也。 遇吳門朱雲子論詩。 東山洲和集貳選錄其次韻牧齋前七夕詩四首, 師歸(富林)語予。 然則錢陳二人,確有於順治 」(寅恪案, 雲子名隗, 頗爲不少。 長洲

實有可能。 三年丙戌秋間同在蘇州之事,而臥子又於此時曾遊虎丘,故「題虎丘石上」詩,其作者之爲臥子, 其非李宋所作, 復玩詩中辭語, 乃屬於幾社一派。幾社高才如李舒章, 不待多論。 由是言之, 王澐輞川詩鈔陸「虞山柳枝詞」十四首之九云 虎丘詩縱非臥子本身所作, 是時正在北京。宋轅文方干進

到華胥異昔時。 而經臥子修改, 有無名氏題詩虎邱石上, 載詩話中。 遂成如此之佳什歟?(寅恪案, 覺來猶幸夕陽遲。 虎邱石上無名氏, 」可供參證。)鄙陋之見,未敢自信。今日博識君子當有 便是虞山有道碑。 」自注云:「丙戌錢罷官南 恐亦是王勝時輩所爲。

又顧云美東澗遺老錢公別傳略云

勝解更出王莊之上者,

尚希有以賜教也。

數月, (弘光元年)五月初十辛卯夜, 自免歸。 送公歸者 起兵 上出符。 Ш 東 被獲 北軍挾之去。 因得公手書,並逮公。 (寅恪案, 「之」字指牧齋。 銀鐺三匝, 至北 以前資浮沈 乃解歸。

第五章 復明 運動

八九六

寅恪案, 送牧齋歸者之姓名, 顧氏未明言。 近鄧之誠先生清詩紀 事 初編叁「錢謙益」條云:

敢謁 (順治)三年正月授秘書院學 假者, 謙益竟馳 驛 回 籍。 土 一兼禮 歸遂牽連淄 部侍郎。 川謝陞案, 明 史副 總 裁。 銀 鐺北上。 六月以疾歸。 傳言行賄三十萬 是時法令嚴, 金 朝官無

今檢清史列傳柒玖謝陞傳 (參淸史稿貳肆肆金之俊傳附謝陞傳。)云:

免。

賄雖無徵,

後來謙益與人書,

屢言匱乏,貧富先後頓異,

未爲無因

矣。

順治〕二年正月陞以疾劇,乞假。 命太醫診視。 二月卒。

據此 謝陞 病逝時, 牧齋尚在南京, 任弘光帝之禮部尙書。 順治三年 牧齋歸 家後被逮

又檢國朝耆 獻 類徵 初編肆 陸叁載 田雯撰謝陛墓誌銘略 云 明洪武間,

公姓謝氏

諱陛,

字紫宸,

號丹楓。

系出

江

西輪縣。

十世祖官小旗戍籍德州右

謝陞所牽累明矣。

衞。 離可 復也。 匈 甲 申李自成 全 也。 與州 狐疑 人李嗣晟謀誅之。 陷京師, 、敗矣。 置賊黨 公仗 劍往, 李云, 防禦使閻 衆踊 當告諸 杰, 其 後, 薦紳 州牧吳徵文來德, 遇 先生。 盧御 史世淮云, 公日, 薦紳先生難 公流涕曰, 于思曷 維 言之, 主亡天下 其 來? 彼慮 公弗

顧。 久 欲散歸。 徴文 坐 聽 公日, 事 堂 賊踞京師 遙 望于 思, 散將安往?遂帥衆而北, 走踰半 垣, 拔 角 脱 距, 遂 所在收兵, 磔裂之。 併 與江 執 杰誅 表連和, 殺賊雪

馬。

衆

目

眩良

恥。 徵文甥也。 會世祖章皇帝入關, 誅徵文時, 匿僧舍免。 乃上所收印綬。 後成進士, 當國者欲官之, 來知州事, 不受,歸。 思得公而甘 心焉。 公自此隱矣。 誣以私 藏兵器。 知州某,

卒無以害。 公優遊里閉垂十年,與年七十以上者十人,結爲稀社。

(參小腆紀年附考伍順治元年四月「明貢生馬元騄,

生員謝陛。

及「明

駉復臨清濟

兵部職 方司主事凌駉」等條。 )略云:

小腆紀傳肆陸義師壹凌駉傳

以主事贊畫督師李建泰軍。 建泰降賊,

凌駉 傳檄山東, 字龍翰, 歙縣 遠近響應。 人。 崇禎癸未進士。 於是土寨來歸者甚衆,

與德州謝陛遙相應。

移告遠近,

殺傷官。

充青登萊

又附馬元騄謝陛傳略云:

馬元縣 德州貢生。 謝唑, 諸生也。 奉[宗室]帥鈦權稱濟王,

州皆堅壁自守。 陛即南中譌傳以爲故相謝陞者也。

諸

道光修濟南府志伍貳 人物捌盧世淮傳 略 云:

盧世

淮字德水。

天啓乙

丑

進

士,

乞侍

養歸

服関,

補禮

部改御史。

移疾趣

甲 申之變, 世淮 與其鄉人擒斬偽牧 授户部 倡義討賊。 主事。 大清兵下山左, 以原官徵 病不行。

碑傳集壹叁陸田雯撰盧先生世滌傳略云:

盧世淮字德水 一字紫房。 晚稱南村病叟。 淶水人。明初徙德州左衛。 (天啓五年乙丑)登進

九八八

除户部主事。 未幾省母歸。 復強起, 補禮部, 改監察御史。 竟移疾去。 甲申已後,

摳衣循髮,歌注無聊。掃除墓地,有沈淵荷鍤之意。

牧齋初學集壹佰陸讀杜小箋上略云:

本朝拜原官

徵詣

京

師,

以病廢辭。

癸巳卒於家, 年六十六。

今年夏, (寅恪案, 「今年」指崇禎六年癸酉。 )德州盧户部德水, 刻杜詩胥鈔, 屬陳司業無盟

耳 .書壹壹桑林詩集(原注:「起崇禎十年丁丑三月,盡閏四月。」)小序略云:

丁丑春盡, 赴急徵。

渡淮而北

寄予,

俾爲其叙

同書同卷復載有「將抵德州遣問盧德水」,「德水送芍藥」,「東壁樓懷德水」, 「次韻酬德水見贈

題, 寅恪案, 並附盧世淮「上牧齋先生」詩。 徐鼒謂 凌駉「傳檄山東。 與德州謝陛遙相應。 」又謂「陛即南中譌傳以爲故相謝陞。 」可知

先生世演傳(見碑傳集壹叁陸文學上之上。)恐有所避諱, 牧, 鄧之誠先生謂牧齋「牽連淄 淮二人又皆不受清廷之官職者, 倡義討 賊。 」之「鄉人」,當即指謝陛馬元騄等,蓋與謝陛墓誌銘所言同爲 川謝陞案」之「謝陞」, 自與抗淸復明之運動有關也。 乃謝陛之誤。 不明言之耳。 又牧齋於崇禎十年丁丑因張漢 德州府志謂「世潅與其鄉人 復據上引資料, 一事。 惟田雯撰盧 謝陛 擒 廬

詰控, 被逮北上,道經山東, 與盧德水頻繁賦詩唱和。 以沒口居士與南村病叟如是交誼 則其於

年丙戌七夕後, 順治二年丙戌辭官南下, 自北京歸家, 再經山東, 被逮北行, 亦應有酬和之篇什及來往之書札。 必爲謝陛盧世涯等之牽累, 更無疑義。 由此推之, 謝氏 牧齋於順治三 既被誣以私

抑又可知矣。 藏兵器 但不久事白, 則牧齋之得冤禍, 亦事理所當然, 而顧云美所謂「送公歸者」, 乃指盧氏,

緣, 即從之而死是也。 第二死爲牧齋遭黃毓祺案, 吾國文學作品中, 更別有三死之說焉。所謂三死者, 往往有三生之說。錢柳之因緣,其合於三生之說,自無待論。 此三死中, 幾瀕於死, 第一死前已論述之,茲僅言第二死。 而河東君使之脫死。第三死爲牧齋旣病死, 第一死爲明南都傾覆, 河東君勸牧齋死, 寅恪草此稿有 但鄙意錢柳之因 兩困難問 而牧齋不能死。 而河東君不久 題。

題, 爲惠香公案 並 一略陳牧齋所以得脫第二死之假設, 第肆章曾考辨之矣。 一爲黃毓祺之獄, 以俟讀者之敎正。 即所謂第二死。 今稍詳述此案發生年月之問

顧苓河東君傳云:

寄妻韻 丁亥三月捕宗伯亟, 賦詩 美之, 至云, 君挈一囊, 從行赴難有賢妻。 從刀頭劍鋩中, 時封夫人陳氏尚無恙也。 牧圉鳣橐惟謹。 事解, (此節前已引。 宗伯和蘇子瞻御

第五章 復明運 動

牧齋爲黃毓祺案所牽涉,

被逮至金陵。

其年月問題,

依云美此傳之記載,

與牧齋所自言

九〇〇

官書相合, 故亦擇錄 自述之複寫 者符合。 終獲得 實則 一最有力之證據, 其價值 顧氏即據牧齋原詩之序, 數條, 不大也。 以便與牧齋己身及其友朋並他人之記載互相參校也。 今就所見官私兩方資料, 始恍然知清代官書未必盡可 非別有獨立不同之資料。 初不易定其是非, 信賴。 故此 但因 傳此節, 述及此案諸 辨其 〈眞偽。 亦可視爲牧齋 币 後詳 頗多與 檢 此案 本

清世祖章皇帝實錄叁捌略云:

緝。 山之寇 弱 順 防 疏入, 五 颗, 年 戊子夏四 1 得旨 隔 反 詩 一水, 本, 月 黄毓 故密差中軍 丙 棋著 寅 供 朔。 出 īF 江 法, 辛 北 各將稽察 卯 窩黨薛 其江 鳳 陽 洲主 北 繼周等, 姦細 撫陳之 窩 賊 薛 擒到 龍奏: 繼周 江 南王 等, 偽總督黃毓祺並家人袁五 自金逆〔聲 覺生錢謙益許念元等, 江南 逆 賊王覺生錢謙益許念元等, 桓 〕之叛, 沿 海 見在密 搜 帶, 獲 與舟

蔣良騏撰東華錄陸云: 著馬國柱嚴飭該管官訪拏。袁五著一併究擬。

即 本。 ĪĒ 供出 五 年四 其 江 薛 北 月 繼 窩 周 黨 鳳 E 薛 陽 覺生等着 繼 训 周 撫 陳 Ż 嚴 江 龍 飭 南 疏 該管地方官訪拿。 I 奏擒偽 生錢 總 謙 督 益許 黄 毓 見 棋 袁五 元 並家 等。 人 現在 並究擬具奏。 袁五 密 咨 搜 獲 鲖 ED 得 日日 顆, 黄 反 毓 著

清史列傳柒玖貳臣傳乙陳之龍傳云

毓祺宿, (順治)五年奏擒奸人黄毓祺於通州法寶寺。 且許 助資招兵。 詔馬 或 柱 一殿鞘。 毓棋死於獄。 獲偽印及悖逆詩詞。 謙益辨明得釋。 原任禮部侍郎錢謙益, 時江西 鎮將金 聲 曾留 桓

攻陷無爲州巢縣等處。 巡撫潘朝選劾之龍不能禦寇, 縱兵淫掠。 得旨降二級調 用。

順治)五年正

]書捌拾逆臣傳金聲桓傳略云:

同書同卷李成棟傳略

云:

四年。 遣 人 四 出約期舉 月聲桓與〔王 兵。 得仁)合謀 廣東提督李成棟叛應之。 糾衆據南昌叛。 說云明唐王未死, 分牒授職 書隆武

廣東郡邑皆從叛 順治]五年正月江西叛鎮金聲桓遺書招成棟。 成棟遂擁衆反 納款由鄉, 迎之入廣東。

於是

清御批歷代通鑑輯覽壹壹玖附明桂王二略云:

順治五年春 正月總兵 金聲 桓叛, 以江 西附於桂王 由 榔。

或 撫章于天於 是月二十 公, 得仁新喻侯。 五 江 E 中, 閉 城門, 迎 故 得仁統兵陷九江, 明在籍大學士姜曰廣入城, 部 勒全營 童 [巡按御史董]學成官署, 揚言將窺江寧。 以資號召。 殺之。 遣 人奉表由榔。 並及副使成大業。 由榔封聲

桓昌

執巡

第 E 章 復明 運 動

同書同卷略云:

九〇二

〔順 治 Ŧī 年)夏四 月 提 督 李 成 棟 叛 以 廣 東 附 於 桂 由

是月十 E 黎 明 成 棟 令其兵集 、教場, 聲言 索 餉 欲 爲 成棟

清史稿肆世祖本紀壹略云:

甲至

衆兵

呼

噪

劫之

以

叛。

遂

傳檄各屬

遣使

附

於

由榔。

請

養甲

出城撫

順治五年二月二日甲戌金聲桓王得仁以南昌

清史列傳柒玖貳臣傳乙錢謙益傳云:

將起 考。 函 謙益曾留 返。 治)五年 義 韶 摩之友 總督馬 遣 黄 四月 江 毓 陰 人徽 棋 或 徐摩 宿 鳳 柱逮訊。 陽巡 州 其 致 家 江 書 撫 純 錢 陳之 F 謙益至江寧訴辯, 許 謙 益, 助 龍 謂 資招 擒 摩 提銀 江 返 陰黃毓祺 必挟 兵 五 A 千, 奏。 重 一貨 前此 用巡 於通 (寅恪案, 發之可 供職 撫印 州法寶寺, 内院 鈴之。 '得厚 小腆 利 紀 邀沐恩榮, 謙益知其事 搜出偽總督印 傳 詣 肆陸黃毓 營 告 變。 圖 ,必敗, 棋 報 及悖逆 等 傳 不 云 達, 語 却 Ż, 詩 況 可 毓 年已 供 持 參 空 以

七十, 臣歸 匿不赴質, 老 奄奄 山 林。 餘 毓祺 息, 子 姪三 病 死 動履藉 人新 獄 中, 列 人扶 科 乃以 目, 掖, 謙益與毓祺 豈有他念。 必不喪 N'S 負恩。 素不 哀籲問官乞開脱。 相識定識。 於是得釋歸。 馬 國柱因 會首告謙益從逆 (寅恪案, 一疏言 E 元 謙 益 之盛名 鍾 以 編 内 或 院 儒 朝 虞 大 逃

亥科略云:一錢祖壽二甲第五 名。 字福 先, 號三峯。 時 俊孫

陽科

名錄

壹

進

土

門

順

治

四

年丁

第五章 復明運動

子。 商 敕下督 郡 尚 其實裔僖乃姪孫, 錢 唐朝鼎二甲第十四名。 城 未復姓, 孫愛孺 同 以絕接濟。 撫嚴提 爲其子弟營謀 書貳舉人門順治三年丙戌科略云 胎, 更應不列於此 正 改名上安。 罪, 成 功於山海 祖壽祖彭乃姪曾孫。 庶内 鄉舉邑庠, 字禹九, 也。 謙益子。 究清而接濟之根可拔矣。 兩 路 又清史列 爲護身之符。 各設五大商, 號黍谷。 」國柱所謂「子姪三人」子自是孫愛。 唐朝鼎即與迫死河東君案有關之「族貴 傳 :「錢裔僖見進士。 玖黃梧傳載梧條列剿 本姓錢。 其實 爲之行財射利。 陰通禁貨 」黃氏所言之情況, 錢裔僖三甲第九十四名。 錢召西翰, 漏 梧在海上素所熟 滅鄭氏 泄虚實 五策, 雖時間較晚, 姪則當指 庠名祖彭。 貽害莫大。 其 一錢朝鼎 字嗣希, 識 四 裔 近 僖 裔 且潛住 但亦可 應奏請 一鋤五 肅子。 祖 時俊 此 時

同書同卷土國寶傳略云:

供多證

清史稿肆世祖 命 江 順治)二年隨 以)擅殺(蘇 革 南按察 國 寶等職, 本紀壹略云: 司 事。 州諸生王伯時及文震孟之子文乘〕下所司 豫親王多鐸定江 下 五年五 總督馬 月 國 仍授江 柱同 寧。 世禎訊鞘。 寧巡撫。 王令同 侍 八年十月巡按御 國寶將就逮, 郎 李率 泰招撫 察議 畏罪自經死。 蘇 史秦世禎疏劾國寶(貪贓)。 坐降 州 松江 調。 諸郡, 四 鞫證皆實,追贓入官。 年 八月命以布政衛管 遂 奏授江 寧巡 疏上,

順 治四年七月戊午改馬國柱爲 江南江西河南總督。

書壹貳貳職官志叁外官門略云:

順 治元年置江南巡撫 駐蘇州, 轄江寧蘇 州松江常州鎮江五府。 十八年江南分省, 更名蘇州

順 治十八 年江 南分省右布政使徙蘇 州 左仍 駐 江

治三年增置 江寧按察使一 康熙 1 年江 蘇按察使從蘇 州 (原注 江 寧隷此。

佰叁疆臣年表壹順治四年丁亥江

南江

西

河南欄

云

書漬

順

國柱七月戊午總督江南江 西河南

書同表順治四年丁亥宣大山西欄 云

馬國柱七月戊午調。 (寅恪案, 葉紹 袁啓禎記 聞錄柒芸窗雜錄 云:「舊巡 撫土公左遷按 《察使。

(丁亥)十二月中已履任。 」可供參考。 申 江寧洪内院 朝紀 總督、 宣大 亦奉旨回京。 山 西。 代之者馬公名國柱。 洪係明朝甲科, 固

書同 表順治十一年甲午江南江 西欄 云:

白丁也。

國柱九月丁未休。 十月馬 鳴佩總督江 南 江

黃宗羲海外慟哭記監國魯三年戊子閏三月(即順治五年戊子四月。 )江西虜帥金聲桓反正 條 (可參

西。

梨洲行朝錄肆「魯王監國」及同書伍「永曆紀年」有關各條。)云:

金聲桓者,故楚帥左良玉之部將也。良玉死,良玉之子夢庚降虜。 虜俾聲桓仍統其軍。 大學

之。 聲桓降將, 士黃道周督鄭鴻逵鄭彩二軍出杉關。 道周被執, 故輕之。從之取賄不得。聲桓私居嘗改舊服, 由是得鎭江西。 上取閩, 聲桓故曾役於道周, 廣調各省之兵, 以書示之。廣撫失色,遂斬之。奉永曆帝正朔,受 復陷其地。 於是虜撫上變, 乃陽爲送欸, 聲桓之力居多。 言聲桓謀反。 而使別將張天禄襲 虜撫以 聲桓

未除, 爵豫國公。 使人竄之中途,得其書,乃置酒召虜無, 桓困之。 聲桓之謀者, 贛州者不從聲桓。 而勤遠略, 數月食盡。 。江西郡縣皆定。當是時南都震動,以爲聲桓旦夕且下。虜官豫擬降附,而虜之守 以寧庶人[宸濠]之敗,急於順流, 聲桓欲攻之,守贛州者曰,吾不動以待汝。汝得南都, 是追庶人之價車者也。 部曲斬聲桓, 降於虜。 聲桓遂急攻贛。 故使新建[伯王陽明]得制其後。 贛守愈堅,各省之援虜大集, ,則吾以贛下。 今門庭之寇 乃爲 圍聲

查繼佐魯春秋監國紀略云:

聲桓與養子王得功北反自稱輔明將軍,桂王封豫國公。封成棟惠國公。 向,爲明守廣東。 [永曆二年]戊子(監國三年)監國蹕鷺門。 北總鎮金聲桓回向, 爲明守南昌。 北總鎮李成棟回

第五章 復明運動

(永曆三年)己丑 (監 國四 [年)春 正月監國由 為門站 沙埕

南昌敗。 豫國 公金聲桓, 建武 侯王得仁, 大學 士尚書姜曰廣死之。 諸郡縣咸不守。

惠國成棟以桂 金豫國 回向 命提東粤 曰廣欲捷取 師 應聲 九江, 桓, 扼安慶, 協攻贛。 窺 南 適聲桓解贛圍 都。 聲桓不 聽。 兩日矣。 至是敗, 勢單, 間投井死 敗走信豐,溺水死。

祝芸堂純嘏編孤忠 後錄略 云:

順治四 年丁 亥黃 統棋 起兵 海 Ŀ, 謀復 常 州

之。 就, 海艘多飄 正月毓祺 祺有部曲張純一張士儁二人, 而志不少衰。 糾 合 師 毓 徒 棋 逃名潛窟。 溺 於海, 自 舟 1 進 賴勇士 至准, 發。 向所親信。 常熟錢謙益 石政負之, 索居僧舍。 二人從武弁戰名儒(寅恪案) 命其妻艷妓 始得登岸。 一日僧應薛從周家禮懺, 柳如 約常郡五 是至海 縣 F 司 犒 E 周 師, 起 清史列傳 闡 知棋, 兵恢復 適 颶 風 旗 事 延 大作 臣 而 既 傳 館 不

錢謙益傳之「盛名儒 爲 牧齋以黃介祉 網 打 盡計。 疑即此 於是首者首 事 人。 變, )轉輪 而 反遭 實無 捕 者 囚 所措 捕, 黎。 禍起倉卒矣。 謀於名儒, 柴德廣君已辨其非。 將以棋爲奇貨。 (寅 恪案, 甚是。 續甬 名儒 F 見輔仁 詩 捌 故

學誌

拾

謝

與

薛

有

得

此

=

賓

小

傳

云

壹 貢 卷第 壹 第貳 合期「結 埼 亭 集謝 一賓考」。

順

治五年戊子下黃毓祺於海陵獄。

是年春執毓祺見廉使夏一鶚。 四月下海陵獄。 一鶚爲常州府時, 索筆供云 身猶舊國孤 治徐趨之獄, 嘗垂涎於祺而 臣 彼實

欲未遂。 新朝佐命 後心 (寅恪案「彼」指錢牧齋)。 **豔武進楊廷鑑之富**, 各爲 欲借此爲株連,祺不應, 一事, 馬牛其風。 」一鶚大怒,

酷肆拷掠,

詰以若欲

何爲?

曰,

求一死耳。

七日遂囚於廣陵獄

六年己丑黃毓祺死於金陵獄。

三月移金陵獄。

將刑,

門人告之期。

祺作絕命詩,

被衲衣,

趺坐而逝。

錢肅潤輯南忠記「貢士黃公」條云:

黄毓祺字介子, 于两戌冬十一月集兵, 江陰人。 期一夕襲取江 倡義城守。 陰武進無錫三城, 城破, 決圍 出。 潛匿村落間。 不克。 毓祺往揚州, 俟滿兵稍去, 設絳帳於諸 復行召募。 富商

家。 馬畫飛揚。 空擎日月 李世勣四人召之去, 戊子被執於泰州, 曾於夢幻歷冰霜。 簷頭百里青音吼, 」毓棋死, 含笑而逝。 親知無有見者。 置犴狴, 詠歌不輟。 有絕命詞 賴常熟門人鄧大臨起西爲之獨金埋葬於獄中。 云:「人聞忠孝本尋常。 人共欽之。 獅子千尋白乳長。 己丑三月十八日, 牆壁爲 示幻不妨爲厲鬼 心鐵 忽見范蠡曹參吳漢 石腸。 擬向 雲期風 旨下, 虚

寅恪案, 第五章 復明運動 綜合清代官書之記載, 牧齋因黃毓祺案被逮至南京, 應在順治五年戊子四月。 (寅恪案,

戮其尸。

該管官 據。 斑。 地 實, 治 督 自 枫 蹟 此 身之紀 氏 阑 調 金 几 T 在 月 明 皆黃氏 其 年 任 品 雷 陸 年 曆 柏 載 即 其 江 訪 又 T 在 杳 户 南 壑 叛 謂 明 所 島 亥三 鄉 黄 黄 清 月 錢 載 兩 嶼 爲 銜 江 在 曆 大 礎 接 被 里 76 氏 順 氏 月。 年 後 脗 擒 À 所 皆 黨 治 河 南 閏三 之後 月。 其書記 特 皆 述 受 合 南 33 遣 76 濱 此 將 年 年 總 記 與 . 影 際 海 督 月 無 稽 j 見陳 月 黃 遂逮牧齋至 清 邊 馬 述 4 亥三月 今清代 1 查 代 隅 氏 沿 清兵殘 城之死 非 故黃 實 氏二 官 觀 份 議 海 刀山 書 未 L 金 者, 月 案發生, 官 間 也。 -符 引 聲 到 南京。 暴 書記 帶, 大 H 接 史 會。 黃 新任 柜 明 證 顯 朔 (梨洲 又明自 叛 逐擒 士忠節之事 明 金 相 五 里 惟 毓 清 所 清 必 清代 月 氏之叛, 衝 表 之海 言牧 祺 代官 突。 小。 南 在 獲 及鄭 聲言 此 清廷 官書 都 馬 黃 齋 外 號 毓 弦 清 傾覆 氏 氏 見 命 慟 將 諭 曆三 紀 調 復 至 祺。 先 近 哭記 趙 河 取 任之後 載 早 後 故 載之合 11 量 曦 東 南 應 然則 檢清 月 馬 在 中 及行 明 君 一得有「 都。 大 其 與 或 順 万 江 至 餘 理。 代 藉 柱 治 黄 史 海 F 郭 李 以抗 方有 該管 官 姚海寧之著 於 Ż 7U 五 H 孤忠 成 錄 月 被擒 至祝 順 年 書 表。 犒 並 棟 清之根 二之語。 所記 治 戊 小 口 錄 黃 查 復 台口。 芸堂之 74 子 注。 毓 東 以 年 决 IE 在金 是 里 庸 祺 Ш 月。 否 無 述 據 Ť 牧齋自 几 Z 東 足 師 亥七 之 視 較 書 合 月 地 疑 他 證 魯 義 大 歸 有 同 清 叛 理。 清 事 春 明 書 述 月 廷 清 75 例也。 代 秋 爲 專 其 命 此 H 以 依 五 官 當 詳 沭 等 被 後。 點 月 陳 宣 馬 知 時 逮 畫 爲 大 舶 //\ 或 有 所 牧 且 介 江 Ш 柱 牧 龍 口 兀 見 浙 記 在 齋之 何 子 南 兀 嚴 祝 齋 故 疏 趙 依 事 腹 順 清 事 飭 本

夫清代官書年月之記 載, 無可非議, 已如上述。 似應視爲定論。 但鄙意實錄之編纂, 累經改易,

合。 編者綜合資料, 昔年檢編明清內閣大庫檔案殘本, 排比先後, 表面觀之, 雖如天衣之無縫。 曾見實錄 原稿, 往往多所增刪變換, 然未必實與當時事件發生之次序一一 遂知實錄之年月先 脗

兆叛案揭帖」內引蘇松常鎭四府提督吳勝兆狀招云:·

後,

亦間有問題。

茲見羅振玉史料叢刊初編「洪文襄公〔承

疇

順治四年丁亥七月初十日)呈報吳勝

進兵, 提督。 戴之俊 在 順 敝府做官極 治 四年三月內有戴之俊前向勝兆嚇稱蘇州拿了錢謙益, 回 你今官已沒了, 這裏收拾人馬, 云, 好。 有 原任 今有 兵科 事 拿到京裏, 萬一有人來拿, 相 陳子 通 龍 難 形 有甚好處?我今替你開 紙筆 他與海 你已 有準備。 可將勝兆先封爲伯 賊 黄斌 卿 極 勝兆又不合回稱我今力單, 厚, 個後門, 説他謀反。 央他寫書 後俟功成 莫如通了海外, 隨後就有十二個人來拿 一封, 再 内 加陞賞 大意云 怎麼出 教他 勝兆 其餘 一面

亨九此 揭乃當時 原文, 最有價值。 足證牧齋實於順治四年丁亥三月晦日在常熟被逮。 清代編輯世

不

便盡言。

來將盡

吐其詳

等語。

故耶?抑或未曾見及洪氏奏揭原文所致耶?今雖未能斷定其錯誤之由, 月一點論之, 祖 實錄 何以不用洪氏原文, 自應依牧齋己身之記載, 而移置此案於次年?豈因馬國柱 而不當據清代實錄也。 順治四年三月,尚未到南京任所之 然就牧齋在常熟被逮之年

動

傳

九一

文屢言之, 有不同。但以干支記年,如「丁亥」「戊子」兩者, 關於牧齋本身及其友人之記載, 有學集壹秋槐詩 不須 廣徵。 集「和東坡西臺詩韻六首」序云: 茲僅擇數端於下。 則牧齋因黃毓祺案被逮,謂在順治四年丁亥三月。明淸之曆, 至其所以能冤死之故, 必不致差誤。 牧齋於此案發生之年月, 則暫不涉及也。 其集中詩 古

時, 冒死從行。 丁亥三月晦 次東坡御史臺寄妻詩 誓上書代死, 日晨興禮佛, 否則從死。 忽被急徵。 以當決別。 慷慨首塗, 鋃鐺拖曳, 獄中遏紙筆, 無刺刺可憐之語。 命在漏刻。 臨風 闇 誦 河東夫人沉疴臥蓐, 飲泣而已。 余亦賴以自 生還 上壯焉。 之後 一以傳 而 尋繹 獄急 眎

口 書壹叁 遗忘, 東 求屬和馬。 尚存六章。 澗 詩 集下「病榻消寒雜詠」四十 值君三十設帨之辰, - 六首之十六云: 長筵初啓, 引滿放歌, 以博如皐之一笑, 並

縲絏 蝇 重 口 重 嘬餘津。 四 1浹旬。 頻年風 僕僮併命付灰塵。 雨 雞鳴候 循省顯毛荷鬼神。 三人纏索同三木, (自注:「記丁亥羈囚事。 六足鈎牽有六身。 伏鼠 盤 頭 遺

宿

同

百 .書貳伍「梁母吳太夫人壽序」略云: 梁母吳太夫人者, 太子太保吏部 尚

而少宰(葵石清遠)司馬(玉立清標)之祖母從祖母也。

丁亥之歲,

余坐飲章急徵

書少保真定梁公[乾吉夢龍]之子婦,

今備兵使者

可

婦河 日太夫人盛服將事, 介婦 勞問繹絡。太夫人戒車出饗, 東氏匍匐從行。 以降復以次拜, 獄急,寄孥於梁氏。太夫人命慎可卜雕陵莊以居。慎可杜夫人酒脯粔 正席執爵再拜,杜夫人以下皆拜。賓答拜踐席。 乃就位。 凡進食進餚, 先期使姆致命, 太夫人親饋 請以姑姊妹之禮見。 賓執食, 杜夫人以下以次拜太夫 興解, 賓三辭, 然後坐。 不得命。 沃洗

卒解禮如

初。

太夫人八十高矣,

自初筵建執燭,

強力無怠容。

少宰諸

夫人踧踖相杜夫

人執

於

無儳言,

無偕立,

貫魚舒雁,

肅拜而後退。

謝象三三賓一笑堂集叁「丁亥冬被誣在獄, 是乎觀禮焉。 古太饗。然其獻酬酳酢, 又十年丁酉太夫人壽九十,設帨之辰,鋪几筵, 三終百拜, 禮成樂備於往者之賓筵, 時錢座師亦自刑部回, 余聞婦言, 奉手拱立, 以四詩寄示, 固可概見也。 考鐘鼓, 惜未得身爲煇 庭實玉帛儀物 率爾和之。 」四首 胞 當應

云:

陰

風

颯颯雨凄凄。

尚 犴狴城深白日凄。 有崩城杞子妻。 肯從獄吏放頭低。 所仗平生忠信在, 誰道天高聽果低。 任教巧舌易東西。 任渠市上言成虎, 漁獵難堪官似虎, 已付鬻中命若雞。 桁楊易縛肋如雞。 已無收骨文山子,

歲行盡矣氣方凄。 路官難鬻老萊妻。 衰齒無多日已低。 不知孤寡今何在, 定是分飛東與西。 嘹魘夢中聞過雁, 悲涼舊事聽荒雞。 辨謗雖存張子舌, 囹圄不入惭蕭傅,

第 五章 復明運動

縲絏無辜愧治妻。久矣吾生欠一死,不須題墓作征西。

貪夫威 福 過 霜 凄。 素可爲蒼高 作低。 已苦籠 人如 (縛虎, 仍闡 席卷不留雞。 網羅並及傷兄弟,

顛沛無端累妾妻。知有上天無待訴,種松也有向東西。

然後出 僕共梏奉者四十日。 寅恪案, 獄 牧齋自 尙被管制, 謂 大 」序言:「生還之後, [黃案被逮在丁亥歲。 即所謂「頌繁」, 亦即謝象三所謂「自刑部回」者,是也。考河東君與牧齋於 值君三十懸帨之辰。 若疑其年老健忘, 則和東坡詩第肆首自注云:「余與二 」蓋牧齋逮至南京下獄, 歷四十日,

雜詠 事, 茸城結褵, 中有「丁亥之歲, 始終不能 更有「記 時年二十四, 此年爲崇禎十四年辛巳。故順治四年丁亥適爲三十歲。又梁維樞母 忘懷者。 丁亥羈囚事」一首, 余坐飲章急徵。 查伊璜魯春秋監國元年 又十年丁酉,太夫人壽九十。」之語。 與「追憶庚辰冬半野堂文讌舊事」一首, 丙戌二月載:「晉謝三賓東 至其垂死時賦 閣大學士。 乃一生最苦最 病 象 楊 之兩 壽序 降 消

詩題, 學集叁陸。 歲, 必不應誤記也。 口 證牧齋實以丁 )則丁亥歲, 象三之詩, 亥歲下南京獄。 年五十五, 雖遠不逮牧齋 而牧齋年六十六。 象三於崇禎十五年壬午,年五十,牧齋爲作壽序。 但以曾有爭娶河東君之事, 老座師縱因老而健忘,老門生少於其師 故和「妻」字韻句 見

後,

被逮下獄

當與此

事有關。

然得一

宰相之虛銜

聊勝其老座師屢次干

求而不得者多矣。

據

頗可令人發笑,因全錄四首原文,以資談助。

又顧云美「東澗遺老錢公別傳」云:

戊子五(三?)月爲人牽引, 有江寧之逮。 頌繫踰年, 復解。

君傳乃依據牧齋和東坡詩序,遂有此語, 耶?至其所撰河東君傳云:「丁亥三月捕宗伯 遊。」及:「癸卯秋,下髮入道。 還常熟。 考牧齋自云以丁亥三月晦, 故云美之誤, 自不待言。此點與其所撰河東君傳云:「庚辰冬, 被急徵至南京下獄, 」同爲誤載。 而不悟其錢柳兩傳自相抵觸。 豈因師事牧齋稍晚, 於其師之經歷, 歷四十日始出獄, 仍被管制。 甚矣!著書記事之難如 扁舟過訪, 突。 至己丑春, 未甚詳確所致 當是所撰河東 同爲西湖之 始得釋

總而 由是推論 言之,今旣得洪承疇之原揭, 清初此數年間之記載, 可以斷定清代所撰官書, 恐尚有問題, 但以本文範圍之限制, 終不如牧齋本身及其友人記述之爲信 不能一一詳究也。

此。

關於牧齋所以得免死於黃毓祺案一事, 或其他滿漢將帥等爲之解說, 則無疑義。 今日頗難確考。但必有人向當時清廷顯貴如洪承疇馬國柱 據上引牧齋所作梁維樞母壽序, 言其被逮至南京時 河

檢梅村家藏藁肆貳、僉憲梁公西韓先生墓誌銘」略云:

東君寄寓愼可之家。

由是言之,

慎可乃救免牧齋之一人,

可以推知也。

真定少宰梁公諱清遠 排續其尊人食憲西韓先生行事來告。 按狀 公諱維樞 字順可 別號

運動

第五

章

復明

氏, 十有四。 身名碗 養吳夫人者 繼王 之賜。 公諱 長少宰也。 真定人。 公生於 每摩挲 型 1 再繼 年。 以元 Ц 東 (萬曆十年)丁亥八月之二十九日。 其下, 杜氏。 用疏 按察司 又先業 配吳夫人生公。 其先徙自蔚州, 薦 魚事, 彷徨歎息不能去。 余投老荒江六年, 復出 在雕橋莊 少宰貴, 整飭 補 於典得 普 皇清 七世至太宰貞敏公(指夢龍。)始大。 武 繕 有古 定鼎, 德 郎。 加恩二母, 兵 柏四十圍 備。 〔順 即二工 治十三年丙 會 入賀, 卒於(康熙元年)壬寅十月之六 一部主事」舊官錄 元配 趙忠毅 Ŧ, 遂乞養。 申五月己未〕 (南星)當過 贈恭人, 衰病坎壤, 用。 後 五 乾清 年 奔澹 而 而 貞敏第四 杜貤 倍於疇昔。 而卒於家 憩馬。 宮告 明公 封 日。 成 亦如之。 子 封 月不居, 得 元 享 中 配 文 有 E 綺

之誼。 社會風 前。 則愼 雕橋莊記」略云:「吾郡梁太宰〔夢龍〕有雕橋莊, 愼可 嗣 T 見光緒修畿輔通志叁玖及同 寄寓 殆以賓僚資格, 公故 兩人之間縱無其他原因, 江 寧。 辱 雖未能確 知 至其 余。 心彫陵 參預洪氏或馬氏軍 余得 定 爲 莊 棲 何 遲 時 閣 當由梁氏眞定先業之雕橋莊得名。 治修福建通 即此一端, 里, 但至遲亦必在順治四年 苟視先人之飯含者, 府。 志壹伍陸選舉 考梁洪俱爲萬曆四十三年乙卯舉 慎可亦能與亨九發生關係, 在郡西十五里。梁公往矣, 表舉人欄等。 七月 夫猶 馬 公賜 或 (可參 柱任 也。 趙南 江 遂可 在舊 公孫愼 南 星 江 隨之南 人, H 味 西 科 미 舉 檗齋文集捌 有 加 南 制 鄉 書其中 度 總 試 百 年

陵」之語 自號西韓 合用古典今典, 」等語及吳詩集覽陸 以名其南京之寓廬也。 L 「雕橋莊歌」序並注。 慎可離南京北返之年月, )蓋愼可僑居金陵, 今頗不易知。 因取莊子山 木篇「雕 但必在

順治六年己丑冬季以後。 (可參下論。)

檢牧齋尺牘中致□□□□□: 往年寄拏雕陵 荷賢喬梓道誼之愛, 家人婦子仰賴 鴻慈。 雲樹風煙, 每紆雁素。 惟尊太翁老

木 殘 年, 菰蘆 朽質, 業已撥 棄世事 歸向 空門, 而宿業未亡, 虚名爲祟, 謠詠間 發,

草

世兄郵筒

不

絕,

翰墨

相

商

時詢

)鯉庭,

遙瞻

灣掖

寸心

繾綣,

未嘗

不往來函

文也。

不肖某

海内 無端。 . 蟾 仰。 所賴 不肖 台翁暨司 潦倒桑梓 馬 公愛惜孤蹤 無能報稱, 保全善類, 惟有向繡佛齊前 庶令箕風罷煽 長明燈下, 畢 稽首齋心, 削芒。 此則 祝延介福而 元氣 所關

寅恪案, 九月任兵部尚書。 E, 此札乃致梁淸遠者,「司馬公」指淸標言。考淸標自順治十三年丙申四月至康熙五年丙午 犬子計偕, 孫愛中式 **尚叩鈴閣**。 順治三年丙戌鄉試。 黄口童稚,深望如天之覆。 牧齋此函即付孫愛赴北京應會試 其爲銘勒, 何可名言。 臨楮不勝馳 時, 山 交清遠 企。

十月 者。 己亥秋牧齋預聞 維樞逝世以前。 孫愛應會試當不止一次, 鄭成 功舟師 此六年間 入長江之役以後, 但此次必不在順治 一清廷共舉行會試三次。 亦即孫愛赴北京應十八年春闈時也。 十三年四月清標任兵部尚書以 依牧齋「謠豚間 發 之語 後, 則疑 是順 康熙元年 然則牧齋作此 治 六年 壬寅

第五 Ê 復明運 動

札時, 距黃毓祺案已逾十年, 尚欲梁氏父子兄弟始終維護保全, 如前此之所爲。 今日吾人殊不易

知鄭氏失敗, 牧齋所以能免於牽累之故。 或者梁氏兄弟仍有間接協助之力耶?

寅恪復檢牧齋尺牘上致鎭臺〔化鳳〕書三首之一云:

内子念尊夫人厚愛, 寢食不忘。此中郵筒不乏, 即容尚候萬福

此札言愼可家事頗詳, 自是致維樞者。 編輯誤列, 不待詳辨。 至牧齋與梁化鳳之關係, 俟後論

之,茲暫不涉及。

死。 又第叁章引錢肇鼇質直談耳,謂河東君在周道登家爲羣妾所譖, 觀牧齋「梁母吳太夫人壽序」可證河東君與愼可母之關係, 與應付周旋念西母者, 幾至殺身,賴周母之力得冤於 正復相同。

齋之発禍 河東君善博老婦人之歡心一至於此。噫!天下之「老祖宗」固不少,而「鳳丫頭」豈能多得者哉?牧 非偶然也。

建舊山樓書目, 前論牧齋所以得脫黃毓祺案牽累之故, 載有 疑與梁維樞有關。惜今尚未發見確證, 故難決言。檢趙宗

柳如是家信稿(原注:「十六通。自寫。」)一本。

又乙酉年日記一本。牧齋甲申年日記一本。

九一六

又記豫王下江南事蹟一本。

等數種。 又被累下獄時與柳如是信底稿(原注:「内有詩草底稿。」)一本。 若非僞託, 而又尚存天壤間者, 則實爲最佳史料。 唯未曾親睹, 不能判其然否,

啓 順 記 聞錄柒附芸窗雜錄記順治四年丁亥事略云:

但有一點可以斷定者,即牧齋之脫禍,

由於

人情,

而不由於金錢。

今所見載記,

如葉紹袁

殊深悵

恨也。

海虞錢牧齋名謙益, 中萬曆庚戌探花, 官至少宗伯, 歷泰昌天啓崇禎弘光五朝矣。 乙酉歲北

至燕京,任爲内院,未幾即令馳驛歸, 蓋外之也。 四月朔忽緩騎至蘇猝逮云。

兵入南都,率先歸附,代爲招撫江南,

自謂清朝大功臣也。然臣節有虧,人自心鄙之。

雖召

錢牧齋有妾柳氏, 束裝挈重 一賄 北上, 先入燕京, 寵嬖非常。 人意其或以顏貌, 行路於權要, 曲爲斡旋。 或以技能擅長耳。乃丁亥牧老被逮, 然後錢老徐到 竟得釋放,

生還里

柳氏即

門。 始知 此婦人有才智 故緩急有賴 庶幾女流之俠 又不當以閨閫 細謹律之矣。

及計六奇明季南略玖「黄毓祺起兵行塘」條附記云:

而貪利 (黃毓祺)將起義, 知事不密,必敗,遂却之。摩持空函還, 素與大清兵往還。 遺徐摩往常熟錢謙益處提銀五千, 知毓祺事, 謂摩返必挾重貨,發之可得厚利。及至常熟 江某 詣營告變, 用巡撫印。 ,遂執毓祺及薛生一門, 摩又與徽州江某善。 (寅恪案) 錢 江嗜賭 (謙益

第五章

N

薛生」指 薛 繼 周 之第 四子。 解於南京 部 院 悉殺之。 錢謙益以答書左袒得免。 然已 用 賄 Ξ

錢, 之比, 齋被逮 齋脫 前論 皆未悉牧齋當日 先入燕京, 徵者相合。 禍以後, 河 而 皆未明 河 然其記牧齋被逮 至 東 蘇 但一人一 君 東君之能 常熟距 患 牧齋徐到 當 病 在 因補記於「海虞錢牧齋名謙 T  $\bar{\exists}$ [經濟 家之 利用 亥四 事實所致。 蘇 經江德璋治愈, 州 情況者之揣測。 二節, 月朔, (資富) 人情, 事, 甚近 亦在 乃得之 足使牧齋脫禍 與洪亨九 葉氏之書, 亦有改 葉氏於四 順治四年丁 牧齋以 輾轉傳聞, 變, 茲略 月朔聞訊, 原 益 揭 大抵依時日先後排列 K 故與 徵 」條相近 所引吳 杯贈 支, 載記 其才智尤不可及也。 黃毓 可 江爲謝, 不置辯。 殊有參考之價 處, 勝 遂筆錄之耳。 祺案發生之時 以證牧齋此時 兆 蓋以同 供詞及牧齋 因述及順治二年乙酉 葉氏言「重賄 述 値。 天寥與牧齋之關係, 但「錢牧齋有妾柳 \_\_\_ 間 實不能付出 自記 關於牧齋經濟情況之記 事故也。 相 至於所言 距前後久遠者, 亥三月 計氏言 所可 河東君 如此鉅大數量之金 一清兵 晦 注 氏 用 破 В 1挈重 -條, 賄 在 明 可 非 家 南 賄 忽 其記 乃聞牧 都 謝 北 被急 牧 牧

黃毓

棋案發生之歲

時間甚近,

故牧齋必無重資厚賄以脫禍之理。

今存牧齋尺牘

其中訴窮告貸

財貨

而

不

獻納

非獨己身不

應出

此

亦恐他

人未必能容許也。

南都

迎

降之年,

距

齋奉

慮

多

鐸之禮物獨

薄

事,

據此

得

知牧

公齋當時

經

濟

情況

實

非豐裕。

蓋

値

斯

求

合苟

之書札不少, 大抵距黃案時間頗遠, 以非切當之資料, 不多引。唯與毛子晉四十六首, 其第叁玖

耳。 獄事牽連, 實爲家兄所困。 頃曾專信相聞, 而反倩筆於下走者, 老顯倔強, 定可握手。 恥以殘生爲乞丐

檢有學集壹柒「賴古堂文選序」云:「己丑之春予釋南囚歸里。 釋歸常熟。 此札末署「仲多四日」, 即順治五年戊子十一月初四日。「嘉平初, 」可證牧齋於順治六年己丑 定可握手。 春間 被

未審亦能悉此意否也。

歸期不遠,

嘉平初,

仲冬四

日。

非信史,更可見矣。 戊子年十二月初, 可還家與子晉相見。 牧齋作此札, 尙在黃案未了結之時。 然則葉計兩氏所言之

又葉計兩氏所以有此記載, 平時服用,亦非甚儉薄, 蓋據當時不明牧齋經濟情況者之傳說。牧齋雖不以富名, 然則其何術以致此耶? 但家藏珍本

明末蘇松常鎭之士大夫, 多置田產, 以供其生活之費用。 清室因鄭成功舟師入長江之役,

江南土

大夫多響應者, 發起奏銷案以資鎮壓。 觀孟心史森明清史論著集刊下「奏銷案」一文, 可概見也。

復檢牧齋尺牘中 雙白來, 得手教 與 諄諄如 云 面談。 更辱垂念, 家門骨肉道義, 情見乎詞。 可勝感佩。 近 日一二

第五章 梟獍蜚語計窮 復明運動 謂寒家戶田欠幾萬金 將有不測之禍。 又託言出自縣令之言, 簧鼓 遠 近。

試

舌, 問之, 不顧 户有許多田, 事 理,一至於此。 田有許多糧。 此言必有聞於左右者,亦付之一笑可也。 若欲欠盈萬之額, 須先還我踰萬之田 海晏河清, 而後可。 杜門高 小人嚼

Ż, 寅恪案, 見明詩綜捌拾上等。 亦微 却 苦脚氣纏綿, 不足道, 此札雖不知致誰 觀此札可 步履艱澀。 牧齋之免於奏銷案之牽累, 者, 以證知。 但據「家門骨肉」之語, 此天公妬其安閒, 牧齋旣不依田產收入爲生, 當別有 以小疾相折抵也 知其人爲牧齋 其他原因, 則其家計所賴, 同族。 然其 H 「雙白」者, 產無 論有 唯有賣文一途。 無 指 E 縱 廷

我母柳氏, 係本朝秘書院學士我父牧齋公之側室。 吾父歸田之後, 賣文爲活。 榮榮女子, 河東君殉家難事

實「孝女揭」略云

積幾何。

之金。 持。 牧齋遭際困 此雖指牧齋於順治三 須廣引。 碑版照四裔。 趙管妻之語 (見新唐書柒陸韓愈傳附劉叉傳。)其故事可舉以相比也。復檢牧齋尺牘中「與王兆吉」五 考牧齋爲王弇州後文壇最負盛名之人(見黃梨洲思舊錄「錢謙 頓, 自不能置 固指 」(見杜 一年丙 丙戌以後, 田產。 工部集柒「八哀詩」之五及舊唐書壹玖拾中文苑傳李邕傳。) 韓昌黎諛 · 戌秋由北京還常熟以 由是言之, 實可 兼概丙戌以前也。 牧齋丙戌後之家計, %後事, 但黃案之發生, 今所見資料, 亦與 其前此者無異, 即在此年之後。 益」條。 足資證明此點者殊多, )李北海「干謁走 皆恃賣文維 此數 在 不 墓 其

其第伍通云:

南軒世祠記, 生平有二債,一文債,一錢債。錢尚有一二老蒼頭理直,至文債、 因一冬文字宿逋未清, 俟逼除時, 當不復云祝相公不在家也。 ,則一生自作之孽也。 一笑! 承委

同書同卷「與遵王」三十通,其第伍通云:

可撑補,爲之奈何?甫老壽文,前與其使者以望日爲期, 歲行盡矣, 有兩窮爲苦。手窮欠錢債多, 腹窮欠文債多。手窮尚可延挨,東塗西抹。 正是祝相公又不在家時候也。 腹窮不

實寫其生活狀況,故附錄之。東坡集壹叁「次韻孔毅父久旱已而甚雨」三首之一云:「我生無田食 牧齋所謂「蒼頭」,當即指錢斗輩而言,俟後論述,暫不之及。茲以兩札所言,頗饒妙趣,並足以

破硯, 案, 關於牧齋與介子是否如馬國柱所謂「素不相識」之問題, 木陳即道忞。 爾來硯枯磨不出。」受之之語, 殆從蘇句得來歟? )二通, 其第貳通云: 茲檢牧齋尺牘中「與木陳和尙」(寅恪

係人天眼目, 密雲尊者塔銘,十五年前已諾江上黃介子之請矣。 然後可下筆具稿。 豈可取次命筆。年來粗涉敎乘,近代語錄都未省記。 謹與曉上座面訂,以明年浴佛日爲期, 重以尊命, 何敢固辭。第以此等文字, 爾時或得圍繞稅座 須以三冬歲餘, 覿 細加簡

第五章

復明運動

面

歸

九二二

榷 庶可於法門稍道一線, 亦可以慰吾亡友於寂光中

其第壹通略 云

戰掉。 喪亂殘生, 次後 學 著 語, 殖荒落, 頗爲 恭承嘉命, 老人施十重 步 令補 障。 造密雲老人塔銘, 竊自謂 心平如地 以償十五年舊逋, 口 平 如水, 任彼百舌瀾 每 下 Ŧ 輒 爲

剥 亦可以譬諸 一块, 付之一笑。

及有學集叁 |陸「天童密雲禪師悟公塔銘」略云:

年。 病固 請 天 崇禎十四年辛巳上以天步未夷, 童悟 一解。 詔所司議修成祖文皇帝所建南京大報恩事。 )嗣法弟子道态, 和尚。 踰年而示寂。 弘遇齋被將事, 具行狀年譜, 又二年甲 請悟和尚陞座説法, 物多疵 申, 申 國有大故, 請 厲, 謙益, 命國戚田弘遇, 俾爲塔土之銘。 命悟爲住持, 龍馭上賓。 祝延聖壽。 捧御香祈福補陀大士還賣紫衣賜 越十有五年戊 領其事。 還 師 朝具 諱 圓 奏, 悟, 弘遇 戌, 上大嘉 號 啣 密 命 即順 雲。 敦 悦, 趣, 嘉 治 俞 靖 + 以 戊 Ŧ 老 其

十七, 寅歲 王臣國 僧夏四十 生常州宜 士參請飯 四, 興, 、依者, 介子裁書介天童上座某屬余爲塔銘。 明年癸未,弟子建塔天童, 姓蔣氏。 又不勝數,偕忞公二通輩結集語錄書問 示微疾, 趺坐頻申而 迎全身室幼智養之右隴。 逝, 崇禎十五年壬午七月七日也。 遭世變, 不果作, 標揭眼目者, 師鬀度弟子三百餘 而介子殉 江陰 世 義以 黄毓

棋介子也。

師既歿,

又十年矣,余爲此文,鄭重載筆,平心直書,誓不敢黨枯仇朽, 欺誣法門, 用以副忞公

之請,且慰介子于九原也。

遂亦反其往日畏葸之態度,而昌言不諱其與介子之關係耶?又圓悟塔銘涉及田弘遇補陀進香事, 此可見。牧齋作密雲塔銘時, 則牧齋與介子爲舊友,此三文乃是鐵證。馬國柱奏謂錢黃素不相識,公牘文字自來多非事實,即 在鄭延平將率舟師入長江之前夕。豈牧齋預料國姓此舉可以成功,

抑更有可論者, 頗饒興趣, 君名大臨, 讀者可取前述江南名姝被劫及避禍事參閱也。 黃梨洲南雷文定後集貳「鄧起西墓誌銘」略云: 字起西,別號丹邱,常熟人。起西幼孤, 稍長即能力學,從遊於江陰黃介子毓

遊 淮南,以官印印所往來書,爲人告變,捕入金陵獄。 棋。歲乙酉江陰城守不下,介子與其門人起兵竹塘應之。起西募兵於崇明。 仙詩園中草授起西, 坐脱而去。 當事戮其尸。 起西號泣守喪鋒刃之中, 起西職納囊鳣。 獄急, 贖其首聯之於頭 事敗, 介子亡命 介子以其所著小 遂

也。 佗像而死。 棺 及熊開 殮送歸。 隨 訪熊 元條。 魚 聞者傷之。 有漢楊匡之風。 山於鳥目, )比余返棹 甲辰余至虞山, 訪李膚公於赤岸, 起西送至城西楊忠烈祠下, 起西師死之後, 起西 以精舍館我。 遍走江湖, 皆起西導之。 欲得奇才劍客而友之, 涕零如雨。 款對數人 (寅恪案, 余舟中遙望 可參梨洲思舊錄李孫之 張雪崖顧 石實皆其道侶 卒無所遇, 不可爲懷。

然不 意其從此 不再見也。

赴質, 夫起 意者, 言者, 家。 中從容自盡, 蓋由 西爲常熟人,又是牧齋舊友黃 (見後引梨洲思舊錄錢謙益) 恐是河 則可 牧齋不付五千金與徐摩, 「家素不 不追究監守之獄吏耳。 疑亦 東君間 豐, 與河東君之策 無以籌 接所指使。 辨鉅 條。 額也。 殆取 略有關, 遂因此 黃案得如此了 介子之高弟。 崇禎時告計牧齋之張漢儒故事以恐嚇之也。 則起西自與牧齋 脫禍。 故就此點觀之, 因藉此可以死 鄙意牧齋當時實亦同情於介子之舉 結 牧齋垂 不能 河東君之才智絕倫, 亦可 無對證, 一死時, 無關 證知牧齋經濟之情況矣。 涉, 梨洲 **免致牽累牧齋**。 미 至 以 」

虞山 推 知。 誠足令人驚服。 視牧齋疾, 首告之盛名儒 其以 動, 至介子之能 介子 但其 即 寓 病 不付款 所 可 死爲 在獄 逃 起 注 74

序, 與「妻」之問題, 關於牧齋獄中 並六首全文, 寄河 可 分別箋釋之。 東 不復贅。 治詩, 惟牧齋此詩, 第叁章論臥子長 其他典 故 雖 有遵 讀者自 相思七古, 王之注, 當 更 取 已引王 遵 然亦 E 未能 原注 應奎 並 盡 柳 觀 窺 南 也。 其 隨 師 筆 之 涉及牧齋 微旨。 故重 此 詩 序

有學集壹 秋 槐詩「 和 東坡西 臺詩 韻六首」其序 云:

丁亥三月 冒死 次東坡御 從 晦 行 日, 誓上 史臺寄妻詩 晨興禮 書代死 佛, 忽被急徵。 以當訣別。 否則從死。 鋃鐺 獄中 慷慨 拖曳 遏 首塗 紙 筆 命在漏 無 刺 臨 刺可 風 刻。 閣 憐之 誦 河東夫 語。 飲泣 人沉 而已。 余亦賴 疴 臥 生還之後 以 蓐, 自 蹶 然 獄

而

尚存六章, 值君三十設帨之辰, 長筵初啓, 引滿放歌, 以博如皐之一笑。 並以傳际

百 求屬 和馬

寅恪案, 君作「昭君出塞裝」之傳說而來耳。 河東君事, 婁東無名氏研堂見聞雜錄云:「牧齋就逮時[柳夫人]能戎裝變服,挾一 多雜採他書, 實無價值。 此事前已辨之矣。至「無刺刺可憐之語」, 其言河東君戎裝挾一騎護牧齋, 則絕無根據, 乃用韓退之「送殷侑 騎護之。」某氏所記 不過牽混 河東

員外使回鶻序」中:

之文。 今人適數百里, (見五百家注韓昌黎先生文集貳壹。)遵王注中未及,特標出之,以便讀者, 出門惘惘, 有離別可憐之色。持被入直三省,丁寧顧婢子語, 並足見牧齋之 刺刺不能休。

文,無一字無來處也。又「余亦賴以自壯焉」之語,與第壹首詩「慟哭臨江無壯子」句,亦有相互關 餘見下論。

齋之言, 抑有可附論者, 」(參第肆章論寒夕文讌詩節。)及顧苓河東君傳所載「定情之夕, 」等資料, 確爲三十歲。 即關於河東君生年月日之問題。 推計符合。或謂牧齋於丁亥三月晦日在常熟被急徵,至南京下獄, 此點並據康熙三年甲辰河東君示其女趙管妻遺囑 當牧齋順治四年丁亥賦此六詩時, 在辛巳六月七日, 所言「我來汝家二 河東君 歷 四十日出 君年二十 應如牧 十五五

即牧齋此題序所謂「生還」。 若依此計算, ,其出獄當在五月間。然則河東君之生辰應在五月

第

Б 章

復明運動

九二六

外,「南宮主人」尙有可取之處。 恐未必通 年間 可知牧齋有賈大夫之惡。至牧齋之才, 不便告人之深旨。 冬日同 五月,是以或說亦未諦也。至牧齋序文所以引「賈大夫」之爛熟典故者, 章論牧齋[庚辰]冬日同如是泛舟有贈」詩, 鄙意牧齋所謂「生還之後,值君三十設帨之辰。 .如是泛舟再贈詩「爭得三年才一笑」句所引。 河東君「不言不笑」, 曉其師微意所在。 蓋明南都傾覆, 所以表示其不忘故國舊都之哀痛。遵王注已引左氏傳以釋此 故不可據牧齋之飾辭, (見河東君與汪然明尺牘第貳伍通及第叁拾通。)宜其能博如皐之 在乙酉五月。 在河東君心目中,除「鄴下逸才, 引江熙掃軌閒談, 自乙酉五月至丁亥五月, 。)固藉此明著其對河東君救護之恩情**,** 以定河東君之生辰實在五月也。 」其時限雖不能距五月太遠,但亦難決其 謂牧齋「黑而髯, (詳見第肆章論牧齋庚 江左罕儷。 亦可視爲三年。 唯有 貌 似 之陳臥子 古典, 鍾馗。 可笑者, 更別具 在此 必

牧齋和東坡詩第壹首云:

行赴難有賢妻。 陰 夏 〈亦凄。 重 穹 圍 廬 不 四 禁還鄉夢, 蓋 覺 天低。 却 青春 過淮東又浙西 望 斷 催歸 鳥 黑獄 聲沈報曉雞。 慟哭 臨 江無壯子,

夏半陰氣始 第壹句的氣 淅然雲景秋。 」蓋謂 建州本在北方。「夏亦凄」者, 蟬聲人客耳, 驚起不可留。 」(見五百家注昌黎先生集伍。 言其殘酷也。韓退之「贈劉師 服」詩云:

語 蒼」者, 響易沈」句相應合, 亥三月晦日在常熟被急徵,至南京下獄時,當在四月初旬。歷四十日出獄,已在五月。五月爲仲 本作「穹廬」, 「在獄詠蟬」詩「西陸蟬聲唱」句, (見全唐詩第貳)函駱賓王叁。)雖是秋季所作,但詩題有「獄中」之 ,牧齋遂因韓詩「蟬聲入客耳」句聯想及之。觀牧齋此詩第肆句「聲沈」之語, 與韓詩「夏半」之語適切。或云牧齋下獄在夏季,似與韓詩「雲景秋」之「秋」不合。鄙意駱賓王 乃後來所諱改也。 並引史記匈奴傳以釋之。甚是。 可以證知。不必拘執韓駱詩中「雲景秋」及「西陸」之辭爲疑也。 第叁句遵王注引韓退之「遊城南」詩中「贈同遊」五絕釋之。亦是。但五 蓋牧齋用「穹廬」之辭, 以指建州爲胡虜。 與駱氏此詩「風多 第貳句遵王注 其作「穹

百家注昌黎先生詩集玖此詩注略云:

洪云,催歸子規也。 而色蒼,每至正月作聲曰,春起也。 補注,〔黄替?〕復齋漫錄,予嘗讀顧渚山茶記云,顧渚山中有鳥如鸜鴿 三四月云,春去也。採茶人呼爲喚春鳥。 (參太平廣記

陸叁引顧渚山記「報春鳥」條。)

之統治中國, 牧齋丁亥四月正在金陵獄中, 如雙王之主宰泥犂, 故以青春望斷「不如歸去」爲言,其意更出韓詩外矣。 即所謂「暗無天日」者。 關於第貳聯之解釋, 甚有問題。 第肆句言建州 柳南隨

筆壹(參東皐雜鈔叁及牧齋遺事「牧翁仕本朝」條。)云:

第 江五章 某宗伯於丁亥歲以事被急徵, 復明運 動 河東夫人實從。公子孫愛年少,莫展一籌,瑟縮而已。 翁於金

愛見此 中和東坡御史臺寄弟詩,有「慟哭臨江無孝子,徒行赴難有賢妻。」之句, 恐爲 '人口實, 百計託翁所知, 請改孝子二字。今本刻「壯子」, 實係更定云。 蓋紀實也。 孫

繹之, 寅恪案, 則殊不然。 東溆所記, 蓋牧齋詩本爲和東坡獄中之作。故其所用辭語典故,亦必與東坡 謂此聯上句之「壯子」,本作「孝子」。以孫愛之無能, 初視之, 有關。 亦頗近理。 考「壯」

及專義之「壯」。 幼子過之子籥。 慟哭於江邊,已爲死別。 字通義爲「長大」, 東坡留邁及諸孫等於惠州,獨與幼子過渡海至瓊州。 邁生於嘉祐四年己亥,至紹聖四年丁丑,東坡謫瓊州時,年三十九。故邁兼通義 專義則爲小戴記曲禮「三十曰壯」。 」表中「子孫」之「子」,指東坡長子邁。「子孫」之「孫」,指邁之子簞 檢東坡後集壹叁「到昌化軍謝表」云:「子孫 過生於熙寧五年壬子, 符及 至紹

聖四年丁丑,年二十六。旣非長子,年又未三十, 檢東坡集 集成總案壹嘉祐四年己亥。 「貳玖「黃州上文潞公書」(參葉夢得避暑錄話肆「蘇子瞻元豐間 同書捌熙寧五年壬子。 不得爲「壯」也。 同書肆拾紹聖三年丙子及四年丁丑等條。 (詳見王文誥蘇文忠公詩 赴韶獄, 與其長子 邁 又

條。 就逮赴獄,有一子稍長,徒步相隨。 其餘守舍皆婦女幼稚

東坡元豐二年己未就逮時,邁年二十一,雖爲長子,但非「三十曰壯」之「壯子」。初學集柒肆「先

步隨行」。 句, 得以蘇邁爲比。 時又年過三十故也。當順治四年丁亥牧齋被急徵時,孫愛年十九,旣未過三十,又非居長之子, 葛萬里及金鶴冲所撰牧齋年譜。)文中「壯子」之「壯」,乃兼通義及專義。 牧齋所謂 曉牧齋之作此詩,貫穿融合東坡全集而成,妄造物語, 爲「生兒不象賢」之劉禪,(見全唐詩第陸函劉禹錫肆「蜀先主廟」。)但絕非忤逆不孝之子。淺人未 與共患難耳。(參有學集貳秋槐詩支集「己丑元日試筆」二首之二「孺仲賢妻涕淚餘」句。)夫孫愛固 (見初學集玖崇禎詩集伍「反東坡洗兒詩。己巳九月九日。」及「同書柒肆「亡兒壽耇壙志。」)自不 牧齋實自傷己身不僅不能如東坡有長壯之子徒步隨行,江邊痛哭。唯恃孺仲賢妻之河東君, 謙益狂愚悻直, 則用全唐詩第貳函崔顥「贈王威古」五古「報國行赴難,古來皆共然。 然其撫心飲淚, 「再觸網羅」者, 並箋注陶淵明集捌「與子儼等疏」中「余嘗感孺仲賢妻之言。 。由是言之, 第貳聯上句全用東坡及其長子伯達之典故, 再觸網羅, 指天啓五年乙丑年四十四及崇禎元年戊辰年四十七,兩次之事。 惟恐壯子受刑僇, 華笥之籍, 同文之獄,流傳洶懼, 固未忍以告人也。 可鄙可笑也。或謂此聯上句牧齋最初之 」(參同書伍叁景十三王傳臨 日數驚。 」等典故。 蓋牧齋「三世單傳」, 」及東坡上文潞公書「徒 絕無可疑。 太淑人強引義命自 綜合上下兩句言 至第貳聯下 (詳見

稿,

原不如此。

漢書叁拾藝文志歌詩類載:「臨江王節士歌詩四篇。

江閔王榮傳。) 分類補注李太白詩肆 「臨江王節士歌」云:

洞

庭 白 波 木 葉稀。 燕鴻 始 A 吳雲飛。 吳雲 飛, 吳雲 寒, 燕鴻 苦。 風 號沙宿 瀟 湘 浦。 節士

也。 而言。 牧齋殆 民爲余作 若就殘明爲 西」之成 元 「壯子」歟?或說 有准 或謂 解以 淚 東道。 取 如 明史肆 語 此 解厄 雨。 寓 牧齋己身 意, 意 主之觀點言, 然亦暗 拾 白 故牧齋 齋經月, 「壯子」本作「壯士」。 日 表 地 似亦有理, 當天 曾任 理志 面 指 和 用「淮東」之辭, 此 浙江鄉試主考, 13 所以有此 蘇 鳳陽 時尚爲明守之浙江沿海島嶼, 照之, 則浙江省乃在其西。 韻 姑附錄之, 府。 使人不覺其微旨所在。 句也。 可以 鳳陽 後來以辭旨過 事 以示不忘 縣。 明 合古典今典爲 以備一 」有關. 主。 下 解。 張名振之封爵以「定西」爲號者, 壯士 明室祖 注 미 略云:「北濱 不待論。 顯, 憤 第柒捌 宗之意。 總之此兩句謂 如舟山羣島等。 辭, 觸犯忌諱, 雄 風 兩句, 但牧齋「 生。 甚爲 淮。 浙西二字, 巧 安得倚 與東坡原詩自 四 妙。 遂改用東坡故實, 淮東」二字, 不 南有皇陵。 此等島 獨思家而已, 天劒, 牧齋寄示謝象三此題, 自 嶼, 疑即 跨 注:「 是 又宋 暗指 海 襲 固在浙 斬 取義於此。 用 易「壯 明 獄 更懷念故 長 有 蘇 中 鳳 鯨 詩 准 江之 聞 陽 東 湖 旭 國 陵 杭

第貳首云:

以謝

氏

乃

其

(典話)

浙

江時

所取士之故。

此或說似亦可通。

並錄之,

以備別

解。

陰宮 伽 淚 模 窟 糊 室 織錦 書 含 妻。 凄。 却指 風 色 恆 蕭 雲望 騷 白 家 E 低。 滹沱 天 1 河 底 北太行西。 須 論 玉 人間 何物是金雞。 肝腸进 裂題襟友

抒其深恨。 寅恪案,第壹句及第貳句亦俱謂建州統治之黑暗。 書伍肆蘇建傳附武傳:「單于愈欲降之, 第壹句「窟室」遵王注引史記吳太伯世家爲釋, 迺幽武置大窖中。 牧齋第壹首已及此意, 字面固合, 」之意, 實欲以子卿自比。 恐猶未盡。 今又重申言之者, 鄙意牧齋殆 第叁句

黃皆令「謝別柳河東夫人」眼兒媚詞「月兒殘了又重明。後會豈如今。 思詩節述及東坡「丙辰中秋作, 注引李孝逸事爲釋, 南京之彫陵莊。 友」當指梁維樞。 考北魏之恆州, 據前引有關愼可資料 似可通。 但寅恪則疑牧齋之意謂「月有陰晴圓缺」,(可參第叁章論臥子長相 兼懷子由。 唐改雲州, 則牧齋自可以此目之也。 」詞。)明室今雖暫衰, 北周移雲州於常山乃滹沱河北, 第柒捌兩句謂河東君寄居慎可 終有復興之望。 」同一微旨也。第伍句「題襟 太行山 西 與第肆章所引 梁氏著籍

之真定, 牧齋作此倒裝句法者, 雖是地名, 若果如此, 亦即彫橋莊所在之地。 恐與程松圓所賦「鄉雲詩」之「鄉雲」有連。蓋「恆」「鄉」同韻, 豈牧齋於獄中困苦之時, 猶故作狡獪耶?一笑! 所以步蘇詩「西」字之原韻。 真定固在滹沱河之北。 讀者不必拘泥地望之不合也。 「太行西」謂眞定彫橋莊之西方爲太行山。 兩音相近,或有雙關 又疑「恆雲」二

紂絕陰 天 鬼 亦妻。 波吒聲沸析鈴低。 不聞 西市曾牽犬, 浪說東城再鬬雞。 並命何當同石友

第叁首云:

呼囚誰與報章妻。可憐長夜歸俄頃,坐待悠悠白日西。

寅恪案, 誥闡幽微篇及酉陽雜俎前集貳「玉格」門「六天」條,「紂絕陰宮」之辭, 此首全篇意旨謂己身不久當死也。第壹貳兩句, 亦指當日囚禁之苦, 恐非偶然。 比於地獄。 蓋暗寓 建州之酷 其 用

豈可得耶?之原語, 詩「城東不鬭少年雞」句,「東城」及「城東」之「東」爲對文,遂於李斯傳「瞏斬咸陽市」之「市」上, 一「西」字,並著一「不」字,以反李斯「顧謂其中子曰,吾欲與若復牽黃犬,出上蔡東門,逐狡兎, 與桀紂同也。第叁句自是用史記捌柒李斯傳。豈欲與第肆句用陳鴻祖「東城老父傳」及東城原 以冤與史記之文衝突歟?遵王注雖引太史公書,然略去「東門」之「東」字, 加

亦覺其師此句頗有疑問耶?俟考。但據徐松唐兩京城坊考肆「獨柳

」條云:

殆

刑人之所。 唐書玖肆張亮傳及資治通鑑玖捌唐紀太宗紀貞觀二十年二月己丑條。 同書壹陸致〕王涯傳又言子城西南隅獨柳樹。蓋西市在宮城之西南。 按西市刑 人, 唐初即然。 貞觀二十年斬張亮程公穎於西市。 子城謂宮城。 )舊(唐)書(拾)肅宗紀 (寅恪案, 此條 (寅恪案 見舊

此條可參資治通鑑貳貳拾唐紀肅宗紀至德二載十二月條所云:「壬申斬達奚珣等十八人於城 獨柳 伍憲宗紀 樹下。 下元和 」及胡注引劉昫之語曰:「獨柳樹在長安子城 十二年十一月條及同 書壹肆伍吳少陽傳附吳元濟傳。 西 1南隅。 "」又「獨柳」並可參舊唐書

之義 可參文選貳拾潘安仁「金谷集作」詩, 「投分寄石友」及同書貳叁阮嗣宗「詠懷」十七首之二,

可知牧齋 西市」

語,

並非無出處也。

第伍句遵王注引晉書伍伍潘岳傳爲釋,

自是不誤。

作此詩時, 猶未出生, 牧齋不過因東坡原詩「身後牛衣愧老妻」之句, 並感河東君尚無子女, 遂聯 殉。此句亦可謂與安仁季倫金谷之篇,同爲詩讖者矣。又考河東君只生一女,即趙微仲管之妻。 牧齋就逮之際, 「如何金石交」等句李善注。鄙意安仁原詩「石友」之「石」,兼有「金石」之「石」及「石崇」之「石」兩 若就「石崇」之「石」言,則「石」爲專有名詞。故錢詩第陸句「章妻」之「章」,亦是專有名詞。當 ,河東君誓欲「從死」,即「並命」之意。噫!河東君此時雖未「並命」,然後來果以身

激揚。 或可有之,至「神氣激揚」,則應屬於河東君,牧齋必不如是。唯此題第伍首第貳句「骨消皮削首 在獄中賦詩時, 如仲卿女之比。 」及「鬱青霞之奇意,入修夜之不暘。」之意。蓋以嵇康自比。但叔夜之「靑霞奇意」, 然則此典故雖似適切,後來情事演變,終與仲卿及其家屬之結局有異, 所不能預料者也。第柒捌兩句用文選壹陸江文通「恨賦」,「及夫中散下獄, 斯殆牧齋 牧齋 神氣

但河東君本末,旣與「章妻」不同,牧齋又非「素剛」之人,趙管妻恐未能承繼其母特性,

想及之。

第肆首云:

頻低」及第陸首第貳句「神魂刺促語言低」等語,

乃牧齋當時自作之眞實寫照耳。

三人貫索語酸凄。 到牛衣更念妻。 尚説故山花信好, 主犯災星僕運低。 紅闌橋在畫樓西。(自注:「余與二僕共梏拲者四十日。」) 搜溺關通真並命, 影形絆繁似連難。 夢回虎穴頻呼母,

寅恪案, 第柒捌兩句指拂水山莊八景之「月堤煙柳」及「酒樓花信」二景而言。可參初學集壹柒移居

第

五

詩集「九日宴集含暉 閣醉 歌」一首,「登高望遠不出戶, 並前論牧齋「春遊」二首中所引「月堤煙柳」詩:「紅闌 連山小閣臨莽蒼。 」及「白雲女牆作山 橋外月如鈎。 帶, 及

紅闌橋水含湖光。 」等句。 」等有關資料, 茲不贅釋。

第伍首云: 「酒樓花信」詩:「橫笛朱欄莫放吹。

六月霜凝信惛凄。 骨消皮削首頻低。 雲林永 繞離羅雉, 砧几相憐待割雞。 墮落 劫塵悲宿業,

皈 依 法喜媳 山 妻。 西方西市 原 同 觀, 懸鼓分明落日 西。

寅恪案, 上梁」詩八首之六, 前第肆首第柒捌 第柒 捌 兩 兩 句, 句云:「夕陽樓外歸心處, 乃謂 拂水山莊。 此首第柒捌兩句, 縣鼓 西 Ш 則指絳雲樓也。 「觀落暉。」(「觀」字下自注 牧齋「絳雲樓

「(黃毓祺)將刑, 「去」)可證。 至第柒句「西市」一辭, 門人告之期。 祺作絕命詩,被衲衣,跌坐而逝。 可參第叁首第叁句「不聞西市曾牽犬」之解釋, 」(見前引孤忠後錄。) 可不贅論。 真所謂西

又

方西市等量齊觀者。 牧齋此句應是預爲介子詠。至己身之怯懦, 則非其倫也。

<del>枯</del>華扶將

獄

氣

凄。

神魂

刺刺

促語言低。

心長

尚

似

拖 腸

鼠,

髮短渾

如

禿幘雞。

後事從他攜手客,

殘 骸 付 與 畫 一眉妻。 叮 憐三十年來 夢, 長白山東遼水西。

寅恪案, 第叁句 '遵王引搜神記爲釋' 乃僅釋古典。其今典則「髮短」一辭, 謂己身已薙髮降清也。

史惇慟餘雜記「錢牧齋」條(可參談孺木遷北游錄紀聞下「辮法」條。)云: 清朝入北都, 孫之獬上疏云, 臣妻放脚獨先。 事已可揶揄。 豫王下江南,

下令剃頭,

衆皆洶

又有學集肆玖「題邵得魯迷塗集」(參牧齋尺牘「與常熟鄉紳書」所云:「諸公以剃髮責我, 洶。 錢牧齋忽曰, 頭皮癢甚。 遽起。 人猶謂其飽頭也。 須臾, 則髡辮而 入矣。 以臣服誚

僕俯仰慚愧, 師, 阿難抱持, 邵得魯以不早薙髮,械繁僇辱, 從佛出家, 得魯家世皈依雲棲,精研内典,今且以佛法相商。 強馬薙髮 ,更復何言。」等語。)云: 得阿羅漢果。 亦得阿羅漢果。 孫陀羅難陀不肯薙髮, 瀕死者數矣。 得魯即不剃髮,未便如阿難陀(寅恪案, 其詩清和婉麗, 怨而不怒, 可以觀, 握拳語薙者, 優婆離爲佛薙髮, 汝何敢持刀臨閣 作五百童子 「阿」字疑 浮王頂? 可以與 班頭

當作「嗟」。)慨歎, 迄於今似未能釋然者耶?我輩多生流浪, 如演若達多晨朝引鏡, 失頭狂 衍。 走。頭之不知,髮於何有?畢竟此數莖髮,剃與未剃,此二相俱不可得。當知演若昔日失頭, 善知識?順則爲優波離之於五百釋子, )取次作轉輪聖王。 何以護惜數莖髮, 逆則如阿難之於難陀, 如此鄭重?彼狺狺剃髮, 而容歎(寅恪案,此「歎」字疑 刀鋸相 加, 安知非多生

夫辮髮及薙髮之事, 乃關涉古今中外政治文化交通史之問題, 茲不欲多論, 唯附錄史惇所記牧齋

頭未曾失。得魯今日薙髮,髮未曾剃。晨朝引鏡時,試思吾言,當爲啞然一笑也。

旣迫於多鐸之兵 髮」條及牧齋自 威 作薙髮解嘲文於此, 而降清, 自不能不薙髮, 以資談 但必不敢如孫之獬之例, 助。 其他淸初此 類載記 頭多, 迫使河 東君放脚 不遑 徴引 也。 致辜 夫 負良 牧齋

之意。 惠而 柒捌兩句之解釋即牧齋於崇禎十四年辛巳所賦「秋夕燕譽堂話舊事有感」詩:「東虜遊魂三十年 工濮仲謙之苦心 好 已詳第壹章及第肆章所論, 我 攜手 同 巧 行。 手也。 」小序云:「北風 呵 呵 第伍. 可不復贅 句「攜手客」指梁愼可等。 刺虐也。 」牧齋蓋取經語, 毛詩 以著 北風北 建 河北 風其涼。 族酷虐之意也。 N 雪其

句, 之「傳眎 綜觀此六詩中第貳首七八兩句, 尤爲明顯 顧有孝 同聲, 趙澐所選牧齋詩鈔下, 求 自不宜廣爲傳播。 屬和。 之詩, 實保留兩首。 關涉梁慎可, 前引謝象三 亦選此題六首中之貳叁伍陸共 豈即今有學集此 一和牧齋獄中詩題, 第陸首七八兩句關涉後金, 題之第貳第陸兩首歟? 僅言「以四詩寄示」, (四首。 恐顧 解語 趙所 較第壹首 選 至 則 未 江左三大 牧齋詩序 必 t

兩

節。 排列錯亂 有學集貳秋槐支集「勾曲逆旅戲爲相士題扇」七律以前, 前引有學集壹柒「賴古堂文選序」云:「己丑之春余釋南囚歸里。 前引南忠記謂黃毓祺於己丑三月十八日死於南京獄中。 今日 **「殊難** 一一考定。 但「勾曲逆旅」詩第壹句「赤 多是在南京所作。其中固亦 蓋此年三月介子旣死, 白紅 」故可依牧齋自言之時間, 塵道路 窮」之語, 案已終結 有 當 時 非 間 早春氣 以 可 推定

齋當日「傳眎

同聲,

求屬和。

者,

相同

也。

俟考。

齋遂得被釋還家矣。 伍「題曹能始壽林茂之六十序」末署:「戊子秋盡, 至牧齋在南京出獄以後,頌繫之時, 錢謙益撰於秦淮頌繫之所。 究寓 何處, 則未能確知。 」牧齋所以特著「秦 檢牧齋外集貳

淮」二字者,當是指南京之河房而言。牧齋當時所居之河房,非余懷板橋雜記上雅游門「秦淮燈船 亦即有學集壹秋槐詩集「題丁家河房亭子」題下自注「在靑溪笛步之間」者。 之盛」條所述同類之河房,乃吳應箕留都見聞錄下「河房」門所述「近水關有丁郎中河房」條之河房, 此類河房爲南京較佳之

牧齋出獄 幸。 槐詩別集「丙申春就醫秦准, 今以意揣之, 牧齋以頌繫之身, 尚被看管, 牧齋於丁亥四月初被逮至南京下獄, 自不便居於雕陵莊, 尚得如此優待, 寓丁家水閣。 當由丁繼之梁愼可等之友誼所致, 」詩等。) 俾與河東君同寓, 故改寓青溪笛步間之丁家河房, 河東君即寄寓梁慎可之雕陵莊, 而河東君三十生辰之慶祝, (並可參有學集陸秋 亦可謂不幸中之大 及五 月中

恐即在此處。 復檢襲芝麓鼎孳定山堂詩集貳拾「和錢牧齋先生韻,爲丁繼之題秦淮水閣」云:

開元白髮鏡中新。 閱風波有定身。 驃騎武安門第改, 朱雀花寒夢後春。 一簾烟月未全貧。 **粧閣自題偕隱處** 踏歌曾作太平人。烏啼楊柳仍芳樹,

似可爲錢柳二人同 州之拙政園。 檢有學集秋槐詩集「次韻林茂之戊子中秋白門寓舍待月之作」云: 寓丁 家河房之一旁證。 至趙管妻出生地, 固難確定, 但疑不在秦淮之河房, 風前偏照千家淚, 而

空塔荇藻影沉浮。 管領清光兩白頭。 條戒山河原一點, 平分時序也中秋。

第五章

復明運動

笛裏橫吹萬國愁。無那金閶今夜月,雲鬟香霧更悠悠。

獨在蘇州。 寅恪案, 第貳句「兩白頭」之語, 由是言之, 趙管妻生於拙政園之可能性甚大也。 指己身及茂之, 而末兩句用杜工部集玖「望月」詩, 又檢元氏長慶集抄本牧齋跋 指河 東君 語云 此 5

乎? 之去目, 亂 著雍困敦之歲, 余在燕都, 霍然如疥之失體。微之之集殘闕四百餘年, 於城南廢殿得元集殘本, 皋月廿七日, 東吳蒙叟識於臨頓之寓舍。 向所闕誤, 而一旦復元。寶玉大弓其猶有歸 一一完好。 (寅恪案, 暇日援筆改 此文末數語 Ē, 豁然 之徵 如 暗 寓

明室復興之意。牧齋此際有此感想,自無足怪也。)

並曹溶絳雲樓書目題詞云:

余以 後進 事宗 伯 而宗 伯絕 款曲。 丙戌同客長安, 丁亥戊子 同僦居吳苑, 時時過予。

及倦叟再識略云:

昔予遊長安, 宗伯閒日必來。 丁亥予絜家寓圖門, 宗伯先在拙政園。

人爲陳之遴。 可知牧齋於順治四 其時彥升尚未得罪, 五 兩年, 因黃案牽累,來往於南京蘇州之間 雖官北京, 固可謂韓君平所謂「吳郡陸機爲地主」之「地主」。 其在蘇州, 寓拙 政園。 拙 政園 又 主

林時對荷牐叢談叁「鼎甲不足貴」條略云:

吳偉業鼎革後 投入土國寶幕 執實爲門生, 受其題薦, 復入詞

梅村旣與國寶有連,吳陳二人復是兒女親家。牧齋以罪人而得寓拙政園,恐與駿公不能無關。至 論牧齋贈土國寶詩所引淸史稿疆臣年表江蘇巡撫欄。)或謂淸代江蘇按察使駐蘇州,牧齋以就審 牧齋所以至蘇州之故, 殆因黃案亦在江蘇巡撫職權範圍之內, 而土國寶此時正任蘇撫也。(見上

寧。 古典今典, 訊之故至蘇。 (見清史稿壹貳貳職官志叁等。 殊非偶然。 則不知江蘇按察使移駐蘇州, 嘉慶一統志柒捌蘇州府貳津梁門云: )故或說未諦。 ,乃雍正八年以後之事。 又牧齋稱拙政園爲「臨頓里之寓舍」者, 順治四五年江蘇按察使仍駐江 乃綜合

龜蒙嘗居其旁。 臨頓橋在長洲縣治東北。 吳地記:有步騭石碑, 見存臨頓橋。 續圖經:臨頓, 吳時館名。

陸

郊墅。余每相訪, 及全唐詩第玖函皮日休伍「臨頓(原注:里名。)爲吳中偏勝之地, 欵然惜去, 因成五言十首, ,奉題屋壁。 陸魯望居之,不出郛郭,

同書同函陸龜蒙伍 「問吳宮辭」並序云:

甫里之鄉 曰吴宫, 老,不得其地。其名存, 在長洲苑東南五十里, 其跡滅。 悵然興懷古之思, 非夫差所幸之別館耶?披圖籍, 作問吳宮辭云。 不見其説。

彼吳之宮兮 江之那涯。 複道盤兮, 當高且斜,波搖疏兮 霧濛箔

第五章

復明運動

菡萏國兮,

鴛鴦家。

叢叢兮, 之簫兮, 蛟之瑟。 越溪疾。 美人雄劍兮, 駢筠參差兮,界絲密。 相先後出。 讌曲房兮, 火姑蘇兮,沼長洲。此宮之麗人兮,留乎不留。 上初日。月落星稀兮, 歌酣未畢。 越

霜氛重兮, 孤榜曉, 遠樹扶蘇兮, 愁煙悄眇。 欲摭愁煙兮, 問故基, 又恐愁煙兮,

推白鳥。

五 胡公通直〔稷言〕所作也。 其宅乃陸魯望舊址, 所謂臨頓里者是也。

同書叁「甫里」條云:

龔明之中吳紀聞

貳「五柳堂」條云:

甫里在長洲縣東南五十里,乃江湖散人陸龜蒙字魯望躬耕之地。

雜題長句」八首之八,「春日春人比若耶」等,皆是其例。臨頓旣是吳時館名,如「館娃宮」之類 蓋 亦當與西施有關。 |河東君本有「美人」之稱,牧齋作詩往往以西施相比。如前引「有美」詩,「輸面一金錢」,「元日 頗爲名園生色,唯世之論拙政園掌故者,多未之及,遂標出之以供談助 陸魯望辭中「美人」「曲房」之語,適與前論半塘雪詩引徐健庵之記相合。 云

略加箋釋於下。 牧齋因 唯其 黃 中有 案牽累, 題關 於順治三四年曾寓 涉河東君及其女趙管妻者, 蘇州, 但檢有學集此時期內諸詩, 此題頗有寄居拙政園時所賦之可能, 尚有發見確 爲 故特錄 寓 蘇 之並 時之

有學集貳秋槐詩支集「己丑元日試筆二首」。其一云:

春王正月史仍書。上日依然芳草初。 白髮南冠聊復爾, 青陽左个竟何如。三杯竹葉朝歌後,

一枕槐根午夢餘。傳語白門楊柳色,桃花春水是吾廬。

鶴冲牧齋年譜。)明室之正朔猶存也。第肆句謂究不知永曆帝之小朝廷是何情況也。 寅恪案, 身今在蘇州, 第壹句 故「傳語白門」。 清此年爲監國魯四年正月辛酉朔,永曆三年正月庚申朔, 觀此 題下一題爲「次韻答盛集陶新春見懷之作」有「金陵見說饒新詠」 (見黃宗羲行朝錄及金 第柒句

栽柳色曾無恙」句。 佳麗常懷小謝篇。 藏烏向白門,白門紫塞那堪比。」等句。然則牧齋「白門楊柳色」之語,即指茂之而言耶?第捌 之句, 及楊子勤鍾羲雪橋詩話壹「黃兪邰〔虞稷〕贈林茂之詩」條引那子「新柳篇」有「漸 可證也。 又陳田明詩紀事辛籤叁壹所錄盛集陶斯唐「懷林茂之」詩有「舊

頻煩 樸被卷殘書。 顧影 頹然又歲初。 自笑覉 囚牢户熟, 人憐留滯賈胡如。 淵 明弱女咿優候

句謂己身此時所居之地,可比於避秦之桃花源及玄眞子「桃花流水」之浮家泛宅也。

孺仲賢妻涕 淚餘。 爲問 烏衣新燕子, **啣泥何日到寒廬**。

寅恪案 兄所困 蓋牧齋本以爲順治五年戊子十二月能被釋還常熟度歲。豈意獄事仍未終結,至六年己丑元 羈棲半載, 此首前 四句疑可與前引牧齋尺牘與毛子晉四十六首之三十九所言:「獄事牽連, 采詩之役,所得不貲。 歸期不遠, 嘉平初, 定可握手。 仲多四日。 」等語相 實爲家

第

云 然則 父九 日 第陸句指河東君, 中 與牧齋同 人之氣。 有年 、趙管妻出生乃在順治五年戊子。 猶 小姐柳出 在 第柒句疑指 紀幼小之語。 方生氏。 居時算起。 」蓋河東君及其女皆以河東君之適牧齋, 蘇州也。 以 」及康 自不待言。 第伍句指趙管妻。 梁愼可。 順治戊子生。 川 牧齋垂死猶念念不忘半野堂寒夕文讌者, 熙三年甲辰六月廿八日「柳夫人遺囑」云:「我來汝家二十五年, 供參證。 梁氏乃明之舊家, 牧齋此一年皆用淵明典故, 辛丑 至在何月何日, 河東君殉家難事實康熙三年甲辰七月「孝女揭」云:「母歸 (寅恪案, 贅 「壻趙管, 清之「新燕」也。 蘼 實在崇禎十三年庚辰十二月一日, 年僅十四, 蕪紀聞上 則不可考。 亦可 |載盛湖雜錄「柳如是絕命書」條, 遇變之年爲甲辰, 與前一首末句 第捌句謂慎可何日可將己 即由 但己丑元旦, 此夕乃其「洞 暗寓桃花源記之意 Œ 是 纔十 房花 咿 優」之候也。 Ė 我聞室落成 燭 從不 身被釋還 夜 」之故。 故書 -曾受

相

東君 首」及河 又關 故附錄錢 詩其 於趙管妻 東君「依 柳 兩 事 之詩於論 韻 牧齋詩 奉 和」二首皆涉此 前 文集中 難已 黃案節 J徴引, 中, 言及雖 女。 但未綜合闡述, 並 略 不甚多, 庚寅歲首, 加箋釋。 但檢有學 牧齋詩之典故, 茲並錄全文, 與牧齋因 集貳 黄 秋槐支集 案得釋還家之時 有遵 以便觀 王注, 載牧齋 讀 庚寅 間 人日 可參閱。 相 示 洄

牧齋詩其一云:

家之好音來告也

夢華樂事滿春城。 今日凄涼故國情。 花熸舊枝空帖燕, 柳燔新火不藏鶯。 銀幡頭上衝愁陣,

柏葉尊前放酒兵。憑仗閨中刀尺好,剪裁春色報先庚。

まここ エ

靈辰不共刦灰沉。 人日人情泥故林。 黄口 弄音嬌語澀, 綠窗停梵佛香深。 圖花 却喜同 心蒂,

學鳥應師共命禽。 夢向南枝每西笑, 與君行坐數沉吟。

寅恪案, 「示內」二字,殊非偶然, 牧齋此兩詩南枝越鳥之思,東京夢華之感,溢於言表, 蓋河東君於牧齋爲同夢之侶,同情之人,故能深知其意。觀河東君和 不獨其用典措辭之佳妙也。 詩題

可以證知。元氏長慶集壹貳樂天東南行詩一百韻序云: 通之人莫知言詩者, 唯妻淑在旁知狀。

夫河東郡君裴淑能詩, (裴氏封河東郡君, 見白氏文集陸壹「唐故武昌軍節度使元公墓誌銘」。

夫人」眼兒媚詞云:「月兒殘了又重明。後會豈如今。」前亦已徵引。 以其「贈黃若芷大家四絕句」黃若芷即黃媛介。 能通微之之意。 兩者時間相距甚近。 然其所能通者, 然則牧齋賦詩之微意, 與河東君柳是之於牧齋, 。前論絳雲樓上梁詩已言及之。皆令有「答謝柳 不獨河東君知之, 殊有天淵之別。 即河東君之密友如皆令者亦 皆令賦此詞, 又河東君兩詩後, 與河東君和牧 河東 即附

第五章 復明運動

當日錢柳之思想行動,

於此亦可窺見矣。

河東君 和詩 其一云:

風 習習轉江城。 人日於人倍有情。 帖勝似能欺舞燕, **粒花真欲坐流鶯。** 銀旛因載忻多福

寅恪案, 此首第貳聯上句, 足能兵。 與牧齋詩第貳首第叁句俱指趙管妻而言。 君酹酒祝長庚。 王應奎柳南續筆叁「太湖漁

」條云:

金剪儂收喜

新月半輪燈乍穗,

爲

漁户以船馬 不 肌 粗 面 黑 家, 間 有生女瑩白者, 古所稱浮家泛宅者是也。 名曰 白 囡 加 以誌其異。 吾友吳友篁著 漁人户 太湖 口 漁 册 風 中 載 兩見之。 漁家 E 住 湖 中, 自

柒陸 明實 籤拾 皇明從信錄叁陸萬曆十七年己丑文肅奏章及雜記等條。 有關者。 萬曆二十年壬辰五月有關各條。 錄 黄 神宗實錄 (洪憲 其餘述及此案之載籍頗不少,可參沈德符萬曆野獲編壹陸科場門「舉人再覆試」條。 小傳及「上疏後, 寬百 柒(寅恪案, 長安友 此次科場案明實錄記載甚詳, 明通鑑陸玖萬曆十七年己丑二月有關各條。 人相訊感賦。 」詩並光緒修嘉興府志伍 國權柒伍萬曆十七年己丑正月二月及同 不能盡錄。 惟摘其與本文主旨最 貢 秀水 陳  $\mathbb{H}$ 縣黃 明 詩 洪 紀 事 陳 傳 庚 建

等。 萬曆十七 年己丑正月條略云:

中 庚午)(廿二日 式舉人第四名鄭國望, )禮部主客司 藁止五篇。 郎 中 高 桂 第十一名李鴻, 萬 層十 六年 股中 順 天鄉試 有一 囡字。 蒙旨以 右庶子黃洪憲等往。 詢之吳人 土音以生女 其

相半, 説, 遂無有見信於天下者。今輔臣王錫爵之子,素號多才。豈其不能致身青雲之上?而人之疑信 (癸酉)(廿五日)大學士申時行等言,兩京各省解到試卷,發部科看詳。 自明,且求放歸。上俱慰留之。 事在外簾。 文理紕繆者,通行議處,明著爲例,以嚴將來之防。自故相之子先後並進,一時大臣之子, 中試卷,逐一簡閱,要見原卷見在多少?有無情弊, 會試之期,多士雲集, 評隲 作「毓」。)即字句之疵,不必過求, 二名潘之惺,二十八名任家相,三十二名李幂,七十名張敏塘, 爲因。孟義書經結尾文義難通。第二十三名屠大壯,大率不通。他若二十一名茅一桂,二十 [辛未](廿三日)大學士申時行王錫爵以高桂論科場事, 不必覆試。 主考曾否商訂。 亦乞並將榜首王衡與茅一桂等,一同覆試,庶大臣之心迹益明矣。 而獨摘順天不通,摘三場,而止摘字句,殆有深意, 硃卷混失, 事在場後。 自後科場照舊規嚴加防範, 若不大加懲創,何以新觀聽?伏乞勅下九卿會同科道官, 主事[于]孔兼業已批送該科, 然亦嘖有煩言。 字句訛 施, 毋滋紛紛議論 或一時造次。有無弊端, 且硃卷遺匿, 據寔上請, 科臣竟無言以摘發之。 詞連錫爵子衡, 有傷國 以候處分。 必待會官覆試, (萬曆野獲編及國權「敏」俱 辯驗無自, 體 今禮科部司官不糾摘 時行壻李鴻。 該部科一並查明來 得旨, 草藁不全, 職業云何?方今 其有跡涉可疑及 不知本房作何 而後有無真 將順天府取 各上疏

第五章

復明運動

僞 耳目 上命禮部會同都察院及科道官當堂覆試, 看閱具奏。 錦衣衛還差官與高柱

同書貳佰捌萬曆十七年己丑二月條略云:

洲

視

戊寅)(初 日 禮部 會 同 都 察院及科道等官覆試 舉人王 一衡等。 試 畢 閱 (于)慎行 次序分二

科上 。王衡等七人平通 疏 言, 諸生 一覆試 無甚 屠大壯一人亦通。 相懸, 中式未必有弊, 疏入, 得旨, 字句 雖有 文理 疵 俱 說, 通, 然瑕瑜不掩。 都 准 會 試。 次 得旨, H 慎行 高 桂

有不典之字,屠大壯卷, 丙申(十九日)禮部儀制司主事于孔兼言, 三場多 難解之辭, 臣奉本部禮委磨勘順天中式硃墨卷内李 即時呈本堂復批, 送禮科聽其 閲 鴻卷,

輕率論

奪兩月俸。

(國

権

兩」作「五」。)

同書貳肆捌萬曆二十年壬辰五月條略云:

望李鴻 倖中式舉人王 辛未(十二日)禮部 丁亥(廿八日)禮部 張敏塘並 兆 山西 河等六名(寅恪案, 題 衙 門 舉人王兆河, 參舉人王兆 侍 郎 韓世能 河等七 等, 江西舉人陳以德, 六名者, 名, 同 原 多官 到 據 部 萬 E I 曆 齊, 部 野 主 Ш 獲編, 東舉 事 請於朝堂 周 如綸, 人楊 知除 爾 一種 陶, 屠大壯不赴試 武武 御 史 養才於午門 共爲六人也。 以 服 人心。 從之。 其 有 試 所以 鄭 國

覆試

王陳楊三人者,

蓋由上引申時行奏謂「不摘南京各省,

而獨摘順天。

」之語。)公同

封

詳品。 歸 (閱?)奏聞 文理平通四卷, 内被參舉人屠大壯奏, 文理亦通二卷, 進呈裁奪。 聞母喪, 乞回守制。 上命將卷傳與九卿科道翰林院各掌印官詳 禮部覆, 請同 衆覆試。 大壯逕

柳南隨筆叁云

行,

臨期不到。

上謂大壯建旨規避,

革退爲民。

仍行巡撫按御史查勘丁憂有無

具奏。

字,

實囮字之誤耳。

爲 明萬曆戊子順天舉人李鴻卷中有一囡字, 快活李大郎。 及以文中用囡字被論, 又稱爲李阿囡。 爲吏部郎中高 桂所參。 囡者, 吳人呼女之辭。 鴻係申 相 或 時行婿, 然李 所用因 吳人呼

巧。 囡字之入文者, 恐尚不止此, 可與顧逋翁用閩語「囝」字賦詩,先後比美。 更待詳檢。 河東君賦詩, (見全唐詩第肆函顧況壹「囝一章」。)但其密友離 用「儂」字以對「囡」字, 同爲吳語, 甚是工

隱才女「苦相吟賞」之餘,是否念及其家八股名手葵陽翁, 八股中有 介字皆令。 」 字, 嘉禾黃葵陽先生族女也。 遭受無妄之災耶?至曲海提要陸「還魂記」條(黃洪憲爲(萬曆十六年)戊子北 」葵陽即黃洪憲之號。 ) 竟因門生長洲閣老之快婿快活李大郎 (寅恪案, 姜紹書無聲詩史伍云:「黃 媛

闈主試官, 取中七人, 被劾。」節載::

又有屠大壯者,

有富名。

文字中有一「囡」字。

其以李鴻爲屠大壯, 證之明實錄及柳南隨筆, 其誤顯然。惟「文理亦通」之屠大壯, 自不能稱爲才

第

子。 但因 竟成贖罪之羔羊, 「母喪不赴萬曆壬辰之覆試, 殊可憐也。 李鴻之籍貫, 亦可稱爲孝子。終以平息衆議, 據同治修蘇州府志陸拾選舉貳進士萬曆二十三年 以冤牽涉宰輔 之故, 而被革

長洲。李鴻。有傳。

乙未欄載

同書陸壹選舉叁舉人萬曆十六年戊子欄「長洲」載

李鴻。順天中式。崑山人。見進士

同書捌柒人物壹肆李鴻傳云

李鴻字宗儀。萬曆乙未進士。授上饒知縣。

李氏文 題尙 文, 則長洲崑山, 未 原無足怪。 中 考 知。 所以用此「囡」字之故, 宗儀試卷用此「囡」字, 縣名雖有不同, 惟作此大膽之舉動, 然皆屬 疑其 試題爲論語季氏篇, 乃在河東君賦詩前六十餘年, 經于 蘇州府, 孔兼 (磨勘) 同 是 吳 語 照舊通過。 區域。 「夫人自 其用此「不典之字」,爲掇科射策之 一稱曰小童」。 可見亦非極不妥適。 眞可謂先知先覺者。 果 爾 則 由 又此 八股笑話 是推 科 測

不遺

[傳其父之「烏個肉」,

可謂大幸。

(詳見第肆章論牧齋「冬日同如是泛舟有贈」詩,

雖與河東君趙管妻及黃皆令直接間接有關,

夏閑記選存「柳如是」條。) 夫此一「囡」字,

史中

復添

重公案矣。

更有可注意者,

此「黃口」「白囡」之趙管妻,

竟能承繼其母之「白個肉」,

而

引顧

公燮消

中, 深意」之語 稍詳引 黨 資料, 派之爭, 殊堪 以供論 其 玩味。 表面 證。 往往往 (湯顯祖 但刺 止 牽涉 刺不休, 玉茗堂集壹陸「論輔臣科臣疏」。 一二細碎之末節, 盈篇累牘, , 若究其內容, 至於此極, 讀者當以爲怪。 明通鑑陸玖萬曆十七年己丑十二 則目標別有所在。 鄙意吾國政治史 汝默「殆有

記載, 等,皆可供參證。)職是之故, 月己丑「諭諸臣遇事毋得忿爭求勝」條云:「時廷臣以科場事與王 而評決事實之眞相也。 並侵首輔申時行,而時行錫爵之黨復反攻之,乃有是諭。 不避繁瑣之譏, 河東君和詩中, 此「銀旛囡戴忻多福 廣爲徵引,以見一例。庶幾讀史者不因專就表面之 錫 」並明史貳叁拾饒 爵相攻計。 金剪儂收喜罷兵。 饒伸旣罷 伸及湯 一聯, 攻者益 顯 祖 F 傳

能寫出當日 句即酬答牧齋詩第壹首七八兩句之意, 句之「長庚」者, 壁江 Щ 東南海隅干戈暫息, 有學集捌長干塔光集「燕子 毛詩小雅大東「西有長庚。 稍復昇平氣象之情況也。 ·磯歸舟作」七律「金波明月 而以收金剪洗兵馬爲言。 」傳曰:「日旣入謂明星爲長庚。 第柒句「新月半輪 如新樣 雖似與牧齋原句之意有異, 句, 庚, 之語, 口 取以相 續也。 謂 證也。 永曆新朝之 F 然實 第捌

意, 以永曆爲正統, 南都傾覆之後, 惟西南一隅, 尙可繼續明祚也。

河東君和詩其二云:

釋古文。

日旣入之後,

有明星。

言其長能續日之明,

故謂明星爲長庚也。

」河東君之

佛 H 初 輝人日 沈。 綵旛清曉供珠林。 地於刦外風光近, 人在花前笑語深。 洗罷 新松 看 沁

九五

瑞等, 之劉 東君 州將 踰 宗伯壬 論 寅 附 小 俗案 牧 腆 Til 長 (齋寄 家庭 客生 之供 紀 任 金 庚之初 也。 傳 東 聲 一辰見寄原韻」及「又贈牧齋」兩詩。 碰 俱寄託於永 」及有學 閣大學士, 樂趣。 佛 此詩首句 去 柏 稼 湘 第壹 貢 何 第貳 軒 暉 騰蛟李成棟等雖已敗亡, 寫 如 器 一首「青燈梵 集補「復澹 \_但河 初學 來 湘 亦在 其不作 句 乃承接第壹首末句「長庚」之語 承接首句「佛日」之「佛」而 曆之政 客金堡傳。 其 肇慶。 而又深賞河東君之文汝止安之, 集 他 東君實反左賦之原 香燈 愁苦之辭, 捌 如與 權。 歸 唄六時心」之句 貢 繡閣 釋公」書。 「造大悲 牧齋 見黃宗羲行朝錄 並 見 口 春 有學 參金 常常 M 郡 觀音像贊」及投筆 好, 爲 集肆 並 然其最親密之瞿稼軒 鶴 歡愉之語者, 等, 澹歸今釋偏行 意 調 沖 不 故以爲明室尚有中興之希望。 絳 唱 來。 錢牧齋先生年 雲 以 伍永曆紀年 則是其例證也。 而 君 餘燼 眞 家 牧齋之供佛, 而 佛 能 來。 緩 日 集「寄懷嶺 不久 緩 [ 指 集上後秋興之三「八月初 老歸空門 蓋錢 堂集捌「列朝詩 雖 吟。 永曆, 並 將 用 譜永曆三年己丑 柳 小腆 赴 式 文選陸左太沖 兩 河東君 耜 外 梧 見於其詩文者 」之金道 紀年 人賦詩之時, 「人日」指 兀 州 Ī [君」詩, 行 在桂林平 壹柒 此 傳序」, 在。 詩 隱 牧齋詩第貳首末兩 條引 順治 第壹 建 魏 堡 牧齋 口 及兩 州 樂 甚 都 書 己 就 十日 瞿 t 聯 多, 賦「彼桑楡之末 所 書 貢 世 年二 身膺 桂 寫 謂 元 薦 陸 太 論 王 出 耜 小 無待 永 一肆「洲 之 交之 留守 月 當 舟 曆 華首空 號 重 寄。 J 小 時 徴引。 旣 稱 夜 錢 姚 文 亥 朝 地 渡 虎 條及 由稼 廷 牧 以式 集所 方 隱 荷 齋

向南枝每西笑, 取與今所論 與君行坐數沈吟。 上半四句, 貫通全篇細繹之, 」即此際錢柳之心理也。 則其意旨益可了然。 河東君此詩下半四句, 至評詩者僅摘此首第 前已釋證, 貢 讀

其工 妙, (見第: 肆章引神釋堂詩話。 )所見固不 謬, 但猶非能深 知河東君者也

抑更有可 了論者, 牧齋在黃案期間之詩文, 自多刪棄 即間 有存留者 亦僅與當 H 1政局, 表面 上大

著其名字, 抵無關 諸 人相往還之作品。 即其 八例證。 寅恪細繹有學集及牧齋尺牘等, 如梁慎 可爲黃案中救脫牧齋者之一, 於此一點, 但牧齋在此案未了 頗似能得其一二 一痕跡, 結時 不敢顯 遂鈎沈

陳伯雨作霖 有學集詩注壹秋槐詩 金陵通傳壹 集「顧與治五十初度」(寅恪案, 伍 顧璘傳附夢游傳及陳田明詩紀事 四部叢刊本此詩列於集補。 辛籤 貳捌顧夢游條。 云: 又顧氏事蹟可參

參互

推證

,或可發此數百年未發之覆歟?茲請略述之於下。

葵。 松下 與治 清 齋 五 祖英玉著 + 時。 (寅 (格案, 有寒松 齋 趙 存 殿成箋 稿 見明詩 注王 一右丞 綜叁伍顧 集拾「 積 陳條 雨朝 ]1] 故牧齋 莊 作」七 此句今古典 律云 :「松下 合 用 清 也。) 齋 並心 摘

宿 嘉平 臘维頌 傳家德靖詩。 (自注 :「與治曾祖英玉公與其兄東橋先生並有集行世。」) 畏路

凛

相

持。

全身惟有長貧

好,避

俗差於小病宜。

靈谷梅花成昔笑,

蔣

Ш

雲物

起

相

思。

開

尊信

論次。 有學集陸秋 。」其第捌首云: 槐別集 丙申 春就醫秦淮, 寓丁家水閣浹兩月, 臨行作絕句三十首,留別留題,

動

問 多少詩 祖心千山語錄。 人墮刦灰。 佺期今免冶長災。 阿師狡獪還堪笑, 翻攪沙場作講臺。 (自注:「從顧與治

初學集陸陸「宋比玉墓表」(參牧齋尺牘補遺「 與顧與治」自注:「時與治爲宋比玉乞墓表。 )略云:

訪其墓, 金陵顧與治來告我曰, 酹 而哭焉。 比玉無子, 夢遊與莆田宋比玉交, 墓未有刻文, 敢以請於夫子。 夫子之所知也。 虞山 比玉 一歿 + 錢謙益爲之表。 餘年矣, 夢遊 崇禎十五 將 入閩

初學集捌陸「題顧與治偶存稿」云:

年三月。

視,如千佛名經, 今天下文士入閩, 無不謁曹能始。 獨與治有異焉。 能始題其詩曰偶存, 謁能始, 則無不登其詩於十二代之選。人挾一編, 所以別與治也。 以相誇

有學集肆玖「顧與治遺稿題辭」略 云

治。 黨軍持, 如張大猷張天禄天福等。 金陵亂後, 片言定交, 而抗 與治與剩 服匿。 輕死 重氣, 和尚生死 (寅恪案 牧齋作品中往往以「軍持」「服匿」爲對文。 雖古俠士無以過也。 周 酒罷而作。 牧齋以「軍持」比函可, 旋 白刃交頸, 」第肆首「草外流人歡服匿, 風塵澒洞, 人鬼呼吸, 「服匿」比本是漢族, 士生其時, 無變色, 如投筆集下後秋興之十 無悔 御前和尚泣軍遲。 蒙 頭過 詞。 而爲清室所用者 身而 予以 此 is 孤生 重

辛丑二月初四日夜宴述古堂

王箋注上句引南齊書叁玖陸澄傳爲釋, 之爲滿用者尤切合。 下句遵王引翻譯名義集爲釋, 實則其最初出典乃漢書伍肆蘇建傳附武傳, 是。 牧齋詩中之「軍遲」即「軍持」也。 更與 漢族

施愚山閏章學餘文集壹柒顧與治傳云: 與治詩,九原尤有生氣。存與治詩,所以存與治也。

清史列傳柒捌貳臣傳甲洪承疇傳云: 免於難。 僧祖心憤世佯狂, 與夢游爲方外交, 至則主其家。禍發連繫, 刃交於頸, 夢游詞色不變

卒

云:「[萬曆]四十四年]丙辰充會試 請牌回 家多年。 疇云:「字彦演。 洪承疇(寅恪案, 函可金臘等五人,攜有謀叛蹤跡,牒承疇鞫訊。承疇疏言, 里。 乙酉春自廣東來江寧, 印刷藏經。值大兵平江南, 臣因韓日續是臣會試房師, 清史稿貳肆叁洪承疇傳云:「字亨九。 」)福建南安人。 明萬曆四十四年進士。〔順治四年〕十月巴山等以察獲遊僧 同考。 (寅恪案, 光緒修惠州府志叁貳人物門韓日 (天啓二年)壬戌復充會試同考。 」同治修福建通志貳貳捌南安縣洪承 , 久住未回。 今以廣東路通, 函可乃故明尚書韓日纘之子, 」洪氏爲丙辰進士, 向臣 傳略

出

干預時事。

其不行焚毀,

自取您尤

與隨從之僧徒金臘等四人無涉。

臣與

函可世誼

應避

故云。

)遂給印牌。

及城門盤驗,

經笥中有福王答阮

大鋮

書稿,

字失避忌。

又有變紀一書,

嫌, 不 敢 定 擬。 謹將 書 帖 牌文 封 送 内 院。 得旨, 下 部議。 以 承畴 徇 情, 私 給印牌, 應革

博羅剩人可禪師千山詩集首載顧夢游序云:

F

以

承

暷

奉

使江

南,

勞績

可

嘉。

宥之。

宗社, 宥送 乙酉, 在堂, 有請 忍死 神宗末 不語。 也, 盛京焚脩。 以請 載 哲人云亡。 閨玉掌珠, 師 藏經 出 囚於 黨禍已成。 萬 死, 滿 來 今弘法天 金陵。 有丈夫子四, 種種完好。以參空隱老人得悟,世緣立斬, 幾不一生, 厥 博羅韓文恪公思以力挽頹波, 婦婦 值國 Ш 張敬共 所羣奉爲 再 不擇於字, 變, 宗騋宗驎宗騄宗驪。 頂 禮之。 祖 親見諸死 心大師 既去, 其禍至此。 者也。 事臣, 追之還。 紀爲 騋最才, 毅然中立。 當大師就 師生, 私史, 進 日, 與髮同 無論好字醜字, 弱年名聞海内。 縛 城邏 簡在先帝, 對簿, 師無罪。 發馬, 断 備 年二十有九耳。 慘拷, 傅律 旦晚作輔。 此 毋更着筆。 去 公殂, 太夫人 殊死, 必生。 訊所與遊, 然竊 奉旨 天禍

又廬山棲賢函是撰「千山剩人可和尙塔銘」略云

爲悚生。

兩 士 師 名函 都 歷官 可, 聲名傾動 禮 字 部 尚 祖 いい 時。 謚文恪。 別號 海内名人以不獲交韓長公縣 剩 人。惠州博羅 母 車 氏, 許 封 淑 本姓韓, 爲 師 恥。 生 而 父若海 甲申之變, 惠 類, 公, 少 食魚 諱 悲慟形 H 문 纘 一岸, 辭 明 色。 當侍文恪 萬 曆 傳江南復 T 公官 未 進

立新主, 至」等題, 人多危之,師爲之自若。(寅恪案, 頃以請藏,附官人舟入金陵。 即所謂「過情傷時」之作。 張伯駷爲萬曆丙辰進士,黃道周爲天啓壬 會清兵渡江, 聞某遇難, 千山詩集補遺有「哭繩海先生」「廣陵感賦」「聞 某自裁, 皆有挽。 一戌 進士, 過情傷 黄 皆函 石齊

某一人自爲。 可通家也。)卒以歸日行李出城, 夾木再折,無二語, 件守者意, 乃發營候鞫。 執送軍中。 項鐵至三繞, 當事疑有徒黨, 兩足重傷,走二十里如平時。 拷掠至數百, 但日,

江寧緇白環覩, 中間 感大士甘露灌口,乃安忍如常。至京,下刑部獄。越月得旨,發瀋陽。 兩年, 咸知師道者無他, 惟同參法緯暨諸徒五人外,無一近傍。 爭爲之含涕,而不敢發一語。後械送京師,途次幾欲脱 然内外安置極細, 如獄中一 師自起禍至發 飲啗, 屬某素,

衣履, 甲事若此, 随意而至, 乙事若彼。 如天中人。 開士密行, 師當時 不令人知何擇時地。 所能自爲者, 順緣耳。 然師所以獲是報者, 庸詎知已有人屬某緇, 豈非平生好義

暗中銖鏤不爽。 諸如道在人天,且當作別論也。

及郝浴撰「奉天遼陽千山剩人可禪師塔銘」(參九龍眞逸(陳伯陶)勝朝粤東遺民錄肆(函可」條。)略

[華首道獨]引入曹溪, 有四, 值世變再作, 於戊子四月二十八日入瀋,奉旨焚脩慈恩寺,時已順治五年矣。 禮祖下髮。師是年二十有九, 時崇禎十二年六月十九日也。 甲申年三

第五 章 復明運動

史聞 名儒 出。 及出 面。 剩 者皆驚 誣 金陵 識忌諱 師 在 知悟門 家, 鉅人。 理 言訖 皆不 顧子之樓, 人往往 嗚呼! 顧 死 咋 坐 去 遂 知 而 E 其然 慈母 逝。 故師 開 指 楚交下, 執 師 坐文字, 百 簡 具 友慟 得把 |博羅 大書, 背, 歎 報齡 臭骨。 而 E 爲 然 就 韓尚 臂論 有瀋 也。 有 絕 國 四 反立 化 十九, 道。 恤, 而 藏 不 交。 復 在 書文恪公之長子也。 陽之役。 是 解條 目衆 費 甦 名 黯然形 西 師 常住柴薪 雖已 者數 始 山。 僧 來意也。 衣, 歎 以 臘 E 聞 二十。 是亦 逮 是 諸 披 法 入京, 殆 歌 麻 釋兒 口 吟, 不 蓝 獅 丙 泣 又省行人挖窟。 翼晨 皭 象 知其然而 戌 而慈猛忠孝, m 識 絕粒 中 不悟 蕨 然 西 本以 Ż 文恪公立朝二十年, 道 來意乎?追念吾在家時, 以葬之。 t 遂 顏 無 期 然也。 如生。 日, 以 牙 友故出 \_ 語 爲 雷 是豈愚敢先後互左而 禍。 時 不 管, 恆加於貴人一等。 移 是西 镇, 有 根 浴拊其背哭之, 向 然事干士大夫名教之 \_\_ 於 而 渾 美丈夫手甘 袈裟 來意也。 道 將掛錫靈 河 波 下 德業聲 M 裏 淋 有 赤 谷。 屈巷 沒 重 曾刺 骨 露 趾 甲申 施在 雙目 示 律。 行 瓶 偈 不 臂書 怪? 天下 自意 Ż 忽張 倒 屹 龍 日 重, 酉間 祗 注 Ì 也。 經 待 方外 顧 其 如 發來 以 當 江 門 淚 水 創 Ш 口 報 其 左舊 僑於 下 介於 流 臣 E 及 多 1 石 個

寅恪案, 官乃洪亨九。 前已考定牧齋因黃 錢洪兩 人於明季是否相識 案被逮 至 南京 今不得知, 實在 順治四年丁亥四月。 但牧齋與顧與治爲舊交, 此時清廷 委任 弘光元年乙酉祖 江寧之最 高 長

神采益

陽陽。

方知

大士

留馬

十二年撥

種生

芽

也。

居其寓 由 廣 [月被逮至 東至南 樓 都, 一南京 則錢韓兩人極有往還之可能。 斯際牧齋正任禮部尚書。 入獄 歷四十日出獄。 其出獄之時間, 受之爲當代詞宗, 巴山等舉發函 可案, 當在五月。 尤博綜內典。 在順治四年丁亥十月。 然則牧齋殆可 祖心 既與 `經由 顧 牧齋於四年 氏親密, 顧韓之關

槐詩 集 禪 關策 進詩 有示。」云:

懸鼓

西

方

路通。

大小肇師君會

莫將

醒

眼

夢

春

風

係,

向洪

氏

解脫

其反清之罪。

馬

國柱不過承繼亨九之原議,

而完成未盡之手續耳。

檢有學集壹秋

漫 天 畫 地 鬼 門 同 禪板 蒲 團 在此 否, 中。 遍體 銀鐺能説 法, 當 頭白 双解談空。 朝衣東市三生定,

有感, 獄。 宿嘉平 漢家春 浴所記 或謂 和尚 此 其 作, 詩 臘」等句 再次申字韻。 所 在 泳 (寅恪) 記 則疑 可於順治 遵王注本中列於「顧與治五十初度」詩前第貳 時 案, 間 是爲黃介子而 則 稍有先後 禪 鄭氏近 五年戊子四月二十八日入瀋 關策 後第叁題。 進詩亦當 世中 賦也。 則介子之移金陵獄, 西史日表順治五年戊子十二月廿二日立 壽與治詩, 是順治五年 前引孤忠後錄載介子以 前第 戊子歲暮 、頂題。 |禪關策進」詩列於「歲晚過茂之 可能在順治五年戊子歲暮。 題。 歲晚詩旣有「先祖豈知王氏臘 所賦 順治六年己丑 相距甚近, 其 非 爲 疑是爲函可而作。 涿 春。) 三月, П 而 壽顧詩 作 牧齋於其抵金陵 口 由 知。 廣 復 見架上 凌 有「開尊信 胡兒 若 獄移金陵 但依郝 不 爲剩 不解 殘帙

動

時,

即作此詩以相慰勉耶?俟考。又有學集壹秋槐詩集有「廣陵舟中觀程端伯畫册,

戲爲作歌。

經, 諱, 復次, 揆傳。 山詩 寺主所 戊子秋間 次韻 遂坐文字, 集 值大兵平江 答邢 首, 留 玖 藏 據 此 郝 別 区可 所 + 詩前 孟 余澹 律體 浴所 賦。 寅 真(昉) 丙 俗案, 南, 有瀋 丁間 記, 牧齋之至揚州, 中 心 題 〔懷〕二首次韻 連 並 即「次韻林茂之戊子中 寓 久住未回。 陽之役。 凼 載 端伯 以道 金 可示寂前, 陵 名正 甲 別云, 所作之七 」等語, 申 揆。 歲 之言 疑 其 除 有「丙 是 高 事蹟 二云, 寓南安」,「乙酉元旦」「秋囈 律 就 顯與清史列傳洪 相衝突。 樓 共三十 地 戌歲本以友故出嶺, 見光緒修孝感縣志壹 春 與黃 存 秋白 盡 介子 恨 風 一首。 門 詳檢千 猶滯秣 難 寓 質證, 刪 舍待 其 山詩 承疇傳謂 中 陵 月之作」, 留別 蓋 關」及「三年不見雲 將 集捌至玖之間 是時 返嶺 將掛 肆 顧 函可「乙酉春自 X 八首乙酉寓 南前留別金陵 介子尚 與 錫 故廣 物志及 治 (靈谷。 〔夢游〕」 陵 在 歷 庸 舟 不自意方外臣 代 金陵作 有 中 陵 中 二 一 補 獄 詩, 畫 信 諸 廣 史 遺 東 山 友 之詩 當是 來 彙 力 卷, 春 寅 江寧印 傳 花 恪 順 太 頗 少識 叁 乃 治

刷

藏

華

如

7

諸子」, 心 送祖 韻 心 云, 「丁亥元旦昧庵試 歸 賦於丙 丙戌元 羅 浮 春、 t 戌 日 殘 春暮 一顧家樓 律, 惟 聽白 也。)「留別白 有 筆 F 此 笳 「丙戌 」等題。 H 等, 東 風 歲除 黯別 此句「三年」之語, 所言皆 門諸公」云, 巵亭同 顏 句 是暮 (鄒)衣白(之麟), 三山 春 亦 景 口 物。 參 乃指 花落催行 證。 寅恪檢邢 甲申乙酉丙戌三歲 又沈 1棹」及「 歸 (王)雙白(廷璧), 愚德潛國 孟 貞 鶯 啼 昉 石 無 朝 而言, 臼 限 詩 後 夕 別 集 裁叁 陽 (鄒)方魯 蓋 肆 多」。 乙酉 留 貢 落 亥 別 載 [除夕 鳥 黄 余澹 所 次 話

亥春

將

歸

羅

浮,

留別黃

《仙裳』

五律云,

春盡

雨

聲裏,

揚帆趁曉晴。

路經三笑寺

歸向

 $\overline{\mathcal{F}}$ 

羊

氷

程

五

城。 詩「丁亥春將歸羅浮, 不可 離南京,當在是年季秋, 心。 及城門盤驗 <u>万</u> 月被牒送者相合, 人丙 末世 「每因生日知年近, 全唐詩第壹函宋之問貳「題大庾嶺北驛」云, 知。」卷玖「生日」云, 戍春暮返廣東後 [淵明「飲酒」二十首之四「採菊東籬下」, 之典 )依洪承疇傳謂巴山等牒送函可交亨九鞫訊, 翻譯 猿歸應已共層崖。」又有「次林茂之韻二首」其 石交重, 心故。 檢千山詩集函 渾多故, 蓋取不 經笥中有福王答阮大鋮書稿。 餘生瓦鉢輕。 而與暮春告別之詩不合。但「繫中生日」詩前有「次余澹心韻二首」, 身外纍纍貝葉函。」(寅恪案, 留別黃仙裳」五律云,「春盡雨聲裏, 仕劉宋, 是歲再來南京, 又得浮生一歲添。」可 可自作生日之詩不少。 「當年墜地即嚴冬」及卷壹柒「臘八」七絕前第貳題「丁 與暮春留別之詩不合。 隱居遯世之高人及避羯胡亂, 悲凉無限意, 其時間 並杜子美「秋興 知其生日乃在十二月初, 」之記載相符。)其二云,「雁去休教虛隻字, 或即在季秋, 江月爲誰明。」尤足證祖心於丁亥暮春有將返 如卷陸「生日 「陽月南飛雁, 又黃華寺主所藏剩人補遺詩 此兩句與洪承疇傳謂函可「來金陵印刷藏經」, 在順治四年丁亥十月。 云, 揚帆趁曉晴。 〕詩「叢菊兩開 四首, 故與杜詩「兩開」之語適合。所以有此 「籬邊猶憶隔 且未還家之詞客, 傳聞至此回。 其一云,「且自 亦與洪承疇傳謂 由是推之, 路經三笑寺, 他 年 日淚, 花 最後 」故剩人此 酉生日」二首之二 以比茂之。 寅 歡茲會, 孤 題爲「繁中 此次祖 、恪案, 舟一繫故園 歸向 句, 函可於十 其一云, 五羊 心之 (寅恪 明冬 又剩 此 生 句 取

推 萌 傳云, 測 者 其二云, 因千 避 111 Ш 牆 詩 莫言我去知 東王 集 玖 君公」。 有 在 心 南 少, 剩 京 所 但過 賦 此 句, 丙 牆 戊歲除」之詩, 東有 殆指 好 「盛集 朋。 等 陶 句, 則 見 丙 下 戌冬季以 寅恪案, 論牧齋 次 前, 後漢 韻 答皖 書 图 列 口 城 傳 E 盛 由 柒 集 粤 去 陶 逸 重 見 民 來 江 傳 寧

指此 年丙戌 梅」句, 首。 亨九 次而言。 皆是秋 春暮由 亦可 奏摺 參證。 南京 季惜 所謂「友」, 諱 言 返廣東, 別之語 剩 然則 X 恐是指亨九。 一粤後, 此 同年又重遊南京。 寅恪又檢石 題 又重 四詩, 來金陵 靈谷寺在明 É 乃函 l後集 之事 其臨 司於 壹丁 太祖孝陵近 終所言「丙戌本以友故出嶺, 必有 亥所作 亥返粤告別之作也。 隱 衷。 再送 旁, 豈 祖 涿 其欲居此寺, 心 口 歸嶺 於 丙 南 頗疑 戌 五古 冰 將掛錫 年 亦寓 П 之中 實 有「十 惨懷故國之 一曾於 自 去 又逢 M 治三 即 復

及其 順 治 四 兵 年 等 E 嚴 四 黄 月 察 駐 斌 卿 防 萌 江 致 寧 而 承 e 諭 疇 山 慰 與 承 張 训 大 疇 撫 猷 國 土 奏 或 日 寶 柘 書 林 朕 遊 益 有伏 擊 知 陳 賊 爲 際可 計 内 應 眞 擒 同 賊 兒 殺巴張 謝 戲 堯文, 因 將, 卿 獲 等 明 皆 則 我 江 Ŧ 朝 南 封 得 不 承 力 定 大 或 公

返,

實暗

中

爲

當

時

粤桂

反

清

運

動

奔走遊

說

耶?

清史列

傳柒捌

貢

臣

傳

甲

洪

承

疇

傳

云

氏 미 避嫌 知 當 時 反 不定函可之 清 復 明之 勢力皆欲 讞 清廷亦深知其 争 取亨 九。 中 巴 微妙之處。 Ш 等 拷 門 所以諭 氷 미 慰洪 即 欲 氏 得 知 輕罪 洪 氏 是否 函 可 者 與 此 蓋仍 運 動 須 有 藉 關 洪氏

洪

故反間

以

陰

陷。

朕豈

堕此

小人之計

耶

?

人也。 其原因固 以招降其他漢人士大夫如瞿稼軒輩。 然則當 多, 恐亦 H 承 與引誘稼軒 疇 處境之 製危, 點有關歟?前引可和尚兩 清廷手腕之巧妙, 瞿洪皆中式萬曆丙辰進士, 於此 塔銘, 亦可窺見一斑矣。 爲同 皆述 年生, 涿 可繫獄及械送北京途中 而函可乃適當之聯繫 牧齋所以得冤於死

修 可傳 得蒙神力護持之事。 福建通志貳 」陳伯陶案語引張鐵橋年譜, 貳陸福淸縣施起元傳略云:「施起元字君貞, 所言殊詭 異, 蓋暗 記後來洪承疇囑嶺東施起 示亨九輩陰爲保全, 故賴以脫死。 元照拂韓日 一字虹澗。 纘諸子事。 順治己丑進士。從平 觀勝朝粤東遺民錄 (寅恪案, 藩南 同治 П 逐

與陳氏所引參證。)足知亨九於剩人關係之密切也。 征入粤。七年授廣東右參議,分守嶺東道。八年攝學政, 南復立新主, 可之附官人舟至金陵, 頃以請藏, 自不足怪。 附官人舟入金陵。」夫乙酉春間, 但函是所以特著此語者, 又函是謂 南都雖尚 按試惠屬, 或因南都當 П 師「甲申之變, 未 傾覆, 所拔悉當。旋以憂去。 局馬 士英阮大鋮皆中 然長江當已戒嚴。 悲慟形辭色。 傳江 式 萬 泳

曆丙辰 可爲旁證也。 會試 日 或謂千 師 乃其通家世好, 山詩集壹貳「寄陳公路若」有引 此行乃與 無阮 有關 耶?觀其經笥 略云: 中 有福 Ŧ 一答阮大鋮書稿

丙 寅秋子侍先子南 遍誦。 及薙髮來南, 都署中, 與茂之相見, 木樨盛開 月筝伯率一 已不勝今昔之歎。 時 言 人賦詩其下。 今投荒又八年矣, 赤公至, 予雖學語未成 竊喜 述長安

得

護法 首舉 陳公, 爲吾鄉人, 即木樨花下賦詩人也。

九六二

檢國権卷首之三部院上南京禮部尚書欄載

(天啓六年)丙 寅蕭山來宗道□□甲辰進士。 二月任。

(天啓七年)丁卯博羅韓日纘□□丁未進士。 三月

纘傳略 神志瞀亂, 是丙寅歲任南京禮部 云 亦可誤記「乙酉」爲「丙戌」也。 尚書者, 爲來宗道, 而非韓 鄙意此說固可 日纘。 通, 氷 口 。既誤記「丁卯」爲「丙寅」, 但檢光緒修惠州府志叁貳 則其 人物門 ニニニュ 韓 終時

侍郎兼侍讀學士, 韓日纘字緒仲, 號若海, 協理詹事府事, 博羅人。 (天啓四年)甲子, 充兩朝實錄副總裁。 即家陞右春坊右庶子。未行,陞禮部 次年(五年乙丑) 陞南京禮部 尚書, 疏

辭

弗克。

崇禎(五年)壬申

改禮部尚書。

詩集序 家間 俟考。)今據志文, 子媳俱爲僧尼, 此 由是推之,其臨終所言「丙戌出嶺」之「丙戌」,亦非「乙酉」之誤記也。惟談書與方志何以不同, 傳旣述 事 或得 3 緒 祖 附見。 仲一 心 寄夢 歷主 生事 此願 則丙寅之秋, 游書中「近 福州長慶等寺。 蹟頗詳, 旣酬, 家書從福州來, 方志之文, 胸中更無別事矣。 函可實可侍其父於南京禮部尚書署中。 觀祖心福州家書之語, 疑源出 流涕被面, 」等語。 图 司 所作家傳。 勝朝粤東遺民錄肆 先子傳十年不報, 豈韓氏尚有遺族依函是寄居福州耶 (寅恪案, 故詩引所言, 此點 函是傳謂: 今以眞(乘)兄坐 미 參 顧 其父母 並非誤記。 夢游千山 尙

難確言。 姑記於此, 以俟更考。 至南都禮部署中植有木 樨, 則前引牧齋「贈黃皆令序」及吳應箕 留

都見聞 錄 俱 未之及。 茲論 黃毓祺 案, 遂附錄 剩 人詩引 亦 供 談 助也。

牽累, 吾國舊日 自不能離此 社 會關係, 製端, 大抵爲家族姻戚鄉里師弟及科舉之座主門生同年等。 而於科舉一 端, 即或表面無涉, 實則間接亦有關也。 牧齋卒能脫免於黃案之 茲請參互推論之,

雖未必切中肯要, 然亦不至甚相遠也。

後, 前論牧齋熱中干 則潛作復明之活 進, 動 自認 知兵。 而閩海 東南 在明北 隅, 都未傾覆以前, 爲鄭延平根 據地, 已甚 關心福 尤所注意, 建一 省, 亦必然之勢也。 及至 明 南都 傾 夫牧齋 覆以

故, 當 時重望, 必先利用 所欲交結之閩 而其勢力所及, 明史貳 福建士大夫之領袖 本應爲握有兵權之將領, 究不能多出 江浙士大夫黨社 以作橋 樑。 如第肆 苟明乎此, 範 章論 圍之外, 調閩 則牧齋所以特推 帥 更 (與閩 議 海之武 即 是例證。 重 人隔 曹能始踰 閡。 牧齋固 職是之 越分 負

理寺正 曹學住字 居冗 能 始, 散 七 侯官人。 年, 肆 力於 弱冠舉萬曆二十三年進 學 累遷 南 京户 部 士, 郎 中 授户部主事 , 四 11 右參政按察使。 中察典, 調南京添 又中察 典議 注, 大

量

殊不足怪也。

捌捌曹學佺傳略云:

六 天啓二年 年秋, 學 起 全遷 廣 西 陝 右 多議。 西 副 使 初 未行, 挺擊獄 典 而廷元附魏忠賢大幸, 劉 廷 元輩 主 瘋 顛 學住 乃劾 著 學 全私 野 史紀 撰 野 略 史, 直 書事 淆亂 本 國 末。 至 遂

第 五 章 復 明 運 動

九六四

倉十二代詩 削 石倉集。 籍 進尚 燬所鏤板。 萬曆 書, 選, 中, 盛行於世。 加太子太保。 崇禎 閩中文風頗 初, 起 兩京繼 及事 廣 盛 西 敗, 覆, 副 自學住倡之。晚年更以 使, 走入山中, 唐王立於閩中, 力辭 不就。 投繯 家居二十年, 而 起授太常卿, 死, 殉節著 年七十 云。 著書 有四。 尋遷 所 禮部 居 詩 石 倉 文甚 右侍郎兼 園 中, 侍 爲 講 石

南疆逸史壹柒曹學佺傳略云:

郎, 内 自娛。 學住好 逵疾抵 宿 儒 署翰林 關度 學 閩 也。 中 有 院事。 (防守, 文名, 我在 立 國 藩 起爲 博綜 時 邸, 毋久逗 ·勒纂修威宗實錄, 今古, 太常寺 聞其名久矣。 留。 卿, 諸逃 自 以 兵 宿學 上言今幅員編 八肆掠, 時倉卒建號, Ė 國史總裁。 儒不得官京朝, 責令其收歸營伍。 小, 設贖館以處之。 税額 切典禮, 無幾 歷外數十年, 及朝見, 皆學住裁定。 宜專供 丙 戌四月上在延津。 上指 守 仕 戰 又 謂 Ż 偃 尋 諸 用 蹇, 陞 臣 禮部 曰, 而 因 遣 以 右 著書 朝議 此 鄭 侍 海 鴻

寅恪案, 士大夫之領 鍵之所在, 關於曹 袖。 殊可 能始 至 其 注意也 之資 與 鄭 料頗 氏之 多, 號 係及傾家助 不 須 廣 引 餉, 即 觀明史及南疆逸史本傳, 欲成、奇兵浮海, 直指金陵。」之舉, 已足 知能始 爲 則皆南明興 當 H 盟 中

欲

以

奇兵浮

海,

直指

金陵,

而艱

於聚

帥,

學住傾

家

以

萬

金

遊濟之。

初學集首載「牧齋先生初學集序」略云:

歲癸未冬海虞瞿稼軒刻其師牧齋先生初學集一百卷既成。 冬月長至後, 新安布衣友人程嘉燧

述于松圓

山居。

又「錢受之先生集序」云:

時崇禎甲申中秋節,友弟曹學佺能始識。

牧齋刻集既成之後,幾歷一年之久,復請能始補作一序。 集拾崇禎詩集陸「曹能始爲先夫人立傳,寄謝。」云:

其推重曹氏如此,

可爲例證。

又檢初學

同書壹陸丙舍詩集「得曹能始見懷詩, 次韻却寄二首。」云:

(詩略。

有學集貳叁「張子石六十序」云:

子石遊閩, 余寓書曹能始, 請爲先太夫人傳。子石攝齊升堂, 肅拜而後奉書。能始深歎之,

以爲得古人弟子事師之禮。

夫牧齋平生於同時輩流之文章,

也。 但牧齋外集貳伍「題曹能始壽林茂之六十序」云:

少所許可,獨乞曹氏爲母作傳。

此舉更足爲其尊崇石倉之一例證

第五章

復明運動

余與能始宦途不相值, 晚年郵筒促數 相與託末契焉。然予竟未識能始爲何如人也。今年來

九六六

幅中。 序。 也。 之晚也。 予之眉目 白 T, 而可笑哉 能始不多見予詩文, 頃復見能始所製壽序, 重逢 天下 1 頻笑, 雖然能 茂之, 有眞朋友, 真性情, 戊子秋盡, 臨流 始 爲 劇談能始生平, 攬鏡, 全人以 而想象爲之, 往往 去, 則不獨茂之之生平歷歷可指,而兩人之眉目頻笑, 錢 自 謙益 三年之後, 乃有真文字, 僧 想見其眉目嚬笑, 自 雖繆相推與, 嘆 于秦淮頌 趣欲引而去之, 其藏血 世人安得而知之。 繁之所。 已化碧, 其辭藐 顯顯然如在吾目中, 藐云爾。 Thu 而予也楚囚 猶 悵快能始知予 余往刻初學集, 讀此 1越吟, 文, 竊自幸始 之淺也。 又皆宛然 益自恨交能始 連 蹇不 能始 識 即 在尺 爲 能 始

列朝詩集丁 壹肆 曹南宮學住 小傳」略云:

虞

The state of

撰

句。 選 才力 能始具 漸 其後所 皆盛行於世。 聲伎雜進, 勝情, 放 應酬 至, 愛名山水, 各 日 有集。 爲詩 享詩 煩, 以 率易冗長 酒 卜築匡山之下, 自謂 清麗爲宗, 談讌之樂, 以年 而 都 無持 異, 程孟陽苦愛其送梅子庾「明月 近世所罕有也。 將攜家往居, 擇, 其佳 並其 境要不出於此。 少年面目, 著述頗 不果。 富, 家有石倉園, 水木佳勝, 而 取次失之。 入蜀以 如海 自佳色, 内名勝志, 後, 小 秋鐘多遠聲。 陵 判 有 年 爲 言 += 晚節 賓友 之

據此足見牧齋亦深知能始之詩文無甚可取。其請爲母作傳,

並序初學集者,

不過利用之以供政治

律

細

有旨哉

其言之也。

之活動耳。 又有學集肆柒「題徐孝白詩卷」云:

雲間之才子如臥子舒章, 余故愛其才情, 美其聲律。 惟其淵源流別, 各有從來。 余亦嘗面規

采詩之役, 未及甲申以後,

豈有意刊落料揀哉?

牧齋尺牘中「與毛子晉」四十六首之四十五云:

而二子亦不以爲耳瑱。

蘊生詩自佳, 非午溪輩之比。 須少待時日, 與陳臥子諸公死節者並傳,已有人先爲料理矣。

其他則一切以金城湯池禦之。 此間聒噪者不少,置之不答而已。

月, 實不願論列陳李之詩, 考能始亦於順治三年丙戌, 殆欲藉此蒙混讀者之耳目耶?至其他如閏集肆王微鄭如英等, 以冤招致不快, 即崇禎十七年甲申之後死難, 姑作諸種託辭以相搪塞而已。 列朝詩集何以選錄其詩?蓋牧齋心 亦皆卒於崇禎甲申以後, 能始小傳不書其死難 之年 意中 更可

牧齋吾炙集所選侯官許有介米友堂詩題詞云:

證牧齋編列朝詩集,其去取實不能嚴格遵守史家限斷之例也。

筍 存永詩, 丁酉陽月余在南京, 同。 周容東越絕, (見有學集壹捌「徐存永尺木集序」。)牽連及之, 爲牛腰詩卷所困, 許友八閩風。 世亂才難 得許生詩,霍然目開, 盡,吾衰論自公。 遂題其詩曰,壇站 每逢佳處, 爬搔不已, 水亭頻剪燭 分茅異, 撫卷意何窮。 詩篇 因序徐 重咀 周

容者 字茂山, 明州人。 嘗爲余言許友者也。 既而閩之君子, 或過余言, 又題曰, 數篇

第五

章

復明運

動

九六八

句云爾。 應有作, 不愧老夫知。 欲殺豈無 (寅恪案, 詞。 本自 牧齋此兩詩並見有學集詩注捌長干塔光集「題許有介詩集」及「再讀 周處臺前月, 傾蘇渙, (自注:「老杜云, 長懸下令祠。 余時寓清溪水閣, 老夫傾倒于蘇至矣。 介周 」)何嫌説 臺卞祠之間 項斯。 許友 故落 嘲

同書有介詩後又附評語云:

詩。」)

也。 來。 此 人詩 若種 或 日, 開 種 便妙, 病 詩具如許 痛 果爾從胎骨中來, 落筆便 病 痛 妙。 何以不妨其妙?答曰, 有率易處, 便是焦芽敗種, 有粗淺處, 他好處是胎骨中帶來, 終無用處矣。 有入俗處, 病痛不 顧與治深以予言爲 少, 不好處是薰習中 然不妨 其 爲

又云:

題其後云,杜陵矜重數篇詩。 余於采詩之候,撰吾炙集一編,蓋唐人篋中之例,非敢以示人也。長干少年疑余有雌 此詩亦見有學集詩注捌「金陵雜題絕句二十五首」之十五。)聞者一笑而 吾炙新編不汝欺。 但恐旁人輕著眼, 鍼師門有賣鍼兒。 (寅恪 解。 黄 戲

類之八股批評家言論, 比少陵, 寅恪案, 牧齋此 並借用天竺西來教義, 集所選同 殊不足令人心服。 時 人詩, 牽強紐合兩種對立之說以文飾之。 唯有介之作多至一百七首, 亦知必招致譏怪, 綜觀牧齋平生論詩論文之著述,大別可分二類。 但似此高自標置及與 故賦 詩 金聖 解 第壹類 嘲 嘆 É

越分量及選錄許 爲從文學觀點出發, 有介詩, 如抨擊何李, 篇章繁多等。 稱譽松圓等。 第壹類乃吾人今日所能理解 第貳類爲從政治作用出發, 不煩贅述。 如前 第貳 論推崇曹能始踰 (類則 不 得

之預備 在順 茲論 治 黃案, 四年丁酉冬季遊金陵時。 姑不涉及, 俟後詳述。 此際牧齋正奔走復明運動, 爲鄭延平帥師入長江取南都 有

稍詳言之,

藉以說明今所得見牧齋黃案期間詩文中所涉及諸

人之政治社會關係

也。

至牧齋選許

牧齋外集貳 伍 「題爲黃子羽書詩 册 云

也。 戊 、子之秋囚繫白門, Z 互有 丑冬,子羽持孟陽詩帙見示 贈 答。 林叟爲收拾殘棄, 身爲 俘虜 閩人林叟茂之僂行相勞苦, 楷書成册, 並以素册索書近詩, 題之曰秋槐小稿。 簡得林叟所書小册 執手慰存, 蓋取王右丞葉落空宮之句 繼 以 涕泣。 拂拭 蛛 感 嘆之 錄

今體

詩二十

餘首

並以近詩

繁之。

齋黃 收拾之「秋槐小稿 寅恪案, 案期間所作之詩, 今有學 集卷壹 自 無可 即在此 一秋槐詩集起 疑。 兩卷內 鄙意林氏當時所收拾牧齋之詩, Z 酉年盡戊子年。 而 枫 卷內之詩 卷貳秋槐詩支集起己丑 關涉林古度者特多 恐尚有出 於有學集第壹 當由部 年 盡庚寅年 分源 第貳 出 74 林氏 月。 兩卷 所 牧

其罪諸人之姓名 所載之外。 蓋就 IH 而此諸 兩卷詩 人亦不願牧齋此際作品涉及己身故也。 中有關 諸 人觀之, 大抵表面上皆無政治關 但即就此等表面超然處於政局之 係者, 當由牧齋不欲顯著 救脫

傳

感舊集壹林古度條, 詳究之, 實有 陳文述 直接與間接聯繫, 秣 陵集陸「乳 如林古 山訪 度乃其 林古度故居」條及陳作霖金陵 例。 關於林氏之材料頗多, 通 傳貳 肆林古度 其中 以王 傳

詳。茲僅錄秣陵集於下。其文略云:

麓。 鼓行 集名士, 壬子間 而 古 爲楚風。 度字 卜居 或云, 茂之, 爲 金陵華 泛 甲申 楚人鍾 東 舟紅 後居 海 後, 屠 林 號 惺 那 乳 隆 東 橋。古度年八十五 徙真 子。 譚 所 側 Ц 元 知, 具亭 閩之 春先後遊 有江東父老小印。 珠橋南陋 遂 有名。 福 榭 池 清 巷 金陵, 館 掘門, 之 詩 士禎 美。 多 孝 古度 清 廉 親爲 (寅恪 蓬蒿 綺 古 章子。 與派 度 婉 撰 蒙翳, 縟 與 案 杖。 大江 兄君 之 章字 致, 朱緒曾 卒年九十。 遷, 初文。 彈琴賦詩弗輟也。 有鮑 過 皆 雲 金陵詩徵肆拾「林古度」條云 夢 好 負 謝 , 大志, 遺 爲 歿三年, 憩竟 軌 詩。 陵 與 與 嘗獻 者累 學 曹 Ŧ 周 士 任 學 書 亮 一禎司 月, 相 佺 闕 I 類。 F 友 葬 理 其 之 揚 詩 不 萬 鍾 州 乃 曆 少 報 Ш 己 賦 之 每 變 西 檛 歸

有學集詩 注 壹 秋 槐詩 集一歲 晚過茂之, 見架 一殘帙 有 感 再 次 申 字 韻 느

横于

乳

山

年

八十七卒。

地 闊 天 高 失 所 親。 凄然問 影尚 爲 呼 囚 獄 底奇 餘 物 點 鬼 場中 顧 賃 身。 先祖豈 知王

残

叢

話

甲

申。

列朝詩集丁拾林舉人章小傳略云: 胡兒不解漢家春。可憐野史亭前叟,簽拾

市中, 章字初文, 家徒四 福清人。 壁, 架上多謝皐羽 初文二子君遷(寅恪案, 鄭所南残書, 君遷名楙。 婆娑撫玩, 流涕漬濕 古度皆能詩。 亦初文之遺意也 古度與余好, 居金陵

同書丁壹貳鍾提學惺附譚解元元春小傳略云:

元春字友夏, 竟陵人。 舉于鄉,爲第一人。再上公車,歿於旅店。與鍾伯敬〔惺〕共定詩歸, 皆相好也。

吳中少俊多皆警鍾譚, 世所稱鍾譚者也。 伯敬爲余[萬曆三十八年庚戌]同年進士,又介友夏以交于余, 余深爲護惜, 虚心評隱, 往復良久,不得已而昌言擊排。

元春詩後又附識語云:

吳越 復一事蹟詳 而 /楚閩 見明史貳肆致及福建通志貳佰之伍本傳。)宦遊楚中, 沿習成風, 如生人戴假面, 如白晝作鬼語, 而閩人有蔡復一字敬夫者, 召友夏致門下, 盡棄所學 (寅恪案

關係, 也。 寅恪案, 所可注意者 夫牧齋文學觀點。 即此 牧齋排擊鍾譚盡嬉笑怒駡之能事,讀者可披閱列朝詩集原文,於此不詳引,以省枝蔓。 可見一斑。 ,詈伯敬之辭,略寬於友夏, 旣與古度差異, 牧齋譏蔡敬夫, 又與之親密一至於此, 實譏林那子, 殆由錢鍾兩人有會試齊年之誼。 所謂指桑駡槐, 甚覺可怪。 未識茂之讀之, 更檢吾炙集 舊日科舉制度與社會之 所列諸 何以爲情 人及

有學集中牧齋晚歲相與往來之文士,亦多由那子介紹,其故何在?必有待發之覆也。

運

動

茲略推論之

七二

今先論 辦黃案最高 黄 案 之清吏爲洪亨九。 期間錢林之關係, 洪氏 至 鄭 與函 延平率舟師攻南都前數年 可之交誼, 前已詳言之。 之事 牧齋固可 則暫不述及。 藉 顧與治經祖 順 治 四年丁 心以通亨

賦詩, 九, 十九日也。 (此據有學集貳秋槐詩支集牧齋順治己丑所賦「林那子七十初度」五律推得之。) 自得與諸詞人預會 然細繹上引千山詩集「寄陳公路若」詩序之辭旨, 而祖心年僅十六,(此據上引郝浴撰函可塔銘「師是年二十有九, 」之語推得之。)故自 謙云:「予雖學語未成, 知天啓六年秋桂花開時, 竊喜得一一遍誦。」又是歲顧與治年二十 時崇禎十二年(己卯」六月 那子年已四十七

識。 來南, |引牧齋「顧與治遺稿題詞」有「片言定交」之語, 上引牧齋戊子冬所賦 與茂之相見, 已不勝今昔之歎。 「顧與治五十初度」推得之。)應可 無 語道及與治, 頗疑 祖 心與與治之締交, 可 預此詩會, 證天啓六年丙寅 但祖 實始 心詩 於弘 秋韓 序云:「及 顧尙 光 元 未相

心以通亨九, 廣州 來南京之時,非若茂之之與韓氏一門, 亦可經茂之, 藉剩人以通洪氏 也 至少有兩世之舊交。 然則牧齋即 示 經與治

邢孟貞昉石臼後集壹「讀祖心再變紀漫述五十韻」云::

皇, 所恨 箋 喪 記 圖 朝, 稱 再 拜 不少 共 (寅恪案 難 城 楊鍾羲雪 頭竪降旗 橋 詩 城 話壹邢孟 F 迎 E 施。 貞」條 白 頭 宗 引白 伯 頭下 作 事 四 狡 句云

蓋指牧

」)皇天生此物,其肉安足嘬。 養士三百年,豈料成狼狽。

寅恪案,牧齋遺事附趙水部雜志四則之三云:

尚 弘光選 在金 陵。 后 屢 禮部 不 中, 尚書錢謙益送所選女於豫王。 特旨至浙東揀選三女子, 祁彪佳族也。 女之父登謙益之門, 其父爲諸生。 時人無不說 弘光避位, 異焉。 其女與父

可與祖〉 爲之盡力。 亦可能向洪亨九爲之解救也。 剩人與林茂之爲舊交, 與顧與治爲密友。牧齋若經兩人之疏通勸說, 心所記參證。 鄙意函可撰再變記效法南董, 或疑剩和尚旣載牧齋此事, 茂之自其父移居金陵以來, 自必直書, 則似不以牧齋爲然者, 無所諱忌。 至黃案期間, 但牧齋實與黃介子有連, 牧齋遭黃案牽累, 已歷數十年之久。 藉黃案以贖前罪 故陳作 志在復 未必肯 图可

出。 霖認其爲上元 癸酉年十七,舉於鄉。 表「萬曆元年癸酉蘇濬榜, 遂居金陵, 人。(見金陵通傳貳肆林古度傳:「先世籍 爲上元人。 」等語。)與當日閩省士大夫領袖曹能始關係尤密, 福清縣林春元, 」等語。 )但那子家本福清籍, 後改名章。 」之記載及同 温清。 (見同治修福建通志壹伍陸選舉門舉人 父章發憤爭獄事, .書貳壹叁文苑傳林章傳「萬曆 依舊日社會之習慣, 緊南都三年始 自

古度小 形跡 可如金陵詩徵之例, 傳。 不致甚爲巴山等之所注意。 洪亨九若論鄉里之誼 列於寓賢。 (見朱緒曾編金陵詩徵叁玖寓賢伍林章小傳及同書肆拾寓賢陸林 觀牧齋於黃案期間作品, 固得相 與周旋。 蓋茂之値明淸興亡之際, 絕不避忌林氏之名字, 表面 無抗清顯著之 亦可推知其人

動

之作」外,尚有可論證之篇什不少。其仿玉川子之作一首,足見錢林友誼篤摯, 館記及馮元飈之比。但有學集貳秋槐詩支集「戲爲天公惱林古度歌」原詩過長, 在清廷官吏心目中之態度也。 牧齋此期間關於茂之之詩甚多, 除前引「次韻林茂之中秋白門 僅錄詩後跋 如第肆 章 論 留 寓 仙 舍

資談助云爾。 此 詩 得之於江上丈人, 其文云: 云是東方曼倩來訪李青蓮於采石, 大醉後放筆 而作, 青蓮 激賞 而

前論祖心「次林茂之韻二首」第壹首「莫言我去知心少, 陶斯唐。 盛氏事蹟今未能詳知。 僅金陵詩徵肆拾寓賢陸盛斯唐條, 但過牆東有好朋。 較金陵通傳明詩 」之「好朋」, 紀事 當即 利 指盛集

故

錄之於下。

其文云:

也。

或云青蓮自爲之。

未知然否?

斯唐字 集陶。 桐城 居金陵。 0

集陶 爲 進士 一世翼 孫。 居金陵十 廟西門, 毀垣 一敗屋, 蓬蒿滿 徑, 與林 古度相 唱和 晚 目

屏居不干

有學集壹秋槐詩集「盛集陶 牧齋於黃案期間 詩什, 頗有關涉盛氏 次他字韻, 者, 重和五首。 茲不詳引, 」其第叁首云: 惟擇錄 略加箋釋, 以見一 斑。

秋衾銅輦夢頻過。 四壁陰蟲聒謂何。 北徙鵬憂風力少, 南飛鵲恨月明多。 杞妻崩雉具憐汝,

莒婦量城莫恭它。却笑玉衡無定準,天街仍自限星河。

久歸里, 但東 此首雖和盛集陶, 林黨社舊人, 而實爲河東君而作者。 仍衆口 "皆 警" 攻擊不已, 第壹第貳 意欲何爲耶?遵王引李賀「還自會稽歌 兩句, 謂明南都破後, 己身降清, 不

詩貳謝莊條。)長吉詩所謂「臺城應敎人」乃指其詩序中之庾肩吾。 長吉歌詩貳「還自會稽歌」此兩句注。)牧齋以庾氏曾爲侯景將宋子仙所執,後乃被釋,遂取相比。 臺城應教 「兩句原出謝希逸「七夕夜詠牛女應制」詩:「輟機起春暮, 秋衾夢銅輦。 」(見全唐詩第陸函李賀壹。 )以釋第壹句, 停箱動秋衿。 (見南史伍拾庾肩吾傳及王琦李 固不誤。 」(見丁福保輯全宋 然尚有未盡。 長

集壹伍。)「陰蟲」當出 此皆表面字句之典故, 顏延平「夏夜呈從兄散騎, 猶未足窺牧齋之深意。 牧齋此詩旣爲河東君而作, 車長沙。 」詩「陰蟲先秋聞」句。 因特有取於希逸之句 (見文選貳陸。

又牧齋隨例北遷,河東君在南中有奸夫鄭某一重公案,

即牧齋所謂

鄙意以爲「四壁」用歐陽永叔秋聲賦「但聞四壁蟲聲唧唧」之語。

(見歐陽文忠公

亦可與此詩末二句相照應也。

第貳句遵王

一無釋。

造作蜚語,若「大王八」及「折盡章臺柳」之類, 信河東君眞有其事也。 人以蒼蠅汚白壁」者, 綜合此詩首兩句之意, (見投筆集上後秋興之三「八月初十日小舟夜渡」 謂兩人有如牛女之情意, 聒噪不休, 甚無謂也。 抑更有可論者, 元裕之「洛 惜別而作。 永無變易。但陰險小人, 」)蓋言己身不

陽」七律云:「已爲操琴感衰涕, 更須同輦夢秋衾。 」(見施國祁元遺山詩集箋注玖。) 牧齋以南京

九七六

絕, 詩「橫放天河隔女牛」句, 悠悠。」之句, 第壹聯謂己身因南都破後, 然則牧齋賦詩 或從死, 比洛陽, 不能遇見。 始終心 即下引「次韻答盛集陶新春見懷之作」詩:「澗瀍洛下今何地, 可取與互證。 與王半山「恩從隗始詫燕臺」句之意同矣。 前論 懷復明之志也。 「次韻林茂之戊子中秋白門寓舍待月之作」詩「 亦可取以參較也 又前 隨例北遷, 第柒捌 論順治三年丙戌牧齋之行蹤節, 兩句謂當此賦詩之際, 不久又南歸也。 可詳第壹章所論 第貳 聯 河東君寄寓蘇州拙 謂 引有學集壹秋槐詩集 河東君因己身被逮, 無那金閶今夜月, 鄠杜城南舊有天。 茲不復贅。 政園 雲鬟 牧齋和盛詩 丙戌有懷」 而願代 與己身隔

有學集壹秋槐詩集「次韻答皖城盛集陶見贈二首。 云: 盛與林茂之鄰居, 皆有目疾,故次首戲之。

煙 騷魂哭怨空 婆娑 預 涕 山。 攀。 終然商 祗餘 蕭 頌歸 瑟傍江 玄 鳥 關。 麥秀殘歌詎 文章已 入滄桑錄, 忍 刪 詩 卷寧留天地間。 汗 史 血

有

牆

步羅

親。

摩挲

攬鏡笑看人。

青盲

恰

比

瞳曚

日

(寅恪案,遵王注本作「瞳

曚

目」。)

傳

寅恪案, 聊 乃知此爲牧齋自述其編選列朝詩集之宗旨。 爲示現身。 牧齋答盛氏詩。 並戴小冠希子夏,長懸内 第壹首末二句, 初讀之, 傳 配 師春。 澹歸之文, 可取與此二句相證發。 未能通解, 徐州好士今無有 後檢今釋編 書尺何當代爾 行 堂集 捌 豈丹霞從蕭 申。 列 朝詩

孟昉伯升處, 得知牧齋著述之微意耶?俟考。金堡之文略云:

列朝詩集傳虞山未竟之書,然而不欲竟。 則此書之成, 兩都閩粤盡矣。 北之死義, 其不欲竟, 僅載范吳橋, 蓋有所待也。 餘豈無詩。 傳有胡山人白叔死於庚寅 乃至東林北寺之禍

者, 所與同名黨人一一不載。 而不爲竟,亦所以存虞山有待之志,俾後起者得而論之。 其志固足悲也。 孟昉 有儁才,於古今人著述,一覽即識其大義。 虞山未忍視一 綫滇 南爲 厓 門残 局, 嗚呼!虞山一身之心跡, 以此書留未竟之案, 其力可以爲 虞山 待諸後起 可以 竟此

聽諸天下而無言矣。

牧齋, 牧齋答盛氏詩第貳首末二句遵王注引梁書江淹傳。 春見懷之作」云: 則應是集陶之語。 細繹之, 與上文旨意似不甚通貫。 其解釋古典固當。但「代爾申」之「爾」字, 。檢有學集貳秋槐支集「次韻盛集陶新 若指

醉中國土少崩賽。 暈碧裁紅記往年。 金陵見説饒新詠, 春盤春日事茫然。 佳麗長懷小謝篇。 澗瀍雒下今何地, 鄠杜城南舊有天。 夢裏士師多訟獄

謂集陶與訟獄有關。 此詩第伍句「夢裏士師多訟獄」, 今日載記所述盛氏事蹟, 雖用列子周穆王篇之古典, 甚爲簡略, 故無從詳知集陶在此時間, 然恐不僅指己身為黃案所牽連, 是否亦有被 或兼

第五章 復明運動

人累及之事也。

有學集壹秋槐詩集「丙戌初秋燕市別惠房二老」(「丙戌初秋」四字據遵王注本增。)云:

(詩略。

同書同卷「丁亥夏爲淸河公題海客釣鰲圖」 四首 (寅恪案, 「爲淸河公」四字據遵王注本增。 注本僅

有三首,無第肆首。 殆因此首語太明顯, 故遵王刪去也。 ) 云:

海客垂綸入淼茫。 新添水檻攬扶桑。 崆峒仗與羲和杳, 安得乘槎漾水旁。

本此首作「貝闕珠宮不可窺。 貝闕珠宮不可尋。 六鰲風浪正陰森。 六鰲風浪正參差。 桑田 滄海尋常事, 釣竿莫拂珊瑚樹, 罷釣 何須歎陸沉。 珍重鮫人雨泣時。 (寅 、恪案, 遵王 注

來避諱所改。)

陰火初銷黑浪遲。 投竿錯餌自逶迤。 探他海底珠如月, 恰是 驪 龍 書 睡 時。

老馬 爲駒氣似虹。 行年八十未稱翁。 勞山 拂水雙垂釣, 東海 人稱兩太公。

(詩略。

同書同卷「別惠老

兩絕句」(寅恪案,

遵王注本闕此題。)云:

(詩略。

口

書同卷「和東坡西臺詩韻」六首云:

清史列傳柒玖貳臣傳乙房可壯傳略云:

益。 房可壯山東益都人。明萬曆三十五年進士。〔崇禎元年〕十一月會推閣臣,次列禮部侍郎錢謙 尚 書溫體仁計謙益主浙江鄉試 時關節受賄, 諸臣黨比推舉。 莊烈帝召 謙益 及給事中 章允

刑 儒等廷 偽益都 部諸 令, 訊。 大理覆核會奏, 司問 奉表投誠。 可壯坐黨比 斷當者定案入奏, 降 鰲永疏 並請敕法司早定律令, . 秩。 請召用。 順治元年六月招撫侍郎王鰲永至山 請再識。 三年二月授大理寺卿。 近見刑 部鞘 以臻協中之治。 囚, 有徑行請旨處決者, 六月疏言, 從之。 東, 可壯 十一月擢刑部右侍郎。 率 舊制大理寺掌覆核 鄉 未足 人殺流 以 昭慎重, 賊 所置

五年轉左。

宜

一仍歸

李棪君東林黨籍考引康熙修益都縣志捌云:

房可壯字陽初, 號海 客

清史列傳柒捌貳臣傳王鼇永傳略 云

陵, 王鼇永山 大學士楊嗣昌督 東臨淄 人。 師好自用 明天啓 五 年進 每失機宜。 士, 累官鄖陽巡撫。 鼇永嘗規之, 不聽, 崇禎時, 遂奏罷鼈永。 張獻忠犯興安, 後嗣昌敗 鼈永防江

王令以户部侍郎兼工部侍郎衛, 鼈永户部右侍郎。 李自成陷京師 招撫 鼇永被拷索輸銀乃釋。 山東河 南。 鼇永至德州, 本朝順治元年五月投誠, 同都統覺羅巴哈納 石廷柱等 六月睿親 授

動

擊走自成餘黨,

尋赴濟南

遣官分路招撫。尋命方大猷爲山東巡撫,

巴哈納等移師征

陝西。

品 俱 永 同 歸 順 大猷及 麓 登 永 萊 赴 青 3111 撫 州 陳 有 錦 等 趙 綏 應 輯 元 者 Ш 東 郡 自 成 縣 被 剿餘 將 也。 賊 敗 竄 1 月 長 清 疏 報 縣 濟 南 窺 青 東 昌 州 兵 泰 安 少, 充 + 州 青 月 淧 州 諸 屬

三年 齋自 可注 寅恪 指 案, 意者, 海客 房氏 降, 止 甚 爲 任 在 口 勞山」在 大理 東北 乃第 作 工巧。 清河 城 海 寺 中 肆 公題 牧齋 但此 卿 首「勞山 之大龜解 Ш 遂 時 肆 東 海 在 圖 掠 即 客釣 不 上 東 墨 .拂 疏主 南, 知 蜂 縣 水雙垂釣, 鼈 作於 指 集 東 昌 分別 張 整 南六十 般降 恢 何 永 時, 復前 題, 官解, 投竿 清之大漢 里 東海 若作 明大 海 錯 清河」爲 縛之。 餌 濱 理 於 こ以引 稱兩太公。 公奸言。 寺覆 順 用 鼇 冶 房 以指 誘 核 氏 元 永 年, 刑 路 此 郡 罵 房氏 部案 望 服 賊 圖之名及牧 」之結語。 建 海客初降 不 件 州 屈 海 蓋謂 諸 Ż 客」爲 舊 漢 遂 「拂水」在 兩 齋 例 遇 清 所 時 미 害 同 以反 題 壯 其 爲 意 74 方 暫 江 號, 蓋 詩 凊 可 時 蘇 欲 翩 如 常 降 稍 殊 It 明 鼈 熟縣 清 稍 力 有 解 爲 終 高 觀 圖 順 否 鼇

後, 之 順 至牧齋 職 或賦 責 几 即接以 年丁 出 於 略 題 |亥夏, 改滿 牧齋隨 涵 亥年 芬樓 例 所 獲 在南京乃 本 北 作和 霸 有 遷, 政 學 權之局 集 東坡 將南還之 題此詩。 列 於 西 勢。 ]臺詩 別 則的 時 惠 其 韻 也。 房 不 得已 鼈圖 若謂 一老」及「 題, 加 三無論· 牧齋於 但此 盛 別 淸 之微 時 由 惠 牧齋攜之南 順 期 老 治 牧 目 兩 黨 絕 年 所 藉 句 丙 此 存之詩 歸 戌 口 秋 以 或由 間 甚 推 雖 少, 別 見矣。 房氏託 房 中 氏 故 後 題 別 便 惠 轉致 至次年, 老 客釣 兩 酯 絕 牧齋 乃牧 啚 句 卽 治 復 尤 則 永

侍郎, 取此黃案迫急之際, 可藉其力以脫黃案之牽累也。 忽作此閑適之事, 必非偶然。 後來牧齋之得釋還家, 頗疑牧齋之意, 是否與房氏有關, 以爲房氏此際在北京任刑部右 今無可考。 但檢襲

芝麓定山堂集叁順治十年癸巳五月任刑部右侍郞時所上「遵諭陳言疏」云:

等參詳, 從清字翻 職 司 審 近 之規 見大小獄 出漢字。 然倉卒片言 宜 定 情 也。 回 當其 [堂時, + 是非立判 訊 四司 鞫 多止 之頃, 官滿 有 漢並設, 清字, 本末或未及深晰, 漢司官未必留心, 而無漢字。 原期 同 13 "商酌, 在滿 底案又無從備 迨稿案已成 洲 共砥公平, 巨 堂諸 查。 臣, 罪 名已定, 庶獄 至於重大事 虚公共 無遁 濟, 雖 情 · 欲旁贊 情 事事 官無 又多 ,與臣 曠

語 節, 漢司 律 叙 官公同質訊 招 明注 輒苦後時。 於 臣等覆 口 詞 之内, 加 是何滿司官之獨勞, 看 各注明切口 語 付司 然後具 存案, 詞, 題。 呈堂覆審。 以便日 事以 而漢司官之獨逸也。 斟 後稽查。 酌 發落既定, 而無訛 其有事 牘 或擬罪, 請自今以後, 關 亦精詳 重大, 而 可 間 或釋放 守。 從清字翻出者, 一切獄訟 臣等即將審過情 必先從滿 必仍引

資格 漢人之 夫順治 無權 件食刑部 十年癸巳, 尙如芝麓所言。 自顧不暇, 在順 治 四年丁亥之後六年, 何况當房氏任職之際耶?然則房氏在順治 何能救人?牧齋於此, 襲氏 又與房 可謂 不識時務矣。 氏同 是刑部右侍郎。 斯亦清初滿漢關係實況之 四年夏間 其時滿 以漢 人之跋扈, 族降臣之

第五章 復明運動

頗有裨益於考史,故特詳錄之。讀者或不以枝蔓爲嫌也。

九八二

有學集壹秋槐詩 集「贈濮老仲謙」云:

詩見前引 茲從 八略。

寅恪案, 人如是製弓鞋 第叁 章 底 版二 論陳臥子蝶戀花「 雙。」牧齋此 詩雖作於順治五年戊子, 春曉 詞, 引劉鑾 五 石 瓠「濮仲謙江千里」條云 但濮老弓鞋底版之製, :「或見其爲 則疑 在 前 年丁 柳夫

猥褻, 亥河東君三十懸帨之辰。 若非 河東君之放誕 風流 或者卽受牧齋之意旨爲之, 又得牧齋之同意者, 蓋藉 濮老必不敢冒昧爲之。 以祝賀河東君生日 也。 噫 !卽就此 如此 禮 點觀之, 頗嫌

牧齋之於河東君感恩之深, 有學集貳秋槐支集「次韻何寤明見贈」(遵王注本題下有自注云:「寤明與孟陽交, 用情之足, ,一至於斯。後來河東君之殺身相殉, 豈足異哉 故詩 及

1

之。上云:

(詩略。

有學集貳拾「 新安方氏伯 仲詩序」云:

戊子歲, 相與循故宮, 余羈 踏落葉, 囚 金陵 悲歌 乳山 道士 相 和, 一林茂 既 而 之樓行 相泣, 相慰問, 忘其身之爲 桐皖間 楚囚也。 遺民盛集陶 何寤 明, 亦時 過

出 寅恪案, 林盛何等, 前謂今有學集所載 即是其例證。 實則救免牧齋之重要人物, 黄案期間 牧齋相與 唱和諸 如函可梁維樞外, 大抵表面與政治無關者, 尚有佟國器 如牧齋序 佟氏與牧 中標

度也。有學集貳秋槐支集「馮研祥金夢蜚不遠千里,自武林唁我白門,喜而有作。」云: 齋得脫黃案之牽累,較之梁氏, 尤不易得明顯之記述。茲請就所見資料, 間接推證, 或非全憑臆

口 一書同卷「疊前韻送別硏祥夢蜚」三首之三云:

少別千年近隔旬。勞人亭畔盡勞人。(遵王注本作「勞勞亭」,是。)誰家窟室能逃世, 意生身。」)童初近有登真約, 車可望塵。 問字總歸沙數刦, 爲我從容扣侍晨。 相看已屬意生身。 (此兩句注本作「自顧但餘驚破膽, 相看莫是 何處巢

杭州至南京, 恐非僅出本身之情意, 實亦奉命而來也。若果奉命而來者, 之,此二人不遠千里,自武林至白門慰問牧齋,似是舊交密友可能之舉動。但鄙意以爲二人之由 又「叠前韵」第叁首柒捌兩句, 寅恪案, 馮研祥爲馮開之之孫。其與牧齋之關係, 當指國器及其繼配錦州錢氏而言。 前已論述, 可不復贅。金夢蜚則尚待稽考。要 茲徵引國器及其妻錢氏並國器父 ,則疑是奉佟國器之命。

卜年,與其他直接或間接有關資料, 綜合論述, 藉見牧齋之得脫於黃案之牽累, 殊非偶然也。

眞誥壹貳稽神樞第貳略云:

張姜子西州人張濟妹也。 此數女子昔世有仁行令聞,並得在洞中。 李惠姑齊人夏侯玄婦也。施淑女山陽人施績女也。 洞中有易遷館含真臺,皆宮名也。 鄭天生鄧芝母 含真臺是女

全唐詩第玖函陸龜蒙捌「上元日道室焚修寄襲美」云: 人已得道者,隷太玄東宮。此二宮蓋女子之宮也。 又有童初蕭閑堂二宮, 以處男子之學也。

三清今日聚靈官。 仙之貴侶矣。」)將排鳳節分階易, 玉刺齊抽謁廣寒。 欲校龍書下筆難。 執蓋冒花香寂歷, 唯有世塵中小兆, 侍晨交佩響闡 珊。 夜來心拜七星壇 (自注 :「執蓋 侍晨

以上二條, 遵王注已略引。 茲爲解釋便利之故, 特更詳錄之。)

牧齋外集壹貳「佟夫人錢太君五十壽序」略云: 王, 錢夫人者,大中丞遼海滙白佟公之嘉耦也。 所記易遷含真 門肅穆, 揚德意之故, 得以敭 弟陶生某黃生某輩,相與謀舉觴稱壽, 爲宗老爲伯兄, 授以真缺, 而 巧 歷中外, 用其埏 道路嘆嗟, 誤被急徵, 女子之有仁孝令聞, 而諶母以授吳許二君,爲淨明忠孝之宗。 埴 砥節首公, 當酌兕觥爲諸子先。 者, 而中丞徼如天之賜,渙汗載頒, 何其奇也。 震電不寧, 釋然無内顧之憂, 吾讀墉城仙錄, 疾雷交作。 隷太玄宮中者, 以祝嘏之詞來請。余于中丞公爲世交, 其何敢辭授簡。 今年五十初度, 五月初九日爲設帨之辰, 年家子 夫人相之也。 夫人有籲天泣血之誠, 西晉時有諶母者, 潛修至道, 寵命済至。天若以此曲成中丞 余惟夫人發祥石鏡, 由此其選也。 故知神仙忠孝,非有二道, 已而 謀深 夫人之相中丞, 海, 有引 繩 績 毓秀錦 著 爲末契。 束髮之節, 保 一門之懿 孝 淑 而 愼 真 道 以 其 許 明 閨

保完福者,皆夙有靈骨,從仙籍中謫降。雖然,世之稱神仙上壽者,無如吾家彭祖, 其掛雉羹以享帝堯,受壽八百,入流沙以去。夫人出于彭城, 身,夷險不二,豈非有合于神仙孝道之法,爲羣眞之所默受者歟?世之鉅公賢媛,享令名, 有取于此矣。然彭祖一意養生, 杖晚而唾遠, 老猶自悔其不壽。 亦籛後人也。 爲夫人壽者, 不若丹陽孝道之傳爲有徵 屈原稱 宜

錢牧齋尺牘上「答佟思遠」云:

也。

若吾家故事,載在譜牒,

夫人數典而知之久矣。又何待乎余言。

傷,撫心自愧。深荷老姊丈惠顧殷勤,翰章重叠,遂令長筵生色,兒女忭舞。 佳貺實臨,故知吉人記存, 山中草木,幸脱餘生。晚歲桑榆,已爲長物。燭武抱無能之恨, 即是慈光加被, 可以招邀餘慶, 敵退災星矣。拜嘉之餘, 師丹招多忘之譏。 當賤誕之日, 随例稱 惟有銘

賢閫賢甥,並此馳謝。臨楮不勝馳企之至。

勒。

清史列傳柒捌貳臣傳甲洪承疇傳云:

(順治四年)承疇以江南湖海諸寇俱削平。又聞其父已卒於閩,請解任守制。 國柱爲江南江西河南總督。 命承疇俟假滿, 仍回内院任事。 五年四月至京。 乃調宣大總督馬

羅振玉輯史料叢刊初編「洪文襄公呈報吳勝兆叛案揭帖」首署: 守制洪承疇謹揭。

柳

末署:

清史稿貳佰叁疆臣年表壹總督欄載: : 順治肆年柒月初拾日。

順治四年丁亥馬國柱七月戊午(十九日)總督江南江西河南。

牧齋外集壹越吟憔悴「壽佟中丞」八首之七(江左三大家詩鈔牧齋詩鈔下此題作「贈佟中丞]匯白」。

題下注云:「時繇聞虔移旌江浙,啓行之候,正值初度。」)云:

魚鑰金壺莫漫催。 齊眉親送紫霞杯。 合數樹倚三眠柳, 燭 夜光傾四照梅。

戴勝杖從金母授

牧齋尺牘中「與毛子晉」四十六首。其三十三云: 羽衣曲自月妃來。 當筵介壽多詩筆, 授簡逡巡避玉臺。

司理之册,乃欲求佟處(虔)撫賀文也。今佟已移鎮於浙, 此事已無干矣。

施閏章學餘文集壹柒「黃氏皆令小傳」云:

(皆令)南歸過江寧, 值佟夫人賢而文, 留養疴於僻園, 半歲卒。

國朝金陵詩徵肆壹佟國器小傳云:

有茇亭詩, 國器字匯白, 燕行草, 襄平籍, 楚吟諸集。 居金陵。 順治二年授浙江嘉湖 (原注:「魏惟度云, 道, 中丞築僻園在古長干。 再遷福 建巡撫, 終 江西南 山水花木甲白 賴巡

九八六

## 下。子孫入籍焉。」)

同書同卷載佟國器「和宋荔裳遊僻園詩韻」(寅恪案, 宋琬原詩見安雅堂末刻稿叁「佟匯白中丞僻園

四首」。並可參同書貳「佟中丞匯白僻園觀姚伯右畫梅歌」。)云:

郊居塵自遠,蒼翠障河干。

(「欸户」楊書作「重竹」。) 斜陽興未闌。 (「斜陽」楊書作「忘歸」。) 乾。(「酣促」楊書作「甜帶」。)孤松堪結侶,五柳欲辭官。(「欲」楊書作「倩」。) 欸户君偏獨

石老連雲臥, (楊鍾羲雪橋詩話貳錄此詩「老」作「磊」。)香酣促酒

雪橋詩話貳 去官後卜築鍾山之陰,小閣幽篁,酒客常滿。 「佟匯白中丞國器」條略云: 和宋荔裳遊余僻園韻云, (詩見上。)佟儼若[世

有學集叁叁「佟母封孺人贈淑人陳氏墓誌銘」略云:

思]有「僻園歌」。又有「僻園呈匯白伯父」〔詩〕。

淑人姓陳氏, 父諱其志,母湯氏。 。故山東按察司僉事登萊監軍佟府君諱卜年之妻,今御史中 天書煌煌, 閨 閩

焉。天啓初, 丞國器之母也。佟與陳皆遼陽上族。 府君受命東略,監軍登萊。鈞黨牽連, 府君擢上第,宰京邑,册府錫命, 蜚語遠繁, 淑人奉二尊人暨諸姑子姪,

扶攜顛頓,徙家于鄂。

乙丑九月府君奉矯詔自裁,

太公哀慟死客舍,

淑人泣血襄事,

渡漢遷黃陂。又三年仍遷江夏。秦寇躪楚,太夫人歿而渴葬。 中丞補弟子員 奉淑人卜居

傳

金陵。 日卒於官舍, 崇 禎甲 年五 申 避 兵, 十有八。 遷甬 淑人 東。 既 中丞受新命, 殁, 中丞扶柩歸 以 兵憲治嘉 金陵, 興。 葬於(鍾)山之陽。 淑人版輿就 子 丙 戌 \_\_\_ 九月 + 即 中 九

史真 丞公國器, 叁捌本傳。) 女適李寧遠曾孫 以 死 事 "贈问 延祖 卿。 中 (寅恪案, 丞妻贈淑人蕭氏, 「李寧遠」指李成梁。 繼室封淑人錢氏。 蓋成梁封寧遠 孫三人世韓世南世 伯 也。 見 明

佟國器。順治二年任。

乾隆修浙江通志壹貳壹職官壹壹分巡嘉湖道欄

載

傑。

朱延慶。遼東右衞人。順治四年紀

同書同卷提刑按察使欄載:

王瑨。江南山陽人。進士。順治三年任。

佟國器。順治六年任。

熊維傑。遼東鐵嶺人。順治八年任。

清史稿貳佰叁疆臣年表浙閩總督欄載

順治三年丙戌張存仁。順治二年乙酉張存仁十一月壬子總督浙江福建。

由

浙

江總督遷。

順治四年丁亥張存仁十二月壬申病免。陳錦總督浙閩。

順治五年戊子陳錦。

清史列傳柒捌貳臣傳張存仁傳(參結埼亭外編叁拾「明大學士熊公行狀跋」。)略云:

江 親王多鐸 張存仁遼陽人。 福 建 《總督。 征 河 三年端重親王博洛統師進征 南 江 明寧遠副將,守大凌河。 南。 二年六月大軍下浙江, 本朝天聰五年隨總兵祖大壽等來降。 明魯王遁, 存仁隨至杭州, (方)國安(馬)士英就擒, 遂管浙江總督事。 順 伏誅。 十一月授浙 治元年隨豫 浙閩

至, 遣將收復連城順昌將樂三縣。六年起授直隸山東河南總督。

漸

以底定。

四年疏

請解任。

存仁莅浙後,

屢以疾乞休,

至是得旨俞允。

五年二月因代者未

張維屏國朝詩人徵略二編叁「佟國器」條引大清一統志云:

順 治二年授嘉湖道, 偕張國與擒馬士英。

牧齋外集柒「佟懷冬古意新聲序」(參同書同卷「佟懷冬擬古樂府序」及「佟懷冬詩選序」並有學集貳 新樂小侯於燕譽堂。 秋槐支集庚寅夏牧齋所作「閩中徐存永陳開仲亂後過訪, 林若撫徐存永陳開仲諸同人並集二首。」)略云: 各有詩見贈, 次韻奉答四首。」及「夏日讌

古意新聲之什, 創於陽羨俞羨長。 佟中丞懷冬見而悦之, 爲之嗣聲屬和。

閨情詠懷之屬 凡六十章。 閩士徐存永陳開仲攜以入吳, 予方有事採詩 深嘉其旨意,爲之 又益之以出塞宮詞

九 九〇

失也。 不應。 序而傳 焉。 浹旬 禪門 吟 始存永開仲之以詩 有 言, 咀, 听然 莫把金針 有得, 度。 請也, 始拈出 此風之一字, 風之一字, 秉燭命觴, 懷冬之金針也。 相顧欣賞。 而二子遠矣。 昧旦而求之, 余與二子 遇 余顧曉曉然 懷冬, 輒舉 似之。 逢人而扣其 懷冬笑而 卹然若有

同治修 福建通志壹肆拾宦績門佟國器傳云:

不已愚乎?

條云:「自記九月避喧卻賀, 佟國器奉天遼東拔貢。 順治八年任左布政使。 扁舟詣白下懷東寓。 (寅恪案, 」可供參考。 葛萬里牧齋先生年譜順治八年辛卯 )十年擢巡撫。

清史稿貳佰柒疆臣年表伍巡撫欄載

治十 年癸巳張學聖二月甲子罷。 四 月 丙午佟國 器巡 福 建。

順

順 治十一年甲午佟國 器。

順 治十二年乙未佟國器三月庚子調。 宜永貴巡撫福 建

(真)傳(參同書同卷恩格圖及張大猷傳。)略

云:

清史列傳肆佟養正

佟養正遼東人。

其先爲滿洲

世居佟佳,

以地爲氏。

祖達爾哈齊以貿易寓居開

原,

繼

遷

撫

將

順, 正 遂擊家並族屬來歸, 遂家焉。 天命初,佟養正有從弟養性, 隷漢軍。 六年奉命駐守朝鮮界之鎮江城。 輸誠 太祖 高皇帝, 於是大軍 時城守中軍 ~征明, 陳 良策 克撫 順, 漕 通 佟養 明

之。長子佟豐年, 毛文龍, 詐令謀者稱兵至, 各堡皆呼譟, 城中大驚, 良策乘亂據城叛。佟養正被執, (寅恪案, 國權捌肆天啓元年八月丙子「遼東巡撫王化貞, 參將毛文龍之 不屈死

盛年, 後改今名。崇德七年始分漢軍爲八旗,佟圖賴隸鑲黃旗, 「豐年」作「松年」。)並從者六十人,俱被害。 詔以次子佟圖賴襲世職。 授正藍旗都統。 佟圖 順治二年五 賴初名佟

太 命加太子太保, 后推恩所生, 特贈佟圖 以原官致仕。 賴一等公爵,令其子佟國綱承襲, 十五年卒於家, 年五十有三。 並令改隷滿洲。 康熙十六年聖祖仁皇帝以孝康皇

敗明舟師於揚子江, 先後攻揚州及嘉興諸府,

皆下之。

十三年八月引疾乞休。

月軍次江南,

## 同書同卷佟養性傳略云:

兵 特諭 石廷 行則 五年正月太宗文皇帝命督造紅衣礮。 佟養性遼東人。先世爲滿洲, 功德日盛,傾心輸欵,爲明所覺, 柱鮑承先等先後來降者, 養性日, 載 以從。 竭力供職, 養性掌焉。 凡漢人事務, 勿私庇親戚故舊, 時漢軍未分旗, 付爾總理, 居佟佳,以地爲氏。 與佟氏族人, 置之獄,潛出來歸。 初軍營未備火器, 各官分別賢否以聞。 陵轢疏遠仇讎, 敕養性總理, 皆爲所屬。 因業商, 致負朕委任之意。 官民俱受節制。 賜尚宗室女, 至是礮成, 上以漢官漸多, 爾亦當彈厥忠忱, 遷撫順。 鐫日 號曰西屋裏額駙。 天命初, 額 天佑助威大將軍 慮養性無以服衆志, 又論諸漢官曰, 駙李永芳及明副將 簡 見太祖高皇帝 善絀 天聰 爾 恤 征

九九二

陣, 命城中所得槍礮鉛藥, 衆官如能恪遵約束, 上嘉其軍容整肅。 非敬謹養性, 悉付養性。 養性卒於官, 是重國體, 六年正月上幸演武場閱兵, 韶以其子普漢襲爵。 而欽法令也。十一月祖大壽以大凌河城降。 普漢卒, 養性率所轄漢軍 弟六十襲。 崇德七年隸 試 擐甲 F 列

清史稿貳佰貳拾后妃傳略云:

軍

IE

藍

清初三大疑案考實第貳種「世祖出家事考實」。) 元妃佟佳氏 歸太祖最早。 子二,褚英代善。 女一, 下嫁何和禮。(可參孟森明元清系通紀

聖祖生。 孝康章皇后佟佳氏, 聖祖即位, 少保固山額真佟圖賴女。后初入宮,爲世祖妃。 尊爲皇太后。 (康熙)二年二月庚戌崩, 年二十四。 (順治)十一年三月戊申 后家佟氏, 本漢軍。

上(指聖祖。)命改佟佳氏,入滿洲。 后族擡旗自此始。 子一, 聖祖

貴妃。 孝懿仁皇后佟佳氏, 二十八年七月病篤, 一等公佟國維女, 册爲皇后, 孝康章皇后姪女也。 翼日甲辰崩。 (可參孟森清初三大疑案考實第叁種「世 康熙十六年爲貴妃。 二十年進皇

宗入承大統考實」。)

清朝通志貳氏族略貳「滿洲八旗姓佟佳氏」條略 佟佳氏散處瑪察雅爾呼加哈哈達佟佳等地方。佟養正鑲黃旗人。 云 世居佟佳地方。

國初率族衆

來歸。其子佟圖賴係孝康章皇后之父,追封一等公。佟養性,佟養正之弟,國初來歸, 太祖

高皇帝以孫女降焉。

梅村家藏藁肆捌「佟母劉淑人墓誌銘」略云:

子江南右方伯諱彭年, 方從政於吳。 。 偉業聞之,自古興王之代, 必先世禄之家。

在我朝,

佟

爲貴族。

錢牧齋尺牘下「復佟方伯」略云:

公,氣叶椒蘭,誼深金石。 江南半壁,仰賴旬宣。治某樗櫟散材, 菰蘆長物, 通家世誼, 牽附高門。懷東匯白一元三

佟彭年。正藍旗人。舉人。康熙二年任。乾隆修江南通志壹佰陸職官志江蘇布政使欄載:

慕天顏。靜寧人。進士。康熙九年任。

有學集壹陸「佟氏幽憤錄序」云: 展照力至代

佟氏幽憤錄者,故登萊僉事觀瀾佟公當絕命時,自著憂憤先生傳。其子今閩撫思遠, 對簿之揭與檻車之詩,集錄以上史館者也。 東事之殷也,江夏公(指熊廷弼。)任封疆重寄, 並出其

時監司將吏,皆梔言蠟貌,不稱委任。江夏按遼時,佟公爲諸生,與同舍楊生崑仁,

、五章

復明運動

其所 夏, 國思, 料敵 死, 牆 仇 破恢 相 以 馴至 禍, 餌, 全盛之 率 絕 E 恣剸 又 以 復 數 矯 東 於 廣 不死於丹書, 委 或 然也。 人主 因 間 之全局, 有 遼, 畫 尾 人 驚 諳 \_\_ 決 之 諜。 灰 厲 江 誤 煩 知 聚米, 夏以 撼新 爲 望。 再 吉, 角, 遼 孤 岐 國 事, 誤 肅 廬 注。 家 蓋 僇 剪 奸 E E 造 於是乎 或 沓舌 之口。 當 公, 自 決河 不死於西 力 細 之 盱 慨然有掃犂 白 羣 河 同 之 衡 矢 夕 此能 小之 穹廬 東之司 L 獄 抵 i's 燎 再 再 張羅 作 以老 掌, 原 來, 徙。 難, 殺 市 羅 以 服 人要路 一之志。 命, 熊當 設 公 致 樂爲 匿 鉗 龍虎 遼事終 公 械, 人主 始。 之 於前 而 死 將 道 死於髣髴錯 遙寄於柄 中 所爲合圍 之用。 於 Ż 用 肝 巧 此 之威, 望 江夏深知之, 華 封 不可 遼 食, 於剪外人之所忌, 則 夏。 窮, 叛 如 民 操 當是 爲 族之誅, 故。 守遼 1掩羣, 臣之門。 中 刀 布長蛇 堅 矣。 外 推 時, 莫 脅 經營 土 震驚。 刃 從 嗚呼 者 惟恐或失者也。 分應之局。 以是故 誕 之 告成, 撫清(指 瓜蔓於後。 倚遼 歸、 漫不 心膽, 惟是 媵 外 批 人辦 矆 之 而精 可 之屬目 根 豈 撫 號咷呼 秉 不 師 知之口語。 廣 黨局, 不鑿 遼 鷸蚌 順 期 於弭 或 自 内 公既 事, 成 清 覺 斷。 訂 鐅 河。) 援 尅 敵 殺公以錮 未 之 以 平其 假手 赦 定 國之 判, 以 參 而 羽 刀環 獄 魯 世之 雖 廟 於獄吏之手。 助 迄於今, 翼, 吏膊 奄 有 從, 熸, 所 算 風 我 翕侯中行説 宦 成 君子, 修氏 鶴 短 者 失招 書, 算 招 遼 而 相 借 之族, 用是 哉 携 疑 瀋 公自 畫 撫之 藏 噛 公以 廟 亦 血久碧, 冤 天 社 以 未 傳 恙。 以 如公之 大 之徒 快恩 未悔 於 世 必 施 機 知 江 鈎 受 每 以

人不可作, 墓州再陳 山川陵谷,俯仰遷改,而卒未知坐公死者爲何法,責公死者爲何人。天不可問,

而公與國家並受其害,

可勝痛哉?

盛昱八旗文經伍拾佟世思「先高曾祖三世行略」略云:

有鬼神構鬬其間,

先高 北燕 時 祖 諱 週 遠 祖 諱 字儒齋, 萬諱 壽者, 世居撫順, 俱以文字顯。 以撫順邊烽時警, 累傳至明洪武間 望遼陽有白雲冉冉於其上,遂家焉。 始祖諱達禮, 以邊功加秩指揮同 自

知, 潛 字直菴, 書明性 日。 正宜 世其 逃者逃,易姓者易姓, 已而家難起,以撫順族人諱養性者,於明萬曆間獲罪, 一延頸 一一一一 念時勢多艱, 理家資巨萬。 待誅。 五傳而生季甫公諱檳。 潛逃何爲, 身家爲重。 謹恪自居,教子弟以正。 更名者更名。 先高祖耿介性成, 易姓名何爲。 教曾祖以恪謹居躬。 季甫公生心一公諱瑟, 遂爲有司所執。 事無巨細,必取法古人。公生曾祖諱 曾祖心父之心, 凜凜恐墜, 數十年如 語人曰, 是爲儒齋公父。 罪應族。 族中有此, 於是通族之人,潛者 公生而穎異 皆我伯叔之 中, 讀

祖諱 泣,念先高 步奔走, 破。 純年同 先是, 先大父諱方年字長公, 爲范公諱楠壻。范公即本朝師相文肅公[文程]父也。 械鎖 以事去。 祖 以垂老之年, 琅 瑞。 **聲**榮異地,父子祖孫無完卵。向 春氣苦寒, 雁奇禍, 淚凝冰合。 呼天搶地, 先高祖歸命於法, 以爪入肉, 以家素豐饒, 血出不知。 先曾祖相從於車塵馬 始終無難色。 爲捕按者魚肉奇貨之, 時曾 叔祖 先曾 諱 祖 迹 養歲 躃 踊

百

家

叔

號

徒

州。 氓, 矣 娶, 與 祖 生猶不生也。 禁永平諸邑獄。 禍。 力 死 計 囯, 顧。先高祖暨叔曾祖, 事, 告以 竭。 也, 周 旋, 是死終不 我豈忍悖祖父叔弟之志, 高 易姓更名者, 先大父抵死不可。久之, 從我大師 蓋因先大父爲 前故 又懼 其 祖 而 母梁 如 匿之館室。 歸告之。 有司 宗祀何?久之, 明。 因厲 時先曾祖身在水中, 旋復因邑有水災,城爲水沒。若祖,若孫,若父,若子, 繼 冀立功疆場, 下除根之令, 聲曰, 得浮木, 高 人方嚴侃直, 連袂而歸矣。先大父相依文肅公, 特於歸骨之地未詳。 先大父自分不欲生, 祖母金楊, 叔祖,俱以水死。先是高祖莊坐大呼曰,伏朝廷之法, 我 人漸悉, 何敢悖君父耶?遂觸階死。 負之出。 乃成禮。 E 易姓以偷生乎?文肅公彊之至再, 欲使姑易姓, 落落難合, 曾祖母李, 欲勇先高曾遺骨歸葬。 與怒濤爭上下, 徙之沈香林。 投邑令。 三韓一帶盡入我清版章。 嗚呼 每思自首, 兼以家業飄零, 祖母沈, 先大父 曰, 1 令 曰, 痛哉!先大父既留, 流之門側, (原注:「寺名。」)不可。 以從祖父。 患難之際, 爾父死, 雖曰 令日, 無如彼蒼 我祖父叔弟皆因不忍易姓, 無家可歸, 竊恐歸宗爲累也。 孝子也。 並以 聞先高祖之言如此, 文肅公屢慰之曰, 而後可。 俱 不 族之人潜者出矣, 憫 以病卒。 爾死上聞。 尚未婚。 族人亦無許先大 鄉人過其邑, 壯志未酬 若兄, 若弟, 不相 先高 東寄 文肅公彊之完 時既 祖入關後, 盍去之。 而不死於法 西 随自 非不 戰歿於灤 爲 逃 而 我 聞 父歸 者返 有此 先曾 一臆度 其 心勞 清 欲 編

宣統修山東通志肆玖歷代職官表捌布按分司諸道欄載

天啓朝。 佟卜年。

遼陽進士。

略云:

明史貳肆壹王紀傳 (參國権捌伍天啓二年七月甲辰「刑部尚書王紀削籍, 以久稽佟卜年案也。」條。)

三月, 間。 募 隙 何疑?卜年雖非間諜, 諸曹郎。 化貞下吏, 紀皆置之重辟, 王紀字惟理, 測特恩非法官所敢輕議。 欲藉卜年以甚其罪。 遷夔州同 不敢歸, 與言謀叛。 員外郎顧大章曰, 芮城人。萬曆十七年進士。天啓二年代黃克纘爲刑部尚書。 知, 返薊州僧舍, 未行, 因挾其二僕, 然實佟養真族子,流三千里可也。紀議從之,邏者又獲奸細劉 經略廷弼薦爲登萊監軍僉事。 朝士皆知卜年冤, 有千總杜茂者 茂既與二僕往來三千里,乃考訊垂斃, 爲邏者所獲, 而與都御史大理卿上廷弼化貞爰書,微露兩人有可矜狀, 往通李永芳。 齎登萊巡撫陶郎先千金, 詞連終卜年。 莫敢言及。 行邊(兵部)尚書張鶴 鎮撫既成獄, 邏者持掠, 卜年遼陽人, 舉進士, 歷知南皮河 終不知二僕姓名 鳴以聞。 茂言嘗客於卜年河間 行募兵。 移刑部。 初李維翰熊廷 鶴鳴故與廷 金盡, 紀疑之, 其誣服 而兵未 而言不 弼有 弼王 以問

忠賢疑

劉

爲二大罪。

帝責紀陳狀,

遂斥爲民。以侍郎楊東明署部事,

坐卜年流二千里。

獄

因一巘以株連一爆。紀皆執不可。〔沈〕淮遂劾紀護

爆昆弟, 欲立誅一臟及卜年,

九九八

長繋 瘐死, 三上三却, 給事中成明樞張鵬雲沈惟炳, 而東明遂引疾去。 紀既斥, 大學士葉向高何宗彦史繼偕論教, 卜年同年生也。 爲發憤摭他事, 皆不聽。 連劾東明。 後閹 卜年 獲

清史列傳柒捌貳臣傳甲李永芳傳略云:繼善類,紀先卒,乃免。

千户。 年。 李永芳遼 女妻之 太祖 遷 興 東鐵嶺人。 之興京。 師 征 明, 仍如明制, 以 明萬 書諭 曆 永芳。 四十一年官遊擊, 設大小官屬, 永芳奉諭知大兵至, 授永芳副總兵, 守撫 派順所。 遂乘騎出降。 本朝天命三年, 轄降衆。 以上第七子貝勒 上命毀撫順 是爲 明 城 萬 曆 阿巴泰 編 四 降民

明史貳伍玖熊廷弼傳略云:

遼。 略遼東 熊廷弼字飛百, 職方主 故贊畫主 遼人多不悦。 而經撫不和之議起矣。化貞爲人騃而愎,素不習兵, 事, 軍 事劉 務。 軍 廷弼 前贊畫, 國縉爲登萊招練副使 江夏人。 廷弼言遼人未叛 因白監軍道臣高出胡嘉棟, 用收拾遼人心。 萬曆二十五年舉鄉試 夔 乞改爲平東, 或征 州同 並報允。 知佟卜年爲登萊監軍 第一, 督 先是, 飾郎 明年成進士。 中傅 東,以慰其心。 四方援遼之師, 輕視大敵 國無罪, 魚事。 (天啓元年)駐 請復官任事。 好謾語。 故臨洮推官洪敷教爲 自是化貞與廷 [王]化貞悉改爲平 務爲大言罔中 山 議 海 用 潦 弼有 經

清史列傳柒玖貳臣傳乙沈維炳傳略云:· 議。 撤廷弼他用。 棟立功贖罪, 三人。帝皆無所問。 大學士沈淮, 東經略熊廷弼, 沈維炳湖廣孝感人。 必壞遼事。 必悞疆 出嘉棟卜年爲罪, 用, 西部不可恃, 〔李〕永芳不可信, 一去,毛文龍必不用命。 一渡河, 史蘇琰則言廷弼宜駐廣寧, 河東人必內應, 且騰書中朝, 並下 章日上, 議上,帝不從。 兵部尚書張鶴鳴, 何在天津?廷弼知左右譖之, 部。 巡撫王化貞, 而言廷弼不宜駐關内。 明萬曆四十四年進士。 而帝於講筵, 鶴鳴乃集廷臣大議。 而鶴齡篤信化貞, 遼人爲兵者必潰, 以廣寧失陷逮勘。 欲藉以重廷弼罪。 忽問 不當遠駐山海。因言登萊水師無所用。 廣寧多間諜, 言仲秋之月,可高枕而聽捷音。 1 遂欲去廷弼。二年正月員外郎徐大化希指劾廷弼不去 當時中外舉知經(指熊廷弼。)撫(指王化貞。)不和, 議撤廷弼者數人,餘多請分任責成。 年係叛族 抗疏辨 初任香河知縣, 西部必解體。 登萊道佟卜年爲廷弼所薦, 可虞。 化貞一切反之, 絕口不言守, 維炳疏言, 語頗憤激。 何擢僉事? 宜賜化貞尚方劍, 入爲刑科給事中。 淹因言官列其私跡, 是時廷弼主守, 國縉數經 孫杰劾(劉)一爆以用 論 廷弼 專委以廣寧 列 有計其謀叛者, 〔天啓〕二年遼 ,怒, 鶴鳴獨言化貞 謂遼人不可 何 借廷弼爲 起 抗 用?嘉 疏力詆 謂我

而

朝,

尚書(張)鶴鳴深信之,所請無不允,

以故廷弼不得行其志。

廷弱請用卜年, 鶴

鳴上駁

沈 抵彈謝 獨 炳 鶴 傳 之具。 略 鳴 超 云 然 廷 事 沈 弼承 外。 惟 炳字斗仲, 失地之罪足矣, 今復欲加罪廷 號炎洲。 弼 当 一必加 有背 諸黨人又 以 公論。 他醉。 借經 寅 鶴 、恪案, 略能 鳴左 廷 祖化 弼 光緒修 貞, 欲株 孝 角勝 感 連 楚人, 縣 廷 芯壹 弼 惟 肆 致 X 炳 經 物物 再 撫 疏

參

齋向 其得 時 年丙 寅恪 壽序所謂「錢夫人者」 Л 以 誼, 南 局 其 救 士大夫, 洪亨九丁父憂守制之事 南京當局 人 脫牧齋 爲牧齋盡 戌 案, 南 尤 切言之。」可 便於 九月 來朝」條案語。) 有佟家江。」(見孟 佟國 ,其母 絕無 進說乎?牧齋借眞誥「童眞 最適宜之人。 一力者, 器 解說 弱 陳 於 供 涉。 順 氏 應爲 明南 治二 證 殁於官舍 大中丞遼海佟公之嘉耦也。」亦殊工切。 口 惟 森明 謂 北人, 例, 年授浙 况國器之父卜 有 都傾覆未久之際, 巧合。「侍晨」用 遼東 元清系通紀 大約順治三年冬, 漢軍 江 如梁愼 歸葬金陵, 嘉 湖道, 二之語 年 如懷冬者, 可 正編壹永樂四年「十一月乙丑 與洪 輩 陸魯望詩自注「仙之貴侶」。 揆以 當是從其 漢族南人苟延殘喘, 字九同 而最有力者, 以指佟姓。 或四年初, 墨絰從戎之古義及清初旗 在明爲 (叔佟圖 爲 萬 叛族, 曆四十 「凡佟姓即 則是 類軍 即可扶柩至白門。 或疑浙江通志職官表載佟氏順治六 匯白 破 应 而 已是幸事 年 在 嘉 童 木楞古 内 興 清則爲 一流人物。 姓。 即前引受之撰 後 辰 進士, 人 建州 新貴 野 喪 因得 自不能爲牧齋關說。 服 人頭 此時懷冬正 以佟爲 蓋滿 之制 任 兩 實是向 目修鎖 此 人本 或 職 人武 器 公姓 有 1/ 妻 通 金 將 證 可爲牧 順 6錢氏 SII 家之 陵 與江 以當 治 所

認國

問

一族

然則

爲明

其

第五章

復明

運

動

文化 也。 論唐代 不 寅 深之 帝 恪 嘗 一支。 雖 論 源出 北 朝胡漢之分, 論唐代河 北 朝文化 北藩鎮, 高 門之 在文化 趙郡李氏 實是 而 不在 一胡化集團, 種 但李 族。 虎 論 江 李淵之先世, 所以長安政府始終不能收復。 東少數民 族, 則爲 標舉聖人「有教 趙郡 李 氏 中, 無類 今論明清之 偏於 之義。 武 勇

詳述之, 史已於明元淸系通紀前編「毛憐衛設 際佟養性及卜年事, 附官 軍 鎮撫佟教化 不待更贅。 等, 亦猶斯意。 噫!三百五十年間, 鈔綵等物。 至「佟佳」之稱, 在永樂三年」條, 」條及正編肆正統五 明清國祚俱斬, 其地名實由佟家而來, 正編貳宣德元年「十二月乙丑 年九月己未「多古河即棟鄂 遼海之事變愈奇。 清代官書 長安棋局未終, 顚 賜建州左 倒 河。」等條, 本末, 等衛

關於 見嶺南學報第壹壹卷第壹 列 至於詩學諸 朝 詩 集, 主張, 凡 聊見梗概, 涉 及河 雖是牧齋著書要旨之一, 東君 期。)甚爲詳審。 庶
理
質
奪
主
之
嫌
。 者, 皆備述之。 然容君之文與拙作之範圍及主旨不同, 其涉及牧齋者, 但此 容希白 點 與 庚君著有「論 河東君無甚關 則 就修史復 列 涉, 朝 詩 故不能 明兩端之資料 集 與 明詩綜」 今唯轉載其文 多所旁及, 稍詳

之斧柯

早

爛

牧齋遺事云

中所引

與

本文有關者數條,

其餘讀者可取並參之也。

柳夫人生一 女, 嫁無錫趙編修玉森之子。 柳以愛女故, 招壻至虞 司 居 於 紅 豆村。 後柳

時, 栩欲活。 其壻攜柳小照至錫。趙之姻戚咸得式瞻焉。其容瘦小,而意態幽嫺,丰神秀媚, 適牧翁選列朝詩, 坐一榻,一手倚几,一手執編。牙籤縹軸, 其中閨秀一集, (寅恪案, 「閨秀」二字,應作「香奩」。)柳爲勘定, 浮積几榻。 自跋數語於幅端, 幀幅間 知寫 幾栩 故 照

寅恪案 列朝詩集閏集陸外夷朝鮮門「許妹氏」條(參明詩綜陸伍下「許景樊」條。)云: 即景爲圖也。 河東君此小照不知尚存天壤間否?其自跋數語,遺事亦不備載其原文,殊爲可惜。今檢

集以歸, 進士金成立,不見答於其夫。金殉國難,許遂爲女道士。金陵朱狀元〔之蕃〕奉使東國,得其 許景樊字蘭雪,朝鮮人。其兄筠篈皆狀元。八歲作廣寒殿玉樓上梁文,才名出二兄之右。 對君王說隴西。」則又偷用仲初「數對君王憶隴山」之語也。 初一黄金合裹盛紅雪」與王岐公「内庫新函進御茶」兩詩,而錯直出之。「間回翠首依簾立, 語。「絳羅袱裏建溪茶, 宮詞「地衣簾額一時新」,全用王建之句。 调 邀取小茅君, 遂盛傳於中夏。柳如是曰,許妹氏詩, 便是人間一萬年。」曹唐之詞也。 侍女封緘結綵花。 一當時曾笑他人到, 斜押紫泥書物字, 散華落藻, 楊柳枝詞「不解迎人解送人」,裴説之詞也。 次孫内翰北里韻「新粧滿面頻看鏡, 膾炙人口。然吾觀其遊仙曲「不 内官分賜五侯家。」則撮合王仲 豈識今朝自入來。」直鈔王涯之 閒 適

殘夢關心懶下樓。」則元人張光弼「無題」警句也。吳子魚(明濟)朝鮮詩選云:「遊仙曲三百首,

0 0 四

也。 記, 非 復覈其 亦竄入其中。 余得其手書八十一首。」今所傳者, 妹之 人世所經見, 今所 觀者詳 詩, 從來。 撰 之而 亦復漫 錄 桐城方夫人採輯 凡塞上楊 遂 亦據 無 欲 掩而 簡 朝 括 鮮 柳枝竹枝等舊題皆然。 有之 詩 不知 選 詩 耶?此 其 史, 存其什之二三。 何説 多沿襲唐人舊句。 評徐媛之詩, 邦文士, 也。 承夫子之命, 搜奇 豈中華 其中字 獵異, 以「好名無學」四字, 篇 而本朝馬 什, 句竄 徒見出於外夷 讎校香 竊, 流傳雞林, 浩瀾 產諸 觸類 遊 什, 仙 而 女子, 遍 彼中 詞, 、求之, 偶 誚 吳 有 見西 以 中之士 管 爲 西 窺 喜 琅 湖 未 L讚歎, 志 图 口 女, 輒 秘 餘 加 册 不 槧 於

寅恪案 牧齋遺事所言, 河東君勘定列朝詩集閨秀一集事, 可與相證。 至王 澐輞川 詩鈔陸「虞

柳枝詞」十四首之十云: 河 梁錄 別久成塵。 特倩 香產品 藻 新。 雲漢在天光奕奕, 列朝 新見舊

及自注

云

錢 選 列 朝 詩 首及 御 製 下注 臣 謙 益 日 云云。 歷 詆 諸 作 者, 託 爲 姬評。

東

河東君 則甚不公允。 兩句 個 興 即指列朝詩集乾集之上「太祖高皇帝」條所云 蓋牧齋 趣 所 在 編列 諸端言之, 朝詩 集 乃謂 河 河東君之評語 君未必悉參 預其 事。 出 於牧齋所假託, 但香 盒 集, 揆以 殊不近情理也。 錢 柳 兩 人之關係及

又勝時

臣謙益所撰集,謹恭錄内府所藏弆御製文集,冠諸篇首,以著昭代人文化成之始。

等之類。夫牧齋著書,借此以見其不忘故國舊君之微旨。勝時自命明之遺逸,應恕其前此失節之

愆, 而嘉其後來贖罪之意, ,始可稱爲平心之論,今則挾其師與河東君因緣不善終之私怨, 而又偏

袒於張孺人,遂妄肆譏彈,過矣!又牧齋尺牘中「與毛子晉」四十六通,其第壹柒通云:: 乾集閱過附去。 本朝詩無此集, 不成模樣。 彼中禁忌殊亦闊疎, 不妨即付剞劂 少待而出之

其第壹捌通云:

也。

諸樣本昨已送上, 想在記室矣。頃又附去閏集五册,乙集三卷。閏集頗費蒐訪, 早刻之,可

以供一時談資也。

寅恪案,此兩札容君文中已引,今可取作勝時詩之注脚也。

杜詩之公案, 但此等不涉及本文主旨,自不必詳盡也。 請先論述其修史復明兩端, 然後旁及泚議列朝詩集之諸說,

更贅述牧齋與朱長孺注

牧齋歷朝詩集自序(據東莞容氏藏本。)云:

蓋歎孟陽也。 毛子子晉刻歷朝詩集成 夫子何歎乎孟陽也?曰, 余撫之愾然而歎。 毛子問曰, 夫子何歎?予曰, 有歎乎, 錄詩何始乎?自孟陽讀中州集始也。 孟陽之言

第五章 復明運動

音, 緒言 謠, 嚴, 物盛於丙, 居? 之不可, 然。 白汗 丙戌, 也。 火漢灰之餘。 日, 青 惜孟 汰冗 日, 在, 富有 各徵先告。 越二十 元氏之 徹 子以 長, 非吾 癸, 陽之草創 庶幾 簡 H 歎於何 於己 餘 集詩也, 成於 新。 歸 於乎 訪 有 所敢 也。 日。 丑。 幽 T, 恨余之不前 有? 天 仄, 斯 不 地 而 任 集, · 烯矣 庚寅 亦可乎? 於卦 故曰 乃 T 之心, 茂於戊。 以詩繫人,以人繫傳, 也。 鋪 以 開 陳 陽 其 寶 爲 1 而不能丹鉛 請 間 皇明, 死, 追 月, 之 歸 予之 以俟世之作者。 聲文之運也。 惟 藏。 於時 論 難 Ш 從孟 始 次 居多暇, 融 歎, 昭 爲朱明, 時 事 風 海 發揮才調, 甲乙, 爲災, 爲冬令, 陽於九京, 代 宇 歎孟 宛如 之文章, 板 蕩, 譔 陽也。 然 、積刦。 奮筆 次 中州 四 挿架盈箱 孟陽名嘉燧, 則, 愚竊有志焉。 + 月 國 載籍放 之詩, 在癸 以潰於成也。 蒐討 朝 強盛之 而猥以殘魂餘氣 日, 何 詩 奇文共賞 以 朝家 失。 集幾 日 元氏 言集 時 極。 荡爲 亦金源之史也。 也。 之 三十家。 瀕 而序作於玄月十有三日。 之集, 新安程 討論 T, 史 死 煨 而不言選? 燼。 乘, 金鏡 疑義 訟繫, 翟泉鵝出 風 J 氏, 自甲迄 未墜 光成 雅, 應野 未幾 相析, 此集先付殺 州 次 復 僑 有事於 實 史亭之 部 罷 别 吾將做 癸, 居 曰, 裁 也。 天 哲人 居, 去, 珠 嘉定。 津 偽 囊 今止 其萎, 備 遺 青 體 重 蕨 鵙 發 斯 此 而 懺 啼, R 集。 天 爲 理 E 於丁 之。 殭 也。 啓 有孟 幸 起 土 海錄 免 例 托 初 鴻 流 者何 於秦 採 哭泣 吾以 風 年 朗 始 風 谷 迢 莊 萬 於 事 頭

余虞山蒙叟錢謙益也。

集之告成,

在玄點執徐之歲,

出

崇禎癸未十二月,

吾友孟陽, 卒于新安之長翰山。

又十二年,

歲在甲午,

余所輯列朝詩集始

情勢, 之詩, 齋「次韵盛集陶」詩已擇錄金堡編行堂集捌「列朝詩傳序」之文爲釋, 迄於癸之例, 引「讌譽堂話舊」詩,「東虜遊魂三十年」之意也。「海錄」「谷音」者,「谷音」指杜本「谷音」而言。 書今已收入涵芬樓四部叢刊中, 及,茲不贅述。 部流行於世。牧齋自序云,「託始於丙戌」者, 可知列朝詩集諸集雖陸續刻成,但至順治十一年甲午,(參有學集壹柒「季滄葦詩序」。)其書始全 桑海遺錄序」, 仿元遺山中州集之例, 非得已也。 皆與其故國之思,復明之志有關。 而止於丁, 其書寅恪未得見也。 蓋天寶指崇禎十七年淸兵入關取北京。在此以前即淸室併吞遼左,亦即第壹章所 牧齋於丙戌由北京南還後, (可參初學集捌叁「題中州集鈔」。)且自序中如「國朝」「昭代」「開寶之難」及「皇 實寓期望明室中興之意。 借詩以存史。 世所習知。「海錄」指聾開「桑海遺錄」而言,見吳萊淵穎集壹貳 牧齋於序中詳言其編列朝詩集, 其時孟陽已前卒, 已知此志必不能遂, 容君文中多已言及之。唯牧齋不稱「天寶之難」而 實因其平生志在修撰有明一代之國史, (可參有學集壹柒「江 故一身兼採詩庀史之兩 因繼續前此與孟陽商討有明一代 茲再逐錄其他一節以證之。 雖倣中州集, H 陳氏家 集序」。)前論牧 然不依中州集 ,此點前已言 事, 乃迫於 文 其

意焉。 歸。 也。 耳。 則 朝 道 子孟昉 1 所 覆 變, 虞 鮮 存。 其 瓿 爲 析 Ш 鄭 虞 犂 1 之 至, 今之後死 青田 眉分爲 夢 4 而 取 即 故 其傳, 意 T 周 如 咸 E 爲 E 運 ż 4 而 果不 遊 衰, 冤, 逢 跡 古之大人志士 戴 好 不至 集, 者寬假 而 舍其 在於詩 良 辨 其 之 核 皆 徽 即 於 詩。 敷? 取 以 則 以 嚴 詞 也。 元 其 爲元之 其 青 IE 甚 雄俊 詩者 言 田 爲今之後死 属。 分爲二人。 長。 或 陳 將 義 遺民, 謂 基 使 激 夫國 N 張 發 跡至, 虞 屬 訟之聚也。 苦 Ш 憲 或 調 運 者興 不 之 留意 陪 隨乎 於 能堅 其於佐命之勳, 以 臣 而 有非 用世, 起 淮 爲 N'S 政本, 九 黨 虞山 歟 明 不 京 旂 ? 至, 人之 之功臣。 E 吐氣 常竹 翰之 之論 思得當 吾不得 王李 壁壘, 則 帛 於閩 其 是皆 可 鍾 而 則 言 名與 以 譚 以 北地 短。 凡 而 知 而 敗亡之餘, 非當 測 爲 爲 表章 扼 而 其淺深 詩 爲 實不 於 功臣者, 觀於、 TO 軸者, 兵 人建 不 無 特 與, 遺 所 氣 知 言之 者, 其 試 鼓 餘 而 既 旗, 意不 力。 皆不 長 以 以 未 斯 不 竟 爲 短 當 受獄 亦 傳之 陵爲 在詩 害爲 若欲 其終 其 1移獄 千 跡 而 爭 秋 見 也 鬼 遺 於 獄 勝負 趣, 於是 之 其 惻 非 其 無 其 = 愴 致 詩 於 於 所 蕭 虞 論 13

所見諸家評列朝詩集之言, 寅恪案 道隱 論 牧齋編列 朝 詩 唯澹歸最能得其款要。 集 其主旨在修史, 蕭孟昉所抄當與今傳世之錢陸燦本相同, 並 寓復明之意, M 論 詩乃 屬 次要者。 就寅 恪

律者。

人固

不易知

書

亦豈易讀

耶

加刪削, 悉存牧齋之舊文者。 偶檢牧齋尺牘中「與陸勅先」九通之七云:

承示 婁東顧君論文書序, 其 用意良厚, 惜乎僕已灰 深訝其胸次繁富 心空門, 撥棄文字, 識見超越。又復記存衰朽, 向所撰述, 流布人間者, 不惜告之話言, 不特味 賜以

蠟 勞而無功也。 得加删 抑且賤比 削 幸甚。 土梗, 聊及之, 然古之神仙 不復能扳附當世俊賢, 以發足下一笑耳。 但有點鐵成金者。 日來從事華嚴疏鈔, 相與拈弄翰墨, 若欲點糞溲 而上下其議 爲金銀 謝客之禁甚厲, 論 雖 也。 鍾呂 不能 列 雖足 朝詩 下相過 吾恐其 人小傳 同嚼

可知牧齋甚重視其列朝詩集小傳, 亦不能數數延見。 輒書此以道意, 而不以顧氏之刪節爲然。 不悉。 (寅恪檢閱周容春酒堂詩話 知鄮山

也。 手錄列朝詩 傳, 亦稍加刪節。 特附記於此。)蓋其書之主旨在修史, ,此點可與道隱之說互相印證

至列朝詩集論詩之語雖多, 須贅引。 惟擇錄牧齋之文一 二於下, 茲以非本文之範圍並主旨所在, 以其言及陳子龍李雯黃淳耀, 故概從省略。 而此三人與河東君直接間接皆 讀者可取原書觀之, 不

有學集肆柒「題徐季白詩卷後」云:

第五章

復明運動

相關涉,

饒有興趣也。

余少不能詩,老而不復論詩, 喪亂之後, 蒐采遺忘, 都爲一集。 間有評論 舉所聞於先生長

者也。 代, 也。 雲間 以迄 讀前 而一二韵 者之緒言 睛 可 降才與吾人之靈 面規之, 與當世抵牾者, 有六朝, JE. 之後賢也。 笑哉? 卮 雲間 支離 言, 後 李, 生才 四 徐子季白 厲 余絕 格 有景 而二子亦不以爲耳瑱。 之才子如臥子舒章,余故愛其才情, 勿悞 部 不 稿,皆 者 略爲 p 律 謂 後 論詩久矣, 開 心妙智, 持行 又將吹毛 標目 極盛矣。 如 莫甚於二李及弇州。 人之語, 記能成 來者難 癡 元 蠅 卷來謁 誦 則 六 以就正於君子。 部 生生不 闇 刻膚, 後來才俊比 紙 必有中晚及宋元 以 以季白虚心請益 記其行墨。 戒當世之耳論目食, 必欲以 不見 再 采詩之役, 未及甲申以 窮 拜 以爲大僇。 世界, 而 新新 乞言, 肩接 一人一家之見, 二李且 今所謂 不自意頗得當于法 踵, 相 斯 老歸 而世皆 續。 置 則 猶 偶有長觸, 莫不異曲 美其聲律。 晚年定論者, 良可 勿 以 空門, 有三百 論 余爲足與言 刻 遵 憐 舟膠 評泊 守 愍者。 弇州 嚴 篇 後, 同 深知一切皆幻, 柱者, 惟其 古今, I, 羽 聊發其狂言 眼 則吾先世之契家也。 皆舉揚其集中 卿 則必有楚 豈有意刊落料 者也。 如 光前 淵 劉 雲間 雜然歎賞, 初非 牛羊之眼 源流別, 辰 絕後。 翁高廷 余竊 之詩 敢 騷 鑿空杜譔 付之盧胡 亦欲因季白以錞於雲 in 追悔 禮之 有漢 各有從來, 季 揀哉?嗟夫天地之 愧之。 稱爲 自 白 但 或 别 瞽 魏 則 少作與其 初 藝苑之 余髮覆 而已。 建安, 方隅, 説 余之 海 欺 超 叟諸 誣 乘絕出 余亦嘗 限 評 金 額

先

哲

量

不

隔

時

公

則

偶

游

錍。

牧齋尺牘中「與毛子晉」四十六通之四十五云:

日, 壹陸柒。 **瘟生詩自佳**,非午溪輩之比。(寅恪案,「午溪」指元陳鎰而言。 與陳臥子諸公死節者並傳,已有人先爲料理矣。其他則一切以金城湯池禦之。 此集爲孔暘編選,劉基校正。牧齋蓋以孔暘目子晉, 鎰有午溪集。 而自比於劉基也。)須少待時 可參四庫提要 此間聒噪

一書, 不得不略述之於下。

又關於列朝詩集小傳,復有正錢錄 者不少,置之不答而已。

錢陸燦「彙刻列朝詩集小傳序」略云: 述, 言, 署。(寅恪案,「户部公署」指江陵西新關署。蓋是時堯峰正権此關稅務也。見清史列傳染拾 者可取參閱也。)遂就求其是錄觀之, 文苑傳汪琬傳。)出其集中有與梁侍御[日緝]論吳氏正錢錄書。(此書見堯峰文鈔叁貳。)錢則 心知其爲牧齋公, 康熙]八年冬, 諸書所載 亦不知吳君蓋有爲言之。 吳氏名殳, 汪鈍菴(琬)招余與計甫草(東)黃俞邰(虞稷)倪闍公(燦)夜飲, 頗亦不少,但光緒續修崑新兩縣合志叁肆人物遊寓門吳及傳, 字修齡, 未知吳氏何人也。 工於詩, 一時走筆,代賓戲客難, 深於禪, 大抵吳氏之論文 比余去金陵,館常州董侍御易農[文驥]家。易農爲余 其雅遊也。 (寅恪案, 專主歐蘇, 駁正若干條。駁正者, 吳氏一名喬。 故譏彈詩 集傳, 論詩於户部公 似 其事蹟及著 較 駁其正也。 詳 不遺餘 備 讀

言, 者之語焉而 日, 曩殳以詩文謁 寅恪案 寅 、恪案, 無庸。 皆吹 毛求 陸 不 是書具 尚 |燦駁 詳, 牧藥 書」指徐乾學, 疵 者也。)當是 正之文共六條, 存錢氏之駁, 在, 公於虞山 竊虞學者之擇焉 時, 不見答。 相 則著作家之風氣日上。 國」指徐元文。)易農適 余 兹 猶 不 未 備 而不精, 不平之鳴, 識 引。 吳 君 讀者荷 也。 存吳氏之正, 抨擊 十七七 取 一時以 湘 過 亦以 年始 靈 當, 全文 事 與 亦竊 爲篤論 則 至, 觀之, 君 讀書家之 會 不意公等議其 置 於 酒 則 東 相 13 知 海 歡 修齡 眼 尚 也。 E 書 人後矣。 細。 所 相 君 īF 慨 或 又虞學 牧 之 然 家。

雲間 蔡練江澄雞 謾 遺 鈍 爲 矢, 翁太史好 若下 幾至 窗叢 排 攘 Ш 有四 斥 前 十里 云 之 而 遙, 於 虞 不可忍, Ш 尤甚。 遂於巖畔 E 其 密 溺 友吳江 馬 計孝 而 泰 廉 Ш 東 不 謂 加 穢 之 也。 日, 我昔 汪 知其刺己 登 泰 Ш

頂,

欲

跳

獻吉高聲大氣, 如優人扮生旦, 于鱗 加 身披綺紗袍子, 絢 爛 鏗鏘, 遇凑 口唱大江東去。 手 題, 則能 作殼 爲牧齋所鄙笑, 硬浮華之語 以震眩 由其但學盛唐皮毛,全不 無識。 題不湊手, 便

吳喬

童

爐詩

話陸

論陳

风

子

,明詩選,

推崇牧齋甚至。

如:

嘉 定 以 震川 故, 文章有唐叔達諸公。 常熟以牧齋故 士人學問都 有根本, 鄉先達之關係,

顧

知詩

故

也

宏嘉詩文爲錢牧齋艾千子所抨擊, 醜能畢露矣。 以彼家門徑, 易知易行, 便於應酬, 而又冒

班馬盛唐之名, 所以屢仆屢起。

全唐 (攫?)升斗, 詩何可勝計, 以爲盡王家之蓄積哉?唐人之詩工,所失雖多, 于鱗抽取幾篇, 以爲唐詩盡於此矣。 何異太倉之粟, 所收自好。 陳陳相因, 臥子 選明詩, 而盜擇

人一二篇。 非獨學於鱗, 乃是惟取高聲大氣, 重綠濃紅,似乎二李者也。

明人之詩不工,

所

亦每

論李於鱗改古

于鱗做漢人樂府爲牧齋所攻者,直是笑具。 取皆陳濁膚殼無味之物。 。若牧齋列朝詩早出, (寅恪案, 此條可參春酒堂詩話, 此選或不發刻耳。

詩「枕郎左邊, 隨郎轉側。」之「左」爲「右」條。)

詩傳中, 皆是其例。 其文不合於歐曾者。若論詩之旨, (並可參同書叁論高棅唐詩品彙引牧齋之說條。)修齡之正錢錄, 則全與牧齋相同。 特標出此點, 以免世人言正錢錄者 乃正牧齋列朝

茲並附述牧齋與朱長孺鶴齡注杜詩一重公案於此, 復次, 牧齋之編列朝詩集, 其主旨在修史, 以其亦與史事相關也。 論詩乃屬次要者。

據上所引資料已足證明。

之誤會。

新唐書貳佰壹文藝上杜審言傳附甫傳贊曰

又善陳時事,律切精深,至千言不少衰,世號詩史。

第五章

復明運動

牧齋箋注杜工部集首載諸家詩話引古今詩話 一事云:

章聖(指宋真宗。)問侍臣, ·杜詩以 證。 章聖大喜曰, 唐時 杜甫詩自可爲一代之史也 酒每斗價幾何?丁晉公(指丁謂。)奏曰, 唐時酒每斗三百文。

可 尺牘中「與遵王」三十通之二十三於下,以見一斑。(可參牧齋尺牘上「與朱長孺」三通之二。)文 知牧齋之注杜 尚未之見也。 至其與朱長孺之爭論, 尤注意詩史 一點, 在此之前, 以資料過煩, 又非本文之主旨, 能以杜詩與唐史互相參證,如牧齋所爲之詳盡 故不必備述。 僅錄牧齋

云 已刻 其首者, 相引重, 世間文字 少少裁 勿令爲未成之書可耳。 杜箋聞已 深知一 IE, 須更加功治定。 其説 開板, 必欲糠粃前 切皆空,呼牛呼馬, 近時看得更如嚼蠟矣。 如昨所標舉云云。而今本已付剞劂,如不可待,則亦付之無可奈何而已。 甚 長。 殊非吾不欲流傳之意, 列, 往時以箋本付長孺, 既已賣身佛奴, 不謂其學問繁富, 此 尤大非吾意。 豈憚作石林替身。 杜注之佳否, 正欲病起面商行止。 繙閱疏鈔,又欲參會宗鏡。 再三苦辭, 心思周折, 見其苦心 亦殊不足道也。 以此但任其兩行, 搜掇 成書之後, 而堅不可回, 少規正意, 長孺來云, 或待深秋初冬此刻竣事, 絕非吾本來面目。 只得聽之。 二六 不復更措 欲其將箋本稍稍補 松陵本已付梓 八時中, 僕所以不欲居 一詞。 無晷 又欲勸其 刻 若箋本 晚年學 偷 再

作一序,申明所以不敢注杜與不欲流傳之故,庶可以有辭於藝林也。 又有 紕繆許多。 彼能爲義山功臣, 獨不肯移少分於少陵乎?治定之役,令分任之何如 昨石公云, 義山注改竄

死

揮汗作字,

閱過毀之。

文上牧齋書, 足見牧齋初意本以所注杜詩尚未全備, 但亦陰爲己身辯護前此注杜詩, 己身之著作, 不知是否駿公置之不答,抑或後來因涉及牧齋,遂被刪削耶?考乾隆三十四年後,清廷禁煅 曾詳引朱長孺致梅村書, 爲已陳之芻狗, 故痛恨不置, 襲用牧齋舊作之故也。今梅村家藏藁中, 欲令長孺續補成之。 朱氏此札作於牧翁身後, 乃使遵王別刊所著, 後見長孺之書, 與朱書並行。 雖力排轅文之謬說, 未見關涉長孺此書之 始知其反客爲主, 前於第叁章論宋轅 持論甚正, 以

牧齋著述, 題吳梅村集詩, 如今梅村家藏藁內, 日諸臣及吳氏後人, 梅村集雖撤去牧齋之序, **贊賞備至**, 遂於家藏稿中, 未見有挽錢悼柳之作, 儻梅村集內復發現關涉稱譽牧齋之作, 刪削此類篇什, 可以流通。 ,殊不近事理。或因淸高宗早歲所撰樂善堂全集, 頗疑其詩文中仍有刪去與牧齋有關之篇什不少。 藉以保全帝王之顏面歟?久蓄此疑, 則此獨裁者將無地自容。 未敢自 世當 曾賦

朱長孺愚菴小集拾「與李太史□□論杜注書」略云:

特附於此

以俟更考。

杜注刻成 蒙先生惠以大序,重比球琳, 子美非知道者, 此語似唐突子美。 然子美自言之

乎? 明。 和郡 妄益云原崑崙東北脚名, 若云已見豆熟, 爲 諸 未有爲之剪截而整齊之者, 假託 曆中爲 京何涉也。 之眞面目在是矣。 矣,文章一小技, 目 州 來降, 縣志, 睛, 鉅公以行, 以上特略舉其緊。 今乃引方輿 袁州刺史 既可笑矣。 「豆子雨已熟」, 故用聊 不得已 然塗鴉續 勝覽 乃陸士衡所譏挈瓶屢空者,子美必不然也。「曠原延冥搜」原出穆天子傳, 審刺 於道未爲尊。 乃引寰宇記長安志以及近代書耳。 城射書事。 然好異者失真, 今却云赞公來秦州, 高 袁州, 他若黄河十月冰, 季興事。 此出何典乎?「何人爲覓鄭瓜州」瓜州見張禮遊城南 貂, 本佛書, 所以識者不能無深憾也。 今引安禄山降哥舒翰, 貽誤後學, 安知不在子美沒後乎?地理山川古蹟, 此語正可與子美相視莫逆於千載之上也。 季興五 繁稱者寡要, 譬如 代人也。 此不可以無正也。 已見豆熟。夫「楊枝」用佛經,「豆子」亦必用佛書。 春月下諸豆子, 三車肯 載書, 如「聊飛燕將書」乃西京初 季 興 近人多知其非, 春 令以書招諸 之仲宣樓豈 危沙折花當諸解皆鑿而 風 得暖氣色尋便出土。 回首仲宣 將, 即 樓」應 當陽 新注 須考原 諸將復書 縣 林立, 復 據盛弘 杜詩 仲 記。 始及新 貴之。 宣作 無取。 爲蘇注 史思明 注錯 之 今云鄭審大 盡 賦 荆 舊唐 以 出 之 雖 此 以 州 以豆子 無倫 其説 子美 城 於收 河 記 書元 樓 其 北

寅恪案, 長孺此札有數問 茲分別略論之。 題。 一爲朱氏杜工部詩輯注付印之時間。 一爲此札是否擬作。 三爲李太

今據上海復旦大學圖書館藏本朱鶴齡杜工部詩輯注觀之,卷首補鈔錢謙益序, 屢有言及錢朱二注開版事。 牧齋尺牘中「與遵王」札共爲三十通。其第貳壹通至第叁拾通皆關於注杜之事,前已略引。 但不知何故, 於康熙三年甲辰牧齋逝世之前, 兩書俱未曾全部付梓。 後附牧齋手札云:

杜注付梓,甚佳。 但自愧糠粃在前耳。此中刻未必成, 即成, 不妨兩行也。 草復。

其後又有朱鶴齡附記云:

傷。是冬館歸,將刻樣呈覽,先生手復云云。見者咸歎先生之曲成後學, 愚亦欲以輯注問世。 元年)復館先生家, 詳 館先生家塾, 愚素好讀杜, 加考覈, 朝夕質疑, 函丈從容, 出以就正。 得蔡夢弼草堂本點校之, 更錄呈求益。 書既分行, 寸牋指授, 遂成千古, 先生見而許可, 仍用草堂原本, 節采箋語, 先生謂所見頗有不同,不若兩行其書。 能無西州之痛。 丹鉛點定, 會粹羣書, 遂檢所箋吳若本及九家注, 手澤如新。 松陵朱鶴齡書。 參伍衆説, 卒業請序, 間存異説。 名爲輯 注。 命之合鈔, 篋藏而已。 謀之同志 時虞山 乙未(順 始終無異如此。 方刻杜箋, 益廣搜羅 壬寅 治十二年) 咸謂無 (康熙

季振宜錢注杜詩序略云:

劍門諸勝, 特標之日, 得識 具出某書某書。 遵王。一 日指杜詩數帙, 往往非人間所有 泣謂 余日, 獨遵 此 王有 我牧

世之後, 寅恪案, 遵王 之。 錢注杜詩全部刻成於康熙六年,朱注杜詩則未知於何時全部刻成。 一渡江, 但未署年月。 遵王棄日留夜, 商量雕 刻。 其愚菴小集柒「杜詩輯注序」(此序復旦大學藏本朱注杜詩未載。)亦未言刊 必探其窟穴, 擒之而出, 遵王又 花 在數月, 而後託梓人以傳焉。 以補箋注之所未具。 康熙六年仲夏泰興季振宜 丁未(康熙六年)夏, 鶴齡附記作於牧齋去 予延

後檢亭林佚文輯補「與人札」云:

行之時間

也。

者, 必其垂後, 傍人籬落, 讀 十年間 吸其書, 愛若霄 别, 即不待尺素之殷勤, 而近二百年來, 亦不屑與人爭名。弟三十年來,並無一字流傳坊間,比乃刻日知錄二本, 凡之隔矣。 夢 想爲 勞。 正在懷思, 老仁兄閉戶著書, 未有此 而已如見其人也。 書, 而次耕 則 確乎可信也。 北來, 窮探今古, 吾輩所恃, 傳有惠札, 以視弟之久客邊塞, 道遠未得寄呈。 在自家本領足以垂之後代, 途中失之。 偶考杜詩十餘 僅得所注杜集 歌兕虎 而 畏 雖未 不必 風 敢 咐

札中「閉戶著書」之言及有關注杜事與鶴齡傳相符合外, 亭林此札 所寄與之人, 頗似長孺。 (可參清史列傳陸捌及康熙刻潘檉章松陵文獻拾朱 愚庵小集叁載「送潘次耕北遊」七古末二句 鶴齡

先寄太原。

旅次炙凍書次,

奉候起居,

不莊不備。

云

鹿城顧子(自注:「寧人。」)久作客,爲我傳訊今何如。

附顧亭林先生詩譜略云: 更與札中「次耕北來, 傳有惠札, 途中失之。」等語適切。 據徐遯葊嘉輯顧亭林先生詩箋注卷首所

康熙]八年己酉。 潘節士之弟耒遠受學二首。 (寅恪案, 此詩見亭林詩集肆。)

又引吳映奎顧亭林年譜云:

可知次耕北遊之時間爲康熙八年, 冬抵平原, 潘次耕耒來受學。 其時朱氏杜注僅有一卷。足證其全部刻成, 必在康熙六年季氏

刻牧齋杜詩箋注之後也。

復檢愚菴小集拾「寄徐太史健菴論經學書」略云:

半矣。 之末, 愚先出[尚書] 埤傳是正于高明長者, 故敢郵寄所梓 草澤陳人從未敢緘贖京華, 上塵乙覽。 倘中有可采 特以今日文章道義之望, (汪)鈍翁先生見之, 望賜以序言, 急捐橐佽鐫, 咸歸重於先生。 導其先路, 爲諸公倡。 庶幾剞劂之役可潰 又昔年忝辱交遊 今已就其

同書補遺壹「徐健菴太史過訪」五古略云:

於成

第五章 亭林余畏友,卓举儒林奮。三張才並雄 復明運動 景陽名早晟。 酷似舅家風 吾黨推淵鏡。 愍余空橐

垂

由 此觀之, 長孺之書必 非一次刻成, 助其雕鋟者, 亦必非一 人所能爲力。 但徐氏雖依鐫長孺之

題, 中「與遵王」札及牧齋杜詩箋注自序等。)錢注本附 誤後學,此不可 州」詩「五馬」注。 書」注。「豆子雨 致其怨, 出及門諸人之手。」等語。) (可參下引有學集叁玖「復吳江 復日 擒之而出, 借以駮牧齋 而不言及杜 一大學藏 則其辭不得不詭 本 以無正也。」牧齋與長孺因注杜而發生之糾紛, 注, -朱注杜詩未載李太史序, 以補箋注之所未具。」但其 已熟」見錢注叁「別贊上人」詩「豆子」注。「人生五馬貴」見錢注拾「送賈閣老出 之箋注耳。 諸條卽是例證, 必與之 滿 長孺 曼衍。 其札中所舉之注文如「聊飛燕將書」見錢注拾「收京」詩三首之一「燕將 無涉也。 不便駁斥牧齋, 潘力田 可不備引。 」者哉?(見愚菴小集貳「西崑發微序」。) 書: 所 若非 至書中所云:「其說假託鉅公以行, 聊用 補, 故作此指桑駡槐之舉。 因避忌刪去, 刻前, 當爲牧齋 小 籤 標 記 又如季氏所言「遵王棄日 所標出 簡別泰甚, 則本無其序, 雖與遵王頗有關 未及記錄者, 斯豈 長孺 長孺 長孺之文不過假設 大慍, 涉, 所謂「怨而 然塗鴉續貂 留 非出 夜, 疑 (見牧齋 吹求 諸 必探其窟 遵 王也。 貶 尺牘

貽

汝

又牧齋杜詩箋注自序云

族孫遵王謀諸同人曰, 草堂箋注元本具在。 若玄元皇帝廟, 洗兵馬入朝 諸將諸箋

蒙,手洗日月。當大書特書,昭揭萬世。而今珠沉玉錮,晦昧於行墨之中。 IE 年 譜 ,做蘇注 以立詩譜。 地里姓氏, 訂譌斥偽, 皆吾夫子獨力創始, 而今不復知出於誰 惜也。 考舊注以

手。慎也

牧齋藉遵王之言以詆斥長孺,今讀者取錢朱兩注自見。今觀朱氏輯注中或全部不著「錢箋」。 較, 用其意而改其詞,如取朱注壹「冬日洛城北謁玄元皇帝廟」之「錢箋」與錢注玖此題所箋之原文比 僅錄錢注「箋曰」之一部分,而棄其「又曰」之文,遂將箋注割裂竄易,宜其招致牧齋之不滿。又或 係, 寫己身在明末政治蛻變中所處之環境。 注伍「洗兵馬」即是其例。細繹牧齋所作之長箋,皆借李唐時事, 則知愚菴所改,即牧齋託爲遵王之言「吾夫子獨力創始,而今不復知出於誰手。慎也」等語 概從刪削, 殊失牧齋箋注之微旨。 或偶著「錢箋」, 實爲古典今典同用之妙文。 ,但增損其內容。 以暗指明代時事, 長孺以其與少陵原作無甚關 如朱注壹叁秋興八首中有 並 極其用心 如朱

太史」乃李天生因篤。 三若朱注杜詩卷首原有李序, 所指者,此點尤爲牧齋所痛恨也。 據雪橋詩話貳云 則長孺此札何以諱太史之名而不書,其中必有待發之覆。 頗疑一李

李天生嘗以四十 語杜詩應口 誦 韻長律贈曹秋岳。 或謂偶熟, 復詰其他, 秋岳歎爲風雅以來僅有斯製。 即舉全部,且曰吾於諸經史類然,願諸君叩之。 初入都, 南人易之。一日讌

復明運動

第五

章

#### 0 ...

但

一座咋舌

天生旣熟精杜詩, 兩人之間錯互間 其爲長孺作杜注序, 如清 自有 史列 可 傳陸 能 也。 陸 今雖 未發見長孺 傳略云 直接與天生有關之詩文,

例, 而已 行, 勸之行, 爲 歲多病, 馥大理寺 面 目。 因 名教罪 遠 篇字 必致 爲脱其難。 母殁仍不出。 凡 在京官員, 皇上至仁至孝, 屢具呈 少卿 倚 夫 困頓牀褥, 試 回 門 生。 西 接之材料頗復不少, 列 一辭, 不惟 張雲翼等旁采虛聲, 景 倚 等, 間 陜 (寅恪案, 以 西 始 無 因篤性忧直, 昼奉 家無次 進已 期。 富平人。 夙病 轉側需人。 授翰林院 遠邁前 部 增劇。 乖 萬 Ť, 駁。 此事可參亭林詩集肆「子德李子聞余在難, 有爲 朝, 無顏 檢 明 聽其 痛思臣母垂暮之年, 臣止一弟因材, 然尚氣節, 計。 況衰齡七十, 諸 生。 而 聯塵薦牘。 (終養, 以對皇上, 人子所不忍言者, 甘連 未逾 康 月, 老親, 熙間 臣身爲獨子, 急人之急。 久困 陝西 而 以母老乞養, 詔 循 從幼過繼。 舉 李 致傷風化。 1扶牀, 博學 陵 因 巡撫促臣赴京。 不幸身嬰殘疾, 負 則 篤 答 鴻 顧炎武在山左, 風木之悲何及, 與例 輦 儒 有臣 路三千, 疏 躁 臣年四十有九, 正符, 進 日, 因 如 篤 貽 此, 譏 夙 臣自念臣母年逾 比者内閣 伏 臣若貪承恩 特走燕中告急諸 難通 負 祈特 被誣 重名, 安所 絣 則 響 於 沛恩 並無兒女 指。 陷 用之? 薦 學 之恥異 臣 士 公卿 慈 韶, 因 項 七十, 篤 查 償。 交薦, 日 景 亦 背 友 走 許 見 爲 襄 跬步 三千 母 人復 臣 北 李 行 有 臣 歸 靦 永 辰 遠 屬 天 母

馳至濟南省視,於其行也,作詩贈之。」五言排律及蔣山傭殘稿貳「與人書」第貳通「富平李天 生因篤者,三千里赴友人之急,疾呼輦上,協計橐鳣, 馳至濟南, 不見官長一人而去。」等

而 語。) 嘗著詩説, 非奇龄。 炎武稱之曰,毛鄭有嗣音矣。與毛奇齡論古韻不合, 奇齡強辨, 炎武是因篤

亭林文集叁「與李湘北〔天馥〕書」(並見蔣山傭殘稿貳題作「與李湘北學士書」)云:

關中布衣李君因篤, 頃承大疏薦揚, 一奉鶴書, 相看哽咽。雖趨朝之義已迫於戴星,而問寢之私倍懸於愛日,況年逾七 既徵好士之忱,尤羨拔尤之鑒。 但此君母老且病,

久困扶牀。路隔三千,難通嚙指。

一旦禱北辰而不驗,迴西景以無期,

則餅罍之恥奚

賜吹嘘 之經,教孝實人倫之本。是用遡風即路, **償**,風木之悲何及。昔者令伯奏其愚誠,晉朝聽許。元直指其方寸, 仰徼俞允, 俾得歸供菽水, 入侍刀圭。 瀝血叩關, 則自此一日之斑衣, 伏惟執事宏錫類之仁, 漢主遺行。求賢雖有國 即終身之結草矣。 関向隅之泣 俯

蔣山傭殘稿貳「與梁大司農書」(〔顧〕)衍生注:「諱淸標, 謹啓, 在於流俗, 關中布衣李君因篤, 豈非至榮!然而此君母老且病。(衍生注:「下〔與〕與李學士書同。」) 昔年嘗以片言爲介, 上謁庭墀,得蒙一顧之知,遂預明揚之數。 字玉立。」云:

同書叁「答李子德 [因篤]」第貳通云:

第五章 復明運動

懇之。 (寅恪案, 諸公前贊成, 雖逢門便拜,豈有周顒种放之嫌乎?梁公(原注:「清標。」)有心人,若不得見,可上書深切 以不預考爲上上,至囑至囑!此番入都,不妨拜客,即爲母陳情, 則 向 後聲 名, 亦可一拜。 前論牧齋之脱禍, 高於徵書萬萬也。 旁人佞諛之言,塞耳勿聽。 與梁氏有關。 又「同年」二字, 此亦一旁證也。)外又託韓元少(菱)於館 切不可說, 凡見人, 但述危苦之情, 説於布衣生監之前 則望門稽首, 勿露矜 亦不爲屈。 猶 可 張 説 之

于兩榜之前 此恨將不可解。 此種風氣相傳百餘年矣, 亦當知之。 至都數日後, 速發一 字於

徐嘉顧亭林先生詩箋注壹陸「寄次耕,時被薦在燕中。」五古略云:

提塘慰我

亭林文集叁「與李星來[源]」第貳 關西有二士,立志粗可稱。 唯辦刀與繩。 (寅恪案, 雖赴翹車招,猶知畏友朋。或有金馬客, 「關西有二士」,指李天生因篤及王山史弘撰。 通關中三友, Ш 史解 病 不獲 而 行 問 天生母病, 余可 見徐 同登。 涕泣言別。 注。 爲言 1顧彦 所引

愚菴小集伍「垂虹亭過徐太史公肅舟中」云:

李]中孚[願]至以死自誓而後免。

視老夫爲天際之冥鴻矣。」等語。)

(詩略。)

同書補遺壹「送潘次耕應舉入都」二首云:

(詩略。

有學集參玖「復吳江潘力田書」(可參松陵文獻卷首潘檉章傳。)云:

杜詩,發端於盧德水。程孟陽諸老云,何不遂舉其全?遂有小箋之役。大意耑爲刊削有宋諸 杜詩新解不欲署名,曾與長孺再三往復。日來繙閱華嚴,漏刻不遑,都無閒心理此長語。 人偽注繆解,煩仍惷駮之文,冀少存杜陵面目。偶有詮釋,但據目前文史,提綱撮要,寧略 承翰教 寧疎無漏。 一拳拳付囑,似有意爲疏通證明之者。不直,則道不見,請訟言而無誅可乎?僕之箋 深知注杜之難,不敢以削藥自任,置之篋衍, 聊代薈蕞而已。 長孺授書江 頃

釀雜出, 極言注詩之難與所以不敢注杜之本意,其微指具在也。既而以成書見示,見其引事釋文,楦 襲俗學之誤。 間資溫壞,令人噴飯。聊用小籤標記,簡別泰甚,長孺大慍,疑吹求貶剝, 別去數年,來告成事, 且請爲序。妄意昔年講授大指, 尚未遼遠, 欣然命筆,

知其篤志注杜,

積有歲年,便元本相付日,

幸爲我遂成之。

略爲發凡起例,

擿扶向來沿

醵金授梓, 諸人之手, 瘡癩疬蓋,尚落落卷帙間。 亦不能不心折而去。亡何,又以定本來,謂已經次第芟改,同里諸公商權詳定, 灼然可以懸諸國門矣。 杜詩非易注之書,注杜非聊爾之事,固不妨慎之又慎, 乘間竊窺其藁,向所指紕繆者,約略抹去,其削而未盡 出及門

言之, 巢鳩 心, 案。 非敢 又精。 吉 血 而 喑 又二十條。 倔強 居 有言 于長孺之注 不 及其 愚賤姓氏, 盡美極 而 而借 吐 終不 執 古人矜重著作, 而子雲答書 匹夫不 不 見 爲 執 實有厚幸。 應草 字耶 以監 要質 玄, 闖 拗, 違 ? 荒 次裨 挂名簡端, 可 不得 杜, 謗, 別作 爲 互, 者。 甘自外于衆君子也。 奪志, 少陵重開 日, 販, 村暇 鄭重 若是, E 編 僕所以不願廁名者,捫心撫己, 則此序正可作懺悔文,又何能終錮之勿出乎? ---叙, 君 而 摩 不受要迫, 一披剝, 不欲 冀幸舉世 日, 有閔 求 龐 生面, 發明本末, 免 老夫 不惟長孺不忘淵 雜 育之 覆視舊箋, 嘿 廁 名, 期期 竊 亦有 雖 兩目 以 嘆 復 鄙人所期望者, 可謂子雲老不曉事哉?餘生殘叔,道心不堅,稍有帳觸, 少欲自 威 而 不 兩 來教申 詞 己。 盡 可者, 里中已殺青繕寫, 耳 矣。 改正 凌之以武 聗, 聳 列, 源, 少年 聹, 未見 言前序九鼎已冠首 一錯誤, 良欲 而 亦諸 時觀 以 而 亦自 成 如是足矣, 爲予雄也。 諸 以古義 書, 有眼 則 劉 公咸 凡數十條。 公推較盛意。 引分自安,不欲抑沒矜慎注杜之初 縊 子 先 僕以恥于抗行, 死 駿 不 相 有 事 與 以 勗 以從命。 Π, 獎 勉, 又何容支離攘臂于 諸公既共訂 揚子雲 爲 許, 簡。 然, 推 安能 詞壇文府, 冀其自致不 僕生平痴腸熱 廣 失人失言, 斯言也, 書 私 居 略 糊 例, 13 從 然 心教目 止之。 此事, 取 以 岐舌 方書 膻陳近代注 殆慮 或推 朽 自當 今以前序 耳。 其間 血 相 必將 護前 僕然有 或挽 乎? 勇于爲 老耄昏 探 罪 由 以 杜 珠 貢 之 爲 得 並 後 來 搜

D

倫」爲吳江顧有孝之字。 習氣迸發。兄爲我忘年知已,想見老人癡頑,茹物欲吐之狀。傳示茂倫兄,(寅恪案,「茂 盧綋所刻江左三大家詩鈔中之牧齋詩鈔, 即有孝與吳江趙澐同輯

者。)當與堂一咲也。

首」)若不因曹氏,亦可由諸人間接請天生作序。至其所以不著「李太史」之名者,疑長孺不欲子德 復有可 子或不以爲可厭可笑也。 複雜,牧齋敍述此事, 牽入注杜之糾紛也。牧齋「復吳江潘力田書」乃其平生所作文中妙品之一。蓋錢朱注杜公案,錯綜 長孺以尙書埤傳見貽, 寅恪案,依上引資料, 及常熟吳江 本與曹秋岳交好, 潘樫章著述甚富 附論者 一兩地文人之派別異同, 引據考證 觚賸壹吳觚上「力田遺詩 (可參愚菴小集補遺壹「獻曹秋岳侍郎三十韻」詩並曹秋岳溶靜惕堂詩集叁陸 (朱 首尾曲折, 可知長孺與亭林及徐潘二氏兄弟殊有關係, 悉於被繫時遺亡,間有留之故人家者,因其罹法甚酷, 因傷右吉。」詩。及同書同卷「李天生以修明史授簡討不拜請養歸秦寄懷四 總而言之, 糾訛闢好,可謂少陵功臣。朱長孺箋詩,多所採取, 明白曉暢,世之考論此問題者,苟取而細繹之,則知錢朱兩人 可不須寅恪於此饒舌矣。 上列三問題, 」條云: 皆爲假設, 故不避繁瑣之譏, 實無確證, 而諸人與天生尤爲密切。 姑備一說於此云爾。 輒廢匿之。 詳盡錄之, 竟諱 通人君

寅恪案, 非清廷之罪人,故其 長 孺襲用力田之語, 、注中引用牧齋之語, 而不著其名, 可不 不知所指何條。 避 心心。 至若 煙章 但長 則先以預於莊 孺 康熙間刻杜 詩 氏 史案, 輯 注 爲 廷 份

又亭林餘集「與潘次耕札」五通。其第叁通云:

殺害,

其引

潘說

而不著其名,

蓋有

所不

得已。

玉

樵之說未冤太苛而適合當時之情事

也

都 中 至, 言次耕 奉 日 遠 不 知 所 往。 中孚 即 作 書 相慶。 緜 山之谷弗獲介推 汶上之疆

堪容閔子,知必有以處此也。

蔣山傭殘稿叁「與次耕」云:

旭。 在 曲 X 周 接 江 照 管, 蘇 亦 取中之 須 吳 自 江 無使有尸饔之歎。 報, 往 看。 事 頗 爲 蹟 惜之。 見 此皆 清 1吾辈 史 列 吾弟今日迎養都 不 傳 記 情 陸捌 在太 事 本傳。 原 亦清 時, 議 門, 又既在京邸, 所 相 與讀 開 既必不可, 菽水之供, 寅旭 不 可 書 闕 當 略 中 尋 也。 語乎?(寅恪案, 的 寅 信 恪 與 案, 誰能 嫂 姪 代之? 相 嫂 Ŧ 聞 姪 錫 宜託 即 字 延 津 寅

代請清 寅恪案, 參亭 廷許 亭林 其 文 集 歸家養母, 之不欲次耕得中 伍山 陽 王 並不如其對次耕之痛惜者, 君墓 博學 誌 銘 鴻 辭 :「余友潘力 科, 觀此 田 札可 死於杭 蓋天生與次耕之情事 知。 但 係累其妻子 何 以 天生之舉 以北。 有所 鴻 不同 博, 語 亭 林 書 捌 捌 友

裒傳略云:

之事,誰任其咎?儀對曰,責在元帥。帝怒曰, 王裒字偉元。元城陽營人也。父儀,高亮雅直。 爲文帝司馬。東關之役,帝問於衆曰,近日 司馬欲委罪於孤邪?遂引出斬之。裒少立操

茲有一事,出於牧齋當日與長孺爭論注杜時意料之外者,即牧齋不爲南潯莊氏史案所牽累事也。 然則潘耒之兄檉章,以莊氏史案,爲清廷殺害。亭林之意次耕亦應如偉元之三徵七辟皆不就也。 尚, 行已以禮。 痛父非命, 未嘗西向而坐,示不臣朝廷也。於是隱居教授,三徵七辟皆不就。

牧齋與潘力田檉章吳赤溟炎之撰述明史記極有關係。觀牧齋著作中有關此類材料亦不少,今擇錄

一二於下。

牧齋外集捌修史小引云:

謙益白, 蕞所輯事略, 人可屬此事者。近得松陵吳子赤溟潘子力田,奮然有明史記之役, 蓋往昔濫塵史局, 取材甚富, 頗可觀覽。 論斷甚嚴。史家三長,二子蓋不多讓。 天不悔禍, 竊有意昭代編年之事。 絳雲一炬,靡有孑遺。 事多牴牾勿就。 居恆忽忽,念海内甚大,何無一 。數過余,索燼餘及訊往時見 中遭廢棄,日夕鍵户,薈 所謂本紀書表世家列傳

自愉快,與市肆所列諸書無大異也。乃二子不要名,不嗜利,不慕勢,不附黨。 曰, 終身以之。然則此事舍二子, 其又誰屬?余因思海内藏書諸家, 及與余講世 自矢必成

耳聵目眊, 無以佐二子, 然私心幸二子旦夕成書,

得一寓目。又懼二子以速成

聞。余老矣,

好者, 子,二子必不肯攘善且忘大德也。 不能一一記憶。 要之, 此書成, 敢代二子布告同人, 毋以我老髦而愁遺我, 自關千秋不朽計。 使各出所撰著及家藏本, 幸甚 授之二

有學集叁捌「與吳江潘力田書」略云:

有成, 事。 悔。 春時 洋故事耳。 牆角殘 伏讀 '杜顧, 且成 或 赤溟 [史考異, 深慰契闊。 而必可信可傳也。 或尚可資長編者, 同志不復裁書,希道鄙意。 援據 老人 周 衰病, 詳, 官史局, 辨 析詳 當悉索以備蒐采。 頭腦冬烘, 密, 半世編摩, 不偏主一家, 不追攀留信宿, 西洋朝貢典錄, 頭白汗青, 不偏執 扣 业 見。 迄無所就, 緒論, 乞仍簡還, 三復深 别 後思之 不圖老 惟 偶欲一考西 知史事 眼見此 重 之必 以

同 書叁玖「復吳江潘力田書」(此札關於注杜事者, 前已詳引, 可參閱。)略云:

也。 有操戈入室之嫌? 手教盈紙, 人間 無別本, 詳 論實錄 幸慎重之。 唱此 辨 證, 論 者, 此 俞本紀錄作絳雲灰燼。 鄙人未成之書, 似非通 人。 吹萬自己, 亦國史未了之案。 諸候陸續寄上, 不必又費分疏也。 考異刊正 不能多奉。 東 事 實獲 記 略 我 東 心 征 信 何 史 自

之什, 有學集補「答吳江吳赤溟書」(近承潘景鄭君寄示牧齋「吳江吳母燕喜詩」七律 無甚 關係。 但其中有「野史亭前視膳餘」句, 亦可推知牧齋此書與此詩同爲一時所作, 首, 雖是尋常洲應 並足

見兩

人交誼之密切也。)略云:

第五章 復明運動

然一笑乎?所徵書籍可考者,僅十之一二,殘編齧翰, 三十餘年留心史事,於古人之記事記言,發凡起例者,或可少窺其涯略。倘得布席函丈,明 言及於此, 相與討論揚權, 胸臆奕奕然, 下上其議論, 牙頰癢癢然, 安知無一言半醉可以訂史乘之疑誤, 又惟恐會晤之不早,申寫之不盡也。 間出於焦爛之餘 他日當悉索以佐網 補掌故之缺略 門下能無職

不敢愛也。老病迂誕,放言裁復,並傳示力田兄共一捧腹。

亭林文集伍「書吳[赤溟炎]潘[力田檉章]事」略云:

得之, 之榮告諸大吏,大吏右莊氏,不直之榮。之榮入京師,摘忌諱語密奏之,四大臣大怒, 故閣輔朱公國楨家, 莊名廷鑵,目雙盲,不甚通曉古今,以史遷有左丘失明,乃著國語之說, 抵斥之辭未經刪削者。 胤城遂梓行之。慕吴潘盛名。引以爲重, 則招致賓客, 朱公嘗取國事及公卿誌狀疏草命胥鈔錄,凡數十帙, 日夜編輯爲明書, 書冗雜不足道也。廷鑵死, 無子, 莊氏既巨富,浙人得其書,往往持而恐嚇之,得所欲以去。歸安令吳 列諸參閱姓名中。 書凡百餘帙, 頗有忌諱語, 奮欲著書。其居鄰 未成書而卒。 家貲可萬金。 本前 遣官 廷鑵

子與其難。 府推官之不發覺者,亦坐之。發廷鑵之墓,焚其骨,籍沒其家產。所殺七十餘人,而吳潘二 至杭,執莊生之父及其兄廷鉞及弟姪等,並列名於書者十八人,皆論死。其刻書鬻書, 方莊生作書時,屬客延予一至其家,予薄其人不學,竟去,以是不列名,獲免於 並知

於後也,

故書之。

且其人實史才,

非莊生者流也。

二子所著書若干卷,未脱藥, 又假予所蓄書千餘卷盡亡。 予不忍二子之好學篤行而 不 傳

寅恪案, 如江左三大家詩鈔中之牧齋詩鈔, 當日風習,文士著作, 其首多列顯著名人「鑑定」「參閱」字樣, 卷目下所載參訂姓氏, 上卷爲談允謙 等, 藉作宣傳, 中卷爲季振宜等, 並引 為自 下

爲此, 浙區域, 齋實預其事。 列名參閱無疑。 卷爲張養重等, 非老皈空門者之所應爲, 辭旨激烈, 特加 鄭師退後,雖得苟免,然不久清世祖殂逝, 鎭壓。 然莊 即是 潘吳遂不敢藉此老之名字, 其例。 書竟不載錢氏之名, 必因長孺注杜, 莊氏史案之主要原因,實在於此。 終亦由此得免於莊案之牽累。 揆以牧齋此時之聲望及與力田 以爲莊氏標榜也。 否則 今日觀之,牧齋與長孺雖爭無謂之閒氣 幼主新立, 牧齊堅不肯挂名簡端, 赤溟之交誼, 河東君又有如在黃毓祺案時, 噫! 東南人心震動, 當鄭延平率舟師 莊氏明書刻 至舉揚子雲 行, 入長江 故清廷於江 當共 代死從 故事 、潘吳 牧

死之請矣。 天下事前 後因 果, 往往有出於意料之外者, 錢朱注杜公案, 斯其一 證耶?論牧齋編

列朝詩集尤重修史事,因並附及之。

百

心同志之梗概也

論列 則非本文之主旨, 朝詩集旣 竟 故擇其關於河東君者詳言之, 請略 述錢 柳 復明之活動。 今就所存材料觀之,關於牧齋者不少, 其他牧齋活動之主要者, 亦稍稍涉及, 若多加考述 聊見兩人

河東君在崇禎甲申以前之作品,如陳臥子汪然明及牧齋等所鐫刻者,已傳播一時,故聲名藉甚。

傾覆, 至弘光南都小朝廷時, 牧齋被黃毓祺案之牽累, 河東君此期應有作品, 賴河東君助力得以脫冤,遂於順治四年丁亥河東君三十生日時, ,但以關涉馬阮之故,疑爲牧齋所刪削不存。 南都旣

不能收拾遺稿所致, 人日及贈黃若芷大家等詩外, 但亦因河東君志在復明, 別無所見。 此固由牧齋逝世, 意存韜晦, 與前此之情况迥異故也。 河東君即以身殉, 趙管夫婦及孫愛等

特和東坡西臺寄弟詩,

偏示親友,

廣事宣傳。

是後雖於有學集中,

間附有其篇什,

如和牧齋庚寅

牧齋尺牘上與王貽上四通其一云:

亂後撰述, 十指如錐, 不復編次, 不復料理研削矣。 緣手散去, 却拜尊命, 存者什一。 慚惶無地。 荆婦近作當家老姥, 米鹽瑣細枕籍, 煙燻掌

## 其三略云:

下, 吟紅詠絮, 邈若隔生。 長哉?秋柳新篇爲傳誦者攫去,伏生已老, 八十老叟, 餘年幾何?既已東身空門, 無以 仰副 高情 歸心勝諦, 思之殊惘惘也。 豈能分兔園 何暇復沉湎筆墨, 一席, 分韻忘憂?白家老媼, 與文人才子爭目睫之短 刺促爨

余初 以詩贄於虞山錢先生, 時年二十有八。 王士禛感舊集壹「錢謙益」條,

盧見曾補傳引占夫于亭雜錄云:

第五章 復明運

動

清史列傳玖王士禛傳略云

佐 I, Ŧ 3/// /無張 一禎 剔除蠹 Ш 東 尚 新 賢 城 疏 疏薦。 人。 其 順 品端 下 治 + 部 才敏 敍錄 五年 進士。 奉職 内陞禮部主事。 最 十六年授揚 勤。 總河 朱之錫 (康熙)五十年五月卒於家, 州 府推 亦以 官。 委盤河 聖 祖仁皇帝康熙 庫, 綜 覈 精 = 年七十 年 詳 總 有 協 助 郎 廷

寅恪案, 師入長江失敗後不久,牧齋實參預大木此舉。 秋柳」原詩即使爲人攫去, 漁洋初以詩贄於牧齋 亦可 乃在 重抄傳寄。 順治十八年。 其答漁洋之言, 白門秋柳一 故牧齋書有「八十老叟」之語。 題, 不過 錢柳俱涉嫌疑, 推託之辭 耳。 至河 自不欲和 此時 東君 距 是 韻 剣 否 延 平 否則 眞 如 來

牧齋所謂 遷如此。 目之爲「白氏女郎」。 所干擾, 仍是婉言辭謝, 牧齋詩云 但以當日士 「當家老姥, 當王貽上請其和秋 大夫之生活狀況言, 楊柳風流烟草在, 十指如錐。 藉以免却外間之招搖而已。 吟紅詠絮, 杜鵑春恨夕陽知。」(見有學集叁夏五詩集「留題湖 柳詩時,牧齋目之爲「白氏老媼」。二十餘年間 絕不致無揮毫作字之餘暇, 邈若 嗚呼! 隔生。」亦殊有 當河東君賦 疑問。 金明池詠寒柳 然則所謂 蓋此 時 古 É 不 家 **死多少** 詞 時 老 媼 人事之變 舫二首 謝 刺 象 家 促

之一。 所感悟歟 第肆章已引。) 漁洋山人雖非舊朝遺老, 然亦生於明季。 錢柳不肯和秋柳詩之微意, 或能 有

夫明南 都 傾覆, 牧齋隨 例 北 遷, 據有學集拾 紅 豆詩二 集「後秋興八首。

八月初十日

小舟夜渡,

惜

得已而往北 別而作。」其五云:「水擊風摶山外山。 但河東君獨留南中, 僅逾 前期語盡一杯間。」(並見遵王注本投筆集。)當時牧齋迫於不 歲, 即順治三年秋, 牧齋遂返故里。 可知錢柳臨 別時

前此白門分手時,亦不過一年有半也。

必有預約。

兩人以後復明之志願,

即决定於離筵之際矣。

丁亥春黃毓祺之案,

牧齋實預其事

距

也。 傳。)關於牧齋本身之活動,茲可不詳引。 寶反淸一事。(寅恪案,馬氏於順治十四年九月淸廷詔改其名爲「逢知」。 黃毓祺案牧齋雖得苟免, 然復明之志仍不因此而挫折。今就牧齋作品中所能窺見者, 但涉及河東君者, 則備論述之, 以明本文賓主輕重之旨 見清史列傳捌拾馬逢知 即遊說馬進

仰慰聖懷。 今檢瞿忠宣公集伍「留守封事」類「奏爲天意扶明可必, 更派迅示方略, 早成中興偉業事。 」略云: 人心思漢方殷, 謹據各路蠟書, 具述情形,

已丑)七月十五日自家起程,今月十六日抵臣桂林公署, 通 累數百言, 絕不道及寒溫家常字句,惟有忠驅義感溢於楮墨之間。 齊帶臣同邑舊禮臣錢謙益寄臣手書 蓋謙益身在[虜]

臣子壬午舉人元錫,

因臣孫於去臘離家

未知其到粤消息,

遣家僮胡科探視。

於「永曆三年

計 中, 定而集事者局也。 須臾不念本朝, 人之當局 而規畫形勢, 如弈碁然 瞭如指掌, 楸枰小技 綽有成算。 可以喻大。在今日有全著, 據言 : 難 得而易失者時也。 有要著

庭之 充, 兵, 天下 親見原書,遂致有此 薪 秋興之六第肆首云:「腐儒未諳楸枰譜, 公。」今有學集中, 有 書中「智順」作「致 云:「崇 案 膽心猶在, 聯絡布置, 要害必爭之地不過 通 根本已固 全力以 顧苓 者燕京 德元年 倘 道通滇黔, 善弈者, 、塔影 以 恢 荆襄。 三局楸枰算已違。」牧齋詩語即指此致稼軒書言。豈云美雖間接獲知其事, 特遣 努言爲迂而無當, 四 然後 聲勢大振。 園 順」, 月封 固多觀棋之作, 視勢之所急而 集壹 恭順 誤 移荆汴之鋒, 壤鄰巴蜀。 上 智 數 會耶?至其 扼 乃音近筆誤。 心順 致 東澗遺老錢 四, 漢 順 Ŧ 宜以 沔, 懷 中 順三(逆?)進 順 今惟急著是問。 重兵徑由遵義入川。三川既定,上可以控扼 原根本自在江南。 方今吳三桂休兵漢中, 善教之。 下撼武 治 掃清河朔。 可稱 列此 三年八 公 原闕一字, 隱語, 事於黃案之前, 別傳」云:「以 圖。 三局深慙厪帝思。」及後秋興之十二第叁首云:「廿年 今之急著, 月同 大江 取 其次所謂 然與此書之明顯陳述者, 兩粤。 恭順 夫弈碁 以南, 今以意補爲「逆」字。 長淮 王孔 隱語 即 (寅恪案, 汴京, 至於急著, 要著者, 其時間 三川各郡數年來非熊(指王應熊。)在 要著也。 在吾指 有德 作楸枰三局, 莫非 先後之訛姓, 顧之間。 懷順 兩粤東有庾關 今之要著, 清史 則苟可 都 I 會 列 蓋此三人者, 耿 絕不相 寄 傳 江 仲 以 則 廣 柒 南 明 宜 救 關 更不待辨矣。)夫 即 西 捌 類。 之固 既 征 敗 雕, 移楚南 全著也。 留 定 尚 者, 湖 守太 可 南。 F 在清 無 喜 可 北 財 諸 」牧齋 保瞿 傳 以 有洞 賦 勳 而 所 寅 掇 重 後 不 漸 略

之事。 據此牧齋致稼軒書作於順治六年己丑之秋。 用, 遏, 湖 即 劒 恢楚恢江 聞 雲見日之時, 三百年恩養之 名蛟麟者也。 督臣萬年策 此 更可注意者, 永曆三年九月□□日具奏。 舉將 其期 則王 皆平昔關通密約, 席藥自裁。 在明爲逆也。)因懷順至吉安忽然縊死, 諒 以蛟麟爲先鋒。 師亟先北下洞庭。 不甚遠。 思一得以圖報效, 尅復京闕。 報。 而中與之一大機 自平溪衛取 一等語。 即說馬之舉, 以情事度之, 臣敢不據實 豈非兩粤最急時乎?至彼中現在楚南之勁(敵), 若謙益視息餘生, 各懷觀望。 臣反覆披閱 路黎靖來至桂林。 幸蛟麟久有反正之心, 但得一入長江,將處處必多響集。 實與黃梨洲有關。 奏聞, 會耶? 錢謙益楸枰三局揣摩之語 豈非上蒼悔禍, 此眞爲楚則楚勝, 伏祈皇上留意詳 雖謙益遠隔萬里, 其中已言及馬進寶。故次年 奄奄垂斃, 故三路之師未即渡洞庭, 具 述 默牖其衷, 黃宗羲思舊錄「錢謙益」條(此條第肆章已引 與江浙 虜鎮馬 惟忍死盼望鑾與拜見孝陵之後,槃水加 閲 而爲漢則 回子駐兵常德, (虜?)提鎮張天 而彼身爲異域之臣,猶知眷戀本朝 確相脗合, 特賜鑒裁。 亦以見天下人心未盡澌滅, 漢勝也。 我得以完固根本, 庚寅即有往金華遊說馬氏 似非無據。 臣繕 惟辰常馬 過庾嶺。 禄田 蛟麟倘果翻然樂爲我 實有反正之心。 疏 雄馬 方畢 然其勢終不可 蛟麟爲最。 豈非楚南撥 進寶卜從善 養精蓄銳, 適 原 真祖宗 任川 回子

動

茲爲便利論述,故重錄之。)云:

夜余將睡, 公提燈至榻前, 袖七金贈余日, 此内人(自注:「即柳夫人。」)意也。蓋恐余之

不來耳。是年(指順治七年庚寅。)十月絳雲樓燉, 是余之無讀書緣也。

結埼亭集壹壹「梨洲先生神道碑文」略云:

公既自桑海中來, 杜門匿景, 東遷西徙, 靡有寧居。 又有上變於大帥者, 以公爲首, 而公猶

挾帛書,欲招婺中鎮將以南援。

黃炳垕編黃梨洲先生年譜中「順治七年庚寅」條云:·

三月,公至常熟,館錢氏絳雲樓下,因得盡繙其書籍。

寅恪案,太沖三月至常熟,牧齋五月往金華。然則受之此次遊說馬進寶, 河東君特殷勤款待黃氏如此,則河東君之參預勸馬反淸之政治活動,尤可證明也。 實梨洲所促成無疑。

又金氏牧齋年譜「[順治八年]辛卯」條云:

爲黃晦木[宗炎]作書紹介見馬進寶於金華。 (原注:「尺牘」)

金氏未言出於尺牘何通, 但檢牧齋尺牘中「致□□□ 」略云:

概慕龍門 餘姚黃晦木奉訪, 願一投分。 裁數行附候, 介恃道誼之雅, 輒爲紹介。 計已達鈴閣矣。 友人陳崑良赴溫處萬道尊之約, 晦木知必荷眄睞, 先爲遙謝。 取道金華,

寅恪案, 此札乃致馬進寶者。 細玩其語氣,介紹晦木與介紹崑良, 時間相距至近, 且足知兩人俱

是初次介紹。 今檢浙江通志壹貳壹職官表分巡溫處道欄云:

陳聖治。 遼東錦州人。 順治十年任。

萬代尚。 遼 東鐵嶺人。 順治十四年任。

及清史列傳捌拾馬逢知傳略云: 孟泰。 遼東遼陽人。 貢士。 順治 十六年任。

旗下, 鎮提督 金衢嚴處四府。 順治)三年從端親王博洛南征, 距金華四千餘里, 關山迢遞, 七年九月奏言臣家口九十餘人,從征時即領家丁三十名星赴浙東,此外俱在 克金華, 不無内顧之憂。 即令鎮守。 六年命加都督 食事,授金華總兵, 怨准搬取。 下部知之。 十三年遷蘇松常

管轄

並有學集柒高會堂詩集有:

内 申重九海上作。

題及'高會堂酒闌雜詠序」末署:

順治十三年)丙申陽月十有一日書於青浦舟中。

故綜合推計牧齋之介紹晦木見馬進寶於金華, 實在順治十三年丙申秋季以前, 馬氏尚未離金華赴

松江之時。 至浙江通志列萬代尚之任溫處台道,始於順治十四年者, 不過因排次便利, 只書年而

不書月。否則,絕無元旦上任,除夕解職之理也 又徐孚遠釣璜堂存稿壹貳「懷陳崑良」(原注:「時聞 瞿稼軒之變。」)云:

嗟君萬里赴行 都。 桂嶺雲深入望迂。 豈意張 公雙劍去, 却令伍子一簫孤。 粤西駐輦當 通

可見陳 氏 同 是當時參預 復明運動之人。 牧齋介紹之於馬進寶, 必非尋常干

湖

北揚

旌定有無。

分手三年鴻雁

断,

如余今日正

一窮途。

進以求衣食者之比。 惜

光緒修常昭合志稿叁壹 義行門陳璧傳僅 云

崇禎末嘗三上書論事。

不報。

歸隱。

陳璧字崑良。

茲僅錄牧齋作品 寥寥數語, 殊爲簡略。 中, 庚寅夏往返金華, 今讀闇公此詩, 則陳氏平生志事, 遊說馬進寶之作品, 更可 並略加釋證於下。 證知矣。 有學集叁庚寅夏五

集序云: 漫 歲 興 庚 口 寅 (之五 月, 得七言長句三十餘首 訪伏波將軍 於婺 州。 題之曰夏五集。 以初 一日渡羅刹 春秋書夏五, 江, 自睦之婺, 傳疑也。 憩於杭。 疑之而 往返 日 夏五,不

成 囯, 乎其 或之者,疑之也。作詩者, 爲月也。 不成乎其爲月 其有憂患乎? 則亦不成乎其爲詩。 繁詩於夏五, 所以成乎其爲疑也。易

寅恪案, 此夏五集可稱爲第壹次遊說馬進寶反淸復明之專集。 河東君參預此活動, 尤爲顯著。 讀

者應特加注意也。

早發七里灘」云:

欲哭西臺還未忍, 其招魂之詞 **唳空朱噣響雲端**。 曰:化爲朱鳥兮, (遵王注本此句下有牧齋自注云:「謝皐羽西臺慟哭記即 有喝馬食。」

寅恪案,「未忍」者, ,即未忍視明室今已亡之意。 前論牧齋次韻答盛集陶見贈詩「終然商頌歸玄鳥」

麥秀殘歌詎忍刪。」句及牧齋編列朝詩集, 「得」,殊失牧齋本旨, 故從遵王注本作「忍」。 終於丁集事, 俱詳言之, 茲不更贅。 涵芬樓本「忍」作

「五日釣臺舟中」云:

緯繣江山氣未開。 三年灼艾有秦灰。 吳昌此際癡兒女, 扁舟天地獨沿洄。 競渡離呶盡室迴。 空哀故鬼投湘水, 誰伴新魂哭釣臺。 五日纏絲仍漢縷,

寅恪案, 此詩第柒第捌兩句頗不易解。 以恆情論, 牧齋獨往金華, 河東君及其女應在常熟家中,

俟考。 貳策云: 殊與「吳昌」之語不合。 檢劉繼莊獻廷廣陽雜記叁「涵齋又言海澄公黃梧旣據海澄以降,即條陳平海五策」條, 豈河東君及其女雖不同牧齋至金華, 但僅送之至蘇州, 留居於拙政園耶? 其第

第五章 復明運動

0

鄭 氏 有五大商在京師蘇杭山東等處, 經營財貨, 以濟其用。 當察出收拿。

清史列傳玖黃 悟 傳 云

順 治十三年七月 梧斬偽總兵華棟等, 率 衆以 海 澄 縣 投誠

延平王戶官楊英從征實錄「永曆十一年丁酉五月」條云

禮智信, 金木水火土各行出入銀 兩。

藩行令對

居守户官鄭宮傅察算,

裕

國庫張恢,

利民庫林義等稽算東西二洋船本利息,

並仁義

明淸史料丁編叁「五大商曾定老等私通鄭成功殘揭帖」云: 上缺。)萬兩, 前往蘇杭二州置 買綾綢湖絲洋貨, 將貨 盡交爲國姓訖。一 , 順 治十二年五

初三四等日, 月十 一二等日 曾定老就偽國姓管庫 又就 伍宇 舍處 領 出 伍宇舍手内領出 銀十 萬 兩 每 銀 兩 每月 五 萬 供利 兩 商販日 一分三釐。 本, += 随經 年 算

四

月

内

還

訖。

又十

月

及 湖 絲 緞 匹等貨 機運 F 海, 折還 母 利銀六 萬兩 仍 留 四 萬 兩付定老等作 本 接 濟

牧齋 之設有行店, 之興起, 賦 此詩 雖由 時, 海盜 自是當然之事。 鄭氏之五大商尚未被清 但其後即改爲經營中國南洋日本間之物產貿易。 況河 東君以貴婦人之資格, 廷察出 I 収拿。 河東君之送牧齋至蘇, 以購買物品爲名, 蘇杭 爲 或 與 絲織品 網網 與 緞 此 店 出 有 產 關 肆往來, 夫鄭氏

暗

作通海之舉, 可免爲外人所覺察也。 此說未敢自信,姑記於此, 以俟更考。

# 「五日泊睦州」云:

客子那禁節物催。 孤篷欲發轉徘徊。 晨裝警罷誰驅去, 暮角飄殘自悔來。千里江山殊故國

一抔天地在西臺。 遙憐弱女香閨裏 解潑蒲觴祝我迴。

寅恪案,第肆句蓋與第柒第捌兩句相關, 實已受牧齋遊說之影響。 行不成功之意。 但據前引馬逢知傳, 然則牧齋此次婺州之行,亦不可謂無所成就矣。 順治七年庚寅九月, 進寶奏請搬取在旗下之家口, 可知進寶 謂不與家人同作金華之行也。或疑「自悔來」之語,

乃此

桐廬道中」云:

涉江無事但尋花。(自注:「蘭溪載花盈舟,越人笑之。」)

寅恪案,此句並自注可參下引「東歸漫興」六首之五。牧齋此行明是有事,而曰「無事」,與尺二書 中「一宿無話」之「無話」,遣辭用意正復相同,可發一笑也。

留題湖舫」(自注:「舫名不繁園。」)二首之二云:

湖上堤邊鱶櫂時。

菱花鏡裏去遲遲。分將小艇迎桃葉,

編采新歌譜竹枝。

(江左三大家詩畫

合卷芝麓所寫「新」作「長」。)楊柳風流烟草在, 杜鵑春恨夕陽知。 憑闌莫漫多回首, 水色山

光自古悲。

寅恪案,此題二首,第肆章已全引。第貳首第貳聯亦特加論釋。茲復迻錄第貳首全文,藉見牧齋

此時之情感。 末署: 今江左三大家詩畫合卷, 除牧齋「西湖雜感」二十首及梅村所繪圖外, 並有芝麓所書

癸卯三月十又二日芝麓弟龔鼎孳拜題。

據此, 「西湖雜感」序(此題序及詩皆依江左三大家詩畫 孝升題字乃在牧齋卒前一年。 若非贋作, 合卷牧齋自寫本。 則龔氏深賞牧齋此詩, 其他諸本間有不同, 可以 想見也。 而 意義亦

佳者, 西 吾安在。 於塘棲道中。 岳于雙表, 浪迹山東, 山。 並附注於下,以供參考。)云: 嘻其甚矣。 酒 聊資剪燭 (涵芬樓本及注本「返」作「追」。 燈地 況復彼都人士, 綠字猶存。 繫舟湖上。 」十字。)特倩梅村祭酒作圖以爲緣起,今並錄之。 云爾。 昔者南渡行都, 隔 江 唱越女之歌。 南北兩峰, 庚寅夏五憩湖舫凡六日,得詩二十首。(諸本此句下有「是月晦 漏天半雨, 痛絕黍禾。 **黙遺** 青霞 夏月如秋。 風 急雨 南士。 今此下民, ) 嗟地是而 如削。 淋, (「士」涵芬樓本及注 度峽落巴人之淚。 想湖山之繁華, 登登版築, 地斷吳根。 人非, 甘忘桑椹。 忍憑今 侮食相矜, 數都會之佳麗。 而弔古。 本作「市」。 敬告同 攘攘烟塵, 叢 左言若性。 殘 西湖 勿 長 遺 舊夢依然, 句, 隱 天分越 跡 E 凄 何 絕 敢 返抗 以 記 附 新 短

出文選肆陸王元長「三月三日曲水詩序」。遵王已

寅恪案,

此序中「侮食相矜,

左言若性。」之句,

不待更釋。 牧齋用此典以罵當日降清之老漢奸輩,雖己身亦不免在其中,然尚肯明白言之,

是天良猶存, 殊可哀矣。 檢四庫全書總目提要壹柒叁別集類朱鶴齡愚庵小集條云:

其爲人, 鶴齡]與錢謙益爲 遂與之絕。 同 郡, 所作元裕之集後一篇, 初亦以其詞場宿老, 稱裕之舉金進士, 頗與倡酬。 既而見其首鼠 歷官左司員外郎, 兩端, 居心 及金亡 反覆, 不 薄

仕,隱居秀容,詩文無一語指斥者。裕之於元,既足踐其土, 獨発咎,亦誼當然。 乃今之訕辭詆語, 曾不少避, 若欲掩其失身之事, 口茹其毛, 以誑國人者 即無反詈之理。 非徒詩 非

寅恪案, 也, 其愚亦甚云云。其言蓋指謙益輩而發,尤可謂能知大義者矣。 牧齋之降清, ,乃其一生汚點。 但亦由其素性怯懦,迫於事勢所使然。 若謂其必須始終心

則甚不近情理。 夫牧齋所踐之土, 乃禹貢九州相承之土, 所茹之毛, 非女真 八部所種之

良。 之語。 館臣阿 媚世主之言, 今讀提要, 又不勝桑海之感也。 抑何可笑。 回憶五六十年前,清廷公文,往往有「食毛踐土,具有天

「西湖雜感」二十首。其二云:

**激**产西湖水一方。 吳根越角兩茫茫。 小部奏西廂。 而今縱與空王法, (「與」諸本作「會」。)知是前塵也斷腸。 孤山鶴去花如雪, 葛嶺鵑啼月似霜。 油壁輕車來北里,

寅恪案, 此首可與第肆章引河東君湖上草西冷十首之一「小苑有香皆冉冉,新花無夢不濛濛。

庚寅。 鞭油 壁 相去十二載 朝來見, 玉佩靈衣夜半逢。 湖山一隅, 人事變遷, 」兩聯相證發。 已復如此, 柳賦詩在崇禎十二年己卯, 眞可令人腸斷也 錢賦詩在順治七

其八云:

云:「桃花得氣美人中。 西冷雲樹六橋東。 月姊曾聞下碧空。 西冷佳句。 爲孟陽所吟賞。 楊柳長條人綽約, 」)筆牀研匣芳華裏, 桃花得氣句玲瓏。 翠袖香車麗 (諸本此 B

今日一來方丈室, (「一來」諸本作「一燈」。) 散花長侍淨名翁。

在十年之前作此預言矣。 向之一以指河東君。 寅恪案, 此首爲河東君而作, 自不待言。 牧齋於崇禎十三年庚辰冬答河東君半野堂初贈詩云:「霑花丈室何曾染。 第柒句牧齋自寫本作「一來」, 不作「一燈」, 蓋用佛典四 」竟

其十六云:

江 建業餘杭古帝丘。 Ш 北望總神州。 行都 六朝南渡盡風流。 宫闕荒烟裏, 白公妓可如安石, 禾黍叢殘似石頭。 (諸本此句下有自注云 蘇小墳應並莫愁。 我馬南 :「有人問 來皆故 建

業。云吳宮晉殿亦是宋行都矣。感此而賦。」)

寅恪案, 王竟不能作宋高宗耶?「吳官晉殿」乃指明南都宮闕而言 此首自傷其弘光元年五月迎降清兵之事。夫南宋都臨安, 不過詭稱前代之名爲隱語耳。 猶可保存半 壁江山 豈意明福

年

### 其十七云

畫鼓金山壓戰塵。 珠衣寶髻燕湖濱。 粉黛至今驚毳帳, 翟茀貂蟬 一樣新。 可知豪傑不謀身。 南國元戎皆使相, (諸本此句下有自注云:「見周公謹羅 上廳行首作夫人。紅燈玉殿催旌節,

大經諸書,亦南渡西湖盛事。」)

寅恪案,此首以梁紅玉比河東君, 反清之際, 其期望河東君者, 更與他作泛指者不同。可惜河東君固能爲梁紅玉,而牧齋則不足比 甚爲恰當。牧齋賦詩,以梁比柳者甚多。此首作於遊說馬進寶

「東歸漫興」六首其一云:

韓世忠。此乃人間之悲劇也。

經旬悔別絳雲樓。 紅爛楊梅白定甌。 此福天公知吝與,綠章陳乞莫悠悠。 衣帶真成日緩憂。 入夢數驚嬌女大, 看囊長替老妻愁。 碧香茗葉青磁碗

寅恪案,此首可與第肆章所引東山詶和集貳牧翁「二月十二春分日橫山晚歸作」及河東君次韻詩參

照。錢柳兩詩作於崇禎十四年辛巳。牧齋此詩則爲順治七年庚寅所賦,就牧齋方面言之, 人是,而時世則非。 故賦此首時,與當日只限於私人情感者,更復不同矣。 則地是

其三云:

轅門風靜鼓聲寒。 據鞍老將三遺矢, 分闡元戎一彈丸。 戲海魚龍呈變怪

第五章 復明運

動

〇四七

登 Ш 烟火報平安。 腐儒篋有英雄傳, 細雨孤舟永夜看。

寅恪案,牧齋外集拾馬總戎四十序略云:

今伏波猶古伏波也。予讀史好觀馬文淵 行事。

果能從己之遊說 故牧齋所作關於馬進寶之詩文, 以叛淸復明。 皆用馬援之典。 華笑廎雜筆壹「黃梨洲先生批錢詩殘本」條, 此首亦是其一。 玩此詩之辭旨, 「東歸漫興」批 蓋懷疑進寶是否 云:

H ,供參證也。

牧齋意欲有所爲,

故往訪伏波,

及觀其所爲,

而廢然返權。

其 四云

草送吳佩遠 堂存稿壹叁「吳佩遠郊居」七律首句云:「雅遊季子已家貧。 柱」。)金雞 能 延陵君 林木池魚灰燼寒。 自 振, 而 作。 冬月着葛帔練 旋放少綸竿。 職方南訪行在, 其子貧薄, 駕湖恨水去漫漫。 裙。 故有任西華 舊棋解覆惟 )東市朝衣 兼會師鄖陽。 一之歎。 Ŧ 西華葛帔仍梁代,(自注:「南史, 粲, 尚 」四首之四結語云:「憑君馳蠟表, 漢 」寅恪案, 東閣 官。 西園 白鶴 一野看。 來之有子名祖錫,字佩 過歸無 」張玄箸煌言張蒼水集第貳篇奇 石表,(「石表」遵王注本作「表 (自注:「過 任昉子西華, 南 遠。 湖, 蚤晚聽鐃歌。 徐闇 望勺 流離 公釣 園 璜 悼 不

祖錫本末詳見徐俟齋枋居易堂集壹肆「吳子墓誌銘」及「吳子元配徐碩人墓誌銘」並蒼水集所附

詩自注所指來之之子,即是佩遠也。) 王慈撰張忠烈公詩文題中人物考略及陳乃乾陳洙撰徐闍公先生年譜順治三年丙戌條。 牧齋此

寅恪案,此首與下一題「感歎勺園再作」,同是爲吳昌時而賦,俟於下題論之。

### 其五云:

水跡雲踪 兩 頭。 少滯留。 古錦裹將唐百衲, 拖烟抹雨 一歸舟。 (自注:「買得張老頌琴, 雖無桃葉迎雙槳。 蓋唐斲也。」)行宮拾得宋羅睺。 (自注:「婦囑買婢不得。」)恰有蘭花 自

而牧齋不能完成使命。揆以當日情勢, 寅恪案,此首第壹聯可與前引「桐廬道中」詩「涉江無事且尋花」句並注參讀。 注 :「宋景靈宮以七夕設摩羅睺。 今市上猶鬻之。 江浙地域 亂離之後, 豈有買婢不得之理, 」)孺人稚子相勞苦, 河東君囑牧齋買婢, 握歡聲萬事休。 蓋舊時婢妾之界

然則買婢不得, 非不得也, 二首之二 「夫君本自期安槳」句, 乃不敢也。買琴乃爲河東君, 自注云:「有美詩云:迎汝雙安樂。 買摩羅睺乃爲趙管妻。 」今牧齋詩旣用王獻之故事, 牧齋此等舉動,

最知謹慎。第肆章引河東君依韻和牧齋「中秋日攜內出遊」

,本不甚分明。牧齋於此嫌疑之際,

眞不愧賢夫慈父矣。

第五章 不因落薄滯江干。 復明運動 那得歸來盡室歡。巷口家人呼解帶,牆頭鄰姥問加冷。 候門栗里天將晚

一〇五〇

秉燭羌村夜向闌。簷鵲噪乾燈穗結,笑憑兒女話團團

促成。 寅恪案, 惴惴 此首寫 而往 小別歸 施施 來, M 歸, 家人 塵聚之情事, 故慶幸之情, 溢於言 殊為: 表也。 佳妙。 牧齋性本 檢淸史列傳捌拾 怯懦, 馬逢知 此行乃梨洲及河 傳 略 云 東 君所

順治七年〕十一月土 賊 何 兆隆嘯聚 Ш 林, 外聯海 賊 爲進 寶擒獲, 隨 於賊管得偽 疏 謂 進

寶與兆隆通往 之督臣 陳 錦 來, 以 明 13 疏請明魯王頒給敕印。 跡。 錦 疏奏聞。 得旨 又得爲示, 設詐 離間, 稱進寶已從魯王。 狡賊 常情。 馬進寶安心供職, 進寶以 遭 謗 無 不 因 必驚 白

懼。

關係, 據此 馬氏 亦未可 爲 知。 反覆 然則牧齋此行, 測 可以推知。 實是冒險, 何兆隆 河東君送之至蘇, 案, 與牧齋金華之行, 殆欲壯: 其 時間相距至近 膽 而堅其志歟? 兩者 可或有

「感歎勺園再作」云:

比 意將復明也。 句遵王注引范石湖「占雨」詩「朝霞不出門, 曲池高 建 州 館望中賒。 以「暮霞」比永曆, 至上句遵王已引杜 燈火迎門笑語譁。 亦即左太沖魏 工部集壹致「秋述」一文「舊雨來, 今舊人情都論雨, 都 暮霞行千里。 賦「彼桑榆之末光, 」爲釋, 暮朝天意總如霞。 踰長庚之初暉。 甚是。 今雨不來。 但牧齋意則 (寅恪案, 」爲釋, 」之旨, 以「朝霞」 固昔 此

所習知。唯今日遊北京中山公園來今雨軒者,恐未必盡知耳。 一笑。)園荒金谷花無主, 巷

改烏衣燕少家。惆悵夷門老賓客,停舟應不是天涯。

寅恪案, 牧齋此行過嘉興, 至嘉興遇惠香(當即卞玉京。)河東君之訪半野堂, 實牧齋之微旨,尚不止此, 蓋勺園者, 感嘆匀園, 即河東君於崇禎十三年春由杭至禾養疴之地。 一再賦詩, 亦預定於此時。 兼寓朝政得失,民族興亡之感,不待贅論。 職是之由, 勺園 地, 是年冬牧齋 乃錢柳 其

首,最爲世所傳誦。讀者謂其追傷舊朝亡友而已,但不知其中實隱藏與卞玉京之關係。其微旨可 從原詩辭句中揣知之也。特記於此,以告世之讀駿公詩者。 因緣得以成就之樞紐。牧齋不憚一再賦詩, 殊非偶然。今梅村集中關於勺園之詩, 「鴛湖曲」

「婺歸,以酒炙餉韓兄古洲口占爲侑」云:

淺斟 注:「兄家藏楊許黃庭楷書, 好事何人問子雲。 猶憶醉紅裙(自注:「兄高年好談風懷舊事。 一甘逸少與誰分。 日無數紙。 酒甜差可稱歡伯,炙美真堪遺細君。 」)晴窗飯罷摩雙眼, 硬紙黃庭向夕曛。 大嚼底須回白首, 自自

寅恪案,有學集貳肆「韓占洲太守八十壽序」云:

歲在旃蒙協治雷州太守古洲韓兄春秋八十。 余曰,是吾年家長兄也。是吾吳之佳公子,良二

千石,國之老成人也。是閱覽博物之君子,海內收藏賞鑒專門名家也。

第五章

復明運動

柳如是別傳

嘉慶修雷州府志玖職官表明知府欄載

李之華。

韓逢禧。

長洲人。

官生。

天啓元年任。

丁緯。

范得志。

七年任。

古成罰きなりず

容庚君藏蘭雪齋刻定武蘭亭帖附韓氏跋云:

之富 廬。三卷同是定武真刻, 定武蘭亭, 詩綜伍壹韓世能條及同治修蘇州府志捌柒長洲縣韓世能傳等。)於萬曆甲戌曾得韓侂 又購得榮芭所藏本, 余先宗伯(寅恪案, 手搨 如此。 出 時余尚未生。 及余既長, 紙墨奇古, (天啓四年)甲子解組 逢禧父世能, 二卷皆嚴氏物。 神采勃發。 六百餘年神物, 歸 曾任禮部侍郎。 卷内有朱文公手題, 田, 篤好法書,遂蒙見賜。 榮芑本有項子京印識。 心厭煩 今得並來同聚 器 事蹟見明史貳壹陸黃鳳 復得親此 一室, 前後亦有項子京印 今閱此本, 臨玩最久, 大是奇緣, 合余藏二 與余所藏榮芑舊本 寢食與俱。 卷, 識 翔傳附世能 眼福良厚矣。 同 可 校 '見項 崇禎 於半 傳, 胄 喜書 庚午 沂藏 藏 Ш 草 物 百 明

又容君藏鍾繇薦季直表帖附秋囿老民跋云

其後。

半山老人韓逢禧。

(下鈴有「朝延氏」印。

〇五二

韓跋各看款題誌皆俗手揭去。 黑紙白字名曰黑老虎, 非降龍伏虎, 不能得也。

及翁同龢題詩二首,其二云:

學佛, 滿口娑婆不識佛,天台山鳥勸君歸。 再髡而再髮。 入天台遇樵者, 訶之曰, 何如一切都捐棄,黑老虎來爲解圍。(自注:「韓逢禧嘗 滿口娑婆哄度日云云。册有韓印,戲及之。黑

老虎乃前跋中語也。

又容君藏安素軒石刻中唐人書七寶轉輪聖王經附韓氏跋云:

書法悉宗右軍樂毅論,

時兼有歐虞褚體,

,正見其集大成也。

紙爲硬

人者,非此其何物耶?長洲韓逢禧識

爛漫七千餘言,神采燁然,眞世之罕物。

相傳鮮于困學公珍藏此卷於室中,

夜有神光燭

黄,

此爲唐相

鍾紹京手蹟。

唐蕉庵翰題「唯自勉齋長物志」中書畫名蹟類云:

舊物, 所用之印, 卷中無不有。 南海吳學士榮光所刻藏宋玉石本定武蘭亭, 與慮鴻草堂圖永興廟堂真跡九件, 其爲一時所押可知。 同時售於項氏天籟閣。 後有明崇正間韓太守逢禧跋云, 傳之有緒, 足爲吾齋中書跡甲 此卷項氏藏印纍纍, 觀。 明成國公朱篷庵 凡蘭亭

韓氏事蹟雖未能詳知, 寶之事無涉。 又非汪氏遊舫與湖山盛衰家國興亡有關者之比, 但依上所引資料, 亦可得其涯略。 牧齋此詩自表面觀之, 似甚奇特。細思之, 辭旨與遊說馬進 夏五 一集乃赴

動

婺說 挿入此題。 馬之專 集, 頗疑古洲旣 牧齋由 多藏 金華還, 彝器字畫, 即以酒 牧齋或取 炙 銄 韓, 其一二與馬 侑以 、此詩。 若說 伏波有關之假古 馬之事 與 韓 氏 董 無 關, 以爲 則牧齋 謁 見 進 不 應

贊。 欲「老飯空門」, 及昔年柳卞 及其 歸 世, 在臨頓里勻園之艷蹟 自應以 而不能實行者, 酒炙相餉。 其 又韓 故牧齋詩語戲及之。 人正與牧齋相類。 氏好談 風懷舊事, 有學集「病榻消寒雜詠」云:「 翁叔平謂 牧齋此次經過蘇州 再髡再髮」, 嘉 興 蒲團歷 足見韓氏 韓 氏 必 歷 與之談 前 亦 是 塵

「書夏五集後示河東君」云:

論

事,

好夢何曾逐水流。

」不僅自詠,

亦可

兼詠韓氏也。

慟哭, 側 亦庚寅歲也。 渡 囊新。 乞食吹簫 」)聞雞伴侶 笑此 知 身。 誰是, 南國 今 畫 年 虎英雄恐未真。 仍 甲子, 西 詩卷叢殘芒 昔 E 亦 庚 寅。 角 在 自 注 綠牕 剪 皐 燭 羽 與 西 君 臺

也。 君爲同心同志之人。 第陸句用後漢書列傳壹肆馬援傳, 寅恪案, 」之語。 此首爲夏五 牧齋蓋 疑馬進寶之不可 集全集之結論。 特也。 第貳句寓復明之意。 總而言之, 牧齋此次金華之行, 援誠兄子嚴敦書中「畫虎不 第叁句謂永曆正朔 猶存。 河東君 爲暗中之主 成 第伍 一句目 反 類 狗 河 持 者 東

牧齋 庚寅夏五 集後 \_ 年所賦之詩, 最佳最長者應推哭瞿式耜五言排律一 題。 本文以範 拿 限

制之

出

詩

辭旨

更無疑

義矣。

不能全引, 惟擇其中有關諸句, 並牧齋自注, 略論述之於下。

有學集詩注肆「哭稼軒留守相公詩一百十韻用一千一百字」略云:

(自注:「已下叙聞計爲位之事。 」)傷心寢門外, 爲位佛燈前。 働營魂逝, 三號涕 泗漣。

故引 門歸漢 刀投桂水煎。 庚寅 漠 以降之詞。 故國望 自注 姍 :「已下叙其戊辰後歸田燕遊 其聞 姗。 計辛卯夏也, 庚寅徵覽揆, 故引 辛卯應災躔。 朔 H 之事。 辛卯之詩。 自注 上) 拊 :「君生於庚寅, 心看进裂, 皆假借使之也。 彈指 省轟闃。 一劒 甲子 去 梧宮冷, 周 攀附龍 而終,

畫。于程又有師資之敬。」)

暇

領芳妍。

日落邀賓從,

舟移沸管絃。

丹青搜白石

杖履撰松圓。(自注:「君好藏白石翁

迥

追陪鶴蓋連。

園林歸綠水,

屋宇帶紅泉。

一飯常留客,千金不問田。

以忙消塊壘,

及

不以河東君爲然者, 軒與牧齋及河東君之關係, 庚辰冬初訪牧齋於半野堂。 寅恪案, 舟移沸管絃」句, 此或因稼軒雖曾賦詩, 關於錢瞿之交誼及當日明清興亡諸端, 或間 何故於錢柳因緣之韻事, 接有關涉 如第肆章論述絳雲樓落成詩所引牧齋尺牘例之, 但未被牧齋收錄所致。 次年即崇禎十四年辛巳夏錢柳結褵 尚難 確 定。 絕無一語道及, 若就稼軒方面言之, 茲不具論。 今日瞿氏作品遺佚頗多, 所可注 甚不可解。 於茸 意者, 則東山 城舟中兩大事。 姑記此疑, 即河東君於崇禎 訓和集中 稼軒似非如黃陶 殊不易決言, 不載瞿氏 牧齋此詩中 十三年 揆以稼 篇

傳

〇五六

又此年牧齋所賦詩當亦不少。 今所存者, 排列先後恐有錯亂。 詩題有關諸人,可考見者殊不多,

「寄懷嶺外四君」四首。 其一「金道隱使君」(自注:「金投曹溪爲僧。 )云:

故只擇數題列之於下。

(詩略。

(詩略。

其

「劉客生詹端」云:

其三「姚以式侍御」云:

(詩略。

其四「詠東皐新竹寄留守孫翰簡」云:

笋根苞粉尚

雜雜。

裂

石穿雲嶺外知。

祖幹

雪霜催老節,

孫篁煙靄護新枝。

紫泥汗簡連

青社分符奕葉垂。 昨夜春雷喧北户, 老夫欣賦釋 龍 詩。

前論牧齋「庚寅人日示內」詩及河東君和詩,

已略及金劉姚三人。惟瞿翰簡未及。

故特錄

寅恪案,

瞿忠宣公集陸,茲不具引。 此詩全文。「翰簡」者, 指稼軒孫昌文而言。 鄙意此時牧齋與永曆政權暗中聯絡。 永曆特任昌文爲翰林院檢討, 其寄此四詩, 稼軒 必有往來之便 兩疏懇辭, 原文見 運無

疑也。

「贈盧子繇」云:

雲物關河報歲更。 寒梅逼坐見平生。 眉間白髮垂垂下, 巾上青天故故明。老去閒門聊種菜,

朋來參語似班荆。 楞嚴第十應參遍, 已悟東方雞後鳴。

寅恪案,杭大宗世駿道古堂集貳玖「名醫盧之頤傳」略云:

之頤字子繇,生明熹宗時,號晉公,又自稱蘆中人。 父復 字不遠, 精於醫理。 舊史曰, 陳

目皆盲 自矜貴 歸里間, 曾藙傳論之頤云,歲丙戌監國者在山陰,之頤杖策往謁,大爲親信, 與舊相識者往來。 出入乘軒車,盛廉從,廣座中伸眉抵掌, **既既成廢人,不出户庭,而曩所交遊皆斷絕,** 門庭雜沓,踪跡不測。 論議無所忌。 性又簡傲, 詫歎一室, 竟以憤懣卒。 雖以醫術起家, 識者謂必中奇禍。頃之, 授職方郎。 輕忽同 此殆天之所 事敗, 跳身 兩 好

可見牧齋此時相與往來之人,其洲贈詩章見於有學集者, 以 保全之也。 大抵爲年少尚未有盛名, 而志在復明之

「七十答人見壽」(涵芬樓本題下有「辛卯」二字。)云: 如晉公即是一例。 其他諸人,皆可以此類推之也。

七十餘生底自嗟。 有何鱗爪向人誇。 驚聞窓容牀頭蟻, 羞見彭亨道上蛙。著眼空花多似絮,

寅恪案,葛萬里牧齋先生年譜順治八年辛卯條(參有學集陸秋槐別集「乙未小至日宿白塔寺與介立 撑腸大字少於瓜。三生悔不投胎處,罩飯僧家賣餅家。

第五章 復明運動

師兄夜話辛 卯秋憩友蒼石門院, 扣問 八識規矩, 屈指 又五年矣, 感而有作二首。

寓。 春 遊 朱雀桁 武 林。 市囂 夏有哭 聒 耳, 稼 軒 乃出城, 長 篇 自 棲止長干大報恩寺, 記 九月避 喧喧 卻 賀, 與二三禪侶優遊 扁舟 詣 白下懷東(自注 浹月, 論三宗而 :「佟中 理八 丞。

妥慎。 順治十 託跡方外, 爲便利。 詣金陵, 牧齋此年秋避壽卻賀, 云云。 六年己亥鄭 其言 然終嫌其囂聒 懷東是否在家, 若此 與 禪侣研討 輩謁牧齋於懷東寓 延平 內典, 往金陵寓佟國器家。 大學攻取 尙難 乃遷居大報恩寺。 確 恐不過掩飾之辭。 知。 南都之準備也。 所者過多, 即使在家, 頗疑此中尚有待發之覆。 據上 則不免惹起外間驚怪, 爲時亦必不久。 一引福建通志此年佟氏任福建左布政使。 後來牧齋再往金陵, 又檢許穀人浩基編鄭延平年譜「永曆七年 似此情況, 亦嘗棲止於報恩寺, 蓋當日志懷復明諸 轉不如竟棲止 牧齋與外人往還, 於佛寺, 至牧齋之 仍是爲 更爲 較

江, 載紛岐、 浩基按 而甲 午 莫知 名振 題 詩 與煌言凡三入長江, 所 祭陵。 據。 魯春秋東南紀事俱作壬辰。 臺灣外紀海上 而未知初 見聞錄 亦作癸巳, 入長 江爲何年?又不知題詩祭陵 海東逸史作癸巳。 而未言祭陵事。 小 腆紀 南 疆 年 縪 爲 史 作癸巳 何年? (明季 初 南 各 入長 書紀 略 則

月

張名

振

張煌

言請

師

入長江

上條,

附按

語

云

俱作甲午。 尤有不可解者, 全氏 撰着水碑云, 癸巳冬入吴淞, 明年軍於吳淞 會名振之師

長江, 遙祭孝陵。 Ш 猶 恍惚其詞, 甲午再入長江。蓋癸巳之明年即甲午也。既書明年,下復繫甲午, 後人更難推測矣。

假定張名振張煌言此次率師入長江至京口之年, 果爲壬辰者, 則其前一年辛卯秋牧齋避壽至金

陵 似與之有關。 而此年秋間牧齋所賦「京口觀棋六絕句」其六云:

金山

戰罷鼓桴停。

傳酒爭誇金鳳瓶。

此日江山紆白髮,

一杆殘局兩函經。

尤可注意矣。 夫牧齋不在家作生日, 避往金陵, 其故河東君必知之。 然則牧齋此次復明之活動,

河東君亦曾參預其事,可無疑也。

今檢有學集順治九年壬辰十年癸巳兩年間皆無詩什。 季春遊武 林, 復往金華。 先生伏波弄璋歌有「百萬婺民齊合掌, 》 金氏牧齋先生年譜癸巳條云:: 浴兒仍用五銖錢。 」等句。

此

蓋勸

伏波復漢也。

(原注:「壬辰癸巳奔走國事,

無詩。

武林觀棋及伏波弄璋歌

當是癸巳

按

並入敬他老人集者。 兩年不見牧齋之詩, 又按, (李)定國退師, 先生仍事聯絡, 其志彌苦已。

賦,實非有確據。 寅恪案, 金氏因此 澗遺老錢公別傳」云: 安西將軍李定國以永歷六年七月克復桂林,承制以蠟書命公及前兵部主事嚴栻聯絡東南。 但牧齋於此兩年間有學集中未錄存其詩,亦必有待發之覆。據塔影園集壹「東 因以意取順治十一年甲午所作「伏波弄璋歌」爲癸巳年所

第五章 復明運動

乃日 夜結客, 運籌部勒, 而定 國 師還。 於是一意學佛, 殫心教典, 凡十年 一而卒。

有學集叁柒嚴宜人文氏哀辭序云:

也。 絃 銘。 誌, 卒。 宜人姓文氏 肅忠果 么徽急, 宜 年 今老居此世, 伏地哭不能起。 四四 人從夫官信 IF 直 -有六。 墀歎壑盈, 耿然 東閣大學士謚文肅震孟之長 忍復執筆而銘其女乎?官隣金虎, 陽, E 如秋霜 月 余爲 俯仰三世, 有 哭其父過 感而 時, 夏日, 泣下。 1 愛其 葬於虞 時 於余心有戚戚焉。 而 往文肅輟講 女, 毁, Ш 女。 祖 以爲 忽 坐之側, 忽 嫁兵部主事 類己。 如 "筵歸, 不欲生。 感倚 彈毫綴思, 哀子 文肅參大 改葬陸夫人。 嚴杖, 伏於前。 能, 越 九年而 政, 屬其舅氏 少保益文靖諱 百端交集, 左帶沸唇 卒, 白 以丘 H 秉撰述 崇 而 嫂之誼 禎 罷 聊爲哀醉一通 甲 歸 訥 悼横 行狀來 申之十 里, 之孫 流 謁 踰 也。 於後。 余爲 請 年 爲 月 M 文

以寫余懷。

常 昭合志 稿貳 伍 人物門 嚴拭 傳 (參郟論逹虞 Щ [畫志 漬 嚴拭 條 略 云

選 嚴栻字子 舉表進士 」)知信陽 張 欄載:「嚴杖。 號髻 州。 珠, 丁艱服関, 澤 子。 崇禎[七年]甲戌科進士。 少穎 起爲兵部主事, 悟, 工書 篆刻 未赴。 舉 兼 順治初, 人欄 善 騎 射。 載 嚴杖。 大吏交薦 登進士 (寅 崇 、恪案, 禎[三年]庚午科 自以 衰廢固辭。 本 志 拾

卒年七十有九。

夫顧云美所記, 自非虛構, 可不待言。然今尚未發現他種材料可以證實顧氏之說者。 檢明史貳柒

玖堵允(胤)錫傳略云:

時(桂)王在武岡, 加胤錫東閣大學士,封光化伯,賜劍,便宜從事。 胤錫疏請, 得給空敕鑄

印頒賜秦中舉兵者。時頗議其專。

是舉動 題跋「鈔本存信編跋」所引。)云: 則李定國 承制, 何況李氏復取桂林, 以蠟書命錢嚴聯絡東南, 孔有德自殺, 亦是可能。 聲威正 盛之時乎?沈佳存信編(據朱希祖君明季史料 蓋胤錫當日地位權勢遠不及定國, 尚能作如

還 黔請 影贊」有「朝扶鸞, 五兄藏名酒肆, 如何也。 秋文安之密與全古曰, 永曆六年(壬辰)冬謙益迎姚志卓朱全古祀神於其家。 招集義 命之舉。 册封漳國公鄭成功爲延平王。 我當以冬還蜀 兵海上。 七年(癸巳)七月,姚志卓入貴筑行營, 自號陶然。 夕降礼。 冢宰范鑛以朱全古萬里赴義, 劉(文秀)李(定國)之交必合,衆志皆與孫(可望)離, 君可以春還〔吳〕,吳楚上下流觀察形勢,各靖其志。 」之語。 余爲更之曰逃禪,戲作四小詩。 九年三月簡封朱全古兼兵科給事中, 未知朱逃禪是否即朱全古?附記於此, 題授儀制司主事。 (寅恪案, 上疏安隆, 」一題及同書肆貳「戲作朱逃禪小 有學集肆絳雲餘燼集上有一朱 召見慰勞賜宴, 八年七 視師 以俟更考。 海上。 但未知事機得失 是年春,海上 月遣内 遺志卓 先是甲午 臣至廈 )定入 東

〇六二

有警, 志卓已 行營吏部 卒。 全古宣敕 尚書范鑛請遣使宣諭姚志卓, 拜 奠。 T 西入楚報命。 遂命全古。全古還吳, 十三年六月延平王鄭成功率 轉渡江, 師 圍 由海 門至前 1

南疆逸史叁陸姚志卓傳云

乙未冬入海 攻崇 明, 歿於陣。 浙東封 仁武 伯

篇後來以避忌諱 假定沈氏之言可 信, 刪棄 姚志卓朱全古曾於壬 殊不足怪。 投筆集 小舟惜別云 辰年親至牧齋家, 則錢柳復明之舉動, 若是活躍 其詩

議 北斗 阮姑娘, 内子 垣 牆 盡囊以資之, 闇 赤暉。 誰占朱鳥 始成一軍。 一星微。 」)滅損整鹽餉饮飛。 破除 服珥裝羅漢, 娘子繡旗 (自注 :「姚神武 管壘倒, 有先裝五百羅漢 (自注:「張定 」)將軍 西謂 鐵稍 之

吾當派汝捉刀侍柳夫人。 (自注:「乙未八月神武 血戰 阮喜而受命。 死崇明城下。 舟山之役, 」) 鬚眉男子皆臣子, 中流矢而 殞。 惜哉 秦 越越 1 何人視

自注: 夷陵文[安之]相國來書 云 云。

乙未, 前論黃毓祺案牧齋被逮之年, 據牧齊所言, 姚氏之死於前 與 南 疆 河東君 逸史同, 年, 鄙意牧齋爲親預此舉之人,此詩又涉及河東君, 捐資以助姚軍 唯秋冬季節稍異。 可以推知也。至阮姑娘者, 應在甲午及乙未兩年 是志卓之死在九十月間, 間事, 當實是女性。 而牧齋以姚氏 故傳聞微 其所記之年, 汪光復明季續聞略云: 有參差耳。 戰 死 必非 於順 誤記。 至 治十二年 本列

己丑秋晉阮進太子少傅。進姪浚英義將軍。阮美阮騂阮驥俱左都督。

スニス・

甲午春正六日,再入京口,至觀音門儀真一帶,擒斬參將阮姑娘。

阮姑娘究爲何人,尙待考證。但其爲阮進之女或姪女,似無可疑。若非然者,張名振絕不致派一

以牧齋秋興詩自注中之阮姑娘爲阮駿,而以甲午年死於京口之阮姑娘別爲一人,誤矣。又牧齋 男子侍柳夫人,豈不成爲河東君之面首,而牧齋亦不應以定西此語相誇也。 金氏牧齋年譜丙申條

了解當日之今典也。檢釣璜堂存稿貳拾「北伐命偏裨皆攜室行,因歌之。」云: 「娘子繡旗營壘倒」句,自是指阮姑娘。 遵王注引唐平陽公主事爲釋,此世人習知之古典,尚不足

旌旆飛揚羯鼓催。 浪激風帆高入雲。 相看一半石榴裙。 既喜將軍揮羽入 更看素女舞霓來。 簫聲宛轉鼓聲起, 江左人稱娘子軍。 揮戈築壘雨花臺。 左狎夫人右酒杯。 長江鐵鎖一時開。

笑指金陵佳麗地,只愁難帶荔枝來。

徐閹公先生年譜弘光元年(自注:順治二年。)乙酉條云:

冬在賦娶戴氏

年譜後附錄黃仲友定文東井文鈔「書鮎埼亭集徐闍公傳後」云:

戴氏者,從亡總兵戴某女也。與闍公善,謂闍公文弱,風濤戎馬,難以自全,而其女有文武

傳

其我

〇六四

才, 負骨 歸 以 葬, 妻開 許之。 戴 乃與其仲子永貞扶槻歸 戎 裝握 刀上 陣, 艱危奔走, 松 江 , 卒賴 與 闇 其 力以免。 公前妻姚, 闇 同 公卒於潮, 志相守以 死。 戴上 書州 至今松 江 X 乞

師還, 訛也。 寅恪案, 室戴夫人事, 以後之復明 二年乙未由朱全古轉致者。 於是一 至金 而非 闇公之詩似 活 氏牧齋年譜 阮駿之託名, 動, 則知當時海 意學佛, 但不欲顯言之, 護當 殫心教典, 謂「定 更得一 上復明 姚氏 [復明舟師 位國退 封號, 旁證矣。 諸 師, 軍, 恐招致不 凡十年而卒。 偏裨攜帶眷屬, 先生仍事 似以溫書作「仁武」者爲是。 實有能戎裝握刀上陣之女性, 又牧齋詩自注引文氏 便耳。 聯絡, 」則殊與事實不符。 致妨軍事之進行者。 其志彌苦已。 書語, 若「神武」, 云美非不知牧齋在定國 」所言甚是。 此書疑是永曆 故牧齋詩自 但復據黃 則 注 恐因吳音相 顧氏 氏 九 中 所記 年 Ż 所謂 即 阮 順 姑 闇 定 娘乃 公後 近 治 或 致

戎 順治十一 四十壽 年甲午牧齋集中 序」略云。 有二作品與馬進寶有關, 亦即 與復明之活動有關也。 牧齋外集拾「 馬

大元 以 老辱 我馬 知於公, 公專征 秉鉞 禮之 以 開 (函丈, 府 婺州 申之 者七 以盟 載 餘, 好, 而 其能 春 秋 方 不叙次一 四 + 言, 四 月 + 以 效封人之祝 有三 日, 爲 弧 之辰。

寅恪案,

清史列

專價

和

碩端重親王

博洛傳云:

及同書捌拾馬逢知傳云:

克金華,

故牧齋謂馬氏「開府婺州者, 順治〕三年從端重親王博洛南征, 七載餘」, 應指自順治三年七月至十一年四月而言也。 即令鎮守。

有學集伍絳雲

餘燼集下「伏波弄璋歌」六首,其五云:

龍旗交曳矢頻懸。綉褓金盆笑脅駢。

百福千祥銘漢字,浴兒仍用五銖錢。

寅恪案,依「摸頂」句, 充閣佳氣溢長筵。 可知馬進寶生子, 孔釋分明抱送年。 牧齋親往金華致賀。其時間當在甲午秋間, 授記不須尋寶誌, 老夫摩頂是彭錢。

陸題爲「甲午春觀吳園次懷人詩卷」及同書壹柒「季滄葦詩序」云:「甲午中秋余過蘭江。 又此歌前第貳題爲「武陵觀棋六絕句」,其第壹首有「初桐淸露又前期」句,其第陸首有「太白芒寒

觀此歌前第

」句可證。

檢後漢書列傳壹肆馬援傳云:

上書言,宜如舊鑄五銖錢。

事下三府,

三府奏以爲未可許,

事遂寢。

及援還

秋氣澄」句,是牧齋此次往金華,秋間經過杭州之一旁證也。牧齋「五銖錢」句,復明之意甚顯,

遵王不敢注一字。

初援在隴西,

從公府求得前奏難十餘條 乃隨牒解釋, 更具表言 帝從之。

第 、五章 復明運動

則牧齋之詩, 不僅 表 示 復明之微旨, 實亦採 用 馬文淵 故事 也。 但馬 氏雖 愛結納 名流 實不 通文

句。 治十 墨 夢謁吳相伍 「多夜假我堂文宴詩, 牧齋之深意, 一年甲午, 君, 十二年乙未, 延坐前 彼自 不能了 席, 有序。 享以 解也。 兩年所賦之詩, 魚羹, 感而有述。 「歸自吳門,[袁]重其復來徵詩。 多阮葵生茶餘客話 與蘇州有關者甚多。 」「〔葉〕聖野〔襄〕攜伎夜飲綠 捌 馬進 寶 如「甲午十月二十夜宿假我堂, 條。 小至日 )復次, 止宿 水園, 有學集 劇 談 戲 詩注 喜 題 M 四

作。 得絕句 路安卿登高 「甲午仲多六日吳門 八首。 穉昭 莫釐峰 少年未 舟中, 娶, 占二首」(寅恪案, 不肯席帽北遊, 飲罷放歌, 爲朱生維章六十稱壽」「虎邱 此題 故詩及之。 可參牧齋外集集「 「乙未秋日許更生扶侍太公邀侯月 翁季霖詩序 舟中戲為張 \_ 0 五 遊東 穉 昭 Ш

雨

有

絕

梧降 臺, 來於常熟蘇州 构 蘇州乃省會所在, 清以前 次許 JU 律 起文韻 證 之 尚未被清 終不能使 益 其往來經過, 「路易公安卿置酒包山官舍即 爲 明 廷 顯 覺察。 人無疑。 矣。 茲錄 牧齋之屢 原不足怪。 前引廣陽 路 易公(寅 遊 雜記 蘇 但牧齋此 州 謂 席有作二首」等題, 恪 或與 鄭 案, 成 兩年間 功設 通海之舉 涵芬樓本亦作「易公」疑「易」乃「長」字之 有 復明之活動正在暗中進行, 商店 動有關。 於蘇 可 爲 州 例證。 若 更 在順治十三年七 取 夫牧齋家居常熟 與路安 文卿有 其頻繁往 關 月黃

之

誤。 其一云: 安卿 置 酒包山 官舍 即席有作。

二首」於下。

伍

順

綠酒紅燈簇紙屏。 臨觴三嘆話晨星。 刊章一老餘頭白, 抗疏千秋託汗青。龍起蒼梧懷羽翼,

鶴歸華表佇儀型。撑腸磈礧須申寫,放筋捫胸拉汝聽。

「懷羽翼」下,遵王注云:

唐王以違禁越奏, 國變後, 文貞護之出。 錮鳳陽高牆。 至南中。 崇禎癸未路公總漕蒞任, 乙酉□□□□ 鄭鴻逵奉唐王入閩, 謁鳳陽祖陵。 **憎然念天潢子孫** 七月即□□於福 賙

閣大學士。澤濃改名太平,官職方司員外郎。丙戌三月□□延平,公居守建寧。八月仙□ 金。公偕次子澤濃,問行入關。十一月詣□□,拜太子太保,吏部尚書,兼兵部尚書, 州。下韶求公。曰,振飛於□有舊恩,今攜家蘇之洞庭山, 有能爲 [致之者, 官五品, 文淵 賞千 霞關

陷, 姓於廈門。戊子六月□□□端州, 蒼皇西□, □公視師安關, 手□召公。 公趨赴延平, 公力疾赴命, 與□□相失,航海走廣州。 道卒於順德。 | 贈左柱國特進光 廣州復陷 依國

其二云:

禄大夫太傅,

謚文貞。蔭一子中書舍人。

秋風賓客孟嘗門。 霜髩飄蕭念舊思。 燈前戰壘分吳越, 郎君東閣重相存。 范蠡船頭好共論 饑來美饌忘偏勸, 亂去清歌記旅魂。故國湖山禾黍日,

第五章 復明運動

小腆紀傳貳肆路振飛傳略云:

賊劉 路振飛字見白, 數勾 紅 曲周人。 天啓乙丑進士, 夷入 犯,懸千金激勵將士, 除涇 於是鄭芝龍等破之。 陽知縣。 崇禎初,徵授 八年 御史。 巡按蘇松。 尋出 常熟 福 建。 奸 海 民

而 語刺體仁。 體仁益悉, 激帝怒, 謪 河南按察司檢校。

張漢

儒計

鄉

官錢

謙

益瞿

式耜

貪狀,

(溫)體仁主之,

坐振

飛以

失糾,

擬旨令自陳,

乃白謙益

式

寅恪案, 牧齋詩題中之「路長公」即指見白長子澤溥而言。 徐嘉顧亭林先生詩箋注伍「贈路舍人澤

東山峙太湖,昔日軍所次。奉母居其中,以待天下事。

賦詩, 有政治活動。 則澤溥之久居太湖東山 感念舊情, 蓋路氏父子與鄭芝龍鴻逵成功兄弟父子關係密切,牧齋尺牘上「與侯月鷺」四通 溢於言表, 不歸曲周故里之心事, 自是應爾。 但此時牧齋之與路氏兄弟往來, 爲亭林一語道破矣。見白以袒護錢瞿 恐不僅懷舊之意, 一謫官, 實兼 牧齋 其

第貳通略云:

蓋 E 客秋至今, 非箇中人 承尊命, 有所避忌也。)期以長夏了此功課, 敢 那能委悉如 往況味, 復固辭? 此。 如魔如病, (寅恪案, 桑榆 之收,良有厚望。 今涵 口不能言。 並路文貞神道碑次第具藁。 芬樓有學集補載「侯母田太夫人墓 手教津 拊髀嘆息, 津, 一筆描盡。 知有同心。 安卿昆仲煩爲致聲。 河上之歌, 誌銘」, 太夫人不朽之 殊多删 同 相

其第肆通 多所觸忤。 文貞公墓隧之碑, (寅恪案, 不肖老矣, 頭童齒豁, 一無建樹, 此通與牧齋外集貳貳與路(自注:「名澤溥」)書文字全同。 伏承尊委, 不辭固陋, 謹草勒輒簡呈上。 惟此三寸柔翰, 切念時世改遷, 忝竊載筆, 略云: 不用此表揚忠正, 物情人事,未免

信 指斥奸回,定公案於一時,徵信史於後世,依違首鼠, 汗青, 其如此中耿耿者何哉?謹用古人陽秋之法, 據事直 模稜兩端, 無論非所以報稱知己,取

路中書家傳及同 澤淳,字聞符。 謂出於牧齋所撰路文貞公神道碑, 可供參證。 少澤濃,字吾徵,唐王賜名太平,牧齋似不應誤以澤濃爲次子也。 .書捌路文貞公行狀兩文亦皆詳實, 諸書記載路氏父子事甚多, 則恐未當。蓋見白三子長澤溥,字安卿, 以遵王注關涉振飛事較詳, 可供參證。)惟不悉錢曾所據爲何 故附錄之。 號蘇生又作甦生。次 數百年來記載 種資料, (歸莊集柒

牘第貳通「客秋」之語, 閔氏自撰「書顧亭林廣師後」一文,並李桓者獻類徵叁捌壹金德嘉代某撰「路澤濃墓誌銘」等, 路氏兄弟諸書, 又金氏牧齋年譜己亥條云:「冬爲路文貞公神道碑。 殊多混淆舛譌。此點可詳閔爾昌碑傳集補叁伍歸莊撰「路中書〔澤淳〕家傳」中所附 當指順治十六年己亥秋間鄭延平攻南京失敗之事。 」未知金氏何所依據。 然則路碑之作成, 但牧齋致侯性尺 茲不 應在

順治十七年庚子也。 殘燈顧影見蹉跎。 俟考。 十五年來小劫過。 復次, 有學集詩注陸「贈侯商邱若孩四首」其一云: 曾捧赤符迴日月,遂刑白馬誓山河。 閒門菜圃英雄少,

第五章 復明運動

是別傳

朝 日 瓜畴賓客多。 挂壁龍淵慙繡澁, 爲君斫地一哀歌。

九疑 三十登壇鼓角喧。 綿亘誤招 魂。 與君贏得頭顱 短衣結束署監門。 在, 話到驚心手共捫。 吹簫伍員求新侶, 對酒曹公念舊恩。 五嶺蒙茸 餘剩髮

蒼梧雲氣尚蕭森。 拂井參。 八桂風霜散羽林。 射石草中猶虎伏, 戛金壁外有龍吟。 夢迴芒角生河

## 其四云:

醉後旌旗

莫向夷門尋舊隱,

要離千載亦同心。

人間 橘社傳書近 祗 解楦 ト隣。 麒 麟。 相逢未辦中 龍宮破陣樂章新。 il. 酒, 且買黃柑醉 蒼梧野外三衣衲, 凍春。 廣柳車中七尺身。 世事但堪圖鬼魅

寅恪案, 華笑廎雜筆壹 「黃梨洲先生批錢詩殘本」條,「贈侯商

侯性字若孩, 商丘人。 在廣西時, 有翼戴功, 封祥符侯。 丘四首」批云: 兩粤既破, 遁跡吳之洞

庭山。

## 小腆紀傳叁陸侯性傳云:

御, 侯性不知何處人。 至宮人衣被, 皆辨。 永曆 時, 上喜, 以總兵衛駐箚古泥關。 口授商邱伯。 丁亥上幸武岡, 性往來迎駕。 自三宮服

金氏牧齋年譜「[順治十三年]丙申」條云: 及「順治十三年丙申」條云: 其地一事。葛氏牧齋年譜順治十一年甲午條云: 引廣異集柳毅傳書故事。 頗疑若孩之卜居吳中太湖之洞庭山, 尚待詳考。 尤可注意者, 復明室之企圖。 集「贈侯商邱」一題,蓋誤認侯商邱爲侯朝宗也。)最可注意者,第肆首第壹句用太平廣記肆壹玖 月鷺旣爲商邱人, 又經永曆口授商邱伯, 故牧齋遂以此目之。(孔尚任桃花扇考據引錢牧齋有學 爲長江口岸之巨鎮,先生與同邑鄧起西,崑山陳蔚村(原注云:「常主毛子晉。 江 爲憲副 移居白茆之芙蓉莊, 是歲移居紅豆村。 是年卜築芙蓉莊,亦名紅豆莊。 , 嘉定等諸遺民往還,探刺海上消息,故隱迹於此。 臺卿公(玉柱)外孫, 柳南隨筆伍云:「芙蓉莊在吾邑小東門外, 然則牧齋其以錢塘君比鄭延平, 即牧齋於順治十一年甲午卜築白茆港之芙蓉莊, 即碧梧紅豆莊也。 故其地後歸尚書。 在常熟小東門外三十里。先生外家顧氏別業也。(寅 而期望終有「雷霆一發」之日耶?此說未敢自信, 莊有紅豆樹, 去縣治三十里, 一以避人耳目,一以與東人往還較便利 , 殆有傳達永曆使命, 接納徒衆, 又名紅豆莊。 白茆顧氏別業也。 並於十三年丙申遂遷居 」可供參考。 」)歸玄恭及松 某尚 )白茆

恢

也。 巡司。 (寅恪案, 」並龔立本松窗快筆拾「白茆」條皆可證明金氏之説。) 嘉慶 一統志柒捌關隘門云:「白茆港巡司在昭文縣東北九十里。 宋置寒。 明初

齋此 夫牧齋於此 際何 以得此巨款經營新居?豈與蘇 時忽別購紅豆莊於白茆港, 必非出於偶然。 州鄭氏所設之商店有關耶?俟考。 金氏所言甚合當日 事理。 所不可 知者, 牧

茲有可 雞喔 事。 嗟夫 他 秉燭 主 崑 注意者, Ш 張奕綏子。 歸 有 悲涼甲帳, 杜 夜 其相舞。 談 地老 陵箋注 莊玄恭, 悉索 天荒 即假我堂文讌, 相 美哉 與 嘉定 似拜 刊削 敝 拈 惻 吳 韻 賦 馆窮塵, 吾其衰矣。 通天。 侯 豕 徵 以 詠 魚 玄 詩 致 者, 泓研德, 師, 諸 霑灑銅 究在何年之問 君 晉室陽秋 留 袁 則 既裴然成 山崩鐘應, 連永夕。 駿 吾豈敢。 盤, 重其。 長洲金俊明孝章, 鐫除 如臨渭水。 言之不足, 章。 珠囊金鏡, 題是也。 國有人焉。 歲在甲午陽月二十 寅 島 和以 八 恪案 索。 楚聲, 有學 三爵既 攬衰謝於斯文。 重其 葉襄 於是涿水名園, 集詩注伍「冬夜假我堂文宴詩 賤子 事蹟 醉。 聖 野, 有 亦慨然而 可 四座 慨當以康。 八日。 參趙尊三經達 徐晟 勿證。 紅藥朱櫻, 禎起, 客爲 賦。 明 燈 良夜 夜鳥咽而 宵集 吳江 無 陳 以 漸闌 朱 老 感昇平之故 歸 鶴客 鶴 金閨 玄恭先生 不 龄 而 序云: 啼, 佳 長 捨 堂之 詠 我, 繼

朱長孺鶴齡愚養小稿玖「假我堂文讌記」(寅恪案,

庚辰仲春燕京大學圖書館校印本愚菴小集玖此

永

三年即

順治六年己丑「十一月袁重其駿來訪。

」條所引資料。

)余則虞山錢

也。

而色飛,

聖野約

**悵雲巒之非** 

先生再叠前

明燈

促

前

花残

第

五章

復明運動

〇七四

当 首。 奏 輩乃以羸師應戰, 聖 次日余七人又各次和一首。(自注:「詩多不錄。」)先生之詩如幽燕老將, 野 鶴 輙 客硯德皆赴召修文, 復製序弁其端。 (燕京本「應」作「誘」。 先生亦上 都人詫 乘箕尾矣。 爲 )有不轍亂旗靡者哉?先生顧不厭 美談 好事之徒, 南皮才彦, 傳之 半化 剞 烟雲。 劂。 迄今未及 臨頓 以 隋珠 唱 介馬 博 衝堅。 紀, 燕石 空存竹 而 每 吾

1

追記前事,偶誤「甲午」爲「丁酉」歟?俟考。 朱兩人所言, 集詩注伍「和朱長孺」七律自注 年「丁酉冬日」,兩者相差三年。 寅恪案, 樹。 假我堂即在張士偉淥 後之君子登斯堂者 明是一事,而牧齋以爲在順治十一年「甲午陽月二十有八日」, 當必喟然有感於嘉會之難再也。 水園中, 云:「長孺 鄙意有學集第伍卷諸詩排列先後頗相銜接, 異度與牧齋之交誼詳見初學集伍肆張異度墓誌銘。 方箋注杜詩。 至長孺記中「余叩古文源流」一語, 」與序中「杜陵箋注, 悲夫 長孺以爲在順治 似無譌舛。 刊削豕魚。 恐非偶然。 或者長孺 之語 蓋有學 今繹錢 干四四

復有 過 春鳥 種烟 可 附論 圖」云: 幕彈耳。 牧齋順治十一年至 今詳檢此時之作品中, 蘇 州 陰爲 亦有非政治性質者, 復明活動 表面 則共諸文士遊宴, 如有學集詩注伍敬他老人集下「題

台。

長孺不道及注杜

事,

殆有所諱,

可謂

欲蓋

愈彰

者矣。

笑!

婀 娜黃金縷, 春風上苑西。 靈禽能嘯侶,(寅恪案,涵芬樓本「嘯」作「笑」。非。)先揀一枝棲。

資談助

葛氏牧齋年譜順治十二年乙未條 云:

冬有寶 應准陰諸 詩 時三韓蔡魁吾爲總漕。 又自記小至日宿白塔寺, 與介立師兄夜話。 長干

蔡魁吾名士英, 偕介丘道人同 榻, 事蹟附見淸史稿貳陸貳其次子蔡毓榮傳及錢儀吉纂碑傳集陸壹蔡士英 有詩。

谿草堂歌爲寶應李子素臣作 傳。今檢有學集詩注陸有「寶應舟次寄李素臣年姪」「題黃甫及舫閣」「寄淮上閻再彭眷西草堂」「竹 」等題, 並有學集貳陸乙未嘉平月所撰之「竹谿草堂記 」皆與牧齋順治

十二年乙未多間訪蔡氏於淮甸有關之作。 更檢牧齋尺牘致蔡魁吾四通之二略云:

自老公祖 旌節 還朝, 不肖弟瞻 企 一德輝 雲泥 迥絕。 頃者恭聞 一条命 再蒞長淮。 歲幸云暮,

未

初視之, 順治十二年乙未蔡士英總督漕 能 即 叩 似與牧齋此 堂階 謹裁里言 次訪蔡有 , 關。 具粗 幣, 但檢清 附敝 史稿貳佰叁疆臣年表壹總漕欄載: 相知黃 南及便郵, 奉 候萬

順治十三年丙申蔡士英。

順 治十 四年丁酉蔡士英八月戊戌召。 九月辛丑亢得時總督漕 運, 洲 /無鳳

順 治十五年戊戌亢得時。 八月癸巳蔡士英總督漕運 巡撫鳳陽。

順治十六年已亥亢得時七月庚辰溺死。

順治十八年辛丑蔡士英病免。

進士, 及, 則牧齋 人爲之介紹, 老耄之年,奔走道途, 閣「且試燈前一局棋」, 恐讀者誤會, 此札 寄閻再彭詩「西向依風笑, 乃順治十六年己亥八月以後蔡氏 今不易考。 附辨之於此。 遠遊淮 復與前引牧齋寄瞿稼軒書中所謂「棋枰三局」之意符合。由此推之,牧齋以 檢閔 爾昌 甸, 總之, 碑 其非尋常干謁洲應之舉動, 南枝擇木謀 傳集補伍 牧齋此 重任漕督 行必與 玖列女壹載徐世昌撰盧龍蔡琬傳(參淸史稿 等句, 時所作, 復明 可知李閻皆心懷復明之人。 運 動 抑又可知。 與此次訪蔡無關。 和相涉, 觀寄李素臣 惟錢蔡二人之關係 因札 詩、冠 至題黃 中 劍 涉 伍 甫 及 及何 及舫 黄 年 佰 唐 甫

列女傳「高其倬妻蔡〔琬〕」傳及楊鍾羲 雪橋詩話叁「高文良」條。 ) 云 :

綴言為一吳三桂先世」條。 音者 蔡琬者, 字季玉。 百 稱 緩 國 遠 色。 將 吳亡, 軍 )生琬 盧龍蔡毓榮之女, 歸毓榮, 明豔媚雅 (寅 格案 淹貫羣書。 高文良其倬 此 點 其倬章疏移檄 可多奕廣撰 之繼妻也。 佳夢 初 吳三 軒 多出其手裁 叢 桂 著 龍 之 姬 有 東 面 觀

閨中良友。 (參沈歸愚德潛國朝詩別裁叁壹蔡琬條。)其倬撫蘇州, 與總督[趙芸書宏思]不

合, 卓然孤立, 屢爲所傾陷, 羣仍恐太分明」。 蓋規之也。 琬素工詩, 嘗詠白燕詩得「有色何曾相假借」之句, 著有蘊眞軒小草。 沈德潛別裁集稱其擲地有聲。 琬應聲代對之曰,「不

子曰, 裕举序則謂其事姑相夫訓子皆至賢孝, 琬之母一吳家姬耳, 而生女賢明若此, 身處崇高, 可謂出淤泥不染者矣。 跬步守法, 友愛任恤 詩日 有古丈夫風焉。 委委佗佗, 如山 君

如河。 氏有之焉。

蔡季玉琬蘊眞軒詩鈔上「滇南爲先大夫舊蒞之地。四十年後,余隨夫子督滇, 大人之墓有宿草矣。 撫今憶昔, 凄然有感, 因得八長句, 用誌追思之痛。 」其第伍首「九峯寺」 目擊勝概猶存, m

蘿壁松門一 徑深。 題名猶記舊鋪金。 苔生塵鼎疎烟歇, 經蝕僧廚古木森。 赤手屠鯨千載事,

沈確士選此詩, 評云:

白

頭

歸 佛一

生心。

征

南部曲皆星散,

剩有孤僧守故林。

綏遠將軍平吳逆後, 集「重經香界寺」詩, 以證「白頭歸佛」之句。 隨獲譴咎, 歸空門以終。 (又楊子勤先生亦引毓榮猶子蔡若璞珽守素堂

第五 寅恪案,今檢蘊眞軒詩鈔,惟此滇南八律最佳, 章 復明運動 其餘諸詩皆未能及。 蓋具眞感情也。 假定季玉母

及清史稿貳 實爲吳月所之寵姬者, 陸貳蔡毓榮傳。)故季玉於滇南感舊諸詩, 則與 、陳畹芬同是一流人物。 仁 
を 
と 
後 
護 
・ 言之猶有隱痛焉。 與此點有關, 夫八 面 (可參清 觀音與 畹芬 史列 俱 傳染 在

綜合上引材料, 旣不如高章之, 牧齋之老歸空門 實異也。 昆明平西王邸第, 有理由。 然八面觀音獨能生此季玉,通文藝, 故錢蔡之關係, 足知蔡氏 管妻復更不及蔡季玉, 相類似。 畹芬又曾與河東君同居蘇州之臨頓里。 門, 與錢佟(國器)之關係, 殆所謂異中 雖源出明代遼東降將, 有同, 則不暇爲蔡仁菴及八面觀音羨, 同中有異者耶?吾人今日讀舊時載記見錢柳之婿趙管 工政事, 頗與河東君相彷彿。 約略相似, 然漢化甚高。 時越數十年,地隔數千里, 而與錢馬(進寶) 牧齋與魁吾之往來頗密 而深爲錢柳之不幸悲也。 之關係大不同也。 仁菴白頭 歸 可云似同 佛, 復與 實 而

有學集陸「寶應舟次寄李素臣年姪」云:

復次,

牧齋順治十二年乙未冬間訪蔡魁吾於淮甸,

其詩什所涉及諸人之中,

唯李素臣與黃甫及,

須略論之於下。

冠劍丁年唐進士。

同書壹捌「李黼臣甲申詩序」云:

〔黼臣〕以書生少年,當天崩

地

坼之時,

自以受國恩,

抱物恥,

不勝枕戈躍馬之思。

其志氣固

不可遏抑矣。

同書貳陸「竹谿草堂記」略云:

蔽,豈其上有許由冢乎?臨斯湖也, 李子薄遊燕趙,憑弔陵市,毀車束馬,結隱挫名。 朝而浴日焉, 覽斯山也, 夕而浴月焉, 陵阜延亘, 草木蒙籠, 咸池丹淵, 猶在吾池沼乎? 部隻隱

乙未嘉平月記

漁洋感舊集肆李藻先條云:

藻先字黻臣, 江南寶應縣順治丁酉舉人,右通政茂英之子。有甲申詩,湖外吟, 南遊草。

後附案語云:

是科江南場屋弊發,按驗得白者,藻先及陸其賢沈旋三人而已。龔芝麓贈詩云,名成多難後, 心白至尊前。(寅恪案,孝升此詩見定山堂詩集壹叁「送李素臣孝廉歸寶應」四首之一。)

道光修寶應縣志壹陸李茂英傳略云:

其一也。 同年矣。)子藻先,字素臣,順治[十四年]丁酉舉於鄉。科場難起, 故也。又牧齋乃萬曆三十八年庚戌進士,其詩題稱李素臣爲「年姪」, 李茂英字君秀,萬曆三十九年進士。(寅恪案,「九」爲「八」字之誤。 蓋萬曆三十九年無會試 按驗得白者三人, 藻先 更可證知牧齋與君秀爲

寅恪案,李藻先爲明室故家。依上引資料,則其人亦是有志復明者。但後來變節,恐亦與侯朝宗

第五章

復明運動

論。)至素臣是否與蔡魁吾有關 口 類, 皆不得已而爲之者耶?(可參第肆章引壯悔堂文集所附侯洵撰年譜順治八年辛卯 尚待詳考。 有學集詩注貳秋槐支集「己丑歲暮讌集 連 宵, 於時 條 及所

客遠來,樂府駢集, 風 雪填門噪晚 鴉。 縱飲失日, 脩脩書劍到天涯。 追懽忘老, 何當錯比楊 即事感懷, 雄 慨然有作, 宅, 恰似 相逢劇孟家。 凡四首。 夜半壯心迴起

送 酒 客 闡 留 清 髡 淚落 促 悲笳。 席 初。 流年 履交袖 遒 拂樂 盡 那 堪 方 餞, 舒。 卻 酒 喜 旗 飛 星 騰莫景斜。 F 天 猶 醉, 燭 炬 風 欹歲 旋 除。 霜隔簾

衣

春

盎

月 停 歌 板夜 徐徐徐。 觥船莫惜 頻 頻 勸, 已是參橫斗轉 餘。

風 光 如 夢 夜 如 年。 如 此 懽 娛 但可 憐 曼衍 魚龍徒 瞥爾 醉 鄉 日月故依然。 漏移驚鶴 翻

霜壓啼鳥殺管絃。曲宴未終星漢改,與君堅坐看桑田。

扶 風豪士罄追 歡 楚舞吳飲 趁歲 闡 銀箭鼓 傳人惝恍 金盤歌促淚汍瀾。 杯銜落日參旗動

炬 散晨 星級火殘。 明 發昌 門 相憶處 兩床 絲竹 夜漫

口 同 卷「蜡日大醉, 席上戲示三王生, 三生樂府渠帥, 吳門 É 門 人 也。 」詩云

生花 醒 亦狂 大笑吳獃愁失日, 漫漫長夜復 何 妨。

美

X

雜坐

酒

盈

觴

雪虐風

饕遊

畫堂。

卒歲

世

猶

存

1

蜡

苗

場

我

自看三王。

蘭膏

作

樹

昏

如

寅恪案, 牧齋於順治六年己丑春得免於黃案之牽累, 被釋還家。 是年冬, 忽有此盛會, 甚可注

意。初讀此兩題,亦不知「豪客」及「扶風豪士」所指爲何人,又不解吳門白門樂府渠帥之三王生,

閣記。 何以忽於此際駢集牧齋之家, 作此慰勞之舉。 [陳]百史册中韻。 並杜于皇變雅堂詩集貳「書黃甫及册子, 。」五律等, 始豁然通悟錢文及杜龔詩, 後檢有學集貳叁「黃甫及六十壽序」及同書貳陸「舫 因贈。 」七古, 即牧齋此兩題之注脚。 襲芝麓定山堂集陸「贈黃甫及, 和

茲錄諸 牧齋己丑歲暮及蜡日詩之本事矣。 材料於下, 並稍加詮釋, 或可 藉是勘破此重公案歟?牧齋記 略云:

明季南略肆所載「黃澍笏擊馬士英背」條及「黃澍辯疏」條附記等。

取與上列諸詩文參較,

更得推知

又檢計用賓六奇

賦 黄子甫及謝監軍事, 跨下之橋, 爲南北 詩, 如高 孔道, 使車遊 齋砥室, 遺跡歷然, 展,過訪黃子者,未嘗不攝衣登閣, 退居淮安。 流連而不忍去。 欄檻之下, 於其廳事之左 可指而數也。 。嘗試穴窗啓欞, 旋而觀之, 淮陰垂釣之水, 架構爲小樓, 又遙而矚之, 履齒相躡 長淮奔流, 顏之日 一舫閣 皆相與撫塵 泗 水迴複, 而請 拂几, 余爲記。 漂母之祠 芒陽雲 飲酒 准

也。 起之地 黄子坐斯 鍾離 閣也, 龍 飛之 伊吾谷蠡 鄉, Ш 河 雲物, 鳴 横劍之壯心, 前迎 後 却, 得無有獵 枌榆禾黍, 獵飛動者乎?宿昔之籌邊説 極目騁望, 未嘗不可歌 而可泣 骨

騰肉 E 昔者韓淮陰貧行乞食 精悍 之色, 猶 在眉字間。 俛首爲市人所姍矣。 固將如浮雲 及其葬母, 如昔夢, 釋然而 則曰, 無所有矣。 度其傍可置 客有笑于旁者 萬家 今黄子

第五章 復明運動

架閣 以 爲 如鷄窠鵲巢 淮陰人好大言, 耳, 以酒炙噉過客, 多誇 詡, 自秦漢以來, 其習氣猶未艾乎?黄子笑曰, 使載筆而書之, 如楚之岳陽黃鶴。 又抉摘歐陽公之文,

牧齋序云:

奔趨 民, 求之 何足 稱鄭 自此 汲 甫及自金陵過訪, 則 余嘗謂 水 高 清歌妙舞, 當 彌 風雷 望 灌 矣 以 而訪求天下雄駿奇特非常之人, 眼中有一人矣。 時置 切, 走 海 名甫及? 洗, 美矣 雨雹攫拿發作於指掌之中。 内 一驛馬, 而 如 多故, 有楚楚可 有 落 移日卜夜, 落 客之揶揄, 期 甫及以 會。 非纖 請 寒風打門, 不可見。 謝 甫及自金陵歸 憐之色。 賓客, 身許 南及通 兒腐儒 酒酣耳熱, 既 亦可供過客一解頭也。 國, 一可倚辦。 而 行爲之亭舍, 名刺 雪片如掌。 夜以繼日, 思之, 持符節 淮安, 謁 翳雉媒而求龍友, 門, 衡盃熂歎。 召雲者龍 得一二雄駿奇特非常之人, 監監 旦東身謝事, 俄爲余張燈開宴, 其慕長者, 賓從填 余再過 軍 典衣 事 其居, 裘, 塞, 磨盾草檄, 余擊壺誦扶風豪士歌, 請書之以爲記。 命律者呂。 數券齒, 如恐不稱。 軒車之使, 角巾歸里, 疏窗 其可幾乎?己丑之冬逼 1砥室, 吳下名娼狡童有三王生, 傳籤束伍, 今吾 傾身僇力, 甫及庶幾似之。 彈鋏之客, 削鋩逃影, 以媮 左棋右書, 則 懦 割可了。 賦四詩 所至 皇 遲 皇如 緩 遊 鼠跡 弭 除 庭竹 閒 閉户, 盗 客或 也。 以 蚩蚩横 淪落之 兵 夫子之言, 氈 賊, 紀 興 我 毳 謂 太 取次畢 以 日之 振要 余是 自 余 衣

第五章 復明運動

中, 篇 言, 樂置酒。 哉?明年二月,甫及六十初度之辰也。江淮之間,俊人豪士從甫及遊者, 流, 而乞言於叟?叟之善自譽也, 雞走狗間, 靖康城下之役, 然自失者久之。 笑語卒獲而罷 申寫英雄遲暮之意, 所舉不就, 殆必有踟蹰迎却, 眉睫栩栩然不可辨識,是何足以名甫及哉?余觀驪山老姥,三元甲子,陰符秘文,知天 于時風物駘蕩, 木生火尅之候,士之乘殺機而出者,往往翕忽閎現,使人不得見其首尾。陸放翁紀 人固不得而物色之也。 安知其不遁跡仙去, 如其不去, 衆君子聞而笑曰, 吾輩舉常人也則已, 姚平仲乘青驢走數千里,隱於青城山。 相顧而不舍然者。於是相與謀曰,知甫及者,莫如虞山蒙叟, 爲甫及侑一觴乎?余自顧常人也, 草淺弓柔,長淮湯湯,芒碭千里,覽淮陰釣遊之跡, 亦侈矣哉!有酒 季咸有言, 子之先生不齊, 如准, 則毀車殺馬, 請遙舉大白以浮叟, 果以爲非常人也, 而南渡後, 何足以張甫及者?授簡閣筆, 吾無得而相之。 棄甲折箭, 如張惟孝龍可趙九齡之 相與烹羊擊鮮, 出入市朝, 則何以斂眉合喙, 而後更起爲甫及 詠聖予魚腹之 余何以 盍請一 相随關 相甫及 茫 合

于皇詩云:

杜陵寂寞將欲死。 說劍凜凜如有神。 劉郎贈我淮南子。 雲霄不垂韓信釣, 淮南爲人卓且真。 徐泗正與黃公鄰。 橋邊墮履臭味合, 磊落不染半點塵。 臺上落帽風致親。 讀書一目數行下,

一〇八四

如此之人恨不相逢早。 才士相看惟有嘆。 吳宮未埋幽逕草。 雖然才士變化烏得知。 京都繁華未銷歇。 學仙 學佛猶 爾爲。 健兒身手各未老。 於今萬事皆雨

芝麓詩四首之一云:

疇昔金門地,盈庭醉婦姑。 日 敗獄。 し江 海 孤蓬合, 兵戈萬事殊。 子雲猶戟陛, 浮蹤躭勝晚, 東觀已針奴。 經亂鬱爲儒 (自注:「黄子宦燕邸時, 予正得罪繫

用賓「黃澍笏擊馬士英背」條云

按湖廣, 黃澍字仲霖, 監左良玉軍。 徽州 人。 丙子舉浙闈, 甲申弘光立。 T 六月二十日 丑登進士, 丙子澍 授河 南 同承天守備太監何志孔 開 封 推 官 以 固 一守功, A 擢 朝, 御 史 求 召 洲

又「黃澍辯疏」條後附記云:

對。既入見,

澍面糾馬

土

一英權奸惧國

淚隨語下,

上大感動。

知橋下水深淺不齊, 乙酉大兵下 徽 州 閩 密引大清騎三十, 相 黄 道周拒於徽州 之高 由淺 堰橋。 渚 渡, 突出 自晨至暮, 閩兵 後 斬 驟見駭甚, 獲 類多。 澍 遂 以 潰。 本部邑人,

**唾罵澍者。後官於閩,謀搗鄭成功家屬,以致邊患,遂罷。** 

改也。 依以上 又芝麓詩自注「黃子宦燕邸時, 諸材料及通常名與字號之關係, 予正得罪繫司 可以 推 知黃甫及即 放獄。 黄仲霖澍。 」據定山堂詩餘菩薩蠻〔崇禎十六年癸 甫及之稱, 殆黃澍後來所自

所言乙酉年澍密引清騎, 旦束身謝事 正仲霖在京任御史之日也。 未〕初冬以言事繫獄」及萬年歡〔崇禎十七年甲申〕春初繫釋」二題,足知芝麓以劾時宰下獄之時, 角巾歸里, 由淺渚渡水, 削鋩逃影, 牧齋序之「持符節監軍事」即用賓文中之「監左良玉軍」。 竄跡氈裘毳衣中,眉睫栩栩然不可辨識。」 疑即計氏附記中 擊潰黃道周之師於徽州高堰橋之事。 此等材料 錢 序云:「 更可證明

黃甫及即黃

演し

大勢力爲之支拄, 張燈開宴, 人或降淸漢人幕中, 得無有獵獵飛動者乎?宿昔之籌邊說劍,骨騰肉飛, 于皇詩謂甫及「雲 在明南都傾覆後, 曲宴未終星漢改, 吳下名娼狡童有三王生, 霄不垂韓 使能作此盛會。 復入滿人或降淸漢人之幕。 與君堅坐看桑田。 似仍懷復明之志。 信釣, 徐泗正與黃公鄰。 且此盛會除慰勞牧齋外, 取次畢 」並記中所云:「黃子坐斯閣也, 又牧齋序文中言甫及於「己丑之冬, 集。 錢詩云:「夜半壯心 清歌妙舞, 橋邊墮履臭味合, 精悍之色, 必別有企圖也。 移日 一下夜。 猶在眉字間。 迴起舞, 伊吾谷蠡, 臺上落帽風致親。 」是甫及之後面 酒闌 自金陵過訪。 茲再略引史料, 」則甫及雖混跡滿 清淚落悲笳。 鳴橫劍之壯心, 」似黃氏 必有強 俄爲余 試論 及

清史列傳柒捌貳臣傳甲張天祿傳略云: : 之於下。

第

五章

復明運

動

張天禄陝西 榆林人。 明末與弟天福以義勇從軍, 積功至總兵官。 福王時, 大學士史可法督

州。 總 州 周, 擒 往 至 年 江 聲家居 所部三千人 師, 明魯 剿, 督 高 南 年 天禄奉命赴閩 提 及 佟 家 諭 天 爲 督。 禄擊 總 降 天禄 休 泰 嘴。 王定西 中 瓜 不 寧 督 州 亦 軍 從。 前鋒, 從, 馬 名 斬 随 奏 五年三 吳 受唐 明 侯 其 忻 自 振 或 城 張名振 斬 將 佩 + 洋 遁 禎 月敍 之。 月 E 以深 援 程 等, 伯 駐 λ 逃 浙 剿。 嗣 偕 聿 瓜 趙之龍 口 總兵 鍵右 州。 淘 由 投 聖 兵 諭 月 一等 浙江 誠 港 尋 抵 降 稱, 延平, 告 都 功, 加 本 乘 + 迎 ト從善李 不 犯崇 降。 都 御 餘 朝 潮 從, 天禄 時, 史兼 授三等 督 順 人, 突 明, 會都 同 豫親王令以 治二年五月豫 犯 與 擒總 ·仲興 兵部 多失 知, 吳 於軍。 名 統 輕 天 凇 振 侍郎, 禄 劉 礮 金 車 兵 授 深 通 械 馳 礪已解 徽 李 澤泳等 都 油 徽州 書 還 及舟 尉。 筦先等。 寧 原 港, 詔。 池 松 糾 官 親王多鐸 平。 師 江 漳 太 由 鄉 1 隨 傷 並 三百 年 總 勇十 州 旌 征 兵 += 下 団 調 五 兵 德 、焚船 三年正 刑部 將 餘 官。 餘萬 月晉三 縣 下 後 月明 進, 出 隷 江 天禄留 訊, 南, 據 天 洋 月 漢 五 天 唐王 等子 大 軍 禄 撲 月 連 徽 禄坐是降 通 剿 破十 署 駐 賜 敗 州 正 福 大 延 爵。 道 黄 Ŧ 不 旗。 學 無 報 平, ·餘寒。 밆 周 貝勒 IE 就 據 月 士 九 冠 兵 擒 = 黄 年十 於婺 博 奪 剿 服 時 疏 級, 以 道 劾 稗 各 洛 明 至 天 隱 周 續 之。 沙老管 Ш 月 源 遣 禄 四 魚 戴 署 年 率 賊。 海 溪 都 都 及 罪 罪 賊 四 擒 兵 統 天 而 革 閩 + 月授 葉 黄 犯 史 福 賊。 追 提 浙 漳 道 生 臣 徽

//\

`腆紀

年

附

考壹壹順治二年乙酉九月「我大清兵克績溪,

明右都御

史右侍郎金聲等死之。

條

略

督

降

爵

=

等

輕

車

都

尉。

十六年卒。

制天 旌德寧國諸縣。 聲起兵後, 一於績溪, 拜表閩中, 王命中書童赤心, 授聲右都御史, 兵部右侍郎, 間道從新嶺入, 王師攻績溪, 江天一登陴守禦, 間出迎戰, 守嶺者先潰。 是月二十日,徽故御史黃澍詐稱援兵,聲見其 殺傷相當。 總督南直軍務。 降將張天禄以少騎牽 遂拔

著故衣冠,而髮未薙也。信之。城遂破。聲被擒。

同書同卷「我大淸兵克徽州,明推官溫璜死之。」條略云:

璜既聞金聲敗, 方嚴兵登陴, 而黃澍已獻城矣。

事同卷十二月壬寅(二十四日)「明督師黃道周敗績於婺源,

口

秋九月道周至廣信府, 聞徽州破。婺源令某者, 亦門人也,偽致降書,道周信之,決計深

遂被執。

」條略云:

督張天禄(原注:「考曰, 入。十二月進兵至童家坊。 萬榮請引兵登山, 雨, 憑高可恃。 天禄本史閣部將。 遂前次明堂里,僅三百人,馬十匹,糧三日。壬寅天微曙 正移師間, 騎兵從間道突出, 」)率兵猝至, 道周揮賴繼謹等督師鏖戰, (可參上引計氏明季南略「黄澍辯 參將高 我提

疏」條附記。 )箭如 從者俱散。 道周日, 吾死此矣!遂被執。

據此, 霖旣懷歸明之意, 則甫及自順治二年乙酉降於張天祿,又助其殺害金聲溫璜黃道周等,疑必常依傍張氏。仲 而張氏於順治四年四月任江南提督後, 既如上引瞿忠宣公集伍「留守封事」所

第五章

復明運動

云

彼中現在楚南之勁〔敵〕, 詳見上引。 )將以蛟麟爲先鋒。 惟辰常馬蛟麟爲最, 幸蛟麟久有反正之心, 傳聞此舉(寅 、恪案, 與江 浙 「此舉」指清兵將進 虜」提 鎭 張 天 禄 田 取 雄 兩粤 進

皆平昔關通密約,

各懷觀望。

此眞爲楚則

楚勝,

而爲

漢

則

漢

勝

州也。 亦具有一 降於建州諸漢人, 則天祿爲當日降 由是言之, 反清之志者。 將 中 每懷反覆之常態也。 己丑歲暮張天祿令黃澍至牧齋家, 此點於其後 開 通密約, 來被劾與張名振通 各懷觀望」之一 , П 詔 知其本爲明總兵官, 作此聯絡, 事, 雖 云 一無據, 乃必然之舉動。 仍足 又曾在 證 明其非 更可 蓋斯爲明末 真能 法 部 忠於建

歌」(見全唐詩第叁函李白陸。)之「扶風豪士」以比儗己丑歲暮遠來其家之「豪客」。 茲有一問題, 後來作甫及壽序及舫閣記時 於「扶風豪士」之稱號。 甫及之著籍安徽有關 何人?或謂後魏曾置扶風郡於安徽境, 以俟更考。 即此 至牧齋己丑 次牧齋家中之讌集, 故牧齋取以指黃氏。 故不能不疑張氏亦曾與黃氏同來, 歲暮詩題,所以不欲明著張氏及黃氏之姓名, 情勢大異, (見魏書壹佰陸中地形志載:「霍州扶風 張天祿是否與黃澍同來?牧齋詩文引用李太白「扶風豪 自可著仲霖之姓及別字。此可取與牧齋順治十四年作梁 此說亦可 通。 但張天祿爲 不久即離去也。 陝西 必因當時 未敢決言, 自 郡治鳥 較 此「豪客 仲 尚有避忌 溪城。 霖更爲 姑附 」究爲 適 與 龃

又談遷棗林雜俎仁集逸典類「黃澍」條云:

復次, 牧齋以姚平仲比 亦是別一原因也。 寅恪案, 予曰, 明年 馬氏 鄉, 聽。士英伏階下媿死。 歙人黃澍 又搜民 八購良 依上引材料及孺木此條所載, 左氏稱兵 明年成 否, 故大言清君側之惡。 間 玉 藏粟並金錢奪之, 年少輕侮, 以御史按楚, 未及瓜, 否。 進 而 、犯闕 澍 士, 孤 彼補杭郡諸生, 授開 【甫及。平仲事蹟見宋史叁叁伍种師道傳及庶齋老學叢談中卷上「姚將軍靖 矣。 蕩覆我公室, 作葉子格, 澍退, 封推官。 尋免其官 汴人切齒。 輙示人良玉手書, 捐九萬金助餉, 父爲人筦質庫, 壬午禦流寇, 品第宗婦之貌, 遽入朝, 黄氏人品如此卑劣, 雖士英之罪擢髮難數 畏禍匿良玉所, 内召, 意覬開府, 自云世彙。 先帝面問 開渠轉粟, 小才貪詐, 見忤於族, 女歸其子。 借馬士英馬市。 爲當時所鄙棄。 開渠者誰也? 而誰 高相國(弘圖)問予, 河 不足信也。 水秋溢 走杭州, 生属 按臣 階, 通 婚本鎮, 委之流寇。 因灌 通籍郡庠。 蓋平賊將軍左良玉嗛 澍還按楚, 牧齋之不著其名, 至今爲梗?哀哉 一言一涕 汴 城 彼卓鄭也哉? 向未之有也。 利 禍 丙子舉於 士英陰遣 自 甚傾宸 迅舌, 渠始。 此

康初以戰敗亡命」條等,

並陸放翁劍南詩稿柒「寄題青城山上清宮」詩。

陸詩及序云:

姚將軍靖 康 初, 以戰敗亡命。 建炎中, 下韶求之不可得。後五十年, 乃從呂洞實劉高尚往來

名山, 有見之者。 予感其事, 作詩寄題青城山上清宮壁間。 將軍儻見之乎?

造物困豪傑,意將使有爲。

功名未足言,

或作出世資。

姚公勇冠

軍,

百戰

起

西陲。

天方覆中

原, 殆非一木支。 脱身五十年, 世人識公誰。 但驚 山澤間 有此 熊豹姿。 我亦志方外, 白頭

寅恪案, 牧齋之意, 未逢 師。年來幸廢放, 豈謂與黃氏共謀復明, 儻遂與世辭。 從公遊五嶽, 若事敗, 則可與之同遊五嶽, 稽首餐靈芝。金骨換綠髓, 如放翁欲從平仲之比 数然松杪

耶?

綜觀上所引述, 學集陸秋槐別集。 口 )與仲霖之關係迄未中斷。 知牧齋自順治六年己丑冬至順治十二年乙未冬賦「題黃甫及舫閣」詩時,(見有

牧齋詩云:

夕陽日 文練紫寫香篆遲。 珥 抱鍾離。 鄂君繡被歌誰 舫齋恰似鱶舟時。 和, 且試 垂簾 燈前一局棋。 每讀淮陰 傳, 卷幔長懷漂母祠。 落木雲旗開楚甸,

試燈前一局棋」尤可注意。 此詩之典故及辭旨與「舫閣記」頗多類似, 蓋牧齋此次訪蔡魁吾並與李素臣黃甫及等作此聯絡, 應爲同時所作。 第伍句「夕陽日珥抱鍾離」及第捌句「且 乃一局棋中之數

著, 未可分別視之也。

復次, 康熙修徽州府志玖選舉志上科第門明崇禎九年丙子鄉試欄(可參結鄰集陸「黃澍」條下注「仲

霖次公劬菴浙江錢塘籍,江南休寧人。 」等語。)載:

漢,不假思索。歷御史,入國朝,至福建副使。

等語相參證

黃澍字次公,休寧龍灣人,錢塘籍,〔崇禎十年〕丁丑進士。爲文有奇氣,落筆千言,出入秦

可取與上引明季南略肆「黃澍辯疏」條附記所言「後官于閩,

謀搗鄭成功家屬,

以致邊患,

遂罷。

送松影上人楚遊, 牧齋此次遊淮訪蔡,竟至歸途留滯, 兼柬楚中郭尹諸公二首」。時嘉平二十四年。 在金陵度歲, 可見其負有重大使命。 (寅恪案, 「年」應作「日」。)其一 觀有學集詩注陸「長干

吳頭楚尾一軍持。 替戾聲殘咒力悲。 取次莊嚴華藏界, 斷取陶輪右手移。 護龍河上落花時。 四鉢尚擎殷粟米, 七條還整漢威儀。毗藍風急禪枝定,

孤篷微 霰浪花堆。 眉雪 革 草抖 撒來。 跨海 金鈴 依振 錫, 緣江 木林 觀浮杯。 九疑旭日 扶 頭

「乙未除夕寄內」云:

三户沉灰按指

開。

喚起

呂仙横笛過

岳陽梅柳蚤

時

顏尾勞勞浪播遷。 長干禪榻伴僧眠。 魚龍故國猶今夕, 雞犬新豐又一年。 瓦注臘酷邨舍酒

「長干偕介邱道人守歲」云:

天醒霜空午夜雞。

頭白黃門熏寶級,

香爐曾捧玉皇

西。

柴門松火佛前錢。

團團兒女應流涕,

老大家翁若箇邊。

明燈度歲守招提。 去殿宮雲入夢低。 怖鴿 有枝依佛影, 驚烏無樹傍禪棲。 塔光雪色恆 河

値此歲暮 寅恪案, 松影遊楚,當與前引沈佳存信編文安之告朱全古「吳楚上下流觀察形勢」之語有關。 似無急急首途之理。 介邱乃髠殘之字, 即明畫家石谿也。 小腆紀傳伍玖髠殘傳略 否則 云:

髠残字介邱, 拜爲師。 返楚,居桃源某庵,久之,忽有所悟, 號石溪,武陵劉氏子。至白門, 遇一僧言已得雲棲大師爲薙度, 心地豁然。再往白門, 謁浪杖人, 因請大師遺

有七日長至禮佛大報恩寺, 至「與介邱守歲」詩末二句, 偕石溪諸道人燃燈繞塔, 初未能確定其辭意所在, 乙夜放光應願權喜, 後檢有學集詩注捌長干塔光集「丁酉仲冬十 敬賦二十韻記事。

皈依。所交遊皆前朝遺逸,

顧炎武其一也。

報恩寺者, 有「科頭老衲驚呼急,禿袖中官指顧詳。 亦有中官。 疑大報恩寺曾有皇帝親臨降香之事,此皇帝或即福王, 」兩句,則「黃門」當作宦者解。 足見與石溪諸道人同在大 亦未可知。 此類宦

親密如是, 無載記可以證明也。 殆爲先朝所遺留者耶?遵王注以「黃門」爲給事中, 必有待發之覆。 諸居寺中之明室遺民, 其除夕寄河東君詩, 雖託跡方外, 隱藏此次報國忘家之旨。 似認介邱曾任桂王之給事中, 仍不斷爲恢復之活動。 當時河東君亦必參預斯 牧齋與此 恐非。 類遺民 蓋今

夫牧齋於順治十二年乙未旣在金陵度歲, 十三年丙申及十四年丁酉又連歲來往虞山金陵之間,

而諒其不能還家度歲,

與兒女團團之苦心也。

其與金陵之密切關係, 論社」略云: 必非僅限於遊覽名勝, 尋訪朋舊而已。 。牧齋尺牘上「與吳梅村」三通之三 則

寅恪案, 牧齋於此三人, 可謂 之亞,今世士流, 顧生萬庶其三子, 罕有其傳, 未幾遽分鹢首, 極口 欲謁門下之便, 讚譽。沈顧兩氏,茲姑不論。唯魏耕者, 而朴厚謹直, 竊有未盡之衷, 好義遠大,可與深言。 敢以其私所憂者, 獻於左右。 比因沈生祖孝雪樵, 實與牧齋之頻繁往來 三子者, 李朝曾鞏

頃與閣下在郡

城晤言,

不及面陳。

結埼亭集捌「雪寶山人墳版文」(可參楊大瓢(賓)雜文殘稿「祁奕喜李兼汝合傳」及「魏雪寶傳 金陵有關, 請略述之於下。

第五 章 復明運動

楊氏 契之。 湖, 所記 雪寶 其蠟書首之。 淡生堂藏書, 獄弗恤也。 久之, 孫亦以是遺戍。 以兼金賄 直抵京口。己亥延平如其言, 之徒也。 學爲衣工于若上, 先生所交皆當世賢豪義俠, 以圖再舉。 因此並交續曾三 山人魏耕者, 東歸, 雖較詳備, 吏, 而其里人朱士稚 遊會稽, 先生方館於祁氏, 得稍解。 詩日益工。 初, 不克。是役也, 事解, 但不言及白衣致書 然能讀書。 原名壁, 島, 諸子之破產結客也, 癸卯有孔孟文者, 有張近道者, 久之, 先生又遣死士致書延平(鄭成功), 稱莫逆。 乃與歸安錢續曾居苕谿。閉戶爲詩,酷嗜李供奉。長洲陳三島尤心 與先生論詩, 字楚白。 幾下金陵,已而退軍。 有富家奇其才, 志圖大事。與於若上起兵之役, 邏者猝至, 江南半壁震動。 先生又因此 延平, 好黃老管商之 甲 極 申後改名, 士 從延平軍來, 有所求於續曾, 傾 倒。 被執 稚首以 請率舟師攻取南都 與祁忠敏[彪佳]公子理孫 客之, 既而聞其謀出於先生。 至 近道見之, 一錢塘, 是傾家, 術,以王覇自命。見詩人則唾之曰, 又別名甦, 先生復遮道 尋以贅壻居焉, 與續曾俱 亦報痛 近道教之, 之計劃, 慈谿 事敗, 留張尚書[煌言], 不屈 謂海道甚易, 駡 人 不置。 也。 不壓, 亡命走江湖, 因成諸生, 得 以死, 班孫 於是邏者益急。 故茲從略。 出獄 世胄, 兄弟 然三人者 並怨先生, 妻子盡沒 善 而 南風三 顧 )略云: 國亡, 近 少失業 請 道 妻子滿 得 續曾 盡讀 竟以 A 日 交相 雕蟲

此

渡江

遇盜而

死。

已亥之役,

三島亦以憂憤而死。

真所謂白首同歸者矣。

先生之居於苕上,

班

以

焦

口

棄

爲 晉時二沈高士故山, 故有息賢堂, 因名其集曰息賢堂集。

百 .書外編肆肆「奉萬西郭問白衣息賢堂集書」略云:

性軼 按白衣原名壁, 履 落 魄 江 傲然自 湖 字曰楚白。 得, 徧 走諸 不就尺幅。 義 旅中。 後改名耕, 書, 當是時, 山陰祁忠敏公器之, 空坑仗策, 別字白衣。 江 南已隷版 茶毒備至, 又改名更, 圖 爲 編注名諸 顧白衣氣益厲。 所有遊 稱雪寶山 魂餘 社中。 燼, 人。 既 出沒 癸卯以海上 丁國 白衣少負異才, Ш 難 寨 海 麻 降卒 草

爲蹤 跡所得。 縛到軍門, 抗詞不屈, 死於會城菜市。 間

而

白

衣

爲之聲息。

複壁

飛

至,

語連白衣。

白衣遁至山陰,

入梅里祁氏園。時忠敏子班孫謀募死士爲衛

間

道浮

海,

卒

上引「與吳

寅恪案, 魏氏爲順治十六年己亥鄭延平率舟師攻南京之主謀者, 今檢牧齋著述中, 除

梅村」尺牘外尙有有學集詩注伍敬他老人集順治十一年冬在蘇州所賦「贈陳鶴客兼懷朱朗詣」一首 橫木爲門學隱淪。 名許詩家齊下拜, 姓同孺子亦長貧。

風前剪燭尊無酒,

云:

雀喧鳩

鬧

笑通津。

雪 後 班 荆道 少人。 却憶西陵有羈客, 荒雞 何處警霜晨。

據全謝 間接亦與魏氏有聯繫之一旁證。 Ш 「所撰魏氏墳版文,陳三島朱士稚與 前言牧齋此數年間屢至蘇州, 、魏氏關係密切, 則牧齋此詩題中雖不涉及魏氏, 絕非僅限於文酒清遊, 實有政治活 要是

〇九六

後, 知。 動。 清廷追究主謀,魏氏坐死,同黨亦被牽累, 觀其假我堂文讌互與詶和之人, (可參小腆紀傳伍捌徐晟及歸莊傳等。)當時魏氏或亦曾參與此會, 皆屬年輩較晚, 後來編有學集者, 殆因白衣之名過於顯著, 陰謀復明者, 如歸玄恭徐禎起等, 但以鄭延平攻南京失敗之 미 遂刪 以 推

去牧齋與其唱和之作耶?俟考。

間, 什。 順治十二年乙未多牧齋赴淮甸訪蔡魁吾後, 就醫秦淮, 其言就醫秦淮, 始歸虞 Щ 寓 丁家水閣絕句三十首。 其何以久留金陵之理由, 不過掩飾之辭,自不待辨。茲擇錄有關諸首, 」大抵爲與當日南京暗中作政治活動者, 必有不可告人之隱情。 不逕還常熟度歲, 而留滯金陵, 檢有學集詩注陸此 並略加詮釋於下。 至次年丙申約在三月 相往 年 還洲唱之篇 春間之 詩有

「丙申春就醫秦准, 寓丁家水閣浹兩月。 臨行作絕句三十首, 留別留題, 不復論次。 其一云:

一曲秦淮曉鏡中。春水方生吾速去,真令江表笑曹公。

數莖短髮倚東風。

秦淮城 下 即 淮陰。 流水悠悠知我心。 可似王孫輕一飯, 它時報母只千金。

其三云:

寅恪案, 以上三首,乃此三十首之總序。 臺羅綺叢。 都無人跡有春風。 三國志肆柒吳書貳孫權傳云: 踏青無限傷心事, 併入 南朝落

建安]十八年正 月 曹公攻濡須, 權與相拒月餘, 曹公望權軍, 嘆其 八齊肅, 乃退。

裴注引吳歷略云。

據鄭氏近世中西史日表,

順治十三年丙申三月十日爲清明。

第叁首遵王注「踏青」引李綽歲時記

權 遵王注已節 爲牋 與曹公曰 春水方生,公宜速去。 曹公語諸將曰, 孫權不欺孤。 乃徹軍還。 (寅恪案,

體事實, 關係之密切。 靑之遊, 弘光元年 云 與後二句出史記玖貳淮陰侯傳及漢書叁肆韓信傳, 然則牧齋在 又謂他時果能恢復明室, 巳賜宴曲江 上巳時節, 而非泛泛傷春之感也。第貳首前二句謂其至淮甸訪蔡魁吾及久留金陵作復明活動之事 因有學集關於此時期之作品, 南京度歲後, 觀此 歲之前十 曾預賜宴之列。 都人于江頭襖飲, 則所以酬報今日之地主, 留滯至三月初旬始還家。 年, 即順治四 今存是年之官書, 皆已刪除, 踐踏青草, 年丁亥 此 牧齋受黃案牽累 當遠勝王孫之於漂母。 實能揉合今典古典, 足見其文心之妙。後二 故亦無從考見。 日 口 踏 闕載此 '與詩題「浹兩月」之語 事。 果爾 或又曾偕河東君並 出 獄 後 據此可 則此首乃述其個人之具 相 印 即 與河 知丁繼之與牧齋 證。 東君遷於丁 馬阮輩作踏 更疑牧齋在 句

第五章 復明運

氏河房。

(見前所考論。

此歲之後五

年,

即順治十八年辛丑,於「干戈滿地舟艦斷,

五百

里如關

蓋 間 城上 畫 吹角, 閻宮清 廟 圍棋槍。 腥風 愁雲 暗 天地, 飛雁不 敢 過 塘。 況聞 戍守 連 紅

寺移寓 三集「丁老行。 塒 雞 丁氏水 籬犬皆驚惶。 小閣者, 送丁繼之還金陵, 以此水閣位於靑溪笛步之間 之情況 中, 兼簡林古度。 丁氏特至常熟賀牧齋八十 」) 尤可證知。 地址 適中, 生日 鄙意牧齋所以於丙申 與諸有 兩事, 志復明之文士 (見有學 集 春初由 往 詩 來, 注意 較大報 大 報恩

亦居重要地位, 可不待言也。

恩寺爲

便利。

由是言之,

丁氏水閣在此際實爲準

備接應鄭延平

攻取南都計劃之活動中心,

而繼之

其 公四云 於此活動中,

苑 外楊花 待幕 潮。 隔溪桃葉 限 紅橋。 夕陽凝望春如水, 丁字簾前 是六

其五 云

到

白

蘸

關

圓

詩第伍函李益貳。)言己身不久歸去,不致如負心之李十郞也。二即明室將復興, 寅恪案, 與第陸首之後兩句 有二意。 以上二首皆爲河 淮 即用李君虞江南詞「嫁得瞿塘賈, 酒 樓。 同一 微旨也。 猿 東君而作。 紅 樹 第伍首之作夢人乃河東君。 清 第肆首前二句 流。 N'S 朝朝悞妾期。早知潮有信, 好夢 謂河東君 誰 得, 此 解道 此首兼用王少伯「青樓曲」二首之一 時 在常熟與己身不能相見。 新封是拜 嫁與弄潮兒。 如暮潮之有信。 」(見全唐

紅妝縵綰上靑樓。 金章紫綬千餘騎, 夫婿朝回新拜侯。 」及「閨怨」詩:「閨中

馳道楊花滿御溝。

肆。)用其「拜侯」之旨,而反其「悔教覓封侯」之意,正所以見河東君志在復明,非尋常婦女拘牽 少婦不曾愁。春日凝妝上翠樓。忽見陌頭楊柳色,悔敎夫壻覓封侯。」(俱見全唐詩第貳函王昌齡

離情別緒者可比也。

之刻意傷春傷別一至於此, 義山詩集上「杜司勳」七絕。 又綜合第叁首及第肆首觀之,與李義山詩「刻意傷春復傷別,人間惟有杜司勳。 )第貳章論黃媛介事, 不僅其名字與樊川相同, 引吳梅村詩「不知世有杜樊川」之句, 其心事亦與司勳相合矣。 」者何異?(見李 然則牧齋

潮 東風狼藉不歸軒。 新月盈盈自照門。(自注:「夢中得二句。」)浩蕩白鷗能萬里,春來還沒舊

其七云:

寅恪案,以上兩詩皆牧齋自述其此時在金陵之旅況心情。 後夜繙經燭穗低。 首楞第十重開題。 數聲喔喔江天曉, 第陸首第壹句用李太白「東風春草綠」 紅藥增前

之二。)「九衢」指南都。 歸家之意,並用韓退之「狂風簸枯楡,狼藉九衢內。 江上候歸軒。 」之句,(見全唐詩第叁函李白壹柒「送趙判官赴黔府中丞叔幕」。)蓋謂河東君望其 其易「狂風」爲「東風」者,即前引初學集貳拾上東山詩集叁「秋夕燕譽堂話 」之句,(見全唐詩第伍函韓愈柒「感春」三首

矣。 卯, 即「鐵鎖長江是舊流」之義。觀「萬里」之語,其企望鄭延平之成功及己身自許之心情,可以想見 師」諸札, 舊事有感」詩「東虜遊魂三十年」之「東虜」也。第貳句「新月」指「桂王」,即作此詩之次年, 四年丁酉所賦「燕子磯歸舟作」七律「金波明月如新樣, 成於十八年辛丑, 首尾凡五削草。其著書之勤, 老而不倦, 第柒首前兩句謂其此時第貳次草楞嚴蒙鈔已至最後一卷。 考牧齋之作此疏, 可以推知。 後二句固是寫實, 但亦暗寓復明之志。 鐵鎖長江是舊流。」之旨。 末句用文選叁拾謝玄暉「直中書省」 即觀此詩及牧齋尺牘中「與含光 起於順治八年辛 第叁第肆兩句 順治十

詩「紅藥當階翻」句,不忘故國故君之意也。

其八云:

問 多少詩人墮刼灰。 祖心千山語 錄。 佺期今免治長災。 阿師狡獪還堪笑, 翻攪沙場作講臺。 (自注: 一從顧與治

寅恪案, 關於顧夢游及祖 心事, 前已備論, 今不贅述。 顧韓二人固皆有志復明者也。

其九云:

牛刀小邑亦長編。 朱墨紛披意惘然。 要使世間知甲子, 攤書先署丙申年。 (自注:「乳山道士

其十云:

修志溧水。

寅恪案,以上二首皆關涉林古度者,林氏事蹟前已詳述,今不重論。 上梁詩第壹首時, 已全引, 故從略。 唯可注意者,那子居金陵最久, 交遊甚廣, 第拾首詩於第肆章論絳雲樓 牧齋此際與有志

其十一云:

復明之人相往來, 凡此諸人, 大抵亦爲乳山道士之友朋也。

虚玄自古誤乾坤。 薄罰聊司洞府門。 未省吳剛點何易, 月中長守桂花根。 (自注:「薛更生敍

易解云:王輔嗣解易未當,罰作洞府守門童子。

其十二云:

天上羲圖講貫殊。 洞門猶抱韋編趨。沉沉紫府眞人座,曾授希夷一畫無。(自注:「更生云,

吾注易成, 將以末後句, 問洞府眞人也。」)

寅恪案,以上二首俱爲薛正平而作。 有學集叁壹「薛更生墓誌銘」略云:

氏。 君諱正平, 小儒 言書上之,冀得日夕召見平臺,清問從何處下手, 死石頭城下, 每自方阿衡太師。 字更生, 華亭人也。 葬于方山之陽, 年八十有三。子二人, 長逢, 崇禎末,主上神聖憂勤, 晚以字行, 字那谷, 庶幾國恥可振 將相非人, 國勢日變。 號旻老夫。 次暉。 少爲 而天步可重整也。 儒 君懷奇氣, 君早夜呼慣 長爲俠, 糞溲章句 老歸釋 取道北 草萬

第五章

復明運動

呼逢 半, 義, 箋, 所以志 海 勗 河東先生集 何爲也?平生好著書, 而 屬 伊 占風 經 古今通孝, 發揮先皇帝表章至意, 誦 銘。 饑疲足 法 也。 牢 道 師 德指 角, 十九 城 Ш 故宮 刹, 壹壹「覃季子墓銘」。)金剛周易陰符老莊,下及程朱孫吳, 南 歸 訪求山澤 闖 H 開 舊京, 序。 則又 送 國 不外於此。 講, 變, 余東還, 問曰, 更相扶也。 輒側 麥秀 横竪鉤貫, 椎埋屠狗之夫。 慟哭欲投海死, 耳占上座。 雉 孔子稱老子猶龍, 入清 激而存之, 取陶靖節 雊, 丁酉 涼, 學唐之覃季子。 登臺 臘月八日, 憩普德, 蹩躠二十里, 五孝傳 人咸目笑君八十老翁, 城, 以有立也。 同行者力挽之歸。 瞻 附馬。 是許老子, 孝 累日 陵, 長干熏塔, (寅恪案, 而 其 憑老蒼 謂靖節在晉宋間, 望拜 後返, 用 意深痛如此。 悲歌, 未許老子?逢未答。 歎曰, 頭 薄暮] 持經削 肩 「唐之覃季子」事 兩脚半陷黃土, 以 冒 彷徨野 吾今日 行, . 牘 雨 追 如平時。 病 如邓 不忘留侯五 各有纂述。 哭。 余, 眞 聵 薛 滋 邛 持 又以其 甚, 更生矣。 璜, 負 曰, 薛 不 # 壓 知 公自 畫字 四 作孝 世相 見柳宗元 波 間 我方思熟 日晨 傳 波 觀 通 道未 經 刦 拜 刦

矣。

長干僧

醵

錢

**庀葬具**,

皆曰,

脩行人臨行洒

然,

得如薛老足

矣。

銘

日

刻銘。

君之亡也

介丘

道人評之日,

貧則

身輕,

老而

心輕。

放脚長往,

生死亦輕。

達哉斯言,

取以

睡,

汝姑去。

丙夜呼

燈起坐,

稱佛號

者三,

顧逢曰,

今日

睡足

如意。

轉身倚逢面,

撼之,

述薛氏事蹟者,牧齋之文較備,故稍詳引之。據錢氏所言,則更生志在復明,尤爲接應鄭延平攻 適合也。 取南都 至此兩首所用典故。 有助力之人。且與長干諸僧交誼切摯, 遵王注多已解釋,不須更贅。唯第壹壹首第叁句「未省吳剛點何易」 與牧齋之共方外有志復明者相往來之情事, 更相

之「點」字, 疑是「黜」字之譌。 據酉陽雜俎前集壹「天咫」門云:

剛,西河人。學仙有過,謫令伐樹。

舊言月中有桂,

有蟾蜍,

故異書言,

月桂高五百丈,

下有一人常斫之, 樹創隨合。 人姓吳名

則吳剛學仙有過, 謫令伐樹, 與廣異記所述王輔嗣以未能精通易義, 被罰守門者, (見太平廣記

常守桂花根」句之「月中桂花根」, 叁玖「神仙」門叁玖「麻陽村人」條。 月舒新結子, 蒼梧雲護舊封枝。 」之句,可以互相印證也。 即暗指明桂王由榔而言, 遵王注已節引。)正復相同。 與投筆集上「後秋興之五」第捌首「丹桂 但牧齋詩意, 更別有所在, 「月中

其十三云:

欹斜席帽 五 一陵稀。 六代江山一布衣。 望斷玉衣無哭所, 巾箱自摺蹇驢歸。 (自注:「重讀紀憩

寅恪案, 紀戆叟映鍾事蹟, 諸書頗多記載, 茲不備引。 有學集肆柒「題紀伯紫詩 」略云:

海内才人志士, 坎壤失職,悲刦灰而歎陵谷者, 往往有之。 至若沈雄魁壘, 感激用壯, 哀而

〇四

前塵。 必告, 覺其欷歔太 能 江 思, 動物, 徘 殆無 愍 徊 以 而 玉 息流 爲 則將 以 樹 不 . 数 曼 加於此矣。 涕, 信之 如 非水雲送別之餘思乎?芒輳之間 則未 師 )射覆, 而不 曠 有 援 余方鋃鐺逮 琴 能止也。 如 伯紫者也。 而 \_\_\_ 以爲 鼓 最悲之音, 雖然, 君 繋, 山之推緯, 涕灑文 纍然楚囚, 願伯紫少悶 風 Ц, F 至 愀乎?憂乎?杜陵之一 奔靈武, 而 悲歌正 之, 廊瓦 誦伯紫之詩,如孟嘗君聽雍門之琴, 氣, 飛, 如其 大冠 流 平公恐懼, 之驚見漢儀, 非西臺痛哭之遺 傳 歌 詠 飯不忘, 伏於 廣賁 如 談 恨乎? 廊屋之間 焦殺之 渭南之家 因 吟 望 如 感 不 祭 而

晉 國 有大旱 赤地 之 凶 可不 慎乎 ? 可不懼乎? 春間, 意 叟復以詩示牧齋,

第叁句 失望 鞵間 桑之惕, 陵故宮詩跋」 蓋牧齋 奔靈武, 歸返金陵 用杜 初 凜乎 讀 伯 工部集拾「行次昭陵」詩。 有餘恫焉。 坚持, 大冠驚見漢儀。 篇 欲以終老歟?又陳田 其文多所刪削, 」及「同戈驛」, 在黃案未了 」等語 」之事, 時, 疑與牧齋此詩所指者有關。 自注云:「太宗起兵處。 頗難詳知其內容。 「玉衣」之典, 明詩紀事辛籤壹貳「紀映 至順治十三年 及順治六年己丑至十三年 方申 見杜詩蒙叟注。又定山堂文集陸有「紀伯紫金 但觀二 」兩詩皆可 鍾山一老,徘徊吟眺, 俟考。 鍾 條 丙 申 所 伯紫在黃案以前, 一之間, 選 供參證 伯紫詩 仍作 復明之舉, 中有「兵至」, 麥秀之感, 故云「重讀 疑已有一芒 苞 自 0

其十四云:

注

云

閩中

-舊作。

鍾山倒影浸南溪。靜夜欣看紫翠齊。小婦粧成無箇事,爲憐明月坐花西。(自注:「寒鐵道人

余懷居面南溪,鍾山峯影下垂,杜詩半陂已南純浸山是也。」)

### 其十五云:

河岳英靈運未徂。 採詩之役。」 千金一字見吾徒。莫將摶黍人間飯, 博換君家照夜珠。 (自注:「澹心方有

記載, 寅恪案,以上二首俱爲鬘持老人而作。老人所著板橋雜記,三百年來,人所習讀。 故不贅引。惟錄涉及復明運動者一二條,以見牧齋此際與澹心往來,不僅限於文酒風流好 其事蹟亦多有

事之舉也。板橋雜記中麗品門略云:

余生萬曆末年。及入范大司馬[景文]蓮花幕中爲平安書記者,乃在崇禎庚辛以後。 未可以尋常文士目之也。又明詩紀事

然則余氏旣曾入質公之幕,則其人原是明末有匡世之志者, 辛籤壹肆「余懷」條, 所選澹心詩, 中有「送別剩上人還羅浮」云:

苦留詩卷伴青山。 萬里孤雲反故關 羅浮此去非吾土, 一帆春草渡江 灣。 須把蓬茅手自刪。 幾年浪迹干戈裏, 何處藏身瓢笠間。 愁聽笳聲吹白日

前論千 運動中之一人,自不待論。此詩末二句復明之辭旨,尤爲明顯矣。至牧齋詩自注所注「採詩之役」 山於順治三年丙戌曾兩次返粤,此詩乃關於春間之一次者, 余韓關係如此,澹心之爲復明

金陵雜題絕句」二十五首之五首, 語, 即指 板橋雜記中選錄牧齋及諸人此時前後所賦之詩, 及中卷後附 「珠市名妓」門「寇湄」條, 如上卷雅遊門選有學集捌 錄牧齋本題, 即一丙 -塔光集 申

其十六云:

留題水閣三十絕句」之末一首是也。

麥秀漸漸哭早 言今體。」 春。 五言麗句琢清新。 詩家軒翥今誰是, 至竟離騷屬楚人。 (自注:「杜于皇近

其十七云:

詩多五

略挾所著史論, 著論崢嶸準過 遊滁和間」。 龍 川之後有斯 滁和自昔興龍地, 何處巢居望戰塵。 (自注:「于皇弟蒼

談。 證極多, 寅恪案,以上二首爲杜氏兄弟而作。第壹陸首謂于皇乃有志復明之詩人。今茶村詩文集俱在, 止尋常文酒之交際。 」言之,足知于皇與祖心夢游志節相同, 不須備引,即就變雅堂詩集貳「贈剩公」及同書叁「孔雀菴初度, 第肆章論牧齋崇禎十三年庚辰秋季曾遊蘇州節, 可取與牧齋此首互證。 故此時錢杜往 已引于皇贈牧齋五古 又申 置 酒, 來唱 與治剩 詶, 首。 公過 例

引。 復檢變雅堂詩集柒「丁叟河 )然則錢杜本爲舊相識, 房, 又是患難之交, 用錢 虞 人山韻。 其詩什 即 和有學集壹「題丁 - 唱洲, 實不開始於此年甚明。 家河房亭子」者, 但小腆紀 此 前已

遺肆杜濬傳云:

求詩者踵至, 多謝絕。 錢謙益嘗造訪,至閉門不與通。(寅恪案, 變雅堂文集附錄壹引李元

度先正事略亦同。

其違反事實,可不須辨。 蓋自乾隆時, 牧齋爲清帝所深惡, 世人欲爲茶村湔洗, 殊不知證據確

不能妄改也。 更有可笑者, 黃秋岳濬花隨人聖盦摭憶云

相傳牧齋宴客,

杜茶村居上坐,

意氣新。 楚歌楚舞不勝情。 八千子弟封侯去, 只有虞兮不負心。 牧齋爲之憮然。

伶人爨演垓下之戰,

牧齋索詩,

茶村援筆立書曰,

年少當筵

今檢變雅堂詩集玖「龔宗伯座中贈優人扮虞姬絕句」云::

年少當場秋思深。座中楚客最知音。八千子弟封侯去, 惟有虞兮不負心。

據清史稿壹捌陸部院大臣年表貳上禮部漢尙書欄載 康熙八年己酉五月乙未, 龔鼎孳禮部尚

康熙十二年癸丑,

襲鼎孳九月戊辰乞休。

故于皇此詩題中之「宗伯」乃襲鼎孳非錢謙益。 雖在康熙八年五月以後, 可稱「宗伯」, 遂至混 但如板橋雜記中麗品門「顧媚」條云: 淆也。至于皇此詩, 世人習知牧齋稱「宗伯」, 究是何年所作, 尙待詳考。 而不知芝麓亦曾任 因襲氏之爲禮部尚書 禮部尚

第五 章 復明 運動

歲丁 酉[合肥龔]尚書挈[顧]夫人重遊 金陵。

據清史稿壹捌伍部院大臣年表壹下都察院 順治十一年甲午五月丙午, 襲鼎 孳左 都 承政漢左都御史欄載 御史。

順治十二年乙未, 冀鼎孳十一月戊子

書壹捌陸大臣年表貳 上刑部漢尚 欄

口

康 康熙三年甲辰, 熈 五年丙午, 龑 + 鼎 月癸 孳 九月 # 丙 襲 申 鼎 遷 孳刑 尚

書同卷同表兵部漢尚書欄載

康 熙五年丙午九月丙申, 襲鼎孳兵部 尚

橋雜記 然則順治十 乃後來追記之文也。 四年丁酉, 龔顧同在金陵時, 惟于 皇賦此 詩時, 芝麓 尙 是否在康熙 未任尚書 之職, 八年五 月以後, 而澹心竟以尙書 其詩 題中之「龔宗 稱之者, 足證 伯乃

村當日 賦 詩, 固不 依平 水韻, 然亦不致近 詩 H 八字內, 眞 大庚侵三 部 同 用 也。

是芝麓

現

職

抑或與板橋雜記同

爲追述之辭,

未敢

遽決。

至黃

書所引杜氏

之詩

必非

原作,

板

復次, 襲鼎 靡蕪紀 孳 娶顧 聞 上引 媚 錢謙益娶柳如是 馮見龍紳志 略云:

皆名妓也。

襲以兵科給事中降闖賊

受偽直指使。 每謂人

曰, 我原欲死, 奈小妾不肯何?小妾者, 即顧媚也。

夫芝麓旣不能死, 姬比眉生, 更不便藉此誚芝麓。黃氏之說, 轉委過於眉生以自解, 其人品猶不及牧齋。 殊失考矣。 于皇於芝麓座上賦詩,

又靡蕪紀聞上引鈕琇臨野堂集云:

牧齋與合肥龔芝麓,俱前朝遺老。遇國變,芝麓將死之,顧夫人力阻而止。牧齋則河東君勸

之死,而不死。城國可傾,佳人難得,蓋情深則義不能勝也。二公可謂深於情矣。及牧齋

歿。河東君死之。 嗚呼!河東君其情深而義至者哉!

於芝麓座中賦詩以譏誚之。鄙意于皇蓋以「虞姬」自比,「八千子弟」乃目其他楚人,如嚴正矩輩 鈕氏謂眉生勸芝麓不死, 妄陋之見, 未敢自信, 河東君勸牧齋死, 謹以質諸論世知人之君子。第壹柒首注謂「蒼略挾所著史論」 兩人適相反。假定鈕氏所記爲事實者,則于皇亦不便 遊滁和

間。 凱文中論兵復明之旨也。 」牧齋此時適自淮甸訪蔡士英,歸塗中久住金陵, 即使蒼略與蔡氏無關, 但牧齋必有取於紹

檢有學集捌「金陵雜題絕句」二十五首之十一云:

水榭新詩替戒香。

詩有祇斷橫刀浪子腸之句。 」寅恪案,杜氏原詩見下引。)

橫陳嚼蠟見清涼。 五陵年少多情思,

錯比橫刀浪子腸。

(自注:「杜蒼略和

第五章 復明 運 動

及同書叁捌「答杜蒼略論文書」,「再答蒼略書」並同書肆玖「題杜蒼略自評詩文」等,可見紹凱與牧

齋之關係矣。

其十八云: 掩户經旬春蚤齊。 盈箱傍架自編題。

寅恪案,此首爲胡澂而作。吾炙集「舊京胡澂靜夫」條選胡詩三題。 閉關。 下家墳上澆花了, 閑聽東城説鬬雞。 其第叁題「虞山檜歌。 (自注:「胡靜夫好

(上略。)七年遙隔杜鵑夢, 二月重逢楊柳絲。 花霧霏 微舊陵闕, 白頭喬木兩含悲。

同集「侯官許友有介」條云:

伯牧齋夫子。」七古云:

豈無詞。 又題(有介詩)日,數篇重咀嚼, 周處臺前月, 長懸下令祠。 不愧老夫知。 余時寓清溪水閣, 本自傾蘇渙, 介周臺下祠之間, 何嫌説項斯。 故落句云爾。 解嘲 應有作,

又有學集貳貳「贈別胡靜夫序」略云:

其詩卓然名家,爲時賢眉目, 往余遊金陵,胡子靜夫方奮筆爲歌詩,介[林]茂之以見予。 而言若不足于志,其學必大非聊爾人也。爲序其行卷,期待良厚。 余言有徵矣。 靜夫屏居青溪 予語茂之,是夫也,情若有餘於 杜門汲古, 不役役於聲名, 別七年, 再晤靜夫

請以長子。 聞之古之學者,莫先於不自是。不自是,莫先於多讀書。 意屏之, 道有所不謀, 退然,循牆顧影。其爲詩,情益深,志益足,蜜爾自娛,望古遙集。 趣與靜夫言別, ,神有所不予也。 聊書此以附贈處之義。 靜夫屬余序其近詩, 少陵之詩曰,青眼高歌望吾子,眼中之人 多讀書,深窮理,嚴氏之緒言也。 且不敢自是, 視斯世喧呕皆警, 乞一言以相長。

吾老矣。 吾之有望於靜夫者遠矣。

居, 有介詩所謂「余時寓清溪水閣, 清室舊主旣殂,幼帝新立,明室中興之希望尚在也。錢序中「靜夫屏居淸溪,杜門汲古。 常熟訪牧齋, 敗之後不久, 南京至常熟之間, 胡詩錢文中「七年」之語, 亦與丁家水閣相近也。 疑是報告金陵此際之情況。牧齋序文末段,表面上雖是論文評詩之例語, 若自順治十三年丙申算起, 介周臺卞祠之間。」等,皆可與第壹捌首自注參證。 清廷防禦甚嚴, 旅行匪易, 則爲康熙元年壬寅。此時在鄭延平攻南京失 觀前引牧齋「丁老行」可證。 大約胡氏所 恐亦暗寓 靜夫之至 」與題許

又朱緒曾編國朝金陵詩徵壹「胡其毅

其毅字致果。 一名澂, 字靜夫,上元人曰從之子。 有靜拙齋詩選,

|條云:

寅恪未得見胡氏詩集, 山歌」兩題觀之,已足證胡氏與顧與治林茂之同流, 但即就朱氏所選二十題中如「詠古, 皆有志復明之人也。 爲顧與治徵 君賦。 微吟集。 」及「林徽君歸隱乳

第五章 復明運

動

#### 傳

其十九云:

青谿孫子美瑜環。 也是朱衣抱送還。盛世公卿猶在眼, 方頭四乳坐如山。(自注:「倪燦闍

公, 文僖文毅之諸 孫, 相見每述祖德。

故家,與朱竹垞彝尊同 寅恪案, 此首爲倪燦 而作。 類。 闇公早年或亦有志復明, 其事蹟見淸史列傳柒拾文苑傳倪燦傳等,茲不備引。 殆後見鄭延平失敗, 永曆帝被殺 倪氏爲明室 因而改節 喬木

### 其二十云:

耶?俟考。

范偶談清江公守賴故事。」) 矢花磚沒羽新。 諸天墖廟正嶙峋。 長干昨夜金光誦, 手捧香鑪拜相輪。(自注:「康孝廉小

寅恪案,此首爲康范生及楊廷麟而作。 、參有學集拾牧齋己亥所作「贈同行康孝廉」七律及同書陸「爲康小范題李長蘅畫 廷麟江西清江人,故云「清江公」。 梅村家藏 一詩, 藁伍捌附 並明詩 紀事 詩話

楊廷麟字伯祥, 別字機部, 臨江[府清江縣]人。 機部後守贛州, 從城上投濠死。

」詩。)略云:

辛籤貳拾「康范生」條所載「嘉定寓舍感賦

范與機部同事, 楊機部殉節後, 兵敗,被縛下獄,瀕死而免。吳門葉聖野贈之詩曰, 云已無子。 康小范孝廉來吳門, 攜機部在贛州詩十餘首, 盧諶流落劉公死, 並言其子尚在。小 回首

明史貳柒捌楊廷麟傳(參小腆紀傳貳伍楊廷麟傳。

)略云:

郎。 楊廷 麟字伯祥, 清江人。順治二年南都破, 江西諸郡惟贛州存。 唐王手書加廷麟吏部右侍

已而 大學 。九月大兵屯泰和,副將徐必達戰敗, 萬元吉至贛。 賜劍 便宜從事。 十二月同升卒。 十月大兵攻吉安, 三年廷麟招峒蠻張安等四營, 廷麟[劉]同升乘虚復吉安臨江, 必達赴水死。 會廣東援兵至, 大兵退屯峽江, 降之, 號龍武新軍。 加兵部尚書兼東閣 廷麟聞

退 兵逼城 保雩都。 下, 廷麟遣使調廣西狼兵, 而身往雩都趣新軍張安來救。 五月望, 圍暫解, 安戰 梅林, 已復合。 再败,

Ŧ

將由

汀

州

赴 贛,

將往迎王,

而以元吉代守吉安。

無何,

吉安復失。元吉退保

轒

州

四月大

月水師戰敗, 廷麟乃散其兵, 援師悉潰。 及汀州告變, 以六月入贛, 與元吉憑城守。未幾, 賴 图已半年, 守陴皆懈。 援兵至, 十月四日大兵登城,

久之, 力不支, 走西城投水死。

以南霽雲比康范生, 據上引材料, 知牧齋此首乃用昌黎先生文集壹叁「張中丞傳後敍」, 以霽雲 所射之佛寺浮圖比上報恩寺塔。 又韓文云: 以張巡守睢陽比楊廷麟守贛,

耳!不可爲不義屈。 雲笑曰, 欲將以有爲也。公有言,雲敢不死!即不屈。

城陷

賊

以

刃脅降巡,

巡不屈,

即牽去,

將斬之, 又降雲,

雲未應

巡呼雲曰,

南八,

男兒

第五章 運動

復門

梅村謂「小范與機部同事, 以有爲」之意。 其在金陵與牧齋所商談者, 兵敗, 被縛下獄, 必關涉復明之舉動, 瀕死而免。」然則小范之不死, 亦即南八之所謂「欲將 亦即準備接應鄭延平攻取南都之

## 其二十一云:

事

抑又可知矣。

江草宮花洒 1淚新。 忍將紫淀謚遺民。 舊京車馬無今雨, 桑海茫茫兩角巾。 (自注:「張二 嚴季

寅恪案, 可度傳云: 筏爲其兄文峙 此首爲張氏兄弟而作。 請 誌 張文峙事蹟第肆章論楊宛節已略引。 金陵通傳貳拾張如蘭傳附子

可度字二巖。既自登奉母歸,亦隱居不出,號罽筏老人。

有學集補「明士張君文峙墓誌銘」略云:

六十 宋元二史無徵 張君名可仕 類存目叁並可參有學集肆玖「書廣宋遺民錄後」。)雖暈珥, 在此錄也。 有四。 文峙卒, (寅恪案,「新安著錄」指明休寧程敏政所撰宋遺民錄。 字文峙。 名氏 翳然 四方之士會哭, 以字行, 聲景彷彿。 改字紫淀。 議銘其旌, 新安著錄, 書文峙, 胥曰, 古之遺民也。 代沉 從其初也。 人飛, 舍奔约, 東都西臺之君子, 歲在甲午四月初 見四庫總目提要史部 木門有向 或有言曰, 八日 著雍猶 遗 民之名, 卒, 視。 年

名, 有兩生, 推文峙之志, 其忍媲杞肄湘纍, 汙竹素而塵桑海乎?必也正名, 易之曰明士其可。 明有士焉誰居?文峙士矣,請徵所以士文峙者。於是文峙之弟二嚴,立紫淀先生 (寅恪案,「肄」疑是「婦」字之譌, 比葬, 則又曰, 俟覓善本校之。)遺身後 嗚呼!齊有二客,

而謁銘於余。余泫然流涕曰,士哉文峙!明士哉文峙!余舊史官也,其忍醉?

牧齋此首第貳句,謂不當以遺民目文峙,即前論其編列朝詩集, 文中「躔暈珥, 舍奔狗, 木門有向, 著雍猶視。 推文峙之志, 其忍媲杞婦湘纍, 止於丁集之旨, 遺身後名, 茲不備述。 至其

馬遷天官書及班氏所載, 春秋傳日, 公既視朔, 遂登觀臺,凡分至啓閉必書雲物。 妖星暈珥, 雲氣虹蜺,存其大綱,未能備舉。 神道司存, 安可誣也。 自後史官更無紀錄。

爾雅釋天略云:

素而塵桑海乎?」等語,

則須略加詮釋。

檢隋書壹玖天文志上云:

大歲在戊曰著確。 大歲在子曰困敦。 奔星爲的約。

邢员疏云:

奔星爲约 約者, 奔星即流星。

左傳僖公五 年載

第五章 春王正月辛亥朔, 復明運 動 日南至, 公既視朔, 遂登觀臺以望, 而書, 禮也。 凡分至啓閉, 必書雲

一 六

物,爲備故也。

同書襄公廿七年載:

國而坐。木門大夫勸之仕,不可。 [子鮮]遂出奔晉,公使止之,不可。及河,又使止之。 曰, 仕而廢其事, 罪也。 止使者而盟於河, 託於木門, 從之, 昭吾所以出也。 將誰 不鄉衛 愬

乎?吾不可以立於人之朝矣。終身不仕。

金氏牧齋年譜順治五年戊子條云:

按是年姜瓖奉永曆年號, 不同也。又「三秦駟鐵先諸夏, 歲晚過林茂之有感云,「先祖豈知王氏臘, 傳檄秦晉。 九廟櫻桃及仲春。」又「秦城北斗迴新臘, 王永強據榆林, 胡兒不解漢家春。 方窺西安, 」按當時海上有二朔, 而江西湖南等地亦歸明也。 庾嶺南枝放早春。 皆與北曆

同書順治六年己丑條云:

故先生有喜而作云。

元日試筆「春王正月史仍書」云云。 按行朝錄, 此爲監國魯四年正月辛酉朔。 永曆三年正月庚

申朔也

並三國志伍柒吳書壹貳陸績傳裴注引姚信集云:

士之有誄,魯人志其勇。杞婦見書,齊人哀其哭。

依據上引資料,可以約略推測牧齋之意旨,蓋謂建州雖已入關渡江, 而永曆之正朔尚存。戊子年

目耳。 湘纍比之也。 秦晉且曾一度奉其年號。文峙雖在淸人統治下之南都,仍傾向桂王, 然則牧齋作此題之第貳壹首時, 總之,牧齋學問固極淵博, 以爲明室尚未盡亡, 但此文亦故作僻奧之句法, ,仍有中興之希望。張氏兄弟亦同此意 藉以愚弄當日漢奸文士之心 故明社猶未屋, 不可以杞婦

## 其二十二云:

旨也。

龍子千金不治貧。 陳古公。」) 處方先許別君臣。懸蛇欲療蒼生病, 何限刳腸半腐人。(自注:「余就醫於

者。 寅恪初不知陳古公爲何人,後檢有學集壹捌「陳古公詩集序」略 寅恪案,此首爲陳元素而作。 牧齋之稱就醫於陳古公,不過表面掩飾之辭。其實恐亦與之暗中商議接應鄭延平之事也。 詩中皆用醫家華敷孫思邈之典故, 題中「就醫秦淮」之語, 自是應題之作。 與此首自注:「余就醫於陳古公。」可相印 但第貳句暗示陳氏乃不承認建州之統治權 云:

之稱詩, 陳子古公自評其詩曰, 可與談彈斥淘汰之旨,必古公也。 意窮諸所無, 句空諸所有。 古公之詩, 聞者河漢其言, 梯空躡玄 霞思天想 余獨取而證明之, 無鹽梅 芍藥之 以爲今

第五章 而有空青金碧之氣,世之人莫能名也。 運動 李鄴侯居衡山 開殘師中宵梵唱 先悽惋而後喜

復明

説,知其爲謫堕之人。吾今而後乃知古公矣夫。

及黃宗羲思舊錄「陳元素」條云:

陳元素字古白。 余時作詩, 頗喜李長吉。 古白一見即切戒之, 亦云益友。

詩注捌「金陵雜題絕句」二十五首之九自注:「丁酉秋日與襲孝升言別金陵。」)及同書貳拾「陳古公 又檢定山堂集肆拾「牧齋先生及同學諸子枉送燕子磯。月下集飲, 取牧齋序所言古公論詩之旨, 與梨洲之語相參較, 可知「古公」即「古白」之別稱。 口號四首。 」(此題可參有學集

追送淮干,和答。」云:

爾自白衣侔上相,天容丹爦補蒼生。

芝麓此七律「白衣上相」之語,乃用李鄴侯故事。 在順治十四年多間, 肅宗紀至德元載七月「上欲以泌爲右相」條。) 其作此七律時, 然則牧齋之序當作於芝麓答古公詩之前, (見新唐書壹叁玖李泌傳及資治通鑑貳壹捌唐紀 似已見牧齋之序者。 頗疑牧齋此第貳貳首與此序爲同時 襲氏此次北行,

至陳氏之事蹟 則鄒流綺漪啓禎野乘壹集壹肆「陳隱君傳」略云: 作品,

若不然,

兩者作成時間,

亦相距不甚遠也。

俟考。

滿戶外。公内行純備, 公名元素, 字古白。 南直長洲人也。生平多客遊,撫公亦虛館延聘, 不僅以文章重一時。 後偶客無湖, 竟死。 學者稱貞文先生。 簡勅無所干。 問字履恆

論曰,余不識陳先生。吾友徐禎起亟稱其愼取與,重然諾。 蓋孝弟廉讓人也。去世之稱吳人

者,不過謂風流蘊藉已耳,如先生者,可多得哉?

鄒氏稱元素爲「隱君」, 牧齋與芝麓皆以「著白」之「山人」李鄴侯泌爲比,尤可證「古公」即「古白」,

其二十三云: 似無可疑也。 五行祥異總無端。九百虞初亦飽看。 清曉家人報奇事,小兒指椀索朝飡。(自注:「閩人黃帥

寅恪案,此首爲黃師正而作。明詩紀事辛籤壹陸「黃澂之」條,選帥先「小桃源山居詩」五首, 先博學奇窮,戲之,亦紀實也。」

其小

傳云: 澂之初名師正, 字帥先。 改名後, 字靜宜, 又字波民。 建陽人。

此條下注引陳庚煥惕園初稿 云

爲武夷最勝處, 王貽上嘗傳澂之小桃源山居一詩。 詳其詩語, 澂之蓋嘗以黃冠歸故鄉, 。(見王漁洋感舊集壹陸及明詩紀事所選之第壹首。 其後出遊大江南北。 )小桃源

又引全閩詩儁云:

靜宜爲史公可法幕府上客,才如王景略, 節如謝皋羽, 詩筆妍麗, 不類其人。

第五章

復明運動

有學 集 捌 長 干塔光 集 讀 建 陽 黃 帥 先 小 桃 源 記 戲題 短歌。 (吾炙集 選「小 桃源 Ш 居 詩 74

選少

第壹首。

明詩紀 未爲 事 武 所 夷遊 先得 桃 源 記。 小桃 源在幔亭旁, 別館便房列 仙治。 黄生ト築 才十年, 七 日 小

在尺幅 鼻鼾 彌烽 烟。 存。 老夫 食指 U 神 不 蠕 租 稞 似 動 頭 劉 請 欲 子 迴 驥。 梁。 駕 彭 洞 仙 錢 源 口 但 仍封 之後武 仗 漁 小 有天。 夷君。 人指。 我是婆 朅來奔竄冶 憑將此記 留 作 最 一券書, 城左。 小 孫。 手指 設版 包茅 欲胙 焦 詩 瑕自 記 乾 挪 揄 今 魚 始。 我。 君 臥 選 不 榻 勝 見三 搜 那 奇 容 刦

鐵 潮, 漢 東 彈 丸 亦 如 此

據此 黄氏 頂叁首 之爲 反抗 其後更 建 賦 州 者, 七古長篇贈 古 不 -待論。 之。 故波民於復明活動有所策劃 其出 遊大江南北, 在冶城與牧齋初 自 無 次相 可 疑 聚 也。 牧齋 即

其二十四云

夕, 寒窗簷掛 丙 申元 \_\_\_ 旦元 條冰。 夜, 灰陷 皆投 鑪 宿長干, 香 對 病 僧。 與介 話到 邸 師 無言清不 兄 同 榻 寐, 暗風 山鬼剔殘燈。 (自注:「乙未除

識乩 壹題「並舟分月人皆見」 寅恪案, 神 降 此首爲 語 及 臘 介 月八 邱 而 作。 日長干 兩鏡交光汝莫疑 關於介邱 熏塔, 一之事, 百 介 道 人孫 除 聯 削 魯山 已論者外, 第順題 一辞更 臘 生 改嘉平繞墖來」句, 黄 尙 有 信 力 有 學 盛 集 伯含衆居士。 捌「示藏 皆與 社 介丘 復 道 題。 其第 兼

# 其二十五云:

風掩籬門壁落穿。

道人風味故依然。

莫拈瓠子冬瓜印,

印却俱胝一指禪。

(自注:「曾波臣之

寅恪案, 子薙髮住永興寺。

牧齋此首爲曾氏父子而作。 明畫錄壹人物門略云:

門。後于牛首永興寺爲僧, 曾鯨字波臣。 閩晉江人。 工寫照, 釋號懶雲。 落筆得其神理。

萬曆間名重一時。

子沂,

善山水,

流落白

可與牧齋自注相參證。此詩第叁肆兩句, 遵王已引大慧語錄及五燈會元等爲釋, 茲不必詳贅。但

大慧語錄載:

然未散,

山僧常愛老杲和尚,

每提唱及此,

未嘗不歡喜踊躍,

以手搖曳曰,

真箇有恁麼事,

天臺智者大師讀法華經至是真精進,是名真法,供養如來,悟得法華三昧, 見靈山一會,

亦是表法。 你每冬瓜瓠子, 那裏得知?

又有可注意者,宋史叁柒肆張九成傳略云:

牧齋之意,以爲明社實未曾屋,

其以明室爲眞亡者,乃冬瓜瓠子頭腦之人也。

第五章

復明運動

張九成字子韶。 其先開封人, 徙居錢塘。 遊京師, 從楊時學, 權貴託人致幣, 日, 肯從吾

間。 曲。 言西 之 遊, 而 張 檜恐其議己, 九 虚聲以撼 當薦之館閣。 漢災異 韶考官直言者, 且成 成 日, 檜此 事, 中國。 未有枉 檜甚 事。 九成笑曰, 令司諫詹大方論其 置高 惡之, 九成 因言十事, 己而能 等。 日, 直 謪 九成對策,擢寘首選。金人議和,九成謂趙鼎曰, 邵 人。 九成胡爲異議?特不可輕易以苟安耳。 王良尚羞與嬖奚乘, 彼誠能從吾所言, 州。 上問 與宗杲謗訕 先是 以 和 徑 議。 山僧宗杲善談禪 朝政, 九成 則與之和,使權在朝廷。 吾可爲貴遊客耶?紹興二年, 日, 謫居南安軍。 敵情多詐, 理, 從遊者衆, 不可不 檜 曰, 鼎既 察。 九成 立朝須 罷 因 金實厭 上將 時往來其 在經 便 秦檜 遊 策 委 誘 進

咸淳臨安志柒拾僧門宗杲傳略云::

事, 求解院事。 命往從之。 九成唱之, 以居之,號臨濟中興。張九成與爲方外交,秦檜疑其議己,言者論其誹謗朝政, [宗杲]字曇晦,本姓奚。丞相張浚命主徑山法席, 皆委己咨叩, 憂形於色, 得旨 二十五年特恩許 宗杲和之。 或至 退居 而張浚雅相推重。 一垂涕。 明月堂。 紹興十 自便。 時名公鉅卿 一年五 隆興 明年 宗杲有正法眼藏三卷, 八改元, 月 韶毀 復 如李邴汪藻吕本中曾開李光汪應辰趙令於張孝祥 僧 伽梨, 僧牒, 八月示寂。 編置 學徒一千七百人,來者猶未已。 奉朝旨住阿 宗杲雖 一衡州。 又有武庫若干卷。 林下人, 二十年移海州。 育山。 逾年 而 復居 義 篤 其徒集法 君 Щ 四方衲子忘軀 動搖 三十 敞千僧閣 談 F 語前 一年 陳 及 之 時

後三十卷,浚爲序。淳熙初,韶隨大藏流行。

新續高僧傳四集壹貳「南宋臨安徑山寺沙門釋宗杲傳」云:

[紹興]十一年五月秦檜以杲爲張九成黨, 毀其衣牒, 竄衡州。 二十六年十月韶移梅陽。

不

然則宗杲爲宋時反對女眞之人。此際參與復明運動者,如懶雲等,亦與之同一宗旨,可以推知。 久, 復其形服, 放還

牧齋詩之用宗杲語錄,殊非偶然也。 其二十六云:

荒菴梅老試花艱。 酹酒英雄去不還。月落山僧潛掣淚,暗香枝掛返魂幡。(自注:「城南廢寺

老梅三株,傳是國初孫炎手植。」)

日 州所佔有, 而終將歸明也。 寅恪案,此首固爲廢寺老梅而作, 蓋謂桂王必當恢復明室也。 末句遵王引東坡「岐亭道上見梅花」詩,返魂香入嶺頭梅。甚合牧齋微 實暗寓孫炎事, (見明史貳捌玖孫炎傳。) 意謂建康城雖暫爲建

其二十七云:

師比隣, 子夜烏啼曲半訛。 戲書其壁。 隔江人唱後庭多。雜邊兀坐村夫子,端誦尚書五子歌。(自注:「歌者與塾

動

寅恪案, 此首疑爲龔芝麓之塾師而作。 有學集詩注捌長干塔光集「龔孝升求贈塾師戲題二絕句」

都都平丈教兒郎。 論語開章笑開堂。 何似東村趙學究, 只將半部佐君王。

魯壁書傳字不譌。 兎 園 程 課近 如何。 旅奏費誓權停閣, 先誦 虞箴五 子

誓爲平內。 用尚書故實, 以牧齋贈孝升塾師 牧齋以建州本爲明室舊封之酋長, 想此 塾師 兩詩之第貳首所用之辭旨與此第貳柒首相符同 正以書經課蒙童也。 所可注意者, 故以費誓比之也。 旅奏費誓皆書經篇名。 推之, 又左傳襄公四年引虞 此塾師當是一人。 旅獒爲交外 人之箴曰: 詩中全

芒芒禹迹, 畫爲 九州, 經啓九道。民有寢廟, 獸有茂草。各有攸處,德用不擾。 在帝夷羿

及蔡沈書經集傳夏書「五子之歌」序云:

冒於原獸,

忘其國血,

而思其塵牡。

武不可重,

用不恢於夏家。

獸臣司原,

敢告僕夫。

大 太康尸 民弗忍, 位, 距於河。 以 逸 豫滅 厥德, 厥弟五人, 黎民 御其母 咸貳。 以從,溪於洛之汭。 乃盤遊 無度, 畋於有洛之表, 五子咸怨, 十旬 述 大禹之戒以作歌。 ,弗反。 有窮 后羿,

聞五子洛汭之歌, 則知夏政荒矣。 」之旨。今檢梅村年譜肆順治十三年丙申條云: 由是言之,

牧齋之意,

蓋謂清世祖荒於遊畋,躭於歌樂,

即遵王引白氏文集肆伍

與元九書」中

上駐蹕南苑閱武 行蒐禮, 召廷臣恭視, 賜宴行宮。 先生賦五七言律詩, 五七言絕句,

每體一首應制。聖駕幸南海子,遇雪大獵,先生恭紀七律一首。

之詩, 更參以第叁章論清世祖詢梅村秣陵春傳奇參訂者宜園主人事及第肆章 皆是當時史實。 若清政果衰, 則明室復興可望。 其寓意之深, 論董小宛未死事, 用心之苦, 不可以遊戲文章 則知牧齋

其二十八云:

等閒視之也。

粉繪楊亭與盛丹。 黃經古篆逼商盤。 史癡畫笥徐霖筆, 弘德風流尚未闌。

霖媲美, 寅恪案, 此首爲楊亭盛丹而作。牧齋之意, 以爲楊盛之藝術, 可追弘治正德承平之盛,

斯亦明室仍可復興之微意。 金陵通傳壹肆高阜傳云:

雖晨炊數絕, 嘯詠自若, 不妄干人。

草

時江寧以畫隱者楊亭,

字元章,

居東園。

家貧品峻,

以丹青自娱。

晚無子,

與瞽妻對坐荒池

與史忠徐

彭蘊燦歷代 畫史彙傳叁壹云:

黄經清如皐人

字維

之,

字濟叔。

別字山松,

工詩

詞,

善書法及篆刻,

尤善畫山水。

(原

注:「圖繪寶鑑續纂, 櫟園畫錄, 桐陰論畫, 〔清畫錄, 國朝畫識等〕。

盛丹事蹟見金陵通傳壹肆盛鸞傳附宗人胤昌傳所載。第叁草論河東君愛酒節已引。 伯含維之皆隱逸之流, 不仕建州者。 至史忠徐霖之事蹟, 遵王注已詳述, 並可參金陵通傳壹 據此可知元章

第五

復明運

集下後秋興之九「種柳十圍同望幸」句, 謙益視息餘生, 人本傳, 不須贅引。惟徐霖之故實與武宗幸南都有關,牧齋之詩旨與前引其致瞿稼軒書所謂「若 奄奄垂斃,惟忍死盼望鑾輿拜見孝陵之後, 皆希望桂王之得至南京也。 槃水加劍, 席藁自裁。 」等語及投筆

其二十九云:

旭日城南法鼓鳴。 演妙華於普德 余頗爲卷荷葉所困, 難陀 傾聽笑曹 騰。 有人 而 薛 割 老特甚。 取乖龍耳, 上座先醫薛更生。 (自注:「旭伊法

寅恪案, 此首可參第壹壹及壹貳兩首論薛更生事。 不過前二首以薛更生爲主, 而此首以旭伊爲

其三十云: 更生爲賓耳。

寅恪案, 寇家姊妹總芳菲。 此首爲寇白門姊妹而作。板橋雜記中附「珠市名妓門」載 十八年來花信違。 今日秦淮恐相值, 防他紅淚一霑衣。

生降 麗 白門 十八九時, 字白門。 家口沒入官。 其一 也。 錢牧齋詩云[云], 爲保國公購之, 白門 白門以千金予保國贖身, 娟娟靜美 貯 (寅恪案, 以金屋, 跌岩風 流 牧齊詩即此題第叁拾首, 如李掌武之謝秋娘也。 匹馬短衣,從一婢而歸。歸爲女俠,築園亭, 善畫蘭, 粗知 、拈韻。 甲申三月, 能吟詩, 故從略。 然滑 京師 則 寇家 陷, 多佳 保國 能

之預備。 綜觀此三十首詩,可以知牧齋此次留滯金陵, 可取與此首相證發也。 去, 唤婢, 鄭成功犯江 來, 也。 結賓客, 慶重刊康熙修江寧府志壹陸職官表知府欄, 郭維翰字均衛, 誤耶?俟考。)軍士乘亂掠婦女,維翰又以爲言, 此詩見有學集詩注捌長干塔光集「金陵雜題絕句」二十五首之十。) 有云:「叢殘紅粉念君恩。 百姓洶洶欲亂,縣人佘量字德輔, 據金陵通傳貳陸「郭維翰傳」略云: 綢繆泣, 既從揚州某孝廉,不得志, 日與文人騷客相往還。 寧, 欲留之同寢。 一字石溪, 滿 帥 咄咄罵韓生負 疑有内應 上元人。 女俠誰知寇白門。黃土蓋棺心未死, 韓生以他故辭, 心禽獸行, 欲屠城。 酒酣 復還金陵。 父秀厓, 耳熱, 獨棹小舟, 與有志復明諸人相往還, 維翰力言於知府周某轉白總督而止。 無周姓者。 欲嚙其肉。 執手不忍別。 諸生。 老矣,猶日 或歌或哭, 亦自歎美人之遲暮, 乃放還。方是時, 冒風穿營而渡, 考授典史。 豈此一周某」非實缺正授, 病甚劇 與諸少年伍。 至夜, 明亡, 香丸一縷是芳魂。 醫藥 聞韓生在婢房笑語 泣叩總督, 當爲接應鄭延平攻取南都 江上紛然 图 以隱終。 臥病時, 效 遂死。 給榜安民, 嗟紅豆之飄零 (寅恪案, 國朝順 六合知縣遁 召所歡韓生 抑或記載有 (寅恪案 蒙叟雜題 奮身起 治

嘉

動

柳 如 是 别 傳

尤可

證

明鄙說之非妄也。

有學集柒爲高會堂詩集。 其中絕大部分乃遊說馬進寶響應鄭成功率舟師攻取南都有關之作。 清史

列傳捌拾逆臣傳馬逢知傳略 云:

馬逢 知原名進寶, 山西隰州人。順治三年從端重親王博洛南征, 克金華, 即令鎮守。 六年命

加都督僉事, 授金華總兵 管轄金衢嚴處四府。十三年遷蘇松常鎮提督。

至松江時日推之,當是距離九月不遠。有學集詩注柒高會堂詩集有「丙申重九海上作」一題, 寅恪案,馬進寶之由金華總兵遷蘇松常鎭提督, 又同卷「高會堂酒闌雜詠」序末云: 在順治十三年丙申 何月, 雖不能 確 知, 但以

歲在丙申陽月十有一 日蒙叟錢 謙益書於青浦舟中。 氏必於九月以前已抵新任。

則牧齋留滯松江, 實逾一月之久。其間策劃布置, 甚費時日, 可以想見也。牧齋「高會堂酒闌雜

詠」序云:

是行也, 假館於武靜之高會堂, 遂以名其詩

志云

第叁章引王澐雲間第宅 河南(徐)陟曾孫文學致遠宅,

處

有師 儉堂。 申文定時行書。 西有生生養別墅, 陟子太守琳放生

者。 堂。 内。 **禎八年春間** 頗疑牧齋所謂高會堂,即徐武靜之師儉堂,乃其平日家屬所居者, 有學集詩注柒高會堂詩集「高會堂酒闌雜詠」序云: 染翰, 書中 京宿好, 乃帥府華筵 蘆故國, 不到雲間 茲不能詳論, 第叁章曾引宋轅文致牧齋書, 童生長於別 又曰 倒 丈室維 妬忌憤怒之語, 捲白波。 P 如 耳語 兵火殘生。 ,十有六載矣。水天閒話,久落人間。 河東君與陳臥子同居於生生菴, ~ 衝轡, 摩, 後 溺人必笑。我之懷矣, 慨慷。北里新知, 便房曲宴。 唯擇其最饒興趣數題錄之, 忽發狂言, 競指鬚眉。 衣花不染。 常思吐 衰晚重遊, 今日觀之, 香。 金釭銀燭 驚迴紅粉。 點難陀之額粉, 門巷改換於兵 其 胸 人民 目成婉變。 似 痛 殊覺可笑也。 誰則知之?是行也, 在春, 加詆 非昔。 午夜之砥室生光。 歌間 毁, 並略 前 難明上下。 順治十三年丙申秋多間, 敕勒, 朱門 尚指 酒闌燈炧, 蓋由宋氏之情敵 加考釋於下。 每差步羅。 至此 賜第, 高樓。 花月 祗足增悲。 集涉及之人頗不少, 語 新聞,已成故事。 被慶喜之肩衣,猶看汲井。頃者, 月落烏啼。 檀 舊燕不飛。 假館於武靜之高會堂, 同 常中 板紅牙, 調 謎 陳錢 逵 與生生菴別墅,自非一 天似穹廬, 而 爾人, 詞比俳優。 徙倚, ,牧齋又寄寓武靜 雜夢囈以興謠 十月之桃花欲笑。 白屋人家, 漸臺織女, 皆與復明運動有關 先後皆居於武 或當 何妨醉 傳云 新烏 響 遂以名其詩。 倒。 而欷歔。 蘸杯盤 誰 惟食忘 之師 横飛 機石依 又若 地。崇 止。

拇

西

而

兒

菰

儉

動

益

青

浦

舟

中。

亦欲 使此 邦同 人, 摳衣傾蓋者, 相與繼響, 傳爲 美談 公云爾。 歲在丙申陽月十 有一 日 蒙叟錢

寅恪 旨 案, 則略 牧齋 表出之, 此 序, 以 供參證。 其 所 用 典故, 此序 口 遵王 分爲五段 注 解釋 頗詳, 讀 者 可 取參閱, 茲不 -復贅。 惟 典 故外之微

年, 第壹 舟師 順治七 與維摩詰 然猶在。 家爲幸。 露花丈室何曾染」句 風流 攻 段自一不到 取 年 今則 韻事 南 庚寅牧齋經 經中諸菩薩 但己身與 京有關, 馬氏遷督松江, 雲 遠近 間 河 傳播, 」至「猶看汲井」。 相比 自不能不有此行。 衣花不染相同, 東君, 河 東君黃太沖之慫恿, 較, 今已早成陳跡。 近歲以來, 此地 足知 爲長江入海之扼要重鎮 此十七年 不似諸大弟子花著不 意謂 非如前者之放浪風流 但馬氏 於崇禎 間, 河東君茸城舊居之處, 赴金華遊說馬進寶 爲人狡猾反覆, 錢柳已由言情之兒女, 十四年六月, 墮。 尤與牧齋頻年活動 反清。 若取與牧齋答河東 河東君當亦有所聞 而 與河東君在茸城結褵, 轉爲假藉學道, 如徐武靜之別墅生生菴等, 其 事 改爲復國 頗涉危 之英 以響 險, 君 陰圖 知, 半 雄矣。 應 野堂初 牧齋以 H 復明之人, 共歷十六 鄭 i 惴 、得還 )贈詩 平 前論

依

頗有

周

折,

不能及早言旋也。

所可笑者,

點難陀之額粉,

尚指

高樓。

上一句,

旣目

河

東

君

爲

難陀

於不得已,

蓋其間

則「尙指」之「尙」

更有著落矣。

望其早得還家。

據「點粉」「汲井」之語,

則牧齋所以留滯松江逾一月之久,實出

之妻孫陀利,

則此「高樓」,

殆指庚寅冬焚燬之絳雲樓耶?果爾,

第貳段自「頃者」至「欷歔」。 意謂此次之重至松江,大有丁令威化鶴歸來之感。 「舊燕」指明室舊

人,「新鳥」指清廷新貴。 燕子去作他家實。 主人簷前海燕乳。 新巢非復舊庭院, 差池上下銜泥語。 本卷最後一題「丙申至日爲人題華堂新燕圖」云: 依約呢喃喚主人, 舊燕喧呼新主人。 主人開顏笑相許。 新燕頻更主人面。 主人新舊不相見。 主人一去秋復春。

多謝華堂新主人, 珍重雕梁舊時燕。

此詩中之「新燕」「舊燕」 「長至前三日吳門送襲孝升大憲頒詔嶺南兼簡曹秋岳右轄四首。 即指漢人滿人而言, 可與序文互相參證。 」據淸史列傳柒玖貳臣傳聾鼎孳傳 此「題華堂新燕圖 前 題爲

案 孳具疏引罪, 上以鼎孳自擢任左都御史, 可參吳詩集覽陸上「送舊總憲龔孝升以上林苑監出使廣東」詩, 又曾薦 舉納賄伏法之巡按顧仁, 詞復支飾。 下部議, 每於法司章奏, 應革職。 再降三級。 倡生議論, 韶改降八級調用。 十三年四月補上 事涉滿漢,意爲輕重。 尋以 在法司時, 並附嚴流「送襲芝麓使粤 一林苑蕃育署署丞。 敕令回奏。 讞盜 (寅恪 後先 鼎

然則「新燕」「舊燕」即淸帝諭旨所謂「事涉滿漢」之「滿漢」。 「人」,乃襲孝升也。俟考。 頗疑此詩題中「爲人題華堂新燕圖」之

東」詩。

第

房曲 第叁段自「若乃」至「醉倒」。 宴 」指陸子玄許譽卿等之置酒邀飲。「紅粉」「桃花」俱指彩生。「敕勒」指北方之歌曲。 意謂當日在松江筵讌之盛況。 「帥府華 筵」指馬進寶之特別招待。 「穹廬」 「便

終覺畏懼不安,辭不盡意也。「西京宿好」指許霞城輩。「北里新知」亦指彩生 也。

指建州之統治中國也。

第肆段自「又若」至「知之」。

意謂筵席間與座客隱語戲言,

商討

復明之活

或者武

當日曾參加馬進寶之幕府耶?俟考。 第伍段自「是行」至「云爾」。則說明高會堂集命名之故。 並暗指此行實徐武靜爲主動人。

雲間諸君子肆筵合樂, 授几賓筵大饗 同。 秋堂文讌轉光風。 饗余於武靜之高 會堂。 豈應 江 飲罷蒼茫, 左龍門 客 欣感交集, 偏 記 開元鶴髮翁。 輒賦長句二首。 酒 面尚 依袍草綠 其一云:

燭 13 長 傍 劍花 紅。 他年屈指衣裳會, 牛耳居然屬海

其二云:

席俯東溟海氣更。 重來華表似 前生。 當饗可應三嘆息, 夢裏華胥又玉京。 歌鍾二八想昇平。 鶴唳秋風新谷水, 雉媒春草昔茸城。 尊開南斗參旗

左龍 衆, 寅恪案,此 門客」乃雲間諸 客則只 牧齋 題爲高會堂集之第壹題, 人。 人推崇牧齋之辭。 即俗所謂「羅 漢請 自是牧齋初到雲間, 錢氏爲明末 觀音, 主人數不清。 東林黨渠魁 松江諸人爲牧齋接風洗塵之舉。 」者也。 實與東漢李元禮無異。 故第壹首第壹聯上句之「江 河東君「半 主人甚

野堂初贈」詩云:「今日沾沾誠銜李」。甚合牧齋當日身分,並搔著其癢處也。下句「開元鶴髮翁」

人爲上客耶?乃其自謙之語也。第柒第捌兩句意指徐武靜。「海東」指徐氏郡望爲東海也。 固不待論。綜合上下兩句言之, 意謂此時江左第一流人物, , 尚有他人, 何竟推我一 第貳首

第貳聯謂時勢將變,鄭延平不久當率舟師入長江也。第柒句用左傳昭公二十八年「梗陽人有獄」條

伯叔, 饋之畢, 食。饋之始至,恐其不足,是以歎。中置,自咎曰, 退朝 諺曰,唯食忘憂。吾子置食之間,三歎,何也?同辭而對曰,或賜二小人酒,不夕 、閻沒女寬〕待於庭。饋入,〔魏子〕召之。比置, 顧以小人之腹,爲君子之心,屬厭而已。獻子辭梗陽人。 豈將軍食之, 三歎。既食, 而有不足?是以再歎。及 使坐。魏子曰, 吾聞諸 皆與

甚是。 「將軍」之稱不合也。第捌句遵王注已引左傳襄公十一年晉侯以歌鐘女樂之半, 頗疑高會堂此次之筵讌,其主人中亦有馬進寶。 然則綜合七八兩句言之, 更足徵此次之盛會, 故「將軍」即指馬氏。 馬進寶必曾參預,若不然者,詩語便無著落 否則此時雲間諸人, 賜魏絳事以釋之,

「雲間董得仲投贈三十二韻,依次奉答。」云:

第五章

寅恪案, 此詩前述 或 事 後言 了家事, 末寓復明之意。 以辭繁不錄, 讀者可自取讀之。 嘉慶修

府志伍陸董 黄 傳云

董黄字律 始, 號得 仲, 華亭人, 隱居 不仕, 著白谷山人集。 陳維松序其集 云, 託泉石 以終

足知得仲亦有志復明之人也 殉煙霞而 不 返。 可得其彷彿

「丙申重九海上作四首」其三云:

去歲登高莫釐頂 鮫人淚盡海東頭。 年年風雨懷重九, 杖藜落落覽吳洲。 晴昊翻令日暮愁。 洞 庭 雁 過 猶 前 旅, 橘社龍歸又一秋。 颶母風欺天四角

其四云:

糕」事, 故園今日也登高。 見謝肇淛 五 萸 雜俎上貳天部貳。 熟茶 香望我勞。 )含珠夜月生陰火, 嬌女指 端裝 菊枕 稚 孫 擁劍霜風長巨螯。 頭上搭花 糕。 (寅 歸 (格案, 與 Ш 妻 搭花 繙

賦, 秋燈一 穗掩蓬

也。第肆首之第壹第貳兩句謂河東君在常熟, 寅恪案, 口占二首」之第貳首末兩句「夕陽 第叁首前四句指同 書伍「乙未秋日許更生扶侍太公邀侯月鷺翁于 橘社龍 歸 處, 笑指紅雲接海東。 而己身則在松江, 」而言。 即王 摩詰。獨在異鄉爲異客, 「紅雲」「海東」 止路安卿登高 謂 莫釐 鄭 峰

延

頂

每

逢佳節倍思親。」之意。(見全唐詩第貳函王維肆「九月九日憶山東兄弟。」)第叁句「嬌女」指趙微仲

旨, 云:「桂殤, 所以名管字微仲之故, 妻。(寅恪案,趙管字微仲。見有學集壹貳東澗詩集上「壬寅三月十六日即事」詩題。考河東君壻 於此益 可證明矣。 哭長孫也。 )「稚孫」指其長孫佛日。 實取義於論語憲問篇「微管仲, 孫名佛日, , 字重光, 小名桂哥。 生辛卯孟陬月, 殤以戊戌中秋日。 (寅恪案, 有學集玖紅豆初集「桂殤四十五首」序 吾其被髮左衽矣。 之語。 河東君復明之微 」前論

河東君和牧齋庚寅人日示內詩二首之二「佛日初暉人日沈」句,以「佛日」指永曆。牧齋其次年正月 喜得長孫, 以「佛日」命名,實取義於河東君之句。字以「重光」,乃用樂府詩集肆拾陸機「日重光 小名「桂哥」, 亦暗寓桂王之「桂」。由此觀之, 則錢柳復明之意, 昭

行」之典。即明室復興之意。 然若揭矣。)牧齋家屬雖不少,但其所關心者, 止此三人, 據是可以推知。 第肆句用木玄虛海賦

暗指鄭延平。 蓋河東君亦參預接鄭反淸之謀。 非博聞強記, 深通選學如河東君者,不足以當之也。 第伍句用左太沖吳都賦。 此兩句皆與第柒句相應。

茲有最饒興趣之三題, 又二賦俱出文選, 皆關涉松江妓彩生者,故不依此集先後次序,合併錄之,略試考釋,以俟

陸子玄置酒墓田丙舍, 妓彩生持扇索詩, 醉後戲題八首。」其一云:

通人之教正

霜林雲盡月華稠。 鴈過烏栖暮欲愁。 最是主人能慰客,綠尊紅袖總宜秋。

第五章

復明運動

一一三六

### 其二云:

金波未許定眉彎。 銀燭膏明對遠山。 玉女壺頭差一笑, (涵芬樓本「玉女壺」作「阿耨池」。)依

然執手似人間。

## 其三云:

衣偏喜醉紅裙。 红花欲笑漏初聞。 (涵芬樓本「漏初聞」作「酒顏醺」。)白足禪僧也畏君。 上座嵬栽許給事,

緇

# 其四云:

殘粧池畔映餘霞。 漏月歌聲起暮鴉。 枯木寒林都解語,海棠十月夜催花。

#### 其五云:

口脂眉黛並氤氲。 酒戒今宵破四分。莫笑老夫風景裂,看他未醉已醺醺。

#### 其六云:

銀漢紅牆限玉橋。 月中田地總傷凋。 秋燈依約霓裳影, 留與銀輪伴寂寥。

老眼看花不耐春。 裁紅綴綠若爲眞。 他時引鏡臨秋水,霜後芙蓉憶美人。

#### 其八云:

交加履局韈塵飛。 贖澤傳香惹道衣。北斗橫斜人欲別,花西落月送君歸。

電城丈置酒同魯山彩生夜集醉後作」云: 滄江秋老夜何其。 促席行杯但愬遲。 喪亂天涯紅粉在, 友朋心事白頭知。

朔風悽緊吹歌扇

「霞老累夕置酒,彩生先別,口占十絕句,紀事兼訂西山看梅之約。」其一云: 參井微茫拂酒旗。今夕且謀千日醉, 西園明月與君期。

酒煖杯香笑語頻。軍城笳鼓促霜晨。 紅顏白髮偏相殢,都是昆明級後人。

兵前吳女解傷悲。 霜咽琵琶戍鼓催。 促坐不須歌出塞, 白龍潭是拂雲堆。

促別蕭蕭班馬聲。 酒波方溢燭花生。當筵大有留歡曲, 何苦凄涼唱渭城。

其四云: 酒杯苦語正凄迷。 (涵芬樓本「杯」作「悲」。)刺促渾如烏夜棲。欲別有人頻顧燭,憑將一笑與

會太匆匆別又新。

其五云:

第五章 復明運動

相看無淚可霑巾。

綠尊紅燭渾如昨,

(涵芬樓本「綠」作「金」。)但覺燈前少

ーニゼ

一人。(自注:「河東評云,唐人詩,但覺尊前笑不成。又云,遍揷茱萸少一人。」)

其六云:

詩,

傷昔年放逐,

漢宮遺事剪燈論。 有千金不賣長門賦之句。」寅恪案, 共指青衫認淚痕。 今夕驚沙滿蓬髩, 始知永巷是君思。(自注:「魯 山贈

涵芬樓本此自注作「魯山贈詩有千金不

買長門賦 傷先朝遺事也。 」遵王本「賣」應作「買」。)

其七云:

漁莊谷水並垂竿。烽火頻年隔馬鞍。從此音書憑錦字,小牋雲母報平安。

其八云:

緇衣居士(自注:「謂霞老。」)白衣僧。 (涵芬樓本此句作「消受暮年無個事」。)半衾煖玉一龕燈。 (自注:「自謂。 」)世眼相看總不摩。 斷送暮年多好

其九云:

國西營畔暫傳杯。 笑口懵騰噤半開。 數(自注:「上聲」。)日西山梅萬樹, 漫山玉雪遲君來。

其十云:

衣人。 江村老屋月如銀。 繞磵寒梅破早春。 (涵芬樓本「破」作「綻」。)夢斷羅浮聽剝啄, 扣門須拉編

ーー・八

「許光祿譽卿所納名妓王微有遠鑒」條並投筆集上後秋興之四其第伍首「石龜懷海感崑 寅恪案, 許霞城事蹟見明史貳伍捌, 嘉慶修松江府志伍伍及小腆紀傳伍陸本傳, 依板蕩間。 」句下自注:「懷雲間許給事也。 陸機詩, 石龜尙懷海, 我寧忘故鄉。 李清三垣筆記中 蓋不忘宗國之 Щ 二老因

詞。」等。孫魯山事蹟見馬其昶桐城耆舊傳伍其文略云:

薦史公可 年成進士, 孫公諱晉, 亂 祖 法於吏部。 字明卿, 授南樂令, 被謫。 總兵黃得功被逮, 號魯山。 體仁敗, 調滑縣, 始祖福一自揚州遷居桐城。 (左忠毅光斗)以兄子妻之。 復起爲給 報最, 疏請釋之, 諫。累遷大理寺卿, 擢工科給事中。 得出鎭鳳陽。 以疏劾大學士溫體仁任所私 特疏出劉公宗周金公光宸於獄 其後江左一隅, 竟賴史黃二 天啓五 人典試

馬士英擁立福藩,出史公可法於外。 避 出督宣大。 響仙 居。 時賢路闕塞, 越二年以疾乞歸,凡節餉十餘萬, 筮得遯之咸, 公在朝嶽嶽, 因自號餘卷 逆黨亦攀附驟用, 諸君子咸倚賴之, 推桐城左公後一人也。 又曰遯翁。 封識 如初, 國朝奉舊臣, 興大獄, 即日單車歸金陵。 目公爲黨魁。 強起之, 不可。 亡何, 尋以兵部侍郎 乃倉皇奉母, 築室龍眠 京師陷。

題。 並 可參有學集捌長干塔光集「臘月八日長干薰塔同 關於陸子玄, 則須略加考釋。 列朝詩集丁集叁陸永新粲小傳云: 介道人孫魯山 [薛更生黃舜力盛伯含衆居士」]

Ш

率子弟讀書其中。

年六十八卒。

第五章 復明運動

粲字子餘, 一字浚明。 長洲人。

後附其弟陸秀才采小傳略云:

采字子玄,給事中子餘之弟。年四十而卒。

寅恪以爲牧齋詩題中之子玄,必非陸采, 其理由有二。一 陸采旣是長洲人, 其墓田丙舍似不應在

松江也。二前論列朝詩集雖非一時刊成,大約在順治十一

年甲午已流布廣遠。今未發現附見陸采

自不能書「年四十而卒」。 一條爲後來補刻之證據。 若此子玄非陸采者, 則應是別一 故牧齋順治十三年丙申多,旣能與采遊宴,則采於是時尚生存, 松江人。 檢說夢壹「君子之澤」條云 小傅中

陸文定公(原注:「名樹聲,字興吉,號平泉。 嘉靖辛丑會元, 大宗伯。 」)名德碩望,

生劬思。(原注:「名彦章,字伯達。萬曆己丑進士,官少司寇。 」) 劬思生公美。(原

膾

存問謝恩,特蔭未仕。」)公美生子玄。(原注:「名慶曾。」)僅四世。而子玄

雖 登順治丁酉賢書, 以此賈禍, 爲異域之人。

注:「名景元。

陳忠裕全集年譜上崇禎八年乙亥條附錄李雯會業序云:

今年春闇公臥子讀書南園, 余與勒卣文孫輩, 或間 H 一至, 或連 H

書壹伍幾社稾「同遊陸文定公墓舍」題下附考證引松江府志云: 文定公陸樹聲墓在北城濠之北。萬曆三十三年賜葬。

南通志云: 同書壹陸平露堂集「八月大風雨中遊泖塔」 連夕同遊者宋子建尙木陸子玄張子慧。 」題下考證引江

陸慶曾字子玄。

同書同卷「送陸文孫省試金陵,時當七夕。」題下附考證引復社姓氏錄云:

董閬石含蓴鄉贅筆上「徙巢」條云: 金山衛陸慶曾字文孫。

陸文定公孫慶曾,素負才名。居丙舍,頗擅園亭之勝,以序貢入都中式。事發,遣戍遼左。

先是, 陸氏墓木悉枯, ,棲鳥數日内皆徙巢他往。

宴東無名氏研堂見聞雜記「科場之事」條云:

陸慶曾子玄,雲間名士平泉公之後。

者皆欲羅致門下, 授以關節, 遂獲售。 亦幽囹圄, 拷掠無完膚。一時人士, 相爲惋惜嗟嘆。

家世貴顯,兄弟鼎盛。年五十餘矣,以貢走京師。

王勝時雲間第宅志末一條略云: 北門外,陸文定公樹聲賜墓,左有廬目墓田丙舍,堂中以朱文公耕雲釣月四字爲額。公孫景

元常居焉。

信天翁丁酉北闈大獄記略(寅恪案, 關於慶曾事蹟, 可參孟森明淸史論著集刊下科場案「順天闈

第五章 復明運 動

條。)略云:

歲丁 酉, 大比 貢 士於鄉, 舊典 也。 權 要 賄 賂, 相 習 成 風。 + 者, 五 歸 亦即 節 中, 逮 首爲 不 陸 慶 係

識。 然則 次年 蹟 陸氏 世家子弟著聲庠序之人, 陸子玄之墓田 見清初 子玄之家世 則不 雖 即 金陵 此 又觀上 十年名宿 本爲 取與 在 應鄉 名慶曾之陸子玄, 易考知。 人處境之不易。 明 」詩之「陸文孫」, 及聲 南都 復明 順治九年牧齋第壹次至金華遊說馬進寶時, 列第叁題第 試 丙 ? 望約 活動。 舍 傾 表面 E 覆以 曾 牧齋高 藥愈 觀之, 略與侯李 與牧齋之拂水山 後 伍首, 其往還唱酬之人, 若不 後世末 會堂詩 即牧齋詩題之 房師 司 其舊 似 是 牧齋自注 應 相等, 頗 李 一人無疑 解當 傳 鄉 相 序 舉 振 H 矛盾。 有「北日 莊性 故疑 產, 鄴。 H 特 情 即 也。 陸子玄」, 里新 載 勢, 猶未 爲 質頗 借 多與此 其 前論 應丁 中 河 反清之一 據臥 盡失, 相類, 東君 知, 往往作過酷之批評, 式 李 西科 事有關。 以 素臣事 子 評語 目成 酬 並 自可 種表 鄉 故能邀宴友朋, 醫 遊陸文定公墓 與 、婉變。 試 竟不敢買婢者大異。 、舒章 生活 故子玄亦必是志在復明之人。 示 可見河 而 謂其 實出於不得已, 非 一會業序 之語 累及家族 與侯朝宗之應舉, 東君 賄 不必汲汲干 殊非公允之論也。 舍」詩 中 與彩生 招致名姝也。 之「文孫 可見牧齋前 及閬 或致 深 進也。 蓋建 足證彩生亦 具 石 」及臥子 身命之危險。 勝時 同 州 皆出 此 情 又牧齋此 關 入關之初 1/1 所 至彩生 於此 、送陸 於不得已。 但何 未 是有 記 紹 無 與 之相 以於 之事 志 妬 否 次 口 復 足 則 凡 至 知 孫 嫉

江舟中感懷」八首之八及「〔癸未〕元日雜題長句」八首之七兩詩中之「西山」指蘇州之鄧尉者不同。 故牧齋可稱之爲「西山」。(見劉本沛虞書「虞山」及「拂水巖」條。)與第肆章所論「〔辛巳〕冬至後京 明之人。又此題第玖首第叁句之「西山」,指虞山,蓋拂水巖在虞山南崖,而虞山在常熟縣西北,

第貳句「繞磵」之「磵」, 即虞山之桃源磵。 公詩合注叁捌。)窺牧齋之意欲霞城偕彩生同至其家,與河東君相見,絕無尹邢不能覿面之畏懼。 一十六日松風亭下梅花盛開」詩中「海南仙雲嬌墮砌,月下縞衣來扣門。 (見虞書「桃源磵」條。)第叁肆兩句自是用東坡「十一月 之語。 (見馮應榴蘇文忠

拂水山

[莊梅花之盛,屢見於牧齋之詩文。

可參第肆章論東山詶和集「除夕山莊探梅

」詩等。

第拾首

則此二女性,俱屬有志復明之人,復可以推知矣。有學集壹貳東澗集上,康熙元年壬寅春間所賦 **「茸城弔許霞城」七律,第貳聯云:「看花無伴垂雙白,壓酒何人殢小紅。」上句謂己身,** 可取與上列第叁題相參證也。 嗚呼!建州入關,明之忠臣烈士, 殺身殉國者多矣。 甚至北里 下句謂彩

之事者。 關於上列三題中許譽卿孫晉陸慶曾及彩生諸人之事蹟, 南曲才娃, 然終無救於明室之覆滅, 亦有心懸海外之雲, 豈天意之難迴, 抑人謀之不臧耶?君子曰, 非天也, (指延平王。)目斷月中之樹, 約略考證既竟, 茲再就三題中諸詩, (指永曆帝。 )預聞 復楚亡秦 人也!

第壹題第肆首「漏月歌聲起暮鴉」句之「漏月」,遵王注有「琹女名漏月」之語, 但未言出於何書。 檢

可注意者,

稍詮釋之於下。

第五章 復明運動

孫星衍平津館叢書中之燕丹子, 源出永樂大典本, 淵如復校以他書, 故稱善本, 獨未載「漏月」之 師

名。 垂老絕句」中「十指琴心傳漏月」句, 復檢. 有學集詩注壹肆東澗集下「病榻消寒雜詠」四十六首之三十七「和劉屛山〔汴京紀事〕師 「漏月」下遵王注引楊愼禪林鈎玄云:

桐 漏月事見燕丹子, 傳意也。 秦王爲 ,荆軻所持, 可超而越。 漏月傳意于 王曰, 秦王, **鹿盧之劍** 乞聽琴聲 果脱荆軻之手。 可負而拔。 而死。 王如其言, 琴女名漏月, 相如寄聲于卓氏, 彈音 終獲 日, 羅 文君之身。 穀單 衣, 可掣 皆絲

遂斬荆

然往往偽造古書, 始知牧齋所賦, 遵王所注, 殆皆出 如雜事秘辛, 即是一例。 禪林鈎玄。 故其所引燕丹子漏月之名, 鄙意楊用修爲人,才高學博, ,果否出於古本, 尚是一問 有明一代罕有其比。

題也。

此首「海棠十月夜催花」句,

謝肇

制五雜俎上貳云:

而

絕

三尺屏風

之戒, 極 必 十月謂之陽月 生陰, 有純 而十月有陽月之稱。 陰 極生陽。 豈 能 先儒 諱之? 當純 以 而 爲 使 陰 純陰 即天 純 有 陽 之月, 如 地之氣 用 女國 事之 諱 嫌於 B 其無男, 四月多寒, 無 而陰陽之潛伏者 陽 而 故 改名 日 而十月多爱 1陽月, 男國 此 庸 已駸駸萌 臆 有 說也。 益乎? 有桃李生華者 葉矣。 天地 大凡 之氣 天地 故 四 之氣 月有亢 俗謂之小 有純 陽 龍

紅樓夢第玖肆回「宴海棠賈母賞花妖」節云:

陽

則陽月之義,

斷可見矣。

雖是十一月, 大家說笑了一回, 因節氣遲, 講究這花(指海棠。 還算十月, 應着小陽春的 ) 開得古怪。 天氣, 賈母道:「這花兒應在三月裏開的, 因爲和暖, 開花也是有的。 如今

太平廣記貳佰伍樂門「玄宗」條云: 玄宗] 嘗遇二月初詰旦, 巾櫛方畢, 時宿雨始晴, 景色明麗, 小殿内亭, 柳杏將吐, 親而歎

婚内 之, 官曰, 臨軒縱擊 對此景物, 此 曲, 事, 豈可不與他判斷之乎?左右相目, 不喚我作天公可乎?皆呼萬歲 曲名春光好,上自製也。 神思自得, ! 將命備酒, 及顧柳杏, 獨高力士遣取羯鼓。 皆已發拆, 指而笑謂嬪 上旋

命

丁傳靖輯宋 人軼事彙編壹貳引春渚紀聞云:

獲公賜。至公移汝, 東坡在黃日, (原注:清波雜志作李琦。 每有燕集, 將祖行, 醉墨淋漓, 酒酣, 琪奉觴再拜, 庚溪詩話作李宜。)少而慧, 不惜與人。至於營妓供侍, ,取領巾乞書。公熟視久之,令其磨研。墨 頗知書,時亦每顧之,終未嘗 扇題帶畫,亦時有之。 有李

濃 川杜 語似凡易。 工部, 取筆大書云, 海棠雖好不留詩。 又不終篇 東坡七載黃州 何也?至將撤具, 座擊節。 住, 何事無言及李琪。 琪復拜請, 坡大笑曰,幾忘出場。繼書云, 即擲筆袖手,與客談笑。 坐客相謂, 恰似西

綜合上引材料 第五章 復明運 動 推測牧齋此詩意旨, 殆與前論「戲贈塾師」詩有相似之處。 清世祖徵歌選色,

江南名姝 以供其耳目之娛, 第肆章論董小宛事已言及之。 此輩女性, 即牧齋詩所謂 漏月

之十月,本可重開。今賦詩在九月,故用李三郎羯鼓催花之典。 牧齋此 年譜萬曆四十二年甲寅條云:「九月二十日, 拔劍斬 意謂惜彩生不能 詩 列於「丙申重九海上作」之後,「徐武靜生日」之前。 荆 軻者, 大異其質 與董白之流被選入宮, 趣。 頗疑牧齋此詩之意, 否則 弟致遠生。」)可證乃九月中旬所賦。 可藉以復仇如苧蘿村女之所爲, 即當時最後與彩生所談之語。 寅恪案, 海棠用東坡贈李 陳乃乾陳洙編徐闍 琪 m 詩 是耶 與 海棠於 漏 語 ? 月之 小陽春 公先生 亦指彩 一暗示

頗遠, 第壹題第陸首「銀漢紅牆限玉橋。月中田地總傷凋。 且迫 以俟更考。 蹙隅, 土地民衆皆不及江南之富庶。 「秋燈依約霓裳影, 二句, 意謂松江 與桂王統治之西南區 留與銀輪件 寂寥。 域隔離

姑妄言之,

白, 意謂今夕吾輩之文宴, 第貳題第壹聯「喪亂天 酒 何 人殢 小紅。 涯紅粉在, 實聚商反淸復明之事, 」相參證。 第伍 友朋心事白 句「朔風 聊可告慰於永曆帝也 頭知。」可與上引「茸城弔許 悽緊吹歌扇 亦暗寓彩生不甘受清人壓迫之意。 霞 城 」詩「看 花 無件

垂雙

一題第壹首「紅顏白 故能親密如此, 髮偏相殢, 非尋常兒女之私情可比也。 都是昆明知 後人。 第貳首「兵前吳女解傷悲, 上一句, 蓋牧齋之意, 以彩生 霜咽琵琶戍鼓催。 與 電城 具 復明

觀此

知牧齋推崇彩牛

甚至,

而彩生之爲

人,

又可

想見矣。

一句意謂淸廷駐重兵於松江以防海。 「吳女」指彩生也。 「促坐不須歌出塞, 白龍潭是拂雲堆。」二

句, 與霞城輩之身世, (見白氏文集壹貳。)及東坡「定惠院海棠」詩「天涯淪落俱可念」者矣。 謂當時置酒於白龍潭上, 亦與王昭君相似。 而白龍 其感慨沉痛, 潭所在之松江, 實有甚於白樂天琵琶引「同是天涯淪落人」句, 已歸淸室統治, (見馮氏蘇文忠公詩合注貳 與塞外之拂雲堆 無異。 己身

拾並可參容齋五筆柒「琵琶行海棠詩」條。)全唐詩第捌函杜牧肆「題木蘭廟」詩云:

第肆首 欲別有人頻顧燭 今彩生身世類於明妃, 彎弓征戰作男兒。 夢襄曾經與畫眉。幾度思歸還把酒,拂雲堆上祝明妃。 而心事實同於木蘭。 憑將一笑與分攜。 牧齋下筆時, 」亦用全唐詩第捌函杜牧肆「贈別」二首之二(才調集 必憶及小杜此詩無疑也。

而微反其意。 多情卻似總無情。 以其出處過於明顯, 惟覺尊前笑不成。 故河東君不依第伍首之例, 蠟燭有心還惜別, 替人垂淚到天明。 標出之耳。

肆題作「題贈」。)云:

第陸首「漢宮遺事剪燈論。 共指青衫認淚痕。」二句,亦用白香山琵琶行之語, 以指於崇禎時,

枫

家後, 塵滿鬢。 人共忤溫體仁, 屢思進取, 孫魯山是否不效陳皇后以千金買長門賦, 曾被黜謫事。 終至交結馬阮, 但當時雖被革退,尚在明室統治之中國, 身敗名裂, 前已詳論, 藉求漢武帝之復幸, 茲不復贅。 今讀此詩, 猶勝於今日神州陸沉, 未敢決言。 不覺令人失笑 至牧齋被 胡

四七

第五

崖

復 明運

動

也。

第捌首「斷送暮年多好事, 豆山莊, 自是切合。至霞城雖「國變後, 半衾煖玉一龕燈。」二句,牧齋老歸空門,又與河東君偕隱白泖港之紅 祝髮爲僧。 」(見小腆紀傳伍陸許譽卿傳。) 但若未貯彩生

於金屋,則「半衾煖玉」一語,恐尙不甚適當也。

牧齋順治十三年丙申秋冬間之遊松江, 以意妄加揣測,未知當否?博雅通人, 中原注云:「有本事, 故牧齋贈武靜生日詩乃高會堂集中 詳在自注中。」之語, 幸有以敎正之也。 重要篇什。 乃主於徐武 今諸本此「自注」皆已刪 茲以其詩過長, 一种家。 前言武 去, 靜實爲此次復明活動之中 節略於下, 無從考知, 並 略 甚爲可惜。 加 釋 證。 心人 但詩

有學集詩注柒高會堂詩集「徐武靜生日置酒高會堂賦贈八百字」云:

豐苕根滋大, 已上 記徐氏 閥閱之盛, 澧蘭葉愈芳。 次述板蕩 長離仍夭嬌, 二遠並 凄凉。 \_) 時 危人草草, 翱翔。 視草徵家 運往 淚 浪 集 浪。 探花嗣 喪亂 嗟 國香。 桑 梓, 自注 分 攜

對夕陽。 杖棠。 井欹中 玉軸 午橋虚綠 剔 老夫殊題種, 裝潢。 交踈 野 斷 篳篥吹重閣 兩 甲 廂。 吾子賸飛揚。 第裂倉琅。 駱 駞 胡笳 燕 葬帳 寢, (自注:「已下敍武靜生日置酒。 亂 洞房。 圍塵里, 雕 藍 撲 重來履道里, 迴 穹廬 廊。 埒 綠水供牛飲, 堵 牆。 旋憶 F 善 楹 和 殘 青 坊。 」) 奕葉違 網户 槐 繁馬 滅 沒 遙 枊。 東閣 如 前 金 堂 扉 皇 誅茅背 雕 低 綺 泣 藻

徐闍公先生年譜永曆六年即順治九年壬辰條「永曆自黔遣官齎敕諭先生偕張肯堂等進取」下附敕 寅恪案, 笑 役。 算土 河 似 班 燭 有 國魚龍冷, 初場。 源行。 草作 此時牧齋及武靜之任務, 宵喧 疆。 茗椀 天 殞絕又何妨。 」)積氣嘘陽燄 環 握 醉, 蟻 風 揀旗槍 有言多謬誤, E 詳 力強。 高天鴻 酬 共 蹀堶巧相當。 在自注中。 隣雞曉奮坑。 床下鬬, 旌 謀今夕, 頭角尚芒。 丸劍紛跳躍, 鴈 乍可 開筵千日 涼。 衝風決土囊。 歌鸛 無處愬顛狂。 鼠怯穴中僵。 」)酒 相將抗樂方。 撫心惟馬 (自注:「蹀埼抛磚戲也。 酒 鶴 莫嫌相枕籍 楚号亡自得, 兵 可於永曆與徐孚遠張元暢兩敕文中見之, 天井動, 寧辭 初度九秋霜。 虺蛇莽陸梁。 角, 紛紛爭角觝, 典 左角封京觀, 授色流眉瞭, 鐃歌 策足共羊腸。(自注:「上四語 騙 飲器月氏良。 騙 旭日漸煌煌 鄭壁假何常。 喧 雉媒聲呃喔,鶏距羽飄颺。 一枉渚, 上客題 持籌徵綠 往往捉迷藏。 傳杯 南柯缺斧析。 」)粤祝刀 鸚鵡, 鼓 噩夢 酹 吹溢 啮 頌德牛腰重, 難 佳兒蠟鳳凰。 約法聽紅粧。 肪。 餘皇。 頭沸, 料理, 身世雙樊籠, 漏殘河 西垣餘落日, 自 仮童撞末忙。 前塵 兼懷闇 横經馬 茲全錄兩敕文於下。 注 、黯淡, 笑口 寒花宜 蚊翼飛軍檄 付 於於 公。 乾坤百 肆 量 燈花爛 詳。 舞罷斗低品。 東牖湛 時 晚 」)四十年華 有受降之 糟床 倒投應共 戲場。 原注 龜毛 清觴。 管壁 淡月 灰心 拔

北

邙。

賜書傳鼓篋,

遺笏貯牙牀。著作推徐幹,

交遊

説鄭莊。

駕從千里命,

諾許片言償。

故

動

-

間 都, 嘉尚。 險 山 臣肯堂及爾來奏, 今春二月, 海義旅, 而 帝敕諭贊 不回, 於茲。 展謁 川楚西粤相次底定。事會既有可爲,策應自不宜緩。爾孚遠貞心獨立,忠節性成 用敕 陵廟。 理直 國姓成 處疾風 暫蹕安龍, 張我犄角。 每念貞臣志士, 惟時 浙恢剿軍務兼理糧的都察院左僉都御史徐孚遠。 知爾與樞司臣徐致遠等潛 功提師北上, 而 愈勁。 爾庸若宋臣范仲淹, 或招徠慕義偽帥, 用資調度。 抗節退陬, 欽哉!特敕。 前晉爾都察院右魚都御史, 進規直浙。 賴秦王(指孫可望。)朝宗, 力任尊攘, 茹荼海表, 間 以天下爲己任。 其 爾其 聯 心腹, 内 地, 與督輔肯堂, 不禁寢食爲廢。 務期蕩平羶穢, 不避艱危, 贊理恢勦 故其文章氣節 鼓 軍務, 勵 用間 朕以涼德御字, 茲 諸 師, 伐 以黔 密奏收京, 謀 久有 彪炳一時, 承 分道 方地控 時 成 頗 命。 出師 進 有 俾朕 取。 上游, 成 崎嶇 緒 頃覽督輔 數月之 至今尚 旋 或 險阻, 履重 聯 朕 合 N

又附有陳洙按語 云

爾其

,勉旃,

慰朕至望。

永字一萬一千十三號。

直 文 浙 及督輔肯堂字樣 即 江 南 浙 江, 蓋 江 南爲 明之直隸省, 是時肯堂已先一年殉 或 舟 Ш, 桂王尚未之知,

同書永曆八年即順治十一 年甲午條「永曆遣官齎敕諭先生及張元暢。 」下附敕曰:

艱危備歷, 皇帝敕諭僉憲臣徐孚遠, 不禁寢食爲廢。 樞司臣張元暢 爾愈憲臣孚遠履貞抗 朕蹕安龍垂及三載, 節, 歷久不渝。 每念我二三忠義、 近復深入廣窟 多方聯絡 戮力遠疆,

卒能宣 苦心大力, 一德達 情, 鑒在朕 克將使命。 130 爾樞司 用是特部議予孚遠 臣張元暢, 不憚 贊理直浙恢剿 險遠, 間 關 X 軍務, 觐, 去春啣 兼理糧餉 命東歸, 外 防。 百 予元暢直 並

浙督 先定楚粤, 師軍 前監軍 建瓴東下。 理帥 影 漳國 防, 勳臣成功亦遣侯臣張名振等統帥舟師, 俾 爾 仍一面與勳臣成功商酌機宜, 疏 通 遠近, 以便奏報。 方今胡氛漸 先靖 五羊, 揚帆北上。 靖, 朕業分遣 會師楚粤。 爾務遙 俟稍有 檄三吳 師

據上引永曆六年即順治九年敕文「招徠慕義僞帥, 成績, 爾等即星馳陛見 以需簡任 尚其勉旃 間其心腹。 慰朕屬望。 之語, 欽哉 復檢清史列傳捌拾馬逢知傳 特敕。

忠義

俾乘時響應,共奮

同仇。

(順治七年)十一月土賊 何兆隆嘯聚山 林, 外聯海賊, 爲進寶擒獲。 隨於賊 營得傷 疏 稿 謂

白

進

懼。 之督臣 寶與兆隆通往 陳錦 來, 以明心跡。 疏請明魯王頒給敕印。 錦疏奏聞。 得旨 又得傷示 設許難間 稱進寶已從魯王。 狡賊常情。 馬進寶安心供職 進寶以遭謗無因 不必驚

此事 第五章 雖在前二年, 復阴 運動 且頒敕印者爲魯王, 而非桂王, ,然情狀實相類似, 可以互證。 故招徠慕義偽帥

五

之責, 之人, 事, 史館舊傳, 早已遊說偽帥反淸復明, 又據此 後唐王 武靜亭林即其證也。 敕文 如牧齋聲望年輩及曾迎降清兵者, 改「魯王」及「唐王」爲「福王」, 一復以職方郎召之例。 「爾與 樞 司臣徐致遠等潛聯內地, 稍有成緒矣。 (見淸史稿肆捌柒儒林傳貳顧炎武傳。)但顧亭林詩箋注 其稱之爲「樞司臣」者, 蓋有所避忌也。 最足勝任。 不避 製危, 况牧齋復經瞿 用間 此種低級官銜 戊謀, 正如顧亭林, 一稼軒之薦舉 頗有成緒。 大抵加諸年輩資 魯王曾授以 從事 」等語。 此 種 前 兵部 則 格 附 作 知 清國 ¥. 武 較 司

淺

元

務

靜

又關於顧亭林受南 明諸主官秩事 3 更牽及汪琬與歸莊爭論「 布衣 問題, 如堯峰文鈔叁叁「 與歸

人主尚不能監謗, 足下區區一 布衣, 豈能盡箝士大夫之口

口 .書同卷「與周漢紹書」略云

僕再託致元恭手札,

力辨改竄震川

集非是。

彼概置不答,

而

輙

讕

詞

詬

器。

又闡指

摘

最

後

札

恭書」第貳通云

不審元恭所 「布衣」二字, 訴 謂僕簡 何 詞, 傲而 士大夫 輕彼。 何 故 於是 訴 附 諸 和 同 也。 由 播諸京師 僕言之, 士大夫之口, 布衣之稱, 不爲 則 元恭亦 不 尊, 甚 不爲 陋 不

繆 不爲不褒且 相推 暑也。 使元恭或 僕 跼 原 書 踏忸怩而 具 在, 不 上文 敢當 借引 人主, 斯則宜矣。 下文用布 而 顧 謂 衣 比 簡 擬, 傲 彼雖 IE 與莊荀文義 甚 洒 豈奔走干 略 同。 謁之 以 此

歸莊集伍「再答汪苕文」略云: 前 今執 觸。 書 官秩, 夫翻案者 有辨難, 云,得之子餘。前輩之忘勢, 里門, 暇, 孰非不學之故與?竊願元恭少留意於學也。 二月八日布衣歸某頓首苕文民部先生執事。 遊甚廣, 書氣和 事乃故 謂 是故祗知本朝官秩而已,若元恭所歷,實不能知也。 全未寓目諸書乎?記有之,學然後知不足,彼之所以忽然詬詈至於再四, (陸)貞山先生(粲)尚爲諸生, 僕斥之爲憩, 而僕忽忘之耶?則僕生稍晚, 而辭遜 其聲燄氣執, 便以爲咆哮觝觸。 僕書初未嘗有, 寬肆意删 如人在可否之間, 執事顧謂其咆哮觝觸 改之罪, 爲杜撰, 皆足殺僕,不得不自白於足下,幸足下代爲雪之。 而横誣之。 人之度量相越, 而虚懷若此,今執事不過一郎官耳,遂輕僕爲區區一布衣, 而鍛鍊苦心訂正之人, 事涉是非之介, 爲取笑。 相與質難文義, 自世祖章皇帝以來, 若杜撰, 取笑, 且謂僕以區區一布衣, 今則誠不能無觝觸矣。 抑僕又妄加揣摩, 乃至於此。 自正月二十一日, 不妨任人發論。 此不得謂之翻案, 宛如平交。 則誠不能諱。 執事每言作文無他妙訣, 以此罪僕簡傲、 即從事本朝, 得毋元恭間從宦遊, 然昔人尚有以好奇害理爲戒 欲箝士大夫之口, 連得二書。 蓋欲執事知區區布衣, 文恪心折於陸, 昔王文恪公(鏊)罷 乃是拂人之性耳。 爲郎官爲小吏於京 又奚逭焉?元恭交 甚怪 而莫止者, !執事第二 惟有翻 每注 丽 亦既授有 咆哮艇 亦有 簡 相歸

僕

稍

端

夫

不 可 犯 者 毋遂 目中無人, 而概 凌樂之也

段, 用心 伍叁儒林壹 夫玄恭與亭林同 漢奸口 狠毒 吻, 玄恭發怒, 顧炎武 出 出 逼 時 起兵抗 傳及同書伍捌歸 人, 即由於此。 清, 顏甲千重, 魯王 莊傳。 旣授亭林以官職, 至與周漢 可謂不知世間有羞恥事矣。 ) 鈍翁應知恆軒曾受明之虛銜, 公紹書, 自「抑僕又妄加揣摩, 則玄恭亦必有類似之敕命。 特標出之, 故挾此以要脅 」至「實不能知也。 以告讀恆軒堯峰之 (可參小 恫 腆紀 其 傳

萬一 之謀接應延平, 密奏收京, 振等統 河東君亦能 又永曆六 帥 年 舟師 敕 俾朕旋軫舊都, 用敕國姓成 之者, 亦實奉永曆之命而爲之, 揚帆 以區區之小朝廷,其官書之繁多如此。 北 蓋牧齋奉有特別使命之故也。抑更有可笑者,永歷六年敕為「特敕。永字 Ė, 功提師北上, 展謁陵廟。 爾務遙檄三吳忠義, 等語, 進規直 非復明諸人之私自舉動也。 足證牧齋之頻繁往來南京, 浙。 俾 乘 時 及永曆八年敕「漳國 警應, 唯見空文, 共奮 難睹實効, 永曆六年敕「務期蕩平 仇 勳臣 甚至除夕不還家渡歲 等語 成功亦遣侯臣 焉得不終歸覆滅 足證牧齋諸人 擅穢 張名

復次, 牧齋 徐闍公先生年譜萬曆二十九年辛丑條 中有略須釋證者「長離仍夭矯」 二遠並 朝翔。 指徐氏兄弟三人。 長離 調響

云

哉?

公仲弟聖期。

四月弟聖期鳳彩生。

同書永曆十一年即順治十四年丁酉條云:

七月先生弟鳳彩卒。

牧齋稱鳳彩爲「長離」者,蓋漢書伍柒下司馬相如傳「大人賦」云: 前長離而後矞皇。(原注:「師古曰,長離靈鳥也。

及舊題伊世珍撰瑯嬛記云:

野君,雌曰觀諱。摠名曰長離。言長相離着也。此鳥能通宿命,死而復生,必在一處。 南方有比翼鳥, (寅恪案, 佩文韻府「八霽」所引, 「鳥」作「鳳」。)飛止飲啄, 不相分離。

牧齋賦此詩在順治十三年丙申九月,是時聖期尚健在。但釣璜堂存稿徐闍公先生年譜附錄王澐 東海先生傳」略云: 東海先生姓徐氏, 名孚遠,字闇公,華亭人。父太學公爾遂,生三子,長即先生,仲鳳彩,

於危。奔走急難,傾身下士,由是家門得全,家益中落,勞瘁失志, 亦以憂卒。

先生出亡時,湖海風濤,家門岌岌不自保,仲弟遂以憂卒。

少弟爲世所指名,幾濱

少致遠。

期二弟沒,賦哀。」六首之二及五等詩。)武靜當日壽筵,牧齋及其他賓客,皆反淸復明好事之 然則聖期與武靜兄弟二人,謹愼豪俠,各有不同。(可參釣璜堂存稿拾「武靜弟」及同書壹壹「聞聖

以意揣之, 聖期 未必與此輩往還。 其弟生日時, 或竟不預坐, 亦未可知。 唯牧齋壽武 靜

歷叙徐氏家門之盛,兼懷闇公,自不能不言及聖期耳。

志所記徐階徐陟兄弟及其子孫之屋舍甚多, 牧齋詩自「喪亂嗟桑梓」至「低迴對夕陽」一段,指徐氏第宅爲清兵佔據毀壞之凄涼狀況。 恐牧齋詩中所述乃指徐階賜第即王氏書中略 雲間 云 地宅

南門、内 新 橋 河西。 仙鶴館西徐文貞公階賜第, 有章賜世經二堂, 門 有額 日, 三賜存問 即 是其

是也。 0 蓴鄉贅筆上「議裁提督」條「 其他徐氏第宅, 或以較爲狹小, 云: 不足供駐兵之用, 遂幸得保存, 如武靜之高會堂,

伍。 衛尊勢重, 弁往來請命, 吾松郡制吳淞總兵 洪内院 哑 俱 坐享榮華 應 承疇議 緩急不能 最爲 撤 提督, 得策。 員駐 即赴 糜兵耗餉, 防, 以總兵駐吳淞。 自國朝慮海氣飄忽, 賊往往乘隙揚帆突入,屢遭劫掠, 其餘沿海 有害無益, 如金山 科臣亦有籌及此者, 兼之兵民雜處,尤屬不安, 衛川沙等處, 專設提督, 坐鎮府城。 各設參找。 何時 逮遣 兵 得復舊制 而已無及矣。 去海百餘里, 形勢 百姓房屋, 聯 絡, 使郡 半 分防 海 中 況 士庶 成 提 濱 鎭 營 諸 有

此段之注脚也。 足知當 В I提督駐 在松江府城, 牧齋詩「重來履道里, 其部下侵佔及毀壞民間 旋憶善和坊。 上句 房屋之情形。 指武靜之高會堂。 故閬 石 所記, 下句指 亦可 視爲牧齋詩 文貞賜第。

復覩

昇平之

/象耶

賜第被佔也。里坊兩字可以通用,况上句旣用「里」字,下句不當重複。且「坊」字爲此詩之韻脚, 「履道里」用白香山典故,固不待言。「善和坊」出柳子厚「與許孟容書」。牧齋意謂高會堂幸存,而

坊」,柳文作「善和里」之故。殊不知范書所言乃是揚州之倡肆。 不能更用他字。遵王注「善和坊」, 並列雲谿友議及柳文兩出處, 而不加擇別, 蓋范書作「善和 注至此, 眞可令人噴飯也。 「鐃歌喧枉渚, 鼓吹溢餘皇。」一聯,下注云:「于時有受降之役。」 豈可以目宰相之賜第耶?讀遵王

史稿伍世祖本紀二略云:

鄭成功將黃梧等以海澄來降。八月壬辰(十七日。)封黃梧爲海澄公。 .順治十三年丙申七月]戊申(初二日。)官軍敗明桂王將龍韜於廣西,斬之。庚戌(初四日。

然則此聯上句指龍韜之敗死,下句指黃梧之降淸。牧齋所謂「于時有受降之役。」即指海澄氏而 齋得聞知, 言。黃氏之降, 順治十三年丙申正月]己亥(廿日。)鄭成功將犯台州, 當在八九月,距賦此詩時甚近也。或更謂淸史稿伍世祖本紀貳載 關係明淸之興亡者甚大,故牧齋自注特標出之。淸廷發表兩事在七月及八月。牧 副將馬信以城叛,降於賊。

牧齋所謂 受降之役, 即指此事。蓋以鄭延平受馬信之降也。但牧齋自注旣不詳言,故未敢決定,

南方蚊翼下有小蜚蟲焉。」等語以釋之,是。牧齋之意,不過謂此時南方尙用兵也。下句遵王注 一說, 以俟續考。 牧齋詩「蚊翼飛軍檄,龜毛算土疆。」一聯,上句遵王注引東方朔神異經

引任 齋「龜毛」之語, 昉述異記「夏桀時, 蓋出佛典, 大龜生毛, 如楞嚴經之類。其義謂虛無不足道。 而兎生角, 是兵角將興之兆。 推牧齋詩旨, 」以爲釋, 自亦可通。 蓋謂南明 此 但鄙 時 意牧

漢族 内。 詳在自注中。」夫歌功頌德之舉,乃當日漢奸文人所習爲者,淵明詩之所慨歎,亦建州入關之初, 雖有損失,亦無害於中興之大計也。「頌德牛腰重,橫經馬肆詳。 自注今不可 士子依附武將聊以存活之常事,殊不足怪。 末兩 句「莫嫌相枕籍, 見 甚難確言也。「持籌徵綠醑, 旭日漸煌煌。 」蓋謂此時預會諸人, 約法聽紅粧。」一聯, 但牧齋此聯必有具體事實, 雖潦倒不得志, 」一聯, 下原注云: 「有本事 下句之「紅粧」, 非泛指一般情況。 但 明室漸有 當有彩生在 中 其

有學集詩注柒「雲間諸君子再饗於子玄之平原北皐(見遵王「陸機山」注。)子建斐然有作, 聊可自慰。 牧齋斯語, 不獨可爲此詩之結語, 亦高會堂集諸詩之主旨也。 次韻和

答四首。 箬笠拏舟信宿還。 愛客共尋張翰酒, 開筵先酹陸機山。 吹簫聲斷更籌急

舞袖風迴么鼓閒。松江蟹舍接魚灣。

沉醉尚餘心欲擣,

江城悲角隱嚴

户占天田。 選 勝 華 吳姬却愬從軍苦, 年。裝點清平覺汝賢。 禪客偏拈贈妓篇。 燈下 戲 車 開 地 脉、自注:「優人演始皇築長城事。 看盡秋容存老圃, 莫辭醉倒菊花前。

#### 其三云

佳人翠袖倚朱絲。(自注:「魯山公次余坐,彩生接席。」)頻年笑口真難得,黃色朝來定上眉。 秋漏沉沉夜壑移。 餘杭新酒熟多時。 笙歌氣暖燈花早, 宴語風和燭淚遲。上客紫髯依白髮,

其四云:

千年事, 幾樹芙蓉伴柳條。 人謚洞簫。 (涵芬樓本「且」作「莫」。)黃竹誰傳送酒謠。 (寅恪案, 平川對酒碧天高。 「謚」疑是「詠」字之譌。)自有風懷銷磊塊, 湘江曲調傳清瑟, (自注:「席中宋子建作致語, (涵芬樓本「曲調」作「一曲」。)漢代詞 定無籌策到 漁樵。 有云, 停杯且話 借

寅恪案,前論「雲間諸君子饗余於高會堂」詩,謂牧齋初至松江,雲間諸友爲之洗塵,故合宴之於 箸風清, 效伏波之聚米。非道人本色,五六略爲申辨,恐作千古笑端耳。」)

修華亭縣志壹陸人物門云: 高會堂。 今此詩題「再饗於子玄平原北皐」, 則當是共爲餞行之舉也。子建者, 宋存標之字。光緒

字唐鶚。

宋存標字子建,

號秋士,

堯武孫,

明崇禎十五年副貢。子思玉,字楚鴻。

思宏,

字漢驚。

思

在「再饗」詩前,牧齋有「次韻答宋子建」及「次韻答子建長君楚鴻」兩題, 此題則雲間諸人以其來松遊說馬進寶反淸,略告一段落,將歸常熟, 不過洲應之作, 公餞席間, 子建賦詩並 故不備

也。 作致語, 第壹首七八兩句, 賀其 八成就, 故牧齋次韻和答, 言當日清廷駐重 一兵於長江入海要地之松江, 寓有深意。 與前此 兩題, 僅爲尋常洲應之作者, 以防鄭成功。 毛詩壹 一貳小雅小 大不 相同

跛跛周道, 鞫爲茂草。我心憂傷, 怒焉如擣。

傳云:

周道, 周室之通道。 可參錢飲光澄之田間 詩 學此篇引陳式語。)

花西落月送君歸。」句,及「霞老累夕置酒,彩生先別。」一題, 作。 牧齋自稱也。 蓋長江 」)同一辭旨也。 爲通南都之大道, 上句自指彩生。其愬從軍苦者,必非泛說。 第貳首第貳聯, 與其次年所作「鐵鎖長江是舊流」句,(見有學集詩 下句指上引「彩生持扇索詩戲題八首」等同類之篇什。 觀題彩生扇八首之八「北斗横斜 知彩生往往不待席終, 注捌「燕子磯歸舟 即先別去。 人欲別 禪

偶檢徐電發釚本事詩拾載毛馳黃先舒「贈王采生詩四首」並序云:

似有拘束所致。豈彩生乃當日營妓耶?俟考。

子, 有東鄰 蓋開柴桑 天情高逸 之賦。 韻 、見文選壹玖宋玉登徒子好色賦。 非無西軒之曲。(見涵芬樓影宋刊本箋注陶淵明 風調霽朗, 埋照濁世,混跡囂塵。 雖託與於豔歌, 莫愁湖畔, 屢變新聲。 實權 與于大 阮籍 雅 者 壚 楚士貞 頭, 也。 何疑沉 郡 范 亦

爾乃偶然命展,瞥爾逢僊。 地多松栢,上賓邀除徑之歡。 門掩枇杷, 才子乃掃門(眉)之

其人也, 產自鶴沙, 僑居鳳麓。 收束近禁中之態, 散朗饒林下之風。 若乃妙能促柱,雅

柳下, 新篇 工垂手。 而欲斷。 既美 夜夜藏鳥。 丹唇乍啓,毫髮崩雲。 茂矣美矣, 婉兮變兮。 緒之聯文, 油壁車邊, 且驚諸體之競爽。 朝朝騎馬。是以紅牋十丈, 響履初來, 南方故多佳 人, 體毺如水。 昔者囉嗊 而西陵洵稱良會者也。 、曲高, 感此傾城之好, 寫幽豔以難窮。 鏡湖開 色。 遂叶同聲之歌。 於是傳諸好 善和 白紵千絲, 縈繁愁 筆妙, 雪嶺更 白門 遞撰

題, 昨日非今日, 並製韻文。 總標美于青樓, 新年是舊年。 悔其少作, 均流音於斑管。 迷人春半草, 敢借口於揚雲。 以茲方昔, 相望隔江煙。 輒冠 奉賢, 將無過之。 終汗 顏於李白云爾。 僕憂病無方, 風 流 殆盡。

聊宣短

鴨臥香爐煖 吹夢薄, 楚簟壓嬌多。 蜂憎繡幕垂。 何當寒食雨, 宿髻鬘鬆處 教誰 著意濕花枝。 喚奈何。

柳汁勻晨黛

桃脂

助晚妝。

誰憐薄命妾

不負有

13

郎。

寅恪案, 「同郡范子」者, 疑是范驤。 清史列傳柒拾文苑傳柴紹炳傳附毛先舒傳略 云

毛先舒字稚黄 十八歲著白榆堂詩, (浙江)仁和人。 陳臥子見而奇賞之 初以父命爲諸生, 因師子龍。 改名騤。 復著有献景樓詩, 父殁 棄諸生, 子龍爲之序。又 不求聞達。

第五

章

復明運

動

傳

從劉宗 周

民 或 |修海寧 州 志 稿 玖文苑門范 驤 傳 云

范 如 驤字文白 令下 郡 國 號 一輯修邑 默 庵。 乘, 書法 驤考 傚鍾 獻徵文, E 環堵 蕭然, 書將 成 著 而 卒, 述 不 輟。 年六十八。 俄以 史禍 被逮

已而

得釋,

吳修昭代名人尺牘 小傳柒范驤傳 云:

范 驤字文白, 號默庵,海寧人,諸生。 工書, 有默庵

行撰「老父雲遊始末」。)當日列名莊氏史書諸 氏史案所牽累, 文白事蹟第叁章論「採花釀酒歌」已略及之外,今更稍詳述之。 卒以與陸圻查伊璜同自首之故, 人, 大抵皆江浙文士不歸心 得発於禍。 (見痛史第肆 文白 旣與牧齋交好, 種莊氏史 建州者。 案附 又曾爲南潯莊 觀 陸 陸 査志 纘 任 行

此古 縣之鶴沙鎭。上海爲松江 氣類者。 亦可以推 典, 同泛春江水。 亦是當日之今典。 由是言之, 知范氏之旨 」(見顧 毛范之粉飾推譽彩生, 1趣矣。 · 府屬縣之一,薩都刺吳姬曲云:「郎居柳浦頭, 嗣立元詩選初集戊集所選薩天錫鴈門集。)稚黃「產自鶴沙」之語 稚黃 復與牧齋詩「吳 師事 陳子龍, 姬却愬從軍苦 殆有政治關係, 又從劉宗周講學, 」之吳姬 不僅以其能歌善舞也。 相合。 則其 人當亦反淸之流, 「鳳麓 妾住鶴沙尾。 者, 指 簡 鳳 沙即 好 凰 與文白同 風 吹花 即

言

即謂松江府城。

蓋松江有鳳凰山。

第叁章論陳臥子「癸酉長安除夕」詩「曾隨俠少鳳城阿

」節

已詳引證, 必有專刊傳播 茲不復贅。毛氏又言「傳諸好事, 如東 山洲和集之類。 遞撰新篇, 此乃明末清初社會之風氣也。 既美一緒之聯文, 且驚諸體之競爽。 曜 頃 曲 高 鏡 湖開 則

色。」者,范攄雲谿友議下「豔陽詞」條略云:

勝今日, 惱人腸斷處, 雲 擬馳 安人元相國應制科之選,歷天祿畿尉, 主所建。 恆州透額 懷抱也。 篇韻 使往 羅 」)採春所唱一百二十首,皆當代才子所作。 雖 及爲監察, 今年老去年。 不 取 及濤, 選詞能唱望夫歌。 濤, IE 面偷輪光滑笏, 乃有排優周 容華莫之比也。 求使劍門, 黄河 清有日, 李南, 以御 緩行輕踏皺文靴。 望夫歌者 史推 元公似忘薛濤, 白髮黑無緣。 季崇及妻劉 則聞西蜀樂籍有薛濤者, 鞘, 即羅嗊之曲也。 難得見馬。 採 言詞 (寅恪案, 其詞五六七言, 而 雅措風流足, 贈採春詩 自淮甸而 (後)廉問湖 (原注:「金陵有羅嗊 其詞共七首, 能篇 日, 來, 詠 東, 皆可和矣。 舉止低 新粧巧 善弄陸 饒詞 別濤已逾十 樣 迴秀媚多。 只錄其第伍首, 多軍 畫 辯, 樓, 一雙蛾。 詞云 常悄悒於 即陳 載。 歌聲 昨日 更有 一徹 後 方

故稚黃詩 清人入關 四首之一, 以指「彩生」, 雖標順治之年號, 即倣採春所唱七首之五。 鏡湖在越州, 實仍存永曆之紀年也。 元微之爲浙東觀察使, 頗疑毛氏 此首之第壹第貳兩句之意, 况雲谿友議有「劉採春」之名, 鏡湖在其治所, 毛氏序因云「鏡 暗 毛氏 寓 明社 更可

餘皆從略。

)採春一唱是曲,

閨婦行人莫不連泣。

且以藥砧尚

在,

不可奪馬。

湖開色」也。 又「善和筆妙, 雪嶺更題。 者, 雲谿 友議中「辭雍氏」條略 云:

逸, 何期 贈 傍再拜競灼曰, 崔涯者, 崑崙山上月初生。 毀之, 貴達 絕句粉飾之, 日, 欽 吳楚之狂生也, 憚, 黑白 則盃盤失錯。 呼 端端祗候(張)三郎(崔)六郎, 不均?紅樓以爲倡 吸風 於是大賈居豪, 生, 端端得此詩, 嘲李端端[曰],黄昏不語不知行。 與張祜齊名。 暢此 時之意也。 樂, 競臻其户。 憂心 無不畏其 每題一詩 如病。 贈 詩 (見岑仲勉先生唐人行第錄。)伏望哀之。 或戲之日, 云, 嘲 (鹽鐵)使院飲迴 於倡肆, 聽也。 覓得黃騮被繡鞍。 祜涯久在維揚, 無不誦之於衢路。 李家娘子, 鼻似 烟窗耳似鐺。 遙見二子躡屐而行 纔出墨池, 善和 天下晏清 譽之, 坊裏取 獨把象牙梳 便登雪嶺。 端 則車馬 端。 篇 又重 乃道 詞 挿 繼

毛氏用典頗妙, 但王家娘子, 絕非本出墨池,自不待稚黃輩爲之引登雪嶺也。 一笑!

州近

日渾成

差,

一朶能行白牡丹。

牧齋和答子建詩第叁首第貳聯上句「上客紫髯依白髮」即自注「魯山公次余坐。

」之意。

蓋用三

國志

吳書貳孫權傳權 乘駿馬, 越津 橋得去。 」句下裴注引獻帝春秋曰:

遇, 張遼問 言不早知之, 降人, 向 有紫髯將軍, 急追自得。 長上短下, 舉 軍 歎恨 便馬 善射是誰?降人答曰, 是孫會稽。 遼及樂進相

「上客紫髯」指魯山, 「白髮」牧齋自謂也。 下句「佳人翠袖」指彩生, 「朱絲」即朱絃, 謂所彈之樂器

語, 也。 由是觀之, 此次雲間諸子餞別牧齋, 推魯山爲主要陪賓, 倩彩生專事招待, 國士名姝齊集一堂, 可稱盛會。 頗疑此舉非僅出於武靜輩之私人交誼, 實亦因永曆帝欲藉鄭 又使子建特作致

延平兵力以取南都, 而牧齋爲執行此政策之一人有以致之歟?

牧齋詩第肆首第壹聯上句「湘江曲調傳淸瑟」,用錢起故事,遵王注已釋,乃牧齋自謂。下句「漢

代詞人謚(?)洞簫」用徐陵玉臺新詠序:

王褒作洞簫賦, 東儲甲觀, (可參漢書陸肆下王褒傳及文選壹柒王子淵洞簫賦並徐孝穆全集肆 流詠止於洞簫。變彼諸姬, 聊同棄日。猗與彤管, 麗以香奩。 玉 臺新詠序吳

他作用。 顯令兆宜箋注。 於此極, 又雲間杜讓水登春尺五樓詩集貳「武靜先生席上贈錢牧翁宗伯」云: 下句「定無籌策到漁樵」及自注, 必有深意,非偶然也。 )「王」爲彩生之姓,故此句指彩生而言。牧齋以己身與彩生並舉, 第貳聯上句「自有風懷銷磊塊」, 乃掩飾其此行專爲遊說馬進寶反淸之事, 即謂與彩生等文讌而已,非有其 其推重彩生至 所謂欲蓋彌彰

孺子賓留老伏虔。

叩鐘輒應腹便便。

南朝事業悲歌裏,

北固衣冠悵望前。

帳内如花眞俠客,

囊中有券自蠻天。 酒酣緒論堪傾耳, 莫使迂儒縮舌還。

疑指牧齋實受有永曆密旨。 讓水 此 詩第貳聯, 上句指河東君, 第柒捌兩句, 第肆章已引。 則指武靜席上牧齋與諸人共談復明之事也。 下句「券」字即「丹書鐵券」之「券」借作 故

牧齋 此次至松江之企圖, 得讓水此詩, 益可 證明矣。 牧齋詩第柒第捌兩句, 用穆天子傳伍 所云:

侯 行。 日中大寒, 嗟我 百辟 公侯 家 卿。 北 風 皇我 百 雨 辟 雪, 冢 萬民 卿。 有凍人。 皇我 旦夕勿窮。 萬民 天子作詩三章, 有皎者駱 旦夕勿忘。 以哀民曰, 翩翩其飛。 我徂黃竹, 我徂黃竹 嗟我 | 員關寒, 公侯, | 員關寒, 帝收 勿則 九行。 運 嗟我 帝收九 居樂甚

公

不如速

禮樂其民。

天子

日,

余一

人則

洛

不皇萬民。

一登乃宿於黃竹。

辭。 不如率師 可參釣璜堂存稿伍「鷺山」詩「鷺門之山 想望故國故君之意。 牧齋以桂王遷播西南, 一月丙寅「明鄭彩奉監國魯王次中左所, 齋欲以此次在松江遊說 以 取 南 都也。 「有皎者駱」, 比之周穆王 穆天子往往有 馬進 西巡。 借「鴼」以指鷺門, 寶 獻 如劍戟」句。)「居樂甚寡, (反清之情況遣人往告永曆帝及延平王耶?牧齋詩旨隱晦 酒之語, 尋改次長垣。 黄竹詩中「帝收九行。 如卷叁命懷諸 」條所云 即廈門。 :「中左所亦名鷺門 (見小腆紀年附考壹叁順: 皇我萬民。 飦獻酒之類, 不足選土。」謂鄭成功局處海隅, 」乃恢復 但未見有「送酒 即廈門也。 神 州 治三 以慰遺 年 並 民

城惜別思昔悼今, 呈雲間諸遊好, 兼與霞老訂看 梅之約。 共一 千字」云

頗難通解,

姑備

一說,

殊未敢自信也。

上 )許掾 來 何暮 徐孃髮未宣。 華顛猶 躅 粉面

無言循鶴髮, 有淚託鹍絃。 身世緇塵化, 心期皓首玄 躑 魂由天筮予, 亦速遭。 月引歸帆 命荷鬼生全。 去 風 將別 此日憂病

第五章 復明運 動

衝寒羅 初 何時笑拍肩。 袖 薄, 燕 寢 清 照夜縞衣妍。 齋 並, 臨行 心痒痒, 明燈繡 領鶴巡荒圃 佛燃。 苦語 淚濺濺。 早梅千樹發, 尋花上釣 去矣思蝦菜, 船。 索笑一枝媽。 白頭香冉冉, 歸歟老粥饘。 有美其人玉, 素手月娟娟。 可知淪往叔, 相 攜 搔首頻支 女手卷。

范鍇華笑廎雜筆壹「黃梨洲先生批錢詩殘本茸城惜別詩」條云:

柳姬定情,爲牧老生平極得意事。纏綿吟詠,屢見於詩。

長歌欲扣舷, 莫令漁父權, 蘆雪獨夤緣。

自稱不讀唐以後書者所能辦。 極意經營之作, 太沖此語, 殊爲確評。牧齋平生所賦長篇五言排律如「有美詩」,「哭稼軒留守相公」及此詩等,皆 而此篇中以蒙古比建州, 所用典故如「詐馬」「只孫」「怯薛 第肆章已引此詩「十六年來事」至「落月九峯烟」一 等, 節, 豈儉腹之妄庸鉅子 茲不重列,

條。)下句以徐娘昭佩比河東君。當牧齋賦此詩時, 許詢比霞城。 (見世說新語中「賞譽」下「許掾嘗詣簡文」及「支道林問孫興公,君何如許掾。」等 河東君年已三十九, 髮尙全黑, 自是事實。

錄此詩末段,

並略

加詮論,

以其與河東君有關故也。「許掾來何暮,

徐娘髮末宣。

— 聯,

上句以

但南史壹貳后妃下梁元帝徐妃傳云:

帝左右暨季江有姿容, 娘雖老, 猶尚多情。 又與淫通。 季江每歎曰, 栢直狗雖老猶能獵, 蕭溧陽馬雖老猶駿,

東君。 牧齋家, 此則斷章取義, 牧齋作此詩末段邀霞城赴虞山拂水山莊看梅。恐是邀其與河東君面 河東君自是女主人, 不可以辭害意也。「華顚猶躑躅, 應盡招待之責。 且此段與首段皆關涉河東君, 粉面亦迍邅。」一聯, 上句牧齋自謂, 商復明計劃。 措意遣辭, 如常山之 下句指河 霞城若至

復次, 關於王彩生之資料,今所得尚不充足。 姑先戲附一詩, 以結他生之後緣 云爾。 蛇,

首尾相應,

洵爲佳作也。

戲

題有學集高會堂詩後

竹外横斜三兩枝。 分明不是暮春期。 未知輕薄芳姿意, 得會衰殘野老思。 萬里 西風吹節

順治十三年丙申秋多間 夕陽東市索琴遲。 可憐詩序難成讖, 牧齋往松江遊說馬進寶反淸告一段落。 攻取南都之預備。 十月桃花欲笑時。 其流連文酒, 詠懷風 月, 次年復往金陵, 不過 種烟 幕 蓋欲陰結 彈耳。 有志復 此 年之

詩, 明之人, 以爲應接鄭延平 前已多引證, 茲擇錄有學集詩注捌長干 塔光集中 順治十四年丁 酉所作諸詩最有關復明運

權歌十首爲豫章劉遠公題扁舟江上圖」其一云:

饒有興趣者詮論之於下。

文端公之孫, 家世休論舊相韓。 尚寶西佩[斯瑋]之子。 煙波千里一漁竿。 寅恪案, 扁舟莫放過徐泗, 並可參同書同卷「金陵雜題絕句」二十五首之 恐有人從圯上看。 (自注:「遠

吳江煙艇楚江潮。 瀬上蘆中恨未消。 重過子胥行乞地 秋風無伴自吹簫。

寅恪案, 遠公爲劉一燝之孫。 明史貳肆拾劉一燝傳略云:

時, 追謚文端。

誤用(熊)廷弼,

削官。

追奪語命,

勒令養馬。崇禎改元,

韶復官,

遺官存問。八年卒。

福王

劉一燝字季晦

南昌人。

光宗即位, 擢禮部尚書兼東閣大學士。〔魏〕忠賢大熾, 矯旨責一燝

季晦 企圖,據牧齋詩旨, 在福王時追謚文端, 以張良伍員報韓復楚相期許, 殆由牧齋之力。 蓋此時牧齋任禮部尚書故也。 則遠公之志在復明, 爲牧齋所特加接納者之 遠公之至南京, 不知有何

又可推知矣。

顧與治書房留余小像自題四絕句」其一云:

寅恪案,第二句有李廣不封侯之歎, 崚嶒瘦頗隱燈看。况復撐衣骨相寒。 即己身在明清兩代, 指示傍人渾不識,爲他還著漢衣冠。 終未能作宰相之意。

降順淸室, 爲世所笑駡, 不知其在弘光以前, 固爲黨社淸流之魁首。感慨悔恨之意, 末二句則謂己身已 溢於言表

第五 章 復明運

動

矣。

## 其二云:

蒼顏白髮是何人。 試問陶家形影神。 攬鏡端詳聊自喜,莫應此老會分身。

心思復明,

殊有分身之妙術也。

寅恪案,末二句自謂身雖降清,

數卷函書倚淨瓶。 匡牀兀坐白衣僧。 驪山老母休相問, 此是西天貝

葉經。

寅恪案, 牧齋表面雖屢 稱老歸空門, 實際後來曾有隨護鄭延平之舉動。 今故作反面之語, 以遜辭

其四云:

自解,

藉之掩飾也。

褪粉蛛絲網角巾。 每煩 椶拂拭煤塵。凌煙褒鄂知無分, 留與書帷件古人。

寅恪案, 網巾乃明室所創, 前此未有, 故可以爲朱明室之標幟, 周吉甫暉續金陵瑣事 「萬髮皆齊」

條云:

上, 太祖一夕微行至神樂觀, 萬髮皆齊矣。 次日, 有旨召神樂觀結網巾道 見一道士結網 巾。 問 日, 士, 此 命爲道官, 何物耶? 對 日, 仍取其 此 網 網 巾, 巾 也, 遂 用 定式。 以 裹之 頭

小腆紀傳伍貳畫網巾先生傳(寅恪案,徐氏所記出戴名世撰「畫網巾先生傳」。 見戴南山先生全集

柒。 )略云:

部尚書張同敞猶在桂林諭降不屈, ,腆紀年附考壹柒順治七年庚寅 巾, 也。 光澤山寺中。 畫網巾先生者, 網巾先生死泰寧之杉津,自另是一人。 思沛羈浦中獄中, 亦載此 紀年附 張]同敞手出白網巾於懷, 曰, 中, 聚觀之, 爲 每晨起以爲常。 戒軍中謹事之。 事, 考壹陸順治六年四月「我大清兵克福安, 聞父死, 即死, 所畫 但附考曰:「福建續志, 守將吳鎮掩捕之, 網 可忘明制乎?取筆 不知何許人。 (寅恪案, 曰, 父死節, 巾, 聞中藻死, 先生既失網巾, 軍中譁之, 猶斑 斑 日, 十二月丙申(十七日)「明督師大學士臨桂伯瞿式耜, 子可不繼先志乎!亦死。 死之。」條云: 在額上也。 服此以見先帝。 呼曰畫網 送邵武,鎮將池鳳鳴訊之,不答。鳳鳴偉其貌,爲去其 父死節, 一墨來, 福寧府志俱云思沛即世所稱畫網巾先生, 盥櫛畢謂二僕曰, 衣冠歷代舊制 」茲附錄於此, 小腆紀傳叁玖劉中藻傳云:「中藻子思沛, 巾云。 爲我 子可不繼先志乎!亦死。 畫網巾額上。 (王之綱斬之,)挺然受刃於泰寧之杉津。 明魯兵部尚書東閣大學士劉中藻死之。 以供參考。)服明衣冠,從二僕, 或曰,思沛即畫網巾先生也。 畫已, 乃加冠。 浦城縣志亦云然。 網巾則我太祖高皇帝 。二僕亦交相畫 而福安縣志謂 江廣總督兵 時羈浦城 」小腆 匿迹 按畫

網

錢曾牧齋投筆集箋注上「後秋興之二」第陸首「胡兵翻爲倒戈愁」句,牧齋自注云:

第五章

復明

運

動

傳

巾氈帽,未及倒戈而還。

可以爲 營卒從諸酋長, 證。 牧齋此詩前二句,亦同此旨。 皆袖網 末二句自謂不能將兵如唐之段志玄尉遲敬

等,

是請耳。

讀書作文。

此本是真實語,

但其在弘光時,

自請督師以禦清兵,

則恐是河東君之慫慂勸勉

德,

撼撼秋聲卷白波。 青山斷處暮雲多。沉沙折戟無消息, 臥着千帆掠檻過。

寅恪案,遵王注本此詩列於「燕子磯歸舟作」後一題,「歸舟」詩有「薄寒筋力怯登樓」及「風物正於 蘆花楓葉省人愁。 」等句。 涵芬樓本列於「燕子磯舟中作」後一題,「舟中」詩亦有「輕寒小 全唐

詩第捌函杜牧肆「赤壁」詩云: 病一孤舟」句。 秋老盡, 並參以此詩第壹句「撼撼秋聲」之語, 足證牧齋賦此「題畫」七絕, 必在九月。

前論魏白衣致書鄭延平謂「海道甚易, 折戟沈沙鐵未 銷 自將磨洗認前朝。 南風三日可直抵京 東風不與周 郎便, 銅雀春深鎖二 」牧齋待至九月, 以氣候風向之改

變,知鄭氏無乘南風來攻南都之可能, 遂不覺感樊川詩旨, 而賦此「題畫」七絕也。

蕩子朝朝信, 寒燈夜夜花。 也知虚報喜, 爭忍剔雙葩

有人拈聶大年燈花詞戲和二首」其一云:

一七二

其二云:

燈花獨夜多。寂寞怨青娥。一樣銀缸裏,無花又若何。

寅恪案,此爲憶河東君之作,不過藉和聶壽卿詩爲題耳。

「橋山」云: 萬歲橋山莫永寧。 守祧日月鎮常經。青龍閣道蟠空曲, 玄武鈎陳衛杳冥。

墜地號弓依寢廟,

上陵帶劍仰神靈。 金與石馬依然在。 蹴踏何人夙夜聽。

寅恪案,此首爲明太祖孝陵而作。末二句則希望鄭延平率師來攻取南都也。

初一日召對, 雞人唱曉未曾停。倉卒衣冠散聚螢。執熱漢臣方借箸,畏炎胡騎已揚舲。(自注:「乙酉五月 講官奏曰,馬畏熱,必不渡江。余面叱之而退。」)刺閨痛惜飛章罷,(自注:

「余力請援揚,上深然之。已而抗疏請自出督兵。蒙溫旨慰留而罷。 」)講殿空煩側坐聽。

腸

寅恪案,此首爲牧齋自述弘光元年乙酉時事, 頗有史料價值。末二句蓋傷福王及己身等之爲俘虜

斷覆杯池畔水,年年流恨繞新亭。

而北行也。

第五章 蕉園」云: 復明運動

一七三

蕉園焚稿總凋零。 况復中州野史亭。 溫室話言移漢樹, 長編月朔改唐蓂。 謏聞人自調三豕,

曲 天應下六丁。 東觀西清何處所, 不知汗簡爲誰

噫!牧齋在弘光以前本爲清流魁首, 寅恪案, 日眞相 亦不足取信於人。方之蔡邕, 此首乃深惡當日記載弘光時事野史之誣妄, 自依附馬阮, 尤爲可歎也。 迎降清兵以後, 又同書同卷「金陵雜題絕句」二十五首之十三 復自傷己身無地可託以寫此一段痛史也。 身敗名裂, 即使著書, 能道當

人假陽秋家汗青。 天戈鬼斧付沉冥。赤龍重焰蕉園火, 燒却元家野史亭。

此絕句亦自惜絳雲樓被焚,其所輯之明史稿本全部不存, 與蕉園七律, 可以互證, 故附錄之於蕉

「小至夜月食紀事」(自注:「十一月十有六日。 蟾蜍触月報黃昏。 冬至陽生且莫論。 飛上何曾爲玉鏡, 落來那得比金盆。

朦朧自繞飛鳥羽,

昏黑誰招顧兎魂。 畫盡鑪灰不成寐, (涵芬樓本「不成」作「人不」。) 一星宿火養微溫。

寅恪案,此首必有所指,今難確定,不敢多所附會。但檢小腆紀年附考壹玖「〔順治十四年丁酉四

月〕明朱成功部將施舉與我大清兵戰於定海關, 敗績死之。 |條云:

時成功謀大舉入長江, 令舉招撫松門一帶漁船爲鄉導。 舉至定海關 遭風入港, 遇水師,

力

之, 迄至小至日, 以氣候之關係, 然則鄭延平本擬於此年夏大舉入長江,不幸遭風失敗。牧齋當早知延平有是舉, 知已無率舟師北來之希望,因有七八兩句之感歎歟?俟考。 故往金陵以待

「至日作家書題二絕句」云:

至日裁書報孟光。 封題凍筆蘸冰霜。 栴檀燈下如相念, 但讀楞嚴莫斷腸。

松火柴門紅豆莊。 稚孫嬌女共扶牀。 金陵無物堪將寄 分與長干寶塔光。

禮佛大報恩寺。 也。(可參前論「丙申重九海上作」四首之四。)第貳首末二句可參下一題「丁酉仲冬十有七日長至 東君居於白茆港之紅豆莊, 此兩首文情俱妙, 」在牧齋之意,寶塔放光,即明室中興之祥瑞, 不待多論。 唯據第貳首第貳句, 而不隨其父孫愛留寓城中宅內。 知稚孫即桂哥, 亦與趙微仲妻隨同河 然則牧齋聚集其所最愛之人於一處 將來河東君亦當分此光籠, 以其

實有暗中擘劃之功故也。

和普照寺純水僧房壁間詩韻, 邀無可幼光二道人同作。 <u></u> 二

更残 古殿灰沉朔吹濃。 獨鬼哭霜鐘。 可憐漫壁横斜字, 江梅寂歷對金容。寒侵牛目冰間雪,老作龍鱗燒後松。夜永一燈朝露寢, 賸有三年碧血封。

寅恪案, 無可即方以智,幼光即錢澄之(見小腆紀傳貳肆方以智傳及同書伍伍錢秉鐙傳並吾炙集

第五章 復明運動

「皖僧幼光」條。

牧齋共此二人作政治活動, 方錢二人皆明室遺臣託跡方外者,此時俱在金陵, 則此作者, 自是意中事也。 當是明室重臣而死國難者, 純水僧房壁間詩之作者, 究爲何人, 未敢決言, 頗疑與鄭延平率舟師攻南都之計劃不能 豈瞿稼軒黃石齋一輩人耶?俟考。

水亭撥悶二首」其一云:

不信言愁始欲愁。 [涵芬樓本「宵茁」下自注云 破牕 風雪 一面准 先作朝薙。 流。 往歌來哭悲鸜鍋, 」)辦衾常護夜飛頭。 莫雨 朝雲樂 黄衫紅袖今餘幾 爽鳩。 攬鏡 誰上城西舊 茁

酒樓。

其二云:

瑣聞夕拜不知繇。

熱鐵飛身一旦休。

豈有閉唇能遁舌,

更無穴頸可生頭。

市曹新鬼爭顱額

長夜冤魂怨觸 狼藉革 一膠供 笑, 君王不替偃師 愁。

詩必有本事, 東君受姦通之誣謗, 泂 此二首辭旨奇 東君之能救己身免於黃毓祺 茲姑妄 特爲之辨明也。第壹首第柒句「黃衫紅袖」一辭, 加推測, 詭, 甚難 以備 道解。 說, 案之牽累。 遵 仍待博識君子之敎正。 王注雖於字面略有詮釋, 第貳首謂己身於明南都傾覆後隨例 鄙意此 亦不言其用意所 應解作紅袖中 二詩皆爲河 東君 北 在。 遷 期 m 但牧齋賦 作。 有學 河 第

客」句, 集詩注捌「金陵雜題絕句」二十五首之十「女俠誰知寇白門」及「黃土蓋棺心未死」二句,(全詩前已 )蓋謂白門已死, 今所存之女俠, 唯河東君一人足以當之。即與上引杜讓水「帳內如花 同一辭旨。 第捌句兼用漢書玖貳遊俠傳萬章傳:「萬章字子夏, 長安人也。 長安熾盛 真俠 街

閻各有豪俠。

章在城西新市,號曰

「城西萬子夏。

。」並太平廣記肆捌伍許堯佐柳氏傳「會淄靑諸將合

唐代詔書其開端必有「門下二字,即王摩詰所謂「夕奉天書拜瑣闈」之「天書」。 牧齋旣未曾任給事中, 漢書百官志引衞宏漢舊儀曰, 樂酒樓。 」及「柳氏志防閑而不克。 則遵王所解無著落。疑牧齋意謂弘光出走,乃詔王覺斯及己身留京迎降, 「黃門郎屬黃門令, 一等語。 此兩出處遵王注均未引及。 日暮入對靑瑣門拜, 名曰夕郎。」以爲釋。 第貳首第壹句遵王雖用後 (見全唐詩第貳函 鄙意

首楞嚴經: 歷思則能爲飛熱鐵 從空雨下。 五燈會元 :世尊説大集經, 有不赴者, 四天門王

王維肆

「酬郭給事」。)弘光詔殊不知其來由也。

第貳句遵王注云:

熱鐵 輪 追之令集。

第柒第捌兩句遵王注引列子湯問篇,

周穆王

蓋謂淸兵突至南都,

之物語。 怒偃師所造倡者以目招王之左右侍妾, 牧齋意謂河東君受姦通之誣謗, 實無其事, 逼迫己身等執以北行也。 遂欲殺偃師, 偃師乃破散唱者以示王, 即投筆集上後秋興之三「小舟惜別」詩「人以 皆革膠等假物所造

第五章 復明運動 蒼蠅汚白壁」句之旨也。

柳 如 是 別 傳

投宿崇明寺僧院有感二首」其一云:

秋卷風 便。 塵在眼 日薄冰 前。 山圍大地, 莽蒼迴首重潸然。 霜清木介矗諸天。 (涵芬樓本「莽蒼」作「蒼茫」。 禪牀投宿如殘夢, 半壁寒燈耿夜眠 居停席帽曾 孫 驛路

其二云:

左擔

禾黍陪京夕照邊。 驅車 雪灑孝陵煙。 周郊昔嘆爲犧地, 薊子今論鑄狄年。 綸邑一成人易老,

華陽十賽語 虚傳。 顯毛種種心千折, 抵博僧 牕 一宿眠

寅恪案,此二首疑是因崇禎十七年秋間 而時勢頓改, 遂追感前事 殊不堪令人回首。 而作也。 前論錢柳二人同 第貳聯 上句, 偕河東君同赴南都, 赴南都在七八月間, 謂南都傾覆, 苟得生還者甚少。 就禮部尚書之任, 故第壹首一二兩句謂 如己身及河東君、 途中曾投宿於崇 景物不殊,

即遵王注引酉陽 雜 俎 云

王天運伐 勃律還, 忽風 四起, 雪花如翼, 風吹小海水成冰柱, 四萬人一時凍死, 唯蕃漢各

之蕃漢二人也。 偷安者大異。 第貳首一二兩句謂此次在金陵謁拜孝陵, 下句謂此次歲暮獨自還家, 重經崇明寺, 在南都傾覆之後, 兵戈徧及西南, 不勝興亡之恨也。 與前次過此時 尚能 第壹 荷 Ĭ

聯上句遵王注已引左傳昭公二十二年「王子朝賓起有寵於景王。

」條以釋之,

但僅著詩句之出處。

世之故, 而未言牧齋用意所在。今以意揣之,牧齋蓋謂馬阮之起用己身爲禮部尙書, 深愧不能如犧雞之自斷其尾, 以免受禍害也。 下句遵王無釋, 檢王先謙後漢書柒貳下方 不過以其文采照耀一

術傳薊子訓傳云:

有百歲翁, 自說童兒時, 見子訓賣藥於會稽市, 顏色不異於今。 後人復於長安東霸城見

之,與一老翁共摩挲銅人, 相謂曰, 適見鑄此, 已近五百歲矣。

之感也。 牧齋意謂回首當日與河東君同赴南都,就宗伯任時, 無能爲力, 第貳聯上下兩句, 遵王引史記及松陵集爲釋, 虚受永曆帝之令其聯絡東南偽帥遺民, 已同隔世, 以謀中興之使命也。 甚是。 牧齋意謂雖有復明之志, 殊有薊子訓在秦時目睹鑄此銅人 但已衰

金陵雜題絕句二十五首繼乙未(丙申?)春留題之作。 <u></u>

(詩見下引。

雜記已採第壹第貳第肆第伍第柒第拾第壹貳等七題。皆是風懷之作,此固與余氏書體例符合。 涉及政治者,澹心自不敢迻錄,但亦有風懷之作曼翁未選者, 則因事涉嫌疑, 須爲牧齋隱諱也。 其

寅恪案,此題「乙未」二字當是「丙申」之僞。諸本皆同,恐爲牧齋偶爾筆誤也。此題廿五首,板橋

選牧齋之詩爲世人習讀,且多能通解故也。

茲先擇錄此類三首論釋之,後再略述其他諸詩。

至板橋雜記所選之八首,皆不重錄,以余氏書所

第五

章

復明運動

一八〇

第叁首云:

釧動花飛戒未除。 隔生猶護舊袈裟。 青溪東畔如花女, 枉贈親身半臂紗。

第捌首云:

臨岐紅淚濺征衣。 不信平時交語稀。 看取當風雙蛺蝶, 未曾相逐便分飛。 (自注:「已上雜記

第壹壹首(此詩前已引, 因解釋便利之故, 特重錄之。)云:

詩有祇斷橫刀浪子腸之句。」) 水榭新詩贊戒香。 横陳嚼蠟見清涼。 五陵年少多情思, 錯比橫刀浪子腸。(自注:「杜蒼略和

注, 寅恪案,此三首皆與前論「秦淮水亭逢舊校書賦贈」詩有關。 可以推知。 假定此秦淮舊校書女道士淨華與前所論果爲卞玉京者, 前引杜蒼略和詩及此題第壹壹首自 則惠香公案中, 此三首詩

亦是有關之重要作品也。

第陸首云:

抖擻征衫趁馬蹄。臨行漬酒雨花西。于今墓草南枝句, 長伴昭陵石馬嘶。 (自注:「乙酉北

寅恪案, 上, 牧齋詩集順治二年乙酉所作者, 吊方希直先生墓詩云, 孤臣一樣南枝恨,墓草千年對孝陵。」) 刪汰殊甚。留此注中十四字, 亦可視作摘句圖也。

直 然姚逃虛謂成祖曰, 」爲方孝孺字。 夫牧齋迎降清兵,被執北行, 與正學事大異。「一樣南枝恨」之語, 乃一 別解。

作「乙酉計偕北上」。遵王注本作「□酉北上」。兩書之文,皆有增改。考牧齋爲萬曆三十八年庚戌 確是「讀書種子」。 「若殺孝孺,天下讀書種子絕矣。」(見明史壹肆壹方孝孺傳。)牧齋在明淸之 此則不可以方錢人格高下論也。又牧齋自注中「乙酉北上」四字,涵芬樓本

時明室表面上尙可稱盛世,「孤臣」之語,殊無着落。且通常由虞山北上之路, 「 壬寅三月二十三日以後大臨無時, 自是諱飾之辭。若作「乙酉北上」, 則牧齋於南都傾覆, 啜泣而作。 '」其第肆首後四句云:「忍看末運三辰促, 隨例北遷, 如投筆集後秋興之十 亦不經金陵。 苦恨孤 此兩

探花,己酉計偕北上,吊方希直詩,若作於此年,則牧齋當時僅以舉人北上應會試之資格,

且此

選貳玖古詩十九首之一「胡馬依北風」 臣一死遲。 惆悵杜鵑非越鳥, 南枝無復舊君思。 越鳥巢南枝。」二句, 注云: 之例, 則甚符合。 故特爲改正。 又考五臣本文

北, 曰,韓詩外傳曰,詩云,代馬依北風, 越鳥來於南, 依望北風,巢宿南枝, 皆思舊國。 飛鳥棲故巢 皆不忘本之謂也。

翰曰,

胡馬出於

籍。 元代習俗 碩妃豈元代諸王之後宮耶?若廣陽雜記及蒙古源流等書所載 即用此 如朝鮮實錄及葉子奇世傑草木子雜制篇等所載者, 典。 至有關成祖生母問題, 近人多所考證, 雖難確定**,** 蒙古宮廷貴族多以高 則又輾轉傳譌 但成祖之母或是高 不足道也。 麗 女爲媵 又

動

柳如是別傳

據李淸三垣筆記附誌二條之一云:

予閱 載 東側 亦不能決。 南太常寺誌 列妃嬪 後以 載懿文皇太子及秦晉二王均李妃生。 二十餘, 弘光元旦謁孝陵, 而西 側止碩妃, 予與謙 然否?曷不啓寢殿驗之?及入視, 益 曰, 成祖則碩妃生。 此 事與 實錄 玉 | 牒左, 訝之。 果然。 何徵? 時錢宗伯有博物 但本 乃知李碩 誌 所

之言有以也。

談遷國権壹貳建文四年條略云:

成祖文皇帝御諱 稱嫡,沿之耳。今南京太常寺志, 棣。 太祖高皇帝第四子也。 載孝陵祔享, 母碩妃。 碩妃穆位第一 玉牒云, , 高皇后第四子。 可據也。 蓋史臣因帝自

談遷棗林雜俎義集彤管門「孝慈高皇后無子」條略云:

孝 最博核 陵享殿太祖高皇帝高皇后南 獨西 其別 列。 集同 見南 京太常寺志。 姓諸王表, (與)吾學編諸書俱同, 向。 孝陵閹人俱云, 左淑妃李氏次皇 孝慈高皇后無子, 抑未考南太常(寺)志耶? 妃□氏(等) 俱東列。 具如志中。 碩 妃 享殿 而 生 王 成 配 弇 祖 位 州 文皇 先生 出

自宸斷 相傳必有確據,故志之不少諱, 而微與玉牒牴牾, 誠不知其解。

牧齋作史,乃是信史, 然則牧齋久蓄此疑,不但取太常志文獻爲左證, 而非如宋轅文所謂「穢史」也。(見第叁章論朱鶴齡與吳梅村書。) 並親與李清目睹之實物相證明, 然後決定。 可知

第壹柒首云:

盧前王後莫相疑。 日下雲間豈浪垂。 江左文章流輩在, 何曾道有蔡克兒。

第壹捌首云:

帝車南指豈人謀。 首,雜論文史。」 河岳英靈氣未休。昭代可應無大樹, 汝曹何苦作蚍蜉。(自注:「以上六

を言うない

詆篇「王丞相輕蔡公」條之誤。且「克」字爲平聲,「克」字爲仄聲。牧齋自是用「克」字方協聲調。 必多所論辯,所可注意者,第壹柒首末句「蔡克兒」之「克」字,實應作「克」字。牧齋沿世說新語輕 寅恪案,此兩首皆牧齋因當日有非議其文章者,感憤而作。夫牧齋爲一世文雄,自有定評,亦不 實

書,而不用世說新語,恐河東君讀此詩時,不免竊笑也。

由未檢晉書陸伍王導傳及柒柒蔡謨傳所致。寅恪綜覽河東君之詩文,其關涉晉代典故者,

多用晉

第貳叁首云:

被髮何人夜叫天。亡羊臧穀更堪憐。長髯街口填黃土,肯施維摩結凈緣。

寅恪案, 譚泰傳, 此詩疑爲牧齋過金陵陳名夏子掖臣故居而作。 同書伍寧完我傳,同書柒捌張煊傳。)略云: 清史列傳柒玖貳臣傳陳名夏傳(參同書肆

陳名夏江南溧陽人。 明崇禎十六年進士,官翰林修撰,

兼户兵二科都給事中。

福王時,

以名

第五

章

復明運

動

一一人三

宥之, 少保, 諸 諭 也。 夏厲 事, 私, 朝。 服 疏 與閒散人隨 吏部尚 夏曾降 臣講 名夏 薦 銓選 罪 聲 揣摩執政意指 五 並 且多不實。 年 書員 兼太子太 附 求 E 實 強 敕 復 日, 治 諭 難 初 不公諸 辨。 原 流 部 設六 理, 缺 爾可 令潔己奉公,勿以 追。 官。 賊李自成 朝 議 及詰 贈 侍郎 兼訓 保。 部尚 無疑 煊 但朕有前旨, 咖 劣 旋 初睿親王多爾袞專擅威 坐 擢 蹟。 問 孫承 越格 書各 懼。 諸 誣 九年以黨附吏部尚書公譚 復 吏 詞 定入從賊 臣 論死。 部 下諸 陳 窮 越 澤 濫用 , 情 左侍 翼 以 請令名夏兼攝。 Ŧ 請 涕 匪人, 滿漢一 至是, 日 貪黷相尚。 凡譚泰干連 即授名夏吏部尚書。 郎, 淚 部 終 案。 交 臣 制 仍命署 頭, 兼翰林 鞧 體 譚 以迎合固寵。 本 議。 賜 泰 朝 銀 自 福, 冀其自新 吏 以 順 六部大臣不宜互結黨 院侍 訴 會上方巡 五 部 罪 上以侍郎 治二年七月名夏抵大名投誠, 概赦免。 尚書 投誠 百 伏 尚 泰, 讀 兩 誅。 書。 有 公譚泰剛愎 尋 及多爾袞事 議 符, 功, 暫假 士。 以副 命 1 若復執名夏 加太子太保。 推舉大學士, 罪。 嘗 親王大臣復按張煊 三年丁父憂, 歸 冀貨死。 譚泰獨 倚任。 幸 解院 葬, 内 攬權, 敗, 與。 院, 任, 仍 袒 十年 而罪之, 諭 給俸 名 有乖 誡諭 御史張煊劾 八年授弘文院大學 関 給俸如故。 日, 夏, 復 名夏 會 贈在京家 命 名夏 一大體。 典 補 此 在官 定 既掌 是不 、及經 祕書 所劾 以 輾 議 保定巡 銓衡 轉 任 益諄 史 院 信前旨 名夏 奏名夏結 責令回 發正 矯詐 諸 屬。 事 奏 大 學 款皆赦 撫 切馬。 罪 黄旗下, 之小 士。 也。 狀 徇 明 私 E 年 居持 文奎 黨 私 必與 植 會 復 時 因 X 名 前 行 還

第五章 復明運動

紅發下, 不知作弊又在何件。 俟臣等到 言之,名夏子掖臣居鄉暴惡,士民怨恨,欲移居避之。江寧有入官園宅在城,各官集貲三千 萬言, 治之要, 皇上赦宥擢用, 典,改削官銜二級,罰俸一年, 有旨,令集議刑部,論任珍家居怨望,指奸謀陷諸罪應死狀。名夏及大學士陳之遴, 成奸。」四句, 兩代爲納價, 下太平, 之俊等二十八人,與刑部九卿科道等兩議。 字輕重, 名夏明知故縱, 灼見隱微。 名夏禮臣雖恭, 惟法度嚴明, 齊, 只依我兩事。 名夏抹去「擠異排孤」一語,改去「明季埋沒局中, 關係公私, 作兩句泛語。其糾黨好充之情形,恐皇上看破,故欲以隻手障天也。 自將公簿注姓, 遂家焉。 宜洗心易行, 本年二月上命内大臣傳出科道官結黨諭旨。 科道官豈無一人聞之?不以 則民心悦服。名夏必欲寬衣博帶,其情叵測。 臣問 臣慮字有錯誤 掖臣横行城中, 何事?名夏推帽摩其首云, 效忠我朝。 塗抹一百一十四字。 爲同官所阻, 仍供原職。 而惡臣甚深。 公立一簿注姓, 説人情, 不意蠱惑紳士, 十一年大學士寧完我列款劾奏名夏曰, 得旨責問,名夏更巧飾欺蒙。 此同官所共見共聞者也。 一疏入告,其黨衆可見矣。 納賄賂。各官敢怒而不敢言。人人懼其威 留髮, 以防推發, 包藏禍心以倡亂。 因而受禍。今方馳觀域外, 復衣冠, 臣書稿底 方止。竊思公簿何得私抹 行之已久。 臣與逐事辯論, 天下即太平。 今將結黨奸宄事蹟 論死。 交付内值。 嘗謂 臣等職掌票擬 日, 臣 復韶從寬 請敕下大 名夏屢蒙 日 尚書金 名夏不 不止千 臣思爲 及票 豈容 要天

一一八六

髮復衣冠,所言屬實。完我復與大學士劉正宗共證名夏攬權市恩欺罔罪。 臣 確審具奏,法斷施行。 則奸黨除, 而治安可致矣。遂下廷臣會勘, 名夏辯諸款皆虚 識成, 論斬。 惟留

清史稿貳伍壹陳名夏傳云:

名夏久任近密,

改處絞,

子掖臣,

逮治杖戍。

時, 位。王曰, 本朝自有家法, 陳名夏字百史。 入從賊 案。 江南溧陽人。 順治二年詣大名降。 非爾所知也。 明崇禎進士, 以 保定巡撫王文奎薦, 官修撰, 兼户兵二科都給事中。 復原官。 入謁睿親王, 降李自成 請 正大 福王

左傳哀公十五年云:

孔 衛孔 圉取大子蒯聵之姊, 姬使之焉。 大子與之言曰, 苟使我入獲國, 生悝。孔氏之豎渾良夫,長而美。孔文子卒,通於内。大子在戚 服冕乘軒 三死無與。與之盟。爲請於伯姬

又哀公十七年略云:

甸, 夫。 十七年春, 衛侯夢於北宮 叫天無辜。(杜注云:「本盟當觅三死,而並數一時之事爲三罪,殺之,故自謂無辜。」) 兩牡, 紫衣狐裘。 衛侯爲 見人登昆吾之觀 虎幄於藉圃。 至, 袒裘, 成。求令名者, 被髮北面而躁曰, 不釋劍而食。 大子使牽以退, 而與之始食焉。 登此昆吾之虚。 數之以三罪 大子請 縣縣生之瓜。 使良夫 而 殺之。 余爲渾良 良夫乘衷

明, 實。 牧齋詩第壹句以渾良夫比百史, 蓋以其數次論死, 夫百史辯寧完我所詰各欵皆虚, 而終無成。 是其志在復明, 欲以此心告諸天下後世, 所自信者,百史不如己身之能老歸空門耳。 獨於最無物證 殊可哀矣。 雖暫得寬逭, 可以脫免之有關復明制度之一欸, 牧齋詩第貳句謂己身與百史雖皆志在復 終以自承曾言「留髮復衣冠」事處 則認爲眞

第貳肆首云:

長干塩繞萬枝燈。 白玉毫光涌玉繩。 鈴鐸分明傳好語 道人誰是佛圖澄。

寅恪案, 此詩 末二句遵王無注。 檢慧皎高僧傳初集拾晉鄴中竺佛圖澄傳(可參晉書玖伍佛圖澄

曰, 光初十一年(劉)曜自率兵攻洛陽, 相輪鈴音云:「秀支替戾岡。 僕谷劬禿當。」此羯語也。 [石]勒欲自往拒曜, 内外僚佐無不必諫。 「秀支」軍也。 「替戾岡」出也。 勒 以 訪澄。 僕 澄

堪生擒之送勒。 長子石弘共澄以 谷」劉曜胡位也。 鎭襄 澄時 「劬禿當」捉也。 或 以物塗掌觀之, 自率中軍步騎, 此言軍出捉得曜也。 見有大衆。 直詣洛城。 衆中縛一人,朱絲約其肘, 兩陣纔交, 時徐光聞澄此旨, 曜軍 一大潰 苦勸勒行。 曜馬沒水中, 因以告弘, 勒乃留 當爾 石

牧齋詩用此典之意,言清軍主帥出戰必敗也。

之時,

正生擒曜也。

動

如 是 別 傳

第貳伍首云:

採藥虚無弱水東。 飈輪仍傍第三峰。 玉晨他日論班位, 應次高辛展上公。(自注:「過句曲

望三峰作。」)

也。 寅恪案, 此首爲歸家途中過句容所賦。末二句意謂此次在南都作復明活動, 他日成功, 當受封賞

有學集詩注玖紅豆集中有關牧齋復明活動,而最饒興趣者, 莫如「六安黃夫人鄧氏」七律一首。詩

附校勘 鐃歌鼓吹競芳辰。 記同注本。)編幰昔聞梁刺史, 娘子軍前喜氣新。 錦車今見漢夫人。 (涵芬樓本作「魚軒象服照青春。 鼓吹喧闐壁壘新。」但後 (涵芬樓本「見」作「比」。)鬚眉男子元

寅恪案, 脯, 就今所見關於黃夫人鄧氏或梅氏及黃鼎之資料,迻錄於下,恐仍未備, 共臨東海看楊塵。 (涵芬樓本「元」作「原」。)巾幗英雄自有真。 (涵芬樓本「共臨」作「笑看」,「看」作「再」。) (涵芬樓本「巾幗」作「粉黛」。)還待麻 尚求當世君 姑辫

正。總之, 牧齋詩末二句之旨,復明活動之意,溢於言表矣。

劉繼莊獻廷廣陽雜記壹(劉氏與牧齋有交誼,見楊大瓢先生雜文稿「劉繼莊傳」。)云:

霍山黄鼎字玉耳。 霍山諸生也。鼎革時起義,後降洪[承疇]經略, 授以總兵, 使居江南。 其

動

居山中以遂吾志,不能若吾夫調居他處也。其子覆命, 傾,非一木所能支,然志士不屈其志。吾必得總督來廬一面,約吾解衆, 妻獨不降, 兜鍪, 凜凜如偉丈夫。 擁衆數萬, 不能也。 然其子在此, 使往, 盤居山中,與官兵抗,屢爲其敗。 如總我見制臺禮。 或有濟乎?國柱遂使其子招之。 遂降,終不出山。 國柱自來廬州, 總督馬國柱謂鼎 黄鼎居江南久, 鼎妻率衆出見, 喻令薙髮。 鼎妻日, 獨不能招汝妻使 後屢與鄭氏 然吾仍 大廈將 貫甲

劾馬士英於上

痛史第柒種弘光實錄鈔壹 通, 郎 總督 時, 事敗, 「[崇禎十七年癸未六月]乙亥湖廣巡按御史黃澍召對, 服毒死。

前。

〕條黃澍疏士英十可斬。

其二云:

闖賊果毅將軍銀印, 印不去, 市棍黃鼎委署麻城, 真官不來。 」之謠。 以有司之官, 託言奪自賊手,飛報先帝。 是謂欺君, 娶鄉宦梅之焕之女。 可斬。 士英蒙厚賞,黃鼎加副將。 士英利其奸邪, 互相表裏。 麻城士民有「假 黄鼎私鑄

王葆心蘄黃四十八砦紀事貳附「皖砦篇」略云:

善黄鼎冷允登 王軍 順治]三年秋[明荆王朱]常災舊部李時嘉等復掠太湖, ·師趙正據宿松洿池間, 副將梁大用等合兵勦之。 稱明帥, 屢挫大兵。 又霍山總兵黃鼎妻梅氏者, 安徽巡 撫李棲鳳遣兵備道夏繼 總兵黃鼎平之。 故麻城甘肅巡撫之煥 是年冬揚州 虞 總兵 人明瑞昌 卜從

畴, Œ, 女。 授以總兵, 鼎字玉 即委鼎署麻 耳, 使居 城知 霍山諸生。 南 縣。 直。 聞之煥女英勇而有志節, 梅氏 始崇禎十六年五月鳳陽總督馬士英遣鼎入麻城諸砦説周文 獨抗節不降, 擁衆數萬, 饒父風。 踞英霍及廬鳳 娶之。 順治 山中, 初, 鼎即 與 總督 納 数於 馬 洪承 國柱 江

「皖砦篇 所部 」附案語 兵 九抗, 所部 云 屢敗。 (寅恪案, 下文同上引廣陽雜記壹「霍 山黄鼎」條。 茲不重錄。

此, 誠所謂 其始終不 女之語, 死, 此 事 見劉 均惜夫人不知誰氏。 故易書鼎妻爲 猶不 屈, 證夫人爲長公女。長公爲明季邊帥偉人,尤吾鄉錚錚奇男子, 繼莊廣陽 同器者矣。 惓惓不忘宗國, 雜記。 梅氏 以予之。蓋左忠貞侯良玉沈阿翠遊 惟霍 爰據弘光實錄鈔中黃澍劾馬士英十可斬疏所稱鼎娶麻城鄉宦梅之煥 近日如夕陽紅淚錄等書, Ш 志節 黄 氏 皭 然, 今 與其 猶 儒 大夫始 家 均載之。 附 風 權 奸, 夫 擊將軍雲英後之一人也。 迹梅夫人壯烈之行, 人 終 於 足, 遺 事 必 求作 猶 宜夫人英壯有父風。 降 有 虜, 傳 者 其夫應爲愧 仍不能免, 諸

牧齋初學集柒叁「梅長公傳」略云:

公諱之煥,字長公,一字彬父,黃之麻城人。 天啓三年擢都察院食都御史, 巡撫南贛。 萬曆癸卯舉於鄉。 丁母憂歸里。今上即位召還, 甲辰舉進士。 以原官 選翰

洲

甘

烏程用閣訟攘相位,公在鎮,撠手罵詈,敷飛書中朝,別白是非。烏程深銜之,思中以 己巳冬, 公奉入援詔, 即日啓行。 甘鎮去都門七千里, 師次邠州, 奉韶

還鎭。 危法。 嘉靖中楊守謙例殺公。上心知公材,憐其枉, 國,豪宗惡子嗾邑子上書告公。烏程從中下其事,中朝明知其滿讕忌公才能, 。 已又趣入援, 紆迴往還, 又數千里。 奴兵薄都城, 師行半年始至。本兵希鳥程指, 部議力持之,乃命解官歸里。 劾公逗留 久之, 烏程當 借以柅公。公 欲用

自是不復起矣。公聽勘久之,敍甘鎮前後功,加級,廕一子。忌公者盈朝,卒不果用。辛巳

八月十三日發病卒。享年六十七。

顧苓金陵野鈔云: [弘光元年甲申四月]加六安州總兵官黃鼎太子太保。先是, 賊狄應奎率衆數千, 自固始欲投 授應奎副

清史列傳柒玖張縉彥傳云: 總兵,齊銀幣。 興平伯高杰降。 杰遇害, 走六安, 殺賊將偽權將軍路應樗, 挈其印降鼎。 鼎報闡,

王氏據弘光實錄鈔稱黃鼎妻爲梅之煥女,牧齋詩題則稱爲「鄧氏」, 檄總兵黃鼎入山招之,縉彦赴江寧納款,齎繳總督印及解散各寨士民 豫親王多鐸統師定河南江南, 縉彦乃遁匿六安州商麻山中。三年二月招撫江南大學士洪承疇 頗難決定。 册。 鄙意牧齋或者如其

第五章

復明運

動

九二

助其 前, 列朝詩集閨 歟?關於黃夫人事 誼 書叁伍荆 統志柒柒蘇州府「鄧尉山」條所云:「漢鄧尉隱此,故名。 並 非偶 豪宗 曾任六安州總兵官, 惡子 燕吳傳。)文人故作狡獪, 「肆「女郎羽素蘭小傳」稱翁孺安爲「羽氏」者相類」 推其 嗾邑子告計, 所以諱 據沈寐叟曾植文集稿本「投筆集跋」云: 故牧齋可稱之爲「六安黃夫人」也。 改黃夫人之姓者, 欲加以重罪。 遂以「梅」爲「鄧」耶?俟考。 其始末實同於牧齋與烏程之關係。 豈因黃夫人曾參加復明活動, 山多梅, 又梅長公於閣訟時件溫體仁。 蓋「鄧尉」以梅花著稱,(可參嘉慶修 復據 顧氏所言, 花時如雪, 恐長公家屬爲所牽累 由是言之, 鼎於 香聞 南 數里。」及漢 都 錢 梅 體 仁復 傾覆

黄夫

人見廣陽雜

記

余別有考。

牧齋投筆集之命名, 二年甲辰 杜甫廣德二年在嚴武幕中所作「宿府」之典。 斷手年。」等句。) 其以「金陵」二字標題, 子培先生曾官安徽 (可參有學集詩注壹叁東澗集中「秋日雜詩」末一首「旁行側理紙", 」及「永泰元年乙巳」條。)然則牧齋此際亦列名鄭延平幕府中耶?但仍缺乏有力之證 自是取班定遠投筆從戎之義。 其作此考, 自是 口 能。 恐非偶然。 今詢其家, (見仇兆鰲杜詩詳注壹肆及卷首所附杜工 此集第壹叠「金陵秋興八首己亥七月初 又第柒首第貳句有「秋宵蠟 遺稿中 並無是篇, 堆積秋興編。 或已佚失耶 炬井梧中」之語 發興己亥秋, 用

以俟更考。

第叁叠「小舟夜渡,惜別而作。」八首,殆因此時延平之舟師雖敗於金陵,

易甚 白茆 多, 港尚 齋隨行 殊不足爲據。 有 鄭氏 之志終不能遂, 將 領 所率之船 此叠八首, 唯留此 舶, 不獨限於個人兒女離別之私情, 八首於通行本有學集中, 牧齋欲附之隨行, 後因 鄭氏白茆港之舟師, 以見其微旨, 亦關民族興亡之大計。 但以 避忌諱 亦爲清 兵所擊毀, 字句 吾 經改

賊中流 今讀之, 迺以 呼 Ē, 十三日於七丫 猶有餘慟焉。 鬭 來。 梁]公[化鳳]與蔣公聞 出海。 (參梅村家藏藁貳伍「梁宮保壯 白茆港有賊伏艦百餘 相持而近, 見之來邀, 猷紀」所云:「(八月八)日中丞蔣公(國柱)亦 知其 八遇賊。 沙葦中斜出如箭。 別部 且戰且 我長 已爲我師 年捩柁向 舉礮

料賊必 碎其四 二十餘里, 犯崇 舟 遙見施 明, 殺五 急令鎮臣旋師 百人。」及清史列傳伍 翹 河等處賊腙 密布 未渡 蔣國 即發各營兵船, 而賊鯮大至。 社傳 略云:「 臣親至七丫 出 順治十六年)八 拒賊於白茆。 相度形勢, 月疏 」並金鶴沖牧齋先生 言自 海 面 江寧大 遼闊 捷之後 距崇邑 年譜

論 順治十六年己亥條所論。)投筆集諸詩摹擬少陵, 國之關鍵 投筆 爲其 集實爲明清之詩 所身預者, 史, 與少陵之詩僅爲得諸 較杜 陵尤勝 籌 入其堂奥, 自不待言。且此 遠道傳聞及追憶故國平居者有 乃三百年來之絕大著作也。 集牧齋諸詩 異。 故就此點而 中頗 多軍

此集有 遵 Ŧ 注 本 別行於世 但 示 能 通 解者尚 多。 (可參有學集詩注卷首序文所 云:「余年

燈校

讎, 釐正 蓋其愼也。 魚 豕。 」等語。) 有傷時 王應奎海 者, 軼 其三 虞詩苑肆 四首 錄錢曾「寒食行 至秋 興十三 一和詩, 並序 直 立: 口 追蹤少陵 而傷時 滋甚 來篝

第 E 蛇 復 朋 軍

動

寒食夜忽夢牧翁執手諈諉, 歡如平昔, 覺而作此, 以寫余哀。

中以詩 (上略。)更端布席纔函丈,絮語雄談仍抵掌。 · 箋疑 句相 詢, 公所引書, 皆非余所知者、蓋絳雲秘笈、久爲六丁下取、 空留疑義落人間, 獨持異本歸天上。(自注:「夢 歸之天上

芭爲起墳,不負公門庶在此。(自注:「乙卯一月八日藁葬公於山莊, 故發侯芭之嘆。

房黯淡燈,前塵分別總無憑。(中略。)斜行小字叢殘紙。

箋注蟲魚愧詩史。

未及侯

矣。」)寂歷閒

可見遵王當日注牧齋詩之難矣。 寅恪今亦不能悉論 僅就其最有關係, 且最饒興趣者 詮釋之於

F 此集傳本字句多有不同, 唯擇其善者從之, 不復詳加注明。

軍」止引程大昌雍錄,「羽林」止引漢書宣帝紀爲釋,鄙意唐之「龍武新軍」及漢之「羽林孤兒」, 第壹叠遵王注除第壹首外,皆加刪汰。 即第壹首亦僅注古典字面,而不注今典實指。 例如「龍虎 謂

鄭延平之舟師, 本出於唐王之衞軍。 如黃太沖宗羲「賜姓始末」所云:

隆武帝即位, [成功]年纔二十一。 入朝。上奇之,赐今姓名, 俾統禁旅, 以 駙馬 體統行

封忠孝伯。

即「鶉首」, 貳柒天官書云:「尾箕幽州。」即杜詩「收京」之意也。 見仇氏杜詩詳注伍「收京」三首之三。) 「鶉頭」 即其證也。 指湖北通明之軍隊, 第伍 首第寬 聯「箕尾廓清還斗極, 即張蒼水集所附舊題全謝山祖望撰張忠烈公年譜順治十八年辛丑 鶉頭送喜動天顏。」「箕尾」指北 京所在之幽州。

條所謂「鄖東郝〔永忠〕李〔來亨〕之兵。」及注中所謂「十三家之軍」者。 (可參倪璠庾子山集貳哀江南

賦「以鶉首而賜秦, 柬楚中郭尹諸公。」詩。)第叁首「長沙子弟肯相違」句之「長沙子弟」,疑牽涉庾信哀江南賦「用無賴 [鄖陽。]詩及同書所附趙撝叔之謙撰張忠烈公年譜。並本文論牧齋「長干送松影上人楚遊, 天何爲而此醉。」之注。 及張蒼水集第貳編奇零草「送吳佩遠職方南訪行在, 兼

洪消釐字六生, 晉江人。 崇禎間拔貢生。 謁隆武帝於閩,授衡州通判。 督師何騰蛟奇之, 請

之子弟」一語而成。當指湖南復明之軍隊,如小腆紀傳叁叁所載之洪淯鼈,

即是例證。

其傳略

信, 改 韶 入西山, 知道州。 加消釐兵部右侍郎, 間道上書言,十三鎮公忠無二,今扼險據衝,窺晉楚蜀有釁, 擢右僉都御史, 據楚之夷陵歸州巴東均州,蜀之巫山涪州等七州縣, 閩亡。 李赤心等十三鎮以所部奉使稱臣於粤, 監諸鎭軍、駐湖南。 總督粤滇黔晉楚豫軍務。 何騰蛟死,孫可望入滇,朝問阻絕, 緬甸既覆, 出道州, 消養猶偕諸鎮崛強湖 屯田固守。久之, 隨時 [消鳌偕郝永忠]見永曆 而動。 乃與十三鎮退 議 湘間。 得安龍駐蹕 者多其功

牧齋此詩之意 三年王師定巴東。 謂湖南北諸軍, 〔消釐〕遂被執。 若見南都收復, 諭降, 不從。 臨刑之日, 惜當日詳情, 神色不變, 投屍 今不易考知耳。 巫峰三峽中。

第貳叠「八月初二日聞警而作」一題之主旨, 謂延平舟師雖敗於金陵,仍應固守京口,不當便揚帆

第五

復明

運

出海也。其意與張蒼水集第肆編北征錄所云:

初 意石 頭師即偶挫, 未必遽登舟。 即登舟, 亦未必遽揚帆。 即揚帆, 必退守鎮江。

又云:

余遣一僧費帛書, 由間 道訪延平行營。 書云,兵家勝負何常。今日所恃者民心耳。 況上

平不但舍石頭去, 且舍鐵甕城行矣。

郡邑俱

爲我守。

若能益百艘相助,天下事尚可圖也。

倘遽舍之而去,

如百萬生靈何。

詎意延

一游諸

等語冥合。故牧齋詩第叁首云:

龍河漢幟散沈暉。 返旆其如馬首違。 嚙指奔逃看靺鞨, 萬歲樓邊候火微。 重收魂魄飽甘肥。 卷地樓船橫海去, 射天鳴鏑夾江飛。 揮戈不分旄頭

在,

第肆首云:

堅壁休論後起遲。 由來國手算全棋。 換步移形須着眼, 數子抛殘未足悲。 棋於誤後轉堪思。 小挫我當嚴警候, 驟驕彼是滅亡時。 (寅恪案, 此首可多前論牧齋與稼 中心莫爲斜飛動,

書。)

第伍首云:

兩戒關河 萬里山。 京江天塹屹中間。 金陵要奠南朝鼎,

鐵甕須爭北顧關。

應以縷丸臨峻坂

一一九六

肯將傳舍抵孱顏。 荷鋤野老雙含淚,愁見橫江虎旅班。(原注:「長江天塹, 爲南北限,

第陸首云:

酋者. 吳儂看鏡約梳頭。 皆袖網巾氈帽。未及倒戈而還。」)爭言殘羯同江 野老壺漿潔早秋。 小隊誰教投刃去, 鼠 胡兵翻爲倒戈愁。 (自注:「萬曆末年有北鼠渡江之 (自注:「營卒從諸

異。近皆啣尾而北。」)忍見遺黎逐海鷗。京口偏師初破竹,

蕩船木梯下蘇州。

又此叠第捌首末二句云: 最喜伏波能振旅, 封侯印佩許雙垂。(自注:「是役惟伏波殿後, 全軍而反。」)

寅恪案,「伏波」指馬信。

偽提督五者, 前營黃某 後營翁某, 而左營馬信, 則我叛將也 (寅恪案) 降於張名振。」可供參證。 李天根爝火錄貳

梅村家藏藁貳伍「梁宮保壯猷紀」云:

伍順治十二年乙未條云:「十一月辛巳朔清鎮守台州副將馬 右營萬里 中營甘輝。 唯馬信統水軍於江, 餘皆連營西注。 信叛,

可與牧齋自注相參證。

河東君一生志事,故不避重複, 第叁叠「八月初十日小舟夜渡, 惜別而作。」乃專爲河東君而作。 仍全錄之, 且前所論此叠諸詩, 雖前已多論及,然此文主旨實在 尙有未加詮釋者, 亦可藉此補論

第

五章

復明運動

之也。

此叠第壹首云:

負戴相攜守故林。 青燈梵唄六時心。 憐君應是齊梁女, 繙經問 織意蕭森。 樂府偏能賦藥建。 疏疏竹葉晴牕雨, 落落梧桐小院陰。

白露園林中夜淚

第貳首云:

案,「浦」疑當作「漢」。)吹殘別鶴三聲角, 迸散棲鳥半夜笳。錯記(一作「憶」。)窮秋是春盡 丹黃狼藉髩絲斜。 廿載間關歷歲華。取次鐵圍同血(一作「穴」。)道,幾曾銀浦共仙槎。(寅恪

第叁首云:

漫天離恨攪楊花。

議, 振〕謂阮姑娘,吾當派汝捉刀侍柳夫人。阮喜而受命。 北斗垣牆 内子盡橐以資之, 闇 赤暉。 誰占朱鳥一星微。 始成一軍。」)減損虀鹽餉饮飛。 破除服珥裝羅漢, 娘子繡旗營壘倒,(自注:「張定西〔名 舟山之役, 中流矢而殞。 」) 鬚眉男子皆臣子,秦越何人視瘠 (自注:「姚神武有先裝五百羅漢之 惜哉!」)將

肥。(自注:「夷陵文相國來書云云。」寅恪案,「文相國」指文安之。事蹟見明史貳柒玖及小

軍鐵稍鼓音達。(自注:「乙未八月神武血戰死崇明城下。

腆紀傳叁拾本傳等。

一九八

第肆首云:

燈花落笑子聲遲。 閨閣心縣海宇棋。 還期共覆金山譜, 每於方罫繫歡悲。 桴鼓親提慰我思。 乍傳南國長驅日, 正是西牕對局時。 漏點稀憂兵勢老,

第伍首云: 水擊風摶山外山。 天將市虎試朱顏。 衣朱曳綺留都女, 前期語盡一杯間。 羞殺當年翟茀班。 五更噩夢飛金鏡, 千叠愁心鎖玉關。 人以蒼蠅汙白壁,

詩。」)容顏減盡但餘愁。 歸心共折大刀頭。 別淚闌干誓九秋。 摩天肯悔雙黃鵠, 皮骨久判猶貰死,(原注:「丁亥歲有和東坡西臺韻 貼水翻輸兩白鷗。 更有閒情攪腸肚, 爲余輪指算

第陸首云:

此行期奏濟河功。 甕面葡萄玉盞紅。 架海梯山抵掌中。 一割忍忘歸隱約, 少陽原是釣魚翁。 自許揮戈迴晚日, 相將把酒賀春風。 牆頭梅蕊疏牕白, 第柒首云:

神(一作「并」。)州。

第捌首云: 臨分執手語逶迤。 白水旌心視此陂。 別正思紅豆子,雙棲終向碧梧枝。 盤周四角言難罄,

第五

章

復明運動

局 定 心誓不 趣 覲 兩 宮應慰勞, 紗燈 影 淚 先

如此 寅恪案 改 此 文氣更通貫。 叠第貳首末二句之「錯憶 「楊」即「柳」, 或或 乃河東君之本姓。 錯記 兩字皆可 「離恨攪 通。 但鄙 楊花」五字 意恐一記 」字原是「認」字之譌。 殊妙。 第叁首見前論

聯。 志倬 事 上句「雙黃鵠」除遵王注引杜詩外, 並 可參沈寐叟投筆集跋, 可不多贅。 疑牧齋更用漢書捌肆翟方進 第陸首「 摩天肯悔雙黃 傳附義傳載 鵠, 貼水 翻 輸 兩白鷗。

童

謠

姚

反乎覆。 陂當 復。 誰云 者, 兩黃鵠。

之語, 傳。 蓋 暗指 謂 當 此 龍 朝當復興 拏 虎 掣 也。 爭 賭乾坤之時, 下句與第捌叠 己 第 身與 陸首「 河東君尙難如鷗鳥之安穩也。 鳶飛站 水羨眠 鷗 句, 同 用 後 漢 此詩 書 末 列 傳 肆 馬

州 雖 俱 П 涌 鄙意 以作 「幷州」者爲佳。 晉書 陸 貢 劉琨 傳略云 句「幷州」 」或

鎭 随 拜大將 夷 騰 琨 夏 字 南 軍, F 越 \_\_\_ 百 石 1 都督幷州 十人連 户不 中 1 滿二 魏昌 諸 名上表。 軍事。 萬, 永嘉元年爲 寇 (可參世說新語上言語 西都 賊 縱 不守, 横, 纤州 道路 元帝稱制 刺史。 断塞。 江左, 時東嬴公騰自晉 琨募得千餘 篇劉 琨乃令長史溫嶠 琨 雖 隔閡寇 陽 轉鬬至 (戎, 鎮 鄴 志存 勸進。 幷土 本 朝 於是河 上條。 朔征 百姓 位

蓋 以張 水比劉越石也。 當鄭延平敗於金陵城下, 蒼水份經略安徽 帶。 考張蒼水集肆一北征錄」

略云:

延平大軍 重 石 頭城者已半月。 喉地, 初不聞 發一鏃射城中, 而鎮守潤 江 督師, 無何 亦未嘗出 兵取旁邑。

國受新都 降。 報 至, 遽反蕪城。 已七月廿九日矣。

如句容丹

陽實

南

畿

咽

尚未扼塞

故蘇常援虜得長驅入

石頭。

石頭師挫

時余在寧

可以爲證。 詩壹壹「贈潘侍御論少陽」詩爲釋。但鄙意牧齋「少陽」二字,更兼用李太白詩壹貳「贈錢徵君少陽」 第柒首末二句「一割」及「少陽」,遵王注已引後漢書列傳叁柒班超傳及分類補注李太白

五律並注(可參全唐詩第叁函李白壹壹。)所云:

等語。 乗燭唯須飲 十餘 綜合兩句觀之, 故方之太公。 投竿也未遲。如逢渭水(一作川。)獵,猶可帝王師。 牧齋意謂此行雖勉效鉛刀之一割, 未忘偕隱之約, (原注:「齊賢曰, 並暗寓終可爲明之宰輔 少陽年

也。 第捌首「丹桂月舒新結子, 瞿式耜等迎永曆帝於梧等事。(見明史壹貳拾桂端王常瀛傳及小腆紀傳永曆帝紀上等。)即第伍 暗指永曆帝父常瀛,崇禎十六年衡州陷,走廣西梧州, 第捌首言此時雖暫別, 蒼梧雲護舊封枝。」之意。 「兩宮」者, 後必歸於桂王也。「碧梧枝」不獨用杜詩「鳳凰棲老碧梧枝」之原義, 及順治二年薨於蒼梧,並順治三年丁魁楚 指桂王生母馬太后及永曆后王氏 亦

復次, 葉調生廷琯吹網錄肆「陳夫人年譜」條略云: 復明運

也。(見小腆紀傳后妃傳永曆馬太后傳及王皇后傳等。)

第五

章

動

瞿忠宣公之孫昌文, 私 撰 作伯聲。 此 譜 」)欲紓家 以 表母德, 難 嘗爲其母 而 勉爲 紀 世變。 轁 撰年譜 晦 順 其中 時, 一帙。 頗 而 多忠宣 鼎 蓋其尊人伯 革 之 軟 際, 事 0 家門 升(原注:「 + 餘年 多故, 前從常熟許 實賴 吳曉鉦 陳夫 釗 伯 人内 緘 森 丈 日 廷 誥 榰 復社姓氏 處 見其

之, 摘鈔 行聘 母 時, 夫人 本。 則 並 意。 摘鈔 柳姬 緘 翁 本不 欲 云, 云瞿某爲汝事 瞿 回禮與正室陳夫 可得見矣。 原本爲海 去官, 虞 某 譜 中 氏 人人同, 所載 所藏 須聯之以敦世好。 而瞿 略 極 憶 爲 秘密。 僅等之 \_\_ 事。 孺 惜 (見前引初學 貽生母。 爾 爲錢宗伯 時 未向 緘 柳 集柒肆「先太淑人述 與瞿 因蓄怒, 翁 借錄。 氏 聯 至乙 姻 近 從許 西後 實 出 氏 宗伯之 後 一。)後 宗伯 人問

案, 冒 錢瞿 意者也。 聯 妪 # 同章末 第肆章引顧 論絳雲樓落成 太夫 人語已論及。 引牧齋與 稼 牧齋以 軒 書 亦足見稼軒 兩 人輩分懸殊, 深 重 故託 河 東君之 南 母 命 都 陷 無 爲 解。 至當 其實 河東

稼軒亦! 之, 寅恪 仲妻 事。 君 [禮法] 勸 遺 且乙 牧 爲用匹禮, E 齋殉 西 嫡 欸, 後 庶分別之關係, 有「我死之後, 或 忠宣方在桂 年, 與尙書公並殯某所。」(見靡蕪紀聞引徐芳「柳夫人傳」。)凡此諸端皆足證河 顧 云美河 錢瞿之關係, 東君傳 林拒命, 汝事兄 復於 第肆 中 嫂, 雖遠 柳遂 特舉沈明論 章 如事父母。」之語, 一 唆錢 茸 隔嶺海, 城結褵節 請 離 爲 婚。 仍往來甚密, 人證, 詳論之, 其餘 白屬 逸 (見河 今不贅述。 事 可信。 ,尚多, 備見錢瞿 東君殉 量 惜 家 有反勸 集中。 不 若乙酉 難事 甚 記 實。) 牧齋與 明 河東君 孫愛復 稼 與 軒 其女趙微 德 東君無 婚之 m.

哀

故

唆使牧齋令其子與稼軒女離婚之事。 鄙意昌文之作其母陳夫人年譜, 殆欲表示瞿錢兩家雖爲姻

戚, 實不共謀之微旨, 藉以脫免清室法網之嚴酷耶?附記於此, 以俟更考。

第肆叠「中秋夜江村無月而作」八首, 皆牧齋往松江後, 追憶而作也。 金鶴沖錢牧齋先生年譜云:

十一日後國姓攻崇明城 順治十六年己亥八月〕初四日國姓遣蔡政往見馬進寶, 而馬遣中軍官同蔡政至崇明, 勸其退師, 而先生亦於初十日後往松江晤蔡馬。 以待奏請,再議撫事。

叠第貳首「幾曾銀浦共仙(一作「雲」。)槎」句, 首「浩蕩張賽漢(一作「海」。)上槎」句, 金鶴沖謂牧齋曾往松江晤馬進寶, 自出杜氏,「奉使虛隨八月槎」之語, 其說可信。 則當用博物志及荆楚歲時記之典, 但謂牧齋亦往崇明, 可用「海」字, 則無實據。 各不相同也。此 此叠第貳 但第叁

時先生或偕蔡政往崇明,

亦未可知。

叠第叁首末兩句並自注云:

衣帶已垂垂。」第肆章論東山洲和集貳河 本文第叁章論釋牧齋膚黑而身非肥壯。 已引,不重錄。)牧齋語似諧謔, 祇應老似張丞相,捫摸殘骸笑瓠肥。(自注:「余身素瘦削,今年腰圍忽肥。客有張丞相之謔。」) 實則以宰相自命也。 今忽以張丞相自比者,蓋用史記玖陸張丞相傳。 .東君次韻牧齋「二月十二日春分橫山晚歸作 此叠第捌首末二句「莫道去家猶未遠」 |詩中|已憐腰 (遵王注 朝來

緩足三旬」,

已詳

釋論

讀者可取參閱,

不多贅也。

第伍臺「中秋十九日暫回村莊而作」八首。

傳

皆非真況,

然其意亦可哀矣。

第壹首「石 城又報重圍合, 少爲 愁腸緩急碪。」二句似牧齋得聞張蒼水重圍金陵, 而有是作, 其實

第陸叠「九月初二日泛舟吳門而作」八首。 牧齋忽於此時至吳門, 必有所爲。 但不能詳知其內容。

垂。」等句, 鄙意其第叁首「躍馬揮戈竟何意, 豈馬逢知此際亦在蘇州耶?俟考。 相逢應笑食言肥。」及第捌首「要勒浯溪須老手, 腰間 硯削爲

典, 遺山「爲鄧人作」詩爲釋,其實第壹手材料乃晉書玖捌桓溫傳及庾子山集壹枯樹賦等。 第玖叠「庚子十月望日」八首, 第捌首末二句云:「種柳合園同望幸, 不必贅論。 唯「望幸」二字出元氏長慶集貳肆連昌宮詞「老翁此意深望幸」之語。 殘條禿髩總交垂。」遵王引元 自指 此爲常用之 己身

與

東君。 第拾叠「辛丑二月初四日夜宴述古堂」 石上詩無異。 但鄙意「殘條」之「殘」,與「長」字, 故「殘」字應作「長」, 否則「 酒罷 禿髩 吳音同讀, 而作。 」雖與己身切當, L. 與有學集壹壹紅豆三集「辛丑二月四日宿述古 因而致譌。 m 若以「殘條」指河 殘條」未免唐突河 東君 東君 則與

順 治十 八年 春正 月壬子, 上不豫。 丁巳崩於養心殿。

堂,

張燈夜飲,

酒罷而作。」題目正

同

檢清史稿伍世

祖本紀貳

略云:

及痛史第貳種哭廟紀略云:

治十八年〕二月初一日,章皇上賓哀韶至姑蘇。

可知此兩題共十二首, 乃牧齋聞清世祖崩逝之訊, 心中 喜悅之情, 可想而知。 故寓遵王宅,

明日有事於邑中, ,以表其歡悅之意。但檢牧齋尺牘中「與遵王」三十通之十六云: 便欲過述古, 了宿昔之約, 但四海遏密, 哀痛之餘, 食不下咽, 只以器食

共飯,勿費内厨 所深屬也。

月, 作」,第叁題爲「六日述古堂文讌作」之故。 此札當作於順治十八年辛丑二月初三日,即述古堂夜宴前一日。 年壬寅條 其内心適相 先生蓋知之矣。」金氏所以如此斷定者, 反也。 謂「正月五日先生自拂水山莊與遵王書云〔云〕。」又謂「按永曆帝爲北兵所得, 觀投筆集及有學集之題及詩, 檢小腆紀年貳拾順治十八年辛丑條云: 乃因有學集壹貳東澗集上第貳題爲「一月五 可以證明矣。 但金氏牧齋年譜以此札列於康熙元 牧齋所言, 乃故作掩飾之語,與 今已 日 山莊 逾

[十二月]戊申(初三日)緬酋執明桂王以獻於王師。

同書同卷康熙元年壬寅條云

月戊午(十五日)明桂王 由榔 殂於雲南 三月丙戌(十三日)吳三桂以明桂王由榔還雲南。

第 五 章 下後秋興第壹貳叠題爲「壬寅三月二十三日以後大臨無時, 復明 運 動 啜泣而作。」第壹叁叠題爲「自壬

詩題「大臨無時 多。」足證牧齋於 壬寅三月二十 寅七月 至癸卯 九 五 月, 泥 康熙元年三月 日 淆胡漢, 所 作 訛言 吟罷自 繁興, 恐不可信。 以後, 題長句撥悶 鼠 憂泣 方獲知 Щ, 又第玖叠詩 」二首之二末兩句爲「賦 感慟 永曆帝被執 而作, 八首, 猶冀 及崩逝之事。 關涉董鄂 其言之或 罷 妃 金氏 無衣方卒哭, 誣 姊妹者甚多, 也。」且 以札中之「 第 壹 白篇 茲不詳引 漬 四海遏密 叠後 號 踊 題爲

一及

第壹壹叠題云:「辛丑歲逼除作。 者可參張孟 十八年辛丑「上延平王 劬采 田 編次列 書」云 朝后 妃 傳稿並 時自紅 注。 豆江 村徙居半 野堂絳雲餘燼處。 檢張蒼水集第壹編順治

恨別, X 叮 忘其死。 專意恢勦 殿下東都 真亦起於沙 得也 和乖 思歸 而 之役 故當 地 若 苦 以 漠。 利 但自 失宜 窮 中 興 豈誠 師 國 我 古未 也。 何 之始 種 師 徒 種 不 有 謂 情 可 語 以 外 懷 輜 島 兵情 起於島嶼? 云 委之波濤漂 重眷 足 將意, 與衆 皆足以 以 者, 屬 創 同 業 此其 不知 欲 堕士氣而 渺之中, 置之 開 先多疑畏。 者罔 基。 女真 外夷 不過 不 興, 損 拘 原 、之風 軍威 生長 欲安挿 而 兹 與衆異欲 後經營中 歷 土狉榛之地 窮荒, 暑 況欲其 文武將吏家 祖 寒 者罔 原 λ 中 者 用命于矢石 彈丸之城攻 叠告。 不 敗。 室 真乃入於幽谷。 如 所 適 以 樂 使無· 誠 識 郊, 者危 哉是言也。 圍未下, 改業於 内 悦以 之。 顧 擾鋤 其間 犯 或 是無 難, 者 今虜酋 感 謂 庶 X

短折

孤

雛

新立

所云主少國

一疑

時 矣。

滿黨

分權

離畔

所云將騎兵儒

又

何

女

得

第五章 復明運動

夕, 難恃。 美, 也。 亂, 動, 古。 以 人云, 肝 倚重殿下者, 澥如虎, 塊乾淨土, 腦於火輪 進步哉?昔年長江之役, 望王 祇是傳奇濫説 即觀史載陳宜中張世傑兩人褒貶, 即錢鏐竇融, 臺灣者, 而今守禦單弱, 迴旗北指 寧進 然且東避 師何異飢渴。 不得已而遷徙沿海, 爲堅壁清野之計。致萬姓棄田園, 寸死, 枝葉也。 四澥所屬望,萬代所瞻仰者, 宿將碎肢體于沙磧, 生既非智, 以殿下之能雪恥復仇也。 西移, 百萬雄師可得, 亦不足並駕矣。 豈真有扶餘足王乎?若箕子之居朝鮮, 毋退一尺生。 兼聞紅夷構虜乞師, 不從傷令, 我若稍爲激發, 無思明, 雖敗猶榮, 是無根抵矣, 百什名城可下矣。 使殿下奄有臺灣, 倘尋徐福之行蹤, 則民情亦大可見矣。 此並起亡秦之候也。 區區臺灣, 可爲明鑑。 已足流芳百世。 萬一乘虛窺伺, 何啻桐江一絲, 安能有枝葉乎?此時進退失據, 死亦非忠, 又何必與紅夷較雌雄於海外哉?況大明之 何預於神州赤縣?而暴師半載, 九仞一簣,殿下寧不自愛乎? 思盧敖之故跡, 亦不免爲退 殿下誠能因將士之思歸, 若捲土重來, 亦大可惜矣。 勝敗未可知也。 又非可以語於今日也。 繁漢九鼎?故廣之虎視, 惜乎殿下東征, 各汛守兵, 力綿 步, 焚廬舍,宵啼路處,蠢蠢思 縱偷安一時, 孰若早返思明 况普天之下, 豈直汾陽臨淮不足專 夫思明者, 噬臍何及?古 乘士民之思 夫虬髯一 使壯士塗 必貽譏千 別圖 止思明 匪朝伊 根柢 所

其時矣。

且災異非常,征科繁急。所云天怒人怨者,又其時矣。兼之虜勢已居強弩之末,畏

除, 此, 室復興尚有希望, 寅恪案, 即徐 遂自白 鄭 闇公輩亦如此。 「茆港移居城內舊宅也。 氏之取臺 海上交通 灣, 牧齋以爲延平旣以臺灣爲根據地, 乃失當 猶有可能。 日復明運 然河東君仍留居芙蓉莊, 較之牧齋之心灰意冷, 大有區別。 動諸遺民之心, 而壯清廷及漢奸之氣者, 直至牧齋將死前始入城者, 則更無恢復中原之希望, 錢柳二人之性格不同 不 所以辛丑 殆以 獨蒼 為明 水

即此 端, 足以窺見矣。

第壹叁叠後附「癸卯中夏六日 重 一題長句二首」其第壹首有「逢人每道君 而河 休矣, 顧影 「影」即「影憐」之 還 呼 汝謂 何。

謂。 朱成功敗績於江寧, 崇明伯甘煇等死之, 成功退入於海, 魏默深源聖武記 關於鄭延平之將克復南都, 意謂 斯乃投筆 時 人盡知牧齋以爲明室復興, .捌「國初江南靖海記」(可參小腆紀年附考壹玖「〔順治十六年七月〕壬午二十三日 集之總結, 而又失敗之問題,頗甚複雜, 愈覺可哀也。 實已絕望, 東君尚不如是之頹唐。 茲略引舊記以證明之。 瓜洲鎭江皆復歸於我大淸。」條。)略云:

洲皆 制。 十六 設大礮 年六 月 金焦二山皆鐵鎖橫 由崇 明 入江 時 江。 蘇 松提督 煌言屢卻不前, 駐 松 江 江宵提督 令人泅水斷鐵索, 駐福 山 分守 遂乘風潮 要害, 耑 以 1 十七舟 及 譚

治)十四年明

桂王

遣使自雲南航海

進

封成功延平郡

王,

招討大將軍。

成功分所部

爲

七十二

明

設六

官 理事

假 永

明

號,

便宜

封

拜。

聞王

師三路攻永曆

於雲貴,

乃大舉

内

犯

江

以

如

動

於寇, 前, 通欸 移征 困。 將甘 水。 徑進,沿江木城俱潰, 敢退。 夜出神策門, 梁化鳳皆 揚常蘇 江一路檄」可供參考。)太平甯國池州徽州廣德無爲和州等四府三州二十四縣, Ш 餘艦揚帆出海, 中, 輝請 成 攻北固 而騎兵繞出山後夾攻。成功令甘輝守營, 雲貴, 出錢 又未奉號令, 旦夕待變。 擁兵觀望。 以緩其攻。 功不聽。 赴援。 取 塘入海。 大半西 揚 Ш 先擣 州, 化鳳 七月 攻崇明不下。冬十月還島。 士卒皆下馬死戰, 成功移檄遠近。(寅恪案, 白土 東南 成功信之, 斷 上,城内守備空虚。 直 不暇相救,遂大潰。 Ш 登 大震, Ш, 高 薄 東之師。 破瓜洲, 獲提督管效忠圍鎮江, 金陵, 望 破其 敵 按兵儀 軍報阻絕。 據京 謁 一誉, 見敵管 孝陵, 官兵退 口, 鳳 以作士氣。 門 松江 不整, 入城, 外, 甘輝被執死。 世祖幸南苑集六 斷兩浙 而煌言 而煌言遇我征貴州凱旋兵浮江下, 提督馬進寶(原注:「改名逢知。」)不赴援, 張蒼水集第壹編載己亥代延平王作「海師恢復鎮 依 而自出江 樵蘇 成功軍逐之而 之漕, Ш 別領所部 次日, 日爲 營, 四 出 化鳳復遺兵燒海艘 上調舟師。 嚴挖咽 五路疊壘 大出師由儀鳳鐘阜二門以三路攻其 軍士 連亙數 師議親征。 由無湖進 喉, λ, 浮 里。 後湖 諸營見山上麾蓋不動, 一而陣。 取徽宵諸路。 號 遂陷鎮 召 巡 兩江總督郎廷佐佯使人 而 撫蔣 各 嬉 周 郡, 江, 五百餘, 成功遂 麾 或 乃率 傳敬, 柱, 屬邑皆 望風納欸。 亦戰敗走徽南 南 時江 畿 勁騎五 崇明總兵 可 甯重兵 不戰 下。 聲沸江

百

以

不

陰通

自

部

維

延平王戶官楊英從征實錄「永曆十三年己亥」條略云

[五月]十九日移 泊吳淞港口, 差監 紀劉 澄密書通 報偽提督馬進寶合兵征討, 以前 有反正之

(七月)十一日伏口 至是未決 欲進 □塘報一名, 圍京都時舉行, 稱 南京總督管効忠自鎭江敗回□(日?),將防城器棋 故密遣通之。 未報

危如纍卵,乞發大兵南□(下)救援撲滅, 並差往蘇松等處 討援兵, 並帶急燕都奏請救援。 免致燎原滔天云云。 藩得報, 稱松江提督馬進寶陰約歸, 喜日, 現在攻圍 似此南都必降

是日藩札鳳儀門。 密書與馬 提督知防。 矣。重賞之。

絕援, 齊集, 夫。 松江。 各備攻棋,候一二日,令到即行。 十七日各提督統領進見。 請 速 不降何待。 必樸(撲)一戰, 攻拔 别 圖 且銃炮未便。又松江馬提督□約未至,以故援(緩)攻。 進 取。 督, 邀而殺之。 甘輝前 藩諭之日, 約日 日, 起兵打都城 諸將回營(十八日)遺監督高綿祖, 管効忠必知我手段, 大師 自古攻城掠邑, 久屯城下, 並令常鎭道馮監軍撥大官座二隻, 師老無功, 不降亦走矣。 殺傷必多, 恐援 所以未即攻者, 禮部都事蔡政前往 况屬邑節次歸附, 虜日至, 諸將暫磨勵 多費一 多設儀仗 欲待 以 蘇州 孤城 番 援虜 待 功

戴(載)高蔡二使前往蘇松會師。

往見爲

撫院馬

提

開陳, 差將何面君?不如捨去崇明,暫回海島, 大師攻圍崇明 藩見城堅難攻, 敵不退。 初十日傳令登岸札營攻崇明縣城。 初八日舟師至崇明港。 無書往來。 二十八日派程班師, 二十二午虜就鳳儀門擡炮與前鋒鎭對擊。 二十一日再遣禮都事蔡政往松江見馬進寶,並安挿陳忠靖□(宣)毅前鎮陳澤等護眷舡, 二十三[日]藩見大勢已潰, 八月一初四日師治吳淞港, 日辰時開炮至午時西北角城崩下數尺, 先時祖等見進寶,以家眷在燕都未决, 須不剛不柔,務極得體,要之先事□(爲)妙。 特遣中軍前來說和。 傳令班回。是日晚適馬提督差中軍官同都事蔡政至管, 言馬提督□(因?)聞 駕出長江。 遂抽 遣禮都事蔡政往見馬進寶。進京議和事機宜,俱授蔡政知之,亦 下□(船)。 稱欲奏請講和, 候旨成否之間, 再作良圖, 河溝填滿, 回報。 仍又加兵襲破城邑, 若至攻破南都日方會□爲晚也。 至是再遣諭之曰, 見馬提督, 先以婉言 藩親督催促登城, 亦未爲晚。藩諭之曰, 教我將何題奏,貴 守將梁華(化)鳳死

授以

第五章

復明運動

明, 爾 酋等 安頓兵眷, 大張 示 諭 再 進 謂我 長 驅, 水陸全軍 爾主其亦知之否?我今攙 一覆沒, 國姓 亦沒陣 中, (織 清朝 施 數銃, 無角 逐 其城已倒 英雄之患。 及半, 吾 故 明 日 打 安炮 開

嘆 日 京都 覆沒 豈 有是耶

再攻,

立如平地。

既爾主

來說,

姑且

緩攻,

留與

爾

主好題請說話

也。

令人同

看營中兵器船只

藩 令搬營在

十二日遣蔡政同馬提督中軍再回吳淞, 十二月藩駕註 (駐)思明州。 蔡政自京回, 往京議 京報和議不成。 和。 逮繫馬 進寶入京。

清史列傳伍郎廷佐傳(參碑傳集陸貳引盛京通志郎廷佐傳。)云:

是年(順治十六年己亥)二月廷佐因巡閱 江 海, 密陳海防機宜, 言海 賊 鄭 成 功擁 衆屯 海

將侵 省亦需兵防守, 犯 江南, 而江省各汛兵數無多, 寢其 事。 五月海賊 陷鎮江, 且水師舟楫未備 襲據 瓜州 請調 遂犯 發鄰省勁兵 江寧。 時 、防禦。 城中守 樂單 疏下 部 以

鄰

都統噶楚哈等從貴州凱旋,

率兵沿江而下,

廷佐與駐防總管喀喀穆邀

入城,

共議

口 書同卷梁化鳳傳(可參梅村家藏藁貳伍「梁宮保壯猷紀。」)略云:

沙, 梁 化 鳳 總督馬 陜 西長安人。 國柱委化鳳署蘇 順治三年武 松總 兵 進 事, 士。 十二年 至則遣都 型 浙 司 談忠出戰 江 寧波 副 將。 名振 海 復高 寇 張名 橋 振 化鳳 犯 親 明

馳

援

巢

之

T

洋

清史列傳捌拾馬逢 京。 不赴援 取 部臣劾逢知失陷城池 敗, 犯崇明。」然則梁化鳳傳之「十二年」應作「十一年」無疑也。)十六年七月成功以大艦 申官軍擊故明將張名振於崇明, 表面 柱九月丁 順治)十三年遷 回旗。 郎 其姪黄安自海 絕流 觀之, 遁 直 廷 入海。 犯 及賊 未休。 佐 得旨 迅 江 寧, 似「馬國柱」爲「馬鳴佩」之誤。 攻崇 知 化 蘇 傳略 蘇 鳳 馬 松 賊 十月馬 南 中 逢 3/11 明, 松常鎮提督。 復 遣 北 遺諜 按馬 云: 大敗 知免革職 將防崇 中 當鎮江失守, 爲官兵所敗 鳴 梗。 陳謹夤緣行賄 騰 佩 明 陞 化鳳率所部三千人, 總 先後疏 督 十六年海寇鄭成功犯江寧, 賊果薄城下, 敗之。」清史列傳伍馬 着解任。 江 南 擁兵不救, 反代其請降, 報爲兵部 江 西。 計脱徵明, 先是户科給事 但清 」順 適化鳳兵自江寧回, 史稿伍世祖本紀 黃徵 治 賊遁, 十三年 疾抵江寧。 巧行緩兵之計。 明乃數年 並貽書逢知, 國柱傳云:「十一 又不追剿, 中孫光祀密 丙 申 連陷州縣, 載 賊大 會網 貳略云 馬 敗奔北。 未獲之海逆, 鎭海 糾逢 傳遞關節 應革 聲勢相應, 鳴 :「順治十 知當 年正月海賊 梁化鳳擊退之。 佩 大將軍 世職, 閨 江 賊 五 南 劉 犯江寧時, 並現任官, 括 月己酉 禮 今經 遂 之 民 科給事 陷鎮 張名 源, 通。 年四月壬 舟出白 緝 病 中成 九月 江 成 振 獲 江 免。 解 撤 南 竟 茆 功 瓜 屢

敗其衆。

(寅恪案,

清史稿

貳佰叁疆臣年

表壹

江

南

江

西總督欄

順治十一年甲午載

馬

或

.

第

H 章

復明運

動

教 亦 疏 陳 逢知 通 海 情 形 昭著。 請 即 逮 治, 並令撫按嚴究黨羽。 十七 年 六月命 廷 臣 會 鞫 源 以

四

廷佐 逢 知 交 確 通 海 賊 尋合疏 擬 並 陳 奏 談 其子。 逢 知於我 八 軍 月上以 在 沙 未得 埔 港 逢 獲 知叛 海 賊 柳 逆 卯, 實 事, 即 聲 命 言 刑 卯 部侍郎 係 投 誠 尼 滿 賞 往 銀 江 南, 給 同 託 之 言

令往 劉 澄 招 撫 反 魄 縱之 以 銀 使還。 兩。 又遣 又 海 人以扇遺 賊 鄭 成 成 功曾 功, 遣 並 爲官劉 示 以投誠之 澄 説 逢 本。 知 改 又私 衣 冠 留奉旨發 領 兵 往 降。 回 之蔡 逢 知 Ē, 雖 不 即斥 欲

言

逐, 賊 犯 並 江 南 將 時, 蔡 IE 之 託 /髮薙 言 招 短, 撫, 以 而 便 陰 潛往。 相 比 附, 且遣人護送 不誅 賊 黨 出 境。 而交通 是逢 書 知當 信 日 兼 一從賊 以 潛謀往來, 情 事 雖 未 顯 爲 確

江 告急 之使, 馬 皆有汗。 百 時 大將 之擁 兵者, 按甲 猶 豫, 據 分地 爲 解

梅

村家藏

藁

頂

伍「梁宮保壯猷紀

<u>누</u>

疏

仍命議

政王貝勒大臣核議。

尋論罪

如律,

逢

知伏誅

1 腆 紀 年 附考壹 玖 順 治十六年 五月癸酉(十三日)明 延平王 朱 成 功, 兵部 左侍

郎

張

煌

復會師

疏

大舉北上 成 功欲 以 順 援 滇。 風 取 條 瓜 州, 云 煌言 日, 崇 明 爲 江 海門户, 有懸洲 可守, 先定之以 爲老營, 脱 有

推 户, 退 p 截其糧 據 馮 道, 澄世亦言取之便。 腹心 潰, 則支體 成 随 功 之, 日 崇明可 崇 明城 不 小 攻而 而 堅, 破也。 取之 必淹日月。 乃遣監 紀劉 今先 澄, 取 密 通 瓜 我 州 江 南提 破其

督馬進寶, 而請煌言以所部兵爲前軍鄉導。己卯(十九日)經江陰,舟楫蔽江而上。

據上引資料, 知成功之不能取江寧, 其關鍵實在馬逢知兩方觀望, 馬氏之意以爲延平若成

己身亦可邀得清廷之寬免。

此乃從來漢奸騎牆之故技。實

若可利用之處已畢,

則斬殺以立威也。

又黃秋岳濬花隨人聖盦摭憶略云:

功,

聲威功績必遠出其上。 若不成功,

不知建州入關,

其利用漢人, 甚爲巧妙。

繆小山(荃孫)雲自在堪筆記所述康熙時諸漢臣相訐相軋事至詳, 爲李榕村(光地)日記。榕村日記無刊行者, 清史館有抄本, 而未言所本。後乃知小山所 繆所錄中,有一段極饒意義

縱談及海上順治十六年攻南京事。李(「李」當作「予」。下同。)云,

爲李光地與施琅語,

施曰,此便大壞。 何處而前。予無以應。 當時若海寇不圍城池, 何(以)言之, 直前, 移時又促之,云, 揚帆直上, 天下岌岌平殆哉!施笑曰, 縱一路無阻, 從何處往前?李曰, 即抵京師, 或從江 直前, 本朝兵勢尚 是矣。 淮,或趨山 請問 強,決一死鬥。 東, 君何往?從 奈何?

兵家用所長,不用所短。海寇之陸戰,

其所短者,

計所有不過萬人。能以不習陸戰之萬人,

彼若 而敵精於陸戰之數十萬人乎?不過一霎時, 通欸 不顧 南 與一 京, 空札, 直取荆襄, 羈縻之。 以其聲威, 遇小船則燬之,遇大船則帶之。 揚帆直過, 便可無噍類矣。李爽然自失,曰,然則奈何?施 決無與敵者。 有領兵降者, 彼閉城不出 以我兵分配 吾置之不論。

第五章 復明運動

散與各將而用之。得了荆襄, 呼召滇粤三 一逆藩, 與之連結, 搖動江 以 南, 以撓官軍 則

一一一六

禍甚 於今日矣。 施所見 如此, 真是 泉雄 京, 反清。 若不能, 則佐淸。 延平 既不能克 南京,

平心 寅恪案, 必急撤退。 理也。 馬進寶是時 至清史補 不然者, 將被封鎖於長江口 編捌 IE 在 觀望。 鄭 成功載記 若延平克南 」記載 内 此役, 全軍 覆沒矣。 則 其史料 施琅之論 眞僞夾雜, 未必切 文體不倫, 公合當 未可 日情勢及了 依據, 故不 解延

復檢淸史稿貳陸柒黃梧傳(可參淸史列傳黃梧傳。)略云:

引用。

澄降。 黃梧字君宣, 漳 州。 梧牒 大將軍 李 率 鄭 福建平 泰薦 親王世子濟 委署 和人。初爲鄭成 都 度 督 以 施 聞 琅 智勇忠誠 封海澄公。 功總兵, 守海澄。 熟 諳 + 四年 沿 海 事 總督李 順治十三年梧斬成 狀, 率 假以 泰 事 疏 權, 請益 必 梧 功將華 能 兵 剪除 合 棟等, 四 千人, 海 以海

又

滅

駐

言成 賊 五 策, 功全藉内 復請 地 谏 誅成 接濟木植 功父芝龍。 絲 綿 油 麻 率 釘鐵柴米。 泰先後上 聞, 土宪陰爲 琅 得 擢 轉輸 用, 芝龍 齊糧 亦 養寇。 誅。 尋命 請 嚴 嚴 禁。 海 禁 並 條 絕接 列

小 ·腆紀年 附考貳拾順 移兵 分駐 海 演, 治十八年十二月「明延平王朱成功取臺灣。」條略云 阻成功兵登岸, 增戰艦 習水戰, 皆梧 也。

成 功以臺灣平, 謂諸將曰:「此膏腴之土,可寓兵於農。」 既聞遷界令下, 成功嘆曰 使吾徇

諸將意, 不自斷東征,得一塊土, 英雄無用武之地矣。 沿海幅員上下數萬里, 田廬邱墓無

主, 天下之清未晚也。 寡婦 孤兒望哭天末, 」乃招漳泉惠潮流民, 惟吾之故。 以今當移我殘民 以闢汙萊。 制法律, 開闢東土, 定職官, 養精畜鋭 興學校, 閉境息兵, 起池館, 待

故明宗室遺老之來歸者。臺灣之人是以大和。

臺灣以爲根據地。 然則延平急於速戰速決之計旣不能行,內地接濟復被斷絕,則不得不別取波濤遠隔,土地膏腴之 且叛將黃梧擁兵海澄,若遲延過久,則頗有引淸兵攻廈門之可能。 觀黃梧傳

月甲子(初十日)我大清兵攻廈門, 「(順治)十四年總督李率泰疏請益梧兵合四千人,駐漳州。」並小腆紀年附考貳拾「(順治十七年)五 明延平王朱成功禦卻之。」及同書同卷「我大淸康熙二年癸卯冬

水輩別有不同,未可盡非也。

十月「王師取金門廈門。

條,

即是其證。

故延平帥舟師速退,

亦用兵謹愼之道。

其主旨雖與張蒼

寅恪論述牧齋參預鄭延平攻取南都之計劃,又欲由白茆港逃遁出海,而不能實行之事旣竟,

必懷一疑問, 即牧齋何以終能脫免清廷之殺害。痛史第伍種研堂見聞雜記云:

海氛既退, 凡在我行諸臣, 以失律敗者, 各遣緹騎捕之, 以鋃鐺鏁去,

如縛羊豕,

而間連染

又云

於列邑播紳,

舉室俘囚,

游魂日暮。

乙亥海 師 至京口, 金壇諸 播紳有陰爲款者, 事既定, 同 袍 一 計發, 陽。 遂羅織紳衿數十人。 撫臣 請

於朝, 亦同 發勘臣就訊, 既抵, 五 毒備至, 後駢斬, 妻子發上

據此可知當日縉紳因己亥之役受牽累者殊不少。 後檢諸書, 似有痕迹可尋, 惜尙是推測之辭, 不敢視爲定論。 牧齋何以終能脫免 俟他日 點, 更發現有關史料再詳述之。 實難 有 確切之解答。

但

清史列傳柒玖梁清標傳略 梁清標直隸正 定人。明崇禎十六年進士, 十六年海賊鄭成功由鎮江犯江寧, 官庶吉士。 順治元年投誠, 仍原官。 給事中楊雍建 尋授編修,

云

遷侍講學士。

十三年四月遷兵部尚書。

言

防兵之多寡, 日今應再行申 (寅恪案, 楊氏事蹟可參同書陸本傳。)海氛告警, 飭 剿撫之得失, 則 日 [臣部 難以懸擬。 戰守之緩急, 既不能盡 不發一謀, 13 宵旰焦勞, 經畫, 不建一策, 決策於機先, 樞臣職掌軍機, 僅隨事具覆, 又不能返 於地形之要害, 依樣葫蘆, 躬引咎, 規

議 卸, 里劉 諸臣條奏時 效於事後, 不肯擔任勞怨, 三侍郎皆降二級, 達李棠馥 務, 請 疏辩。 天 清標與李棠馥疏言, 語 嚴飭, 得旨, 本當議處, 清標降三級, 以儆尸素。 此回奏, 姑從寬免。 巧言飾辯, 各留任。 韶 奸民捏造通賊謀叛, 兵 部 回奏。 其痛自警省, 十七年二月京察自陳。 殊不合理, 時 尚書伊 竭力振作。 蠹設貪官, 著再 圖, "回奏。 奉使雲南。 五月上以歲旱, 借端取貨 諭曰,梁清標 於是自引咎下 清標 同 生事邀功 侍郎 凡事委 吏部 令部院 赫

著確指其人。於是復奏, 藉通賊謀叛名, 魚肉平民, 則有桐城知縣葉貴祖, 常熟知縣周 史欄

等。 載:「何可化直隸人進士順治十七年任。」清進士題名碑載:「何可化順治三年第三甲直隸大寧 爲給事中汪之诛, 巡按何元化所劾。 (寅恪案, 江南 通志壹佰陸職官志巡撫監察御

後。 疏下部知之。

都都水衞。」「何元化」當爲何可化之誤。)其未經劾奏者,

不知凡幾。

故請旨飭禁,

懲前

以毖

征之必克

因薦琅

同書玖施琅傳略云:

(康熙)二十年七月内閣學士李光地奏,

寧。 素習海上情形。上遂授琅福建水師提督加太子太保。 (寅恪案, 爾當. 相機進 梁清標康熙十一年調户部尚書。)謂天下太平, 取, 以副 委任。 二十一年七月彗星見, 鄭錦已死,子克塽幼, 諭之曰, 韶臣工指陳 凡事不宜開端, 海寇一日不 部下爭權, 時務。 當以安靜爲主。 靖, 户部尚 則民生一日不 書 梁清 上 標

因命暫停征剿臺灣。

乾隆修江南通志壹佰柒職官志常熟知縣欄載

周敏。 武康人。 拔貢。 順治十五年任。

大興人。 拔貢。 順治十七年任。

第五章 復明運動 前論黃毓祺案, 已詳及真定梁氏與牧齋之密切關係。 今觀淸史列傳所言, 清標身任兵部

尙書, 麓疏。)不敢特有主張, 其對己亥戰役之態度如此冷淡,雖云滿尚書伊圖奉使雲南, 但其不爲清廷盡心經畫 以防禦鄭氏,與二十餘年後之反對進 當日漢人無權(可參前引襲芝 攻臺灣。

是同一 心理。 至傳 中所指常熟知縣 周 敏, 藉 通 賊謀叛, 魚肉平民之事, 恐是乘機爲牧齋輩解脫於

又牧齋尺牘下「致周縣尊」云:

鄭延平失敗之後,

清廷大肆搜捕之時也。

其共事者, 邑之事, 治 □狂悖無狀, 老父母以覆載洪恩, 某抱病江鄉, 若有 何以懲創奸宄, 不得已 朝夕從漁夫樵叟, 相聞 使魑魅寒心?又口稱有兩宦書帖,其中不無假冒。 必有手書印記。 付之不較, 第此人欺主枉上, 罪在不赦。 歌詠德音, 並祈老父母留心查覈, 雖復屏跡索居, 未嘗不神馳鈴 勿爲黎丘之鬼所眩。 若不重治, 閣也。 某鄉居不 頃者 此尤 知城 並及

又「致□□□」略云:

祀而求

者也

止 有黨有仇 竊念益草木殘生, 此則 别, 養國家之元氣, 遂踰 廁跡於壇站, 星 桑榆暮齒, 紀。 塵泥 有何怨府, 迎絕, 作善類之長城, 灰心世故,息念空門, 寒暄邈然。 犯彼兇鋒?所賴金石格言, 四海具瞻, 相知 北 固未當爭名爭利, 來, F 秋作則者也。 備道 盛雅。注存無已, 嚴廊 並 論 攘臂於市 片語 解败 朝 單詞

頗疑牧齋所謂「周縣尊」即周敏。 而信中所言「兩宦書帖」其中之一當爲告訐牧齋之物證。 至「致□

言,巖廊竑論」似指淸標順治十七年五月所上之疏。 齋之冤禍與梁淸標有關之旁證。 □□」一札,因信中有「恆雲」二字故認爲即致梁淸標者。「犯彼兇鋒」之「彼」當指周敏。 若所揣測者不誤, 則此等材料, 或可作爲牧 「金石格

牧齋外集玖「奉賀郎制府序」略云: 當日在朝有梁淸標主持兵部,凡在外疆臣武將皆不得不爲牧齋迴護。 其理由或在此也。 又牧齋集中 -頗多與郎廷佐梁化鳳等相關之文字,茲節錄涉及己亥之役者 周敏之不能久任常熟

敵, 每念節鎭之地, 而衝颶浪, 德威宣布, 軍聲烜赫。 所至搜討軍實, 襟江帶海, 潢池弄兵, 於是海人蜑户, 申明斥堠, 海島竊發。 布置要害。 連艘投誠。 單車小艇,巡行水陸,宵征露宿, 衝波跋浪之士, 鯨鯢猰貐, 靡不骨騰肉飛。 聞風遠遁。 在 符解散 涉鯨波 裹粮求

口 書同卷「梁提督累廕八世序」略云: 自古國家保定疆圉, 乂安寰宇, 必有精忠一德,熊羆不二心之臣,爲之宣猷僇力,

禦山右。 旋調崇川 總領水師。 未幾海氛大作, 蹂躏瓜步, 搖撼南服。公出奇奮擊,

第五

童

復明運

動

成。

其在今日,

則大宮保梁公是也。

公以鞭霆掣電之風略,

拔山貫日之忠勇,

奮跡武

威守

經營告

雷劈電

蘆宴如,

則公之成勞也。

傳

江邨老民, 斧螗鋒蝟, 藉公廣廈萬間之庇, 江水爲赤。 已而復窺崇川, 安枕菰蘆, 高眠 公隨飛援追勦, 晚食, 方自愧無以報公, 海波始靖, 而東南獲有安壤。 而又念舊待罪太史

口 書貳肆「海宴亭頌序」略云:

氏,

勒燕然之銘,

香斾常之續,

皆舊史所有事也。

於諸君之請,

遂不辭而爲之序,

亦使後世

之史館,

尚論武略者,

於斯文有考焉。

擁勝槩於長洲之苑。 童,息戈鋌於麗日。 艦塞長江, 今都督長安梁公, 風乘萬里。惟公奮其老謀, 山西出將, 黄童白叟, 既庇鴻庥於上將, 冀北空羣。 騰頌聲於閶闔之城。 應銘偉伐於通都。 遏彼亂略。遂使給文之老,安井舊於熏 惟此東南, 惠徼節鉞。 益也托庇遺民, 地卜虎邱, 頃者海波蕩滿, 欣逢盛舉。 亭名海宴。 風。 萬古千秋 江 磨盾草檄 表震驚 劍負之

此外牧齋尚有爲梁化鳳之父孟玉所作之「誥封都督梁公墓誌銘」(見牧齋外集壹陸。)等及與郎梁諸 人之書札(見牧齋尺牘。)茲不暇多引。 要之,牧齋此類文字,雖爲諂媚之辭,但使江南屬吏見之,

亦可以爲護身符也。

良

有愧於壯夫。

勒石考文,

敢自後于野史。

壽序各一篇,錄之於下。至錢曾「紅豆和詩」十首並其他涉及牧齋八十生日之文字尚多,不能盡 牧齋尚有紅豆詩十首,皆關涉其己身及河東君並永曆帝者,故與頗饒興趣之牧齋辭壽札及歸玄恭 關於牧齋八十生日,除前論「丁老行」,謂丁繼之於干戈擾攘之際,特來虞山祝壽, 殊爲難得外。

老夫欲不誇爲己瑞,其可得乎?重賦十絕句, 有學集詩注壹壹紅豆三集「紅豆樹二十年復花, 示遵王,(寅恪案,此題前第陸題爲「遵王賦胎仙閣 , 九月賤降時, 結子一顆, 河東君遣童探枝得之。

讀者可自參閱也。

今年夏五,忽放數枝。牧翁先生折供胎仙閣, 看紅豆花詩, 吟嘆之餘, 走筆屬和。」八首。故云,「重賦」。其詩後附有錢曾「紅豆樹二十年不花。 邀予同賞, 飲以仙酒, 酒酣, 命賦詩, 援筆作斷句

八首。」一題。)更乞同人和之。」云:

春深紅豆數花開。 院落秋風正颯然。 結子經秋只一枚。 一枝紅豆報鮮妍。 王母仙桃餘七顆, 夏梨弱棗尋常果,此物真堪薦壽筵。 爭教曼倩不偷來。

二十年來綻一枝。 人間 都道子生遲。 可應滄海揚塵日, 還記仙家下 種 時。

第五章 秋來一顆寄相思。 復明運動 葉落深宮正此時。 舞輟歌移人既醉, 停觴自唱右丞詞。

朱噣 苞從鶉火度離 方。 寢園應並朱櫻獻, 玉座休悲道 路長。

千葩 萬藥葉 風 凋。 捻猩紅點 樹 梢。 應是天家濃 雨 露, 萬年枝上不曾

炎徼黃圖自討 齊閣燃燈佛日 論。 開。 丹霞絳雪壓枝催。 日南花果重南金。 書生窮眼疑盧 便將紅豆與雲供 橘 不信 坐看 相 南荒 如賦 地 上林。 脈 迴。

旭日平臨七寶闌。 枝的皪殷流丹。 上林重記虞淵 簿, 莫作南方草木看。

紅藥闌干覆草萊。

金盤火齊抱枝開。

故應五百年前樹,

曾裹儂家錦繡來。

有學集叁玖「與族弟君鴻求免慶壽詩文書」略云:

夫有頌必有罵,

有祝必有咒,

此相待而成也。

有因

頌

而

招罵,

因

祝

而招咒,

此 相 天 而

假

也。

今吾撫前鞭後, 重自循省, 求其可頌者而無也。 少竊虚譽, 長塵華貫, 榮進敗名, 艱 危苟

免。 杖久懸其脛。 無一 事可及生人, 此天地間之不祥人, 無一言可書册府。 雄虺之所愁遺 瀕死不死, 鵂鶹之所接席者也。 偷生得生。 絳縣之吏不記其年, 子如不忍於罵我也, 杏壇之

則 如 勿頌。 子如不忍於咒我也, 則如勿祝。 以不罵爲頌, 頌莫禕焉。 以無咒爲祝 祝莫長

牧齋尺牘中「與君鴻」云:

也。

村居荒僻, 繙經禮佛 居然退院老僧。 與吾弟經年不相聞問 不謂吾弟記憶有此長物也。 E

第五章 復明運動

駡, 二曰咒。本無可賀而賀, 此罵也。老人靠天翁隨便過活, 月逾邁,忽復八旬,敕斷親友,勿以一字詩文枉賀。大抵賀壽詩文,只有兩字盡之。 業已遍謝四方,豈可自老弟破例耶?若盛意,則心銘之矣。來詩佳甚, 而祝之曰長年, 曰不死, 漫題數語 此咒 日

1

佛頭

抛糞也。

詩箋已領,

不煩再加繕寫也。

而詳略有異。

頗疑此札乃復其族弟之私函,

前札則屬於致親朋之公啓。

故此札乃前札之藍本

辭壽之旨雖

謝謝!(寅恪案,此札與前札,

歸莊集叁「某先生八十壽序」略云:

賊。 先生之文云,絳縣之老,自忘其年。杏壇之杖,久懸其脛。 將, 佐太宗平定天下, 賊矣。吾以爲賊之名不必諱。李英公嘗自言少爲無賴賊,稍長爲難當賊, 是故曹魏之朝 以諸葛亮爲賊。 畫像凌煙閣。 拓跋之臣, 以檀道濟爲賊。入主出奴, 且史臣之辭, 不論國之正僭, 據所用論語之事,先生蓋自罵爲 人之賢否, 爲佳賊,後卒爲大 無一定謂。 與我敵, 然則 即爲

賊之名何足諱, 而並以自勵焉。|玄恭所言,即指此文。)舉史傳所稱而參互之,知其八十而從文王,垂百歲而 公世家後」末云:「今秋脚病,蹣跚顧影,明年八十,恥隨世俗舉觴稱壽, 之非賊,此豈非以屬爲頌乎?先生近著有太公事考一篇,(寅恪案,有學集肆伍一書史記齊太 吾惟恐先生之不能爲賊也。 先生自罵爲賊, 吾不辨先生之非賊, 聊書此以發一笑, 又惟恐先生

惟命。 更 封 無容置 營 丘。 如 以 先生之寓 辭也。 爲 似 詛 意可 先生如以 而實祝, 知。 似罵 莊之言果詛 莊既以先生之自戲者戲先生, 而實頌也, 也, 果罵 進之堂前, 也, 跪之階下而責數之, 賜之卮酒, 亦以先生之自期者 亦惟命。 罰 飲墨汁 期先生而 以先生拒人之爲 斗, 亦 他

可比。 云 寅恪案, 河東君之聰明能得牧齋之歡心, 河東君於牧齋生日, 特令童探枝得紅豆一顆以爲壽, 於此可見一端矣。又陳琰藝苑叢話玖「錢牧齋字受之」條 蓋寓紅豆相思之意, 殊非尋常壽禮

壽文也,

故雖

以文爲獻,

而不用尋常壽序之辭云

柳於後園 劃 地 成壽字形, 以菜子播其間, 旁栽以麥。 暮春時候, 錢登樓一 望, 爲之狂喜, 幾

墜而顛。

此。 此 雖是暮春時 茲更擇錄後來諸家關於芙蓉莊, 事, 與牧齋生日無關。 即紅豆莊之詩文三則於下, 但河東君之巧思以求悅於牧齋,亦一旁證也。 藉見河東君以紅豆爲牧齋壽 遂並附記於 舉

柳南隨筆伍「芙蓉莊」條云:

及牧齋紅豆詩之流播久遠,

殊非偶然也

歸 芙蓉莊在吾邑小東門外, 尚書。 莊有紅豆 一樹, 又名紅豆莊。 去縣 治三十里, 樹大合抱, 顧 氏 别 數十年一花, 業 也。 某尚 書爲 其色白。 憲副 事 結實如皂莢 卿 公外孫, 故其 子 赤 地

如

後

第五 孫子瀟原湘天眞閣集壹玖「芙蓉莊看紅豆花詩」序云: 顧備九鎭虞東文錄捌「芙蓉莊紅豆樹歌」云: 章 合矣。 櫻桃。 黄如楓也。 之處,稻輒歉收, 中挺一 吾鄉芙蓉莊紅豆樹,自順治辛丑花開後,至今百六十又四年矣。 新詩。我嘗讀詩感胸臆。 諱耿光。」)手植世澤覃。錢家尚書我自出。 我生已晚空流傳。 田 之。時莊已久毀, 園就蕪三徑荒。 復明運動 發根而蛇見, 並 王生巨川邀余往觀, 順治辛丑, 獨如丹砂, 道光四年五月記。 是花盛開, 惟樹存野田中耳。 遂不敢伐。 秋風破我芙蓉莊。 亦可怪也。 宵纖芽發故處。 莖之本轉綠, 鳩占中間僅一息。今得神明復舊觀。 爲乞一枝而歸。 唐詩紅豆生南國。 邑中名士咸賦詩紀事。 閱數年復榮, 今又幢幢如蓋矣。 即豆荚也。 孫枝勃窣兩三樹。 今樹亦半枯, 莊中紅豆久枯絕, 村人猶記花時節。 庾信曾居宋玉宅。 葉亦可把玩, 又云紅豆啄餘鸚鵡粒。 辛烈類丁香, 每歲發一枝, 訖無定向。 至康熙癸酉再花, 此樹移來自海南。 瓊瓏不齊。 今年忽發花滿樹, 紅豆花開及壽時。 古根不蝕精神完。 清露晨流, 乾隆時樹已枯, 王生言, 未知即此種否, 結實數斗,村人競取 香徹數里, 曲江 花時至今七十年。 聞之土人, 至秋冬時, 自注 (下略。) 尚書誇疑賦 鄉人將伐爲 玉藥檀心 :「族祖 見日則

俟再

所向

丹

傳

二三八

紅

復次, 茆港錢氏故園中之紅豆 豆樹下。 紅豆 其開花之距離 雖生 南國, 爲七 其開 猶存舊篋, 年, 花之距 而所結之實, 雖不足爲植物分類學之標本, 離與氣候 有 較第壹章 弱。 寅恪昔年 所言摘諸常熟 教學桂林 亦可 視爲 良豐 紅豆莊者略 文學上之珍品也。 廣 西大學, 小。 今此 宿舍適 Ш 在

恬裕齋瞿氏藏牧齋楷書 寅恪論 述牧齋八十生日 蘇眉 事旣 竟, Ш 書 金剛 請附論牧齋晚年臥病 經跋橫 幅 黑 蹟 時一 其文後半 段饒有興趣之記 節 云 載於下。

病榻婆娑, 今且休矣, 執 繙 筆 經 如 禪 握 退 石 杜門 看 書 謝客已久。 如 障 綃 窮年 奈文魔詩 老朽 債 如幻 不 - 肯捨 泡 然, 我 未知 友生 能 故 圓 舊 滿 四 方請 此願否 告 ? 後人克繼 繹 絡 何

1

我志者, 悉爲 潢 池完好, 以 此 跋爲左券云。

又後跋 云

日

海

印弟子八

十一翁蒙叟錢

謙

益拜

老 V 眼 春 模 早 糊 誦 不 金 耐 剛經 看。 繙 \_\_ 卷, 經 盡 日 適 河 坐 東君 蒲 團。 以 棗 東君已 湯 帥 余, 漏 春 坐談鎮 消 息, 日。 猶 覺 檢趙 書十 文敏金汁 指

書

蠅

頭

楞

嚴

示 余。 余 兩 眼 如 蒙 霧 字見不 (寅 恪 案 「見不」當作「 「不見」。 腕 中 如 有 鬼, 字 多舛謬

詫 筋力之衰也。 口 占 絕, 並 誌 跋 後。 甲辰立春日蒙叟題。

寅恪案, 依鄭氏近世中 西 日曆表, 康熙三年甲辰立春爲正月初八日。 若有差誤, 亦不超過

兩三

正月初八日其在常熟城內錢氏舊宅者,或因與牧齋共度除夕,或由牧齋病勢已劇, 考牧齋卒於甲辰五月廿四日, 其作此絕句時, 已距死期不遠。 河東君本居白茆港之紅豆莊, 留住侍疾,不

君亦有身殉之可能也。 殊爲可嘆。 又觀其與河東君情感篤摯, 至死不變, 恐牧齋逝世後, 若無遵王等之壓迫, 河東

再返白茆港,

皆未能確定。但據此兩跋及詩句,

可以推知牧齋垂死時猶困於「文魔詩債」有如是

關於錢柳之死及錢氏家難本末,本章首已詳引顧苓河東君傳,今不重錄。 君殉家難事實」一書, 所載韓世琦安世鼎等(韓氏見乾隆修江南通志壹佰伍職官志江蘇巡撫欄。 虞陽說苑甲編有「河東 安

義之所在也。 釋。茲除河東君遺囑並其女及婿之兩揭外,略附述當日爲河東君伸冤諸人之文字, 氏見同 .書壹佰陸職官志蘇松常兵備道欄。)當時公文頗備,不能盡錄,但擇其最有關者, 至同時人及後來吟詠錢柳之詩殊多, 以其無甚關涉, 除黃梨洲龔芝麓等數首外, 亦足見公道正 稍加解

黃太沖思舊錄「錢謙益 」條云:

餘概從

省略。

甲辰余至, 亦嘗使人代草, 値 一顧雲華封翁墓誌 公病 革。 不合我意 一見即云以喪葬事相託。余未之答, 公言顧鹽臺求文三篇, 固知非兄不可。 雲華詩序, 一莊子注序。 余欲稍遲 公不可。 余急欲出外 即導余入書室, 二鼓而畢。 潤筆千 反鎖於 公使人

第五章 復明運動

傳

後孫 字, 將余草謄作大字, 貽別求於龔孝升, 不託他人。尋呼孫 枕上 使余得免於是非, 貽(寅恪案, 一視之, 叩首 一而謝。 牧齋子孫愛, 幸也。 余將行, 字孺 公特招余枕邊云, 貽。 梨洲混爲「孫貽」。 惟兄知吾意, 與 聞 斯 歿後文 其

柳南續筆叁「賣文」條略云:

附式傳云:「陳式字金如。 齋尺牘中載「與陳金如」札十九通。 東澗先生晚年貧甚,專以賣文爲活。 而先生不善也。 適鹺 使顧某求文三篇, 會餘姚黃太沖來訪, 副貢生。 潤筆千 其中頗多託代撰文之辭。 行己謹敕, 金。 甲辰夏臥病, 先生即以三文屬之。 先生喜甚, 文筆溫麗。」等語, 自知不起, 急倩予外曾祖陳公金如代爲之, 越數日 叉光緒修常昭合志 而喪葬事未有所出, 皆可供參證。 而先生逝矣。 稿叁壹 (寅 恪 頗 然文成 以爲身

江左三大家詩鈔叁卷末載盧綋跋云:

吳江 簧之前二日, 壬寅 顧君茂倫趙君 歲 以 駐節 貽手書, 海 山子有三大家詩 虞 以後事見屬 始得近 趨函丈。 鈔 是不可謂不知己也。 之輯。 初 見權若生平, 刻既成, 乃 以弁言來命。 勤勤 康熙七年歲次戊申春季楚蘄受業盧 慰勉。 不二年, 憶 総于 虞 E Ц, 奄 逝 相遇

民國修湖北通志壹伍貳盧綋傳略云:総頓首譔。

盧綋字元度, 謙益甚稱之。 著有四照堂文集三十五卷, 一字澹巖。蘄州人。順治乙丑進士。屢遷蘇松參議, 樂府二卷。 長蘆鹽運使。 嘗修蘄州志,

錢

牧齋尺牘壹「致盧澹巖」四首。其一略云:

老公祖以遷固雄文, 發朝蘄志。 謹承台命, 聊援禿管,以弁簡端。承分清俸,本不敢承。久

其二略云:

病纏綿,

資生參朮,

籍手嘉惠

以償藥券。

贈也。 頃蒙翰教,謹於尊府君志中添入合葬一段,以文體冗長, 腆貺鄭重, 不敢重違台意, 敢再拜登受。(寅恪案, 但撮略序次, 有學集補「盧府君家傳」及「盧氏二 不能如梅村志文之詳

烈婦傳」並牧齋外集捌「四照堂文集序」等,皆牧齋爲盧氏一門所作之文也。)

昨者推士民之意, 氏之指示而爲者, 乃歌功頌德之文。 牧齋作此碑文必有潤筆。 其數目當亦不少。然則此亦澹巖間接之厚貺也。) 勒碑頌德,恨拙筆無文,不足以發揚萬一,殊自愧也。(寅恪案,頌德碑 此潤筆之資,雖非澹巖直接付出, 但必鄉人受盧

其四云:

第 八五章 重荷翰貺, 復明 運 動 禮當叩謝。 辱委蘄志序, 須數日内力疾載筆 (寅恪案, 據其内容, 此札應列第

寅恪案, 通 牧齋賣文爲活之事,前已於第伍章黃毓祺案節論及之。

時之記載,益可知其家無餘資, 困,非賣文不能維持生計及支付醫藥之費。總之,此雖爲牧齋家庭經濟問題, 貧病交迫之實況矣。 至若牧齋致盧澹巖札, 尤足見其晚年之 但亦河東君 致死主

今觀梨洲東溆澹巖關於牧齋

「柳夫人遺囑」云:

因,故不憚煩瑣爲之饒舌也。

銀子, 賢, 處。手無三兩, 皆是汝父極親切之人,竟是如此詐我。錢天章 汝父死後, 騙去官銀官契,獻與某某。 反開虛賬來逼我命, 無一人念及汝父者。家人盡皆捉去, 汝年紀幼小, 不知我 先是某某並無起頭, 立索三千金,逼得汝與官人進退無門,可痛可恨也。 當時原云, 竟來面 前大馬。 諸事消釋。 一犯罪, 某某還道我 是我勸汝父一力救出, 誰知又逼汝兄之田, 有銀, 差遵 我想汝兄妹二人, 必然 Ŧ 來逼 獻與某某。 迫。 今反先串 遵王 之苦 張 賴我 一某某 或

父決不輕放一 汝事兄嫂 如事父母。 垂 一經書 示 小姐 我之冤仇 汝當同哥哥出頭露面, 拜求汝父相知。 我想陰司,汝

威逼姓名,未敢原稿直書,始闕之。

性命不保。

我來汝家二十五年,從不曾受人之氣,今竟當面

凌辱。

我不得不死,

但我

死之

「孝女揭」云:

其名, 執弟子於門牆者,今日忽揭竿樹幟, 代,乃於五月二十有四日,一旦考終。嗚呼痛哉!方思與兄共守苦塊,以盡半子之誼,以終 暑。每以不得侍奉舅姑爲疚。不料父年八十有三,染病益篤。氏助兄嫂日侍湯藥,身不克 朝秘書院學士我父牧齋公之側室, 觸其兇鋒, 上奏銷案」一文。)於分爲曾姪孫, 行劣徒夫, 父者,今日忽挺戈而入室。昔之求拯救於吾父者,今日忽背噬而甘心。昔之呼高上於堂下, 哀戚之期,而後託吾母於嫡兄,從吾夫以歸養。 不長, 如今日活殺吾母柳氏一案,操戈而殺母者,獸族謙光與獸姪孫曾也。 也。不能爲孝婦者,竊願爲孝女。生事與死事一也。不得報恩於生前者,竊願報仇於死後。 揭爲婪贓殺命,奇陷屠門,勢抗縣憲,威脅大吏。母泣冤沈,女號公磔事。竊父母與舅姑一 止有一女。我父不忍嫁氏, 無不疾首痛心,稱其爵,無不胆戰股慄,敍其惡,無不髮豎眥裂。在今血控, 不齒婣族, 嗣後登聞, 曾則爲銷奏之點於也。(寅恪案,奏銷事可參孟心史森明清史論著集刊 誓必直陳其惡款。止就二獸之罪案, ,本朝唐令兄孺貽之庶母也。母歸我父九載, 因贅翰林院趙月潭公之第三子爲婿。 於誼爲受業門人。其飲斯食斯, 耽耽而逐逐, 豈期族難陡作,貴賤交熾。昔之受厚恩於吾 如錢謙光錢曾,其手倡斬喪者也。 涕泣而歷陳之。 主謀而令其殺者誰, 舉書學字,得以名列膠 依依膝下者, 我母柳氏, 方生氏。 謙光係 不敢顯 四歷寒 係本 母命 呼

第五章

抗 聲 容, 死。 膏腴 庠, 贓 復控糧道 此 肆 鹽 而 死 狐 命, 令? 呼 服 徹 現 鴟 假 張。 六百 家稱 罪 吸之 帑 不 而 登樓吮 毋短毫 三千, 與 口 再 雖 虎 控 六 盡收 惡始 氣已絕 得 有 復於六 逼 封 矣。 撫憲 執 仰 也。 殖 百 血 釐 係 者, 兩 法 梓 抱 以 則 之 刻。 於 供 囑 月二十八日, 少馬 六 頭 毋遲 審解。 即 日 某。 伊 俱批 百 星 咐 神 竄 不 狼 俘 誰 畝 明 至今 鼠 中。 獸之 煌 速 瞬 Ž 之力, 兄 煌。 獲 其 死, 息, 蘇 莫制 揭 隨 婪 僮 棄帽 嗚呼 常 眞 附 板 刊 逼 嗟乎 僕十數輩矣。 會 道 贓 亦 毋代 哉? 原 大聲疾呼 而 負 布血情 微 痛 不 而 親 女烹, 隅之 贓, 哉 p 貨飾。 而 行, \_\_\_ 審 日背 族 得 招牌。 止 以吾父歸 梟權 現貯 以 魑 比之斧鎖爲 也。 追之不及, 日, 薄 魅。 義 近 則 忽而登幕, 居間 陳 僕 痛毀之 滅 因 日 惡復夤諜 都邑, 定 我奉族貴命, 某。 僅 密 田之後, 倫 遂 案 將 佈 至 披 此。 尤甚, 餘 豈其 獸 環 始 奔告捕 麻 遠達 糾, 豈 光 馬 忽而 就 賄 陽爲 噫! 賣文爲活, 逼 所 薄 不敢爰及干 縣 縊 京 擦拳 以 杖 我 較之鼎 衙 入室, 求 師。 立索柳氏銀三千 異 1 杯 門 解經 任意抗違。 報王 磨 矣 息 獸 Ш 驗縊解經, 掌, 曾 鑊爲 投緩。 巨惡情 忽而 章, **榮**榮· 戈, 薄 陰 其挾命 以 尤慘 擬 肆 穢 九 漸 身 把 虚 女子, 而 爵 賄 威 臥, 慰冤 嗟乎 持? 肆 惡等 慮 者也。 進 而 差楊安 逼 隨 兩。 播 未已也。 酷 告 之 直 魂哉 蓄積 反 变 赫 聲未絕 本縣驗傷 逼 哀浼 有則 視爲 赫 五 斯 以 吾 立 當 内 時 幾 則 不解不審。 母 兄因 戚 吾 生, 逼 權 崩 何 弱 少 於 無 馬打 立 母 某。 肉 闏

即

不

外

痛

而

有

地

自

無

則

益

釘

斃

之

控

誰

能

吐

其

第五章 復明運

動

道 竹難書, 管,弱齡緦壻,或阻於嚴親。 賊共戴一天。 何惜一死以報母。 父兄閤門之命及其子孫也。 慮命確 視憲詞爲兒戲, 滿漢大人, 贓 真 止就六月廿六日至廿八日。謂區區女子遂無尺寸之刃哉?敢揭之以告通 嗟乎!惟車袖劍, 各郡縉紳先生鼎持公道,斧磔元凶, 到底難逃重辟, 賤母命爲草菅, 棺骸慘暴, 從此身命俱損,舅姑莫養, 狼謀 乃遂 而氏也仰事惟母, 母也俯育惟氏, 母既不惜一死以報父, 氏亦 叵測,一至是哉!在兄孺飴賦性柔孱, 有白日報父之趙娥, 幻造流言, 鑿空飛駕, 案獄浮沉, 行即觸階哭憲, 旋復擊鼓叩閣, 慰死救生, 抉目掩皮, 五罪五刑, 有此不論不議之律乎?惡 始焉殺吾母一人之命也, 合門幸甚 有道旁殉弟之聶姊。 或迫於權重。 康熙三年七月嫡女 暫不與殺母之 國 今且殺吾 伏乞當 在夫趙 事狀罄

「公婿趙管揭」云

稱倉廳 向貯倉廳張國賢收管。 之, 逼寫田房, 拢穽僮僕, 謹陳逼死實跡事,痛岳父於五月二十四日去世,驀遭凶惡錢曾錢謙光等搆釁謀害, 上有白銀六百兩。 押張義到 倉廳取前銀。 錢曾錢謙光探知, 廿六日擒國賢妻並男張義至半野堂, 錢曾即遣家人陸奎先索去銀杯九只, 凌虐岳母絕命時,三日夜内事言之。岳母柳氏有糴米納官銀 義將蒲包裹木匣, 付陸奎手持去。 此廿六日午後也。 曾又突至孝幕中, 官刑 黄昏 岳母以曾 私 恣意擇 復

傳

説云, 管懼其威燄, E, 言。 出 得。岳母云,稍靜片刻, 王進福妻出去, 我奉族 現在坊橋上, 徐瑞來傳 爲受恩岳父之人, 差十六人發四舟去搬矣。 門。 止隔明日一日矣。各貴諸奴俱已齊集,即來吵鬧,不得開喪。復至書房内, 其話 貴令, 速速 人棄 還 成述云, 隨分付要吃葷點心。 不速 比 前 帽逃 料理貴人, 光甚。 非 須請遵王來, 速催 不敢置可 必要銀三千兩, 要我主持, 竄 所言皆人所不能出之口者。 伏地哀泣。 人, 促。 是日 趕 否。 投繯之時, 至坊橋, 被逼 否 容我開賬。 逼 誰要汝田?管復力懇一時無措。 則 方可 坐逼良久, 曾方出門, 去家財及葉 須先將香鑪古玩價高者送我。 禍 不過, 吃過, 如 曾猶談笑自若。 即到矣。 少一 商 二人拚命逃 量。 惟此二 只得入户, 釐, 復喚王進福妻傳話, 攜筆紙登樓。 適曾 茂陳茂周 言畢竟出。 不下事。 賊。 復命一 亦令奎 奔, 其時恐嚇之語, 悉載岳母遺 見 和。 躱 樓緊 二人在外大叱管云, 催促幾次。 命管 來。 而謙光又踵至矣。云, 若 頃之曾來, 僮 族 閉 傳言。 僕 謙光隨 貴 廿八 大聲叱咤, 二人云, 輩盡皆股慄散去。 家 踢開 中。 中, 許之田房。 令請至。 不可 日謙光先來向 岳母驚駭不能 時, 直入孝幕, 另錄刊 不 三千兩原有幾分分的, 盡述。 能追 岳母已 今日必等 二人一 初一日先要打汝夫 布。 獲 汝家事 謙 # 縊 坐靈牀前, 光云, 管云, 答。 黄昏 七日 先此 此 死 回報, 實 矣。 大張 時 曾 大壞, 情 略述一二, 人復 遣 芙蓉莊已 和, 汝與 實 管急趨 然後 奎 曾 皆云 遵王 大呼 岳母 傳 復 來 也。 妻 去 内 唤 傳

乘喪威逼

固

\_\_

囑

以 俟 伸雪云。

寅恪案, 略加以論述。 河東君遺 遺囑中所謂「某某」, 囑前已節引,以其與趙管夫婦兩揭, 即錢朝鼎。 由遺 屬後其女所附「威逼姓名未敢原稿直 同爲錢氏家難主要文件,故全錄三文,並 書, 姑闕

人當日在常熟之勢力爲何如矣。

之。」及其揭中所云:「主謀而令其殺者誰?呼其名,

無不疾首痛心。稱其爵,

無不膽戰股慄。

敍

嗣後登聞,

誓必直陳其惡款。

等語,

可知此

其惡,無不髮豎眥裂。在今血控,不敢顯觸其兇鋒。

「原任蘇州府常熟縣知縣瞿四達揭 略云:

内有銀杯兩隻, 人之變。 揭爲貪紳屠族逼命, 及問致死者誰?則貪惡俗紳錢朝鼎也。 工鐫細文「茂」字於杯脚。天敗落四達之手。先年具揭首告, 義切同仇, 冒死直陳事。今夏五(牧翁錢)夫子亡後匝月, 請陳其實。朝鼎爲浙臬司, 朝鼎挽腹親,王 婪張安茂厚賂 遽有逼死柳夫

旋奉嚴旨。 曰, 俞解其事。 何嘗 此大證佐也。爲科臣柯諱聳張諱惟赤交章通劾,故雖躐升副憲,並未到 一日真都憲哉? 今猶硃標都察院封條告示,封芙蓉莊房屋。 其逼 死柳夫人實 罪, 乃反

案一。 含淚立 誣 以受路。 虚契, 朝鼎 當 居官 奪 夫子疾篤臥牀 田 狼 藉 四 百 畝。 如湖州司李龔廷歷情極刎頸, 其逼 即遣 死柳夫人實案二。 夫子生前分授柳家人張國賢, 狼僕虎坐中堂, 朝暮逼索, 若浼錢夫人捨身挽救, 致含憤氣絕。 得豁 随逼 重 柳婿趙 以知數久

動

生員

傳

家 頗 温。 夫子亡未及二七, 朝 鼎 遽 拿國 賢 於 靈 柩 前 杖八 +, 夾 兩 棍 逼 獻 銀 四 百 六 + 兩

獄。 按律治 米二百 夫謙光等行 石。 追 柳 母 臟 充 子 狗 帥, 痛哭求情 彘 朝鼎 死有餘 其何 面 解? 辜。 加 斥 辱, 雖肆 乃僅 治 諸 穢 媒 市 虎翼之罪, 朝 不 堪。 豈足 其 逼 令堂堂宮保烈 卸 禍 死 錢 柳 謙 夫 光錢 人實 案三。 烈 曾二人, 幽魂, 凡 欲草 瞑 此 目 案 草了 地 下 此 法 應 大

光緒修常昭合志稿貳 習 錢 朝 鼎字 IE 文 風 馬 九, 爲 天 陸 號 耆 下學政 黍 舊門 谷。 錢 最。 順 朝鼎 治 轉浙 J 傳略云 亥 江 進 按察 士。 使, 授 刑 誓於神曰 部 主 事 歷 歸 員 槖 外 名 郎 \_ 中, 錢 升 立 廣 殛 東 死 提 學 超 道。 擢 品

端士

都

御

寅恪案, 史, 瞿 忌者 四達 託 此 詞 揭 稽 所 留 言 欽 案, 錢 朝 鼎 露章參之。 豪 霸 惡 蹟 T 内 即 艱 就 以 服 解 翼 任已 補 久之封條 鴻 臚 卿, 封 遷 閉 大 芙蓉莊 理 少 卿 事, 口 爲 明

朝鼎在鄉 教齋之 殞 何 以有 命 如此 亦因 權 |朝鼎 勢, 遣 恐與四達揭中所云 僕登堂, 朝暮 逼 索 所致。 朝 鼎挽腹親 然則 朝鼎不但逼 王曰, 死 兪解其 河 東君, 事 亦逼 等 語 有 死牧齋矣。 關 腹

生關係。 鼎。 疑四 達 所 指 之王, 乃 尚 喜。 據道 光修 廣 東通 志 肆叁職官表叁 一肆載

親

三字,

疑

爲

福

晉」之別

譯。

即滿文「王妃」之義。

以當

情

事

言之,

漢

人

必不

能

與滿

洲

親王

發

至

張純熙。 順 治 十三年 任廣 東提學道。

錢

朝

順

治

+

年

任

廣

東

提

學

二三八

清史列傳柒捌尙可喜傳略云:

尚 天聰七年十二月也。 可喜遼東人。崇禎初, 崇德元年封智順王。 可喜爲廣鹿島副將。 七年錦州下, 據廣鹿 賜所俘及降户。可喜奏請以部衆歸 遣部校盧可用金玉奎赴我朝納款, 隷

年賜敕記 關 兵丁擾害, 漢軍。於是隸鑲藍旗。八年隨鄭親王濟爾哈郎征明。 擊敗流賊李自成。 功, 失其生理。 歲增藩俸千兩。 此皆將領不體王意, 六年五月改封平南王, 賜金册金印。 是時粤地皆隷版圖。〔康熙〕四年諭 或倚爲王親戚, 順治元年四月隨睿親王多爾袞入山海 統將士征廣東。 以小民易欺 曰, 近聞廣東人民爲王屬下 唯圖利己, 攜家駐守。 恣行不 +==

戚 可知朝鼎任廣東提學道之時,在可喜「統將士征廣東, 故習於「唯圖利己,恣行不法。」耶?俟考。 攜家駐守。」之期間。 豈朝鼎爲平南王之親

虞陽說苑乙編後虞書云:

法之故。

自今務嚴加約束,

以副委任。

瞿知縣四達比較錢糧, 即過銷單, 必加夾打, 云以懲後。

## 又云:

瞿知縣殺諸生馮舒於獄。 以 賄 疑 詞出舒手。 故殺之。 邑中各項錢糧, 惟舒獨知其弊。 諸生黃啓耀等, 合詞上瞿貪狀。

第五章 復明運動

瞿

今若揆以常昭合志稿所載朝鼎事蹟, 而後虞書 則謂 瞿四達乃一貪酷之縣官。 則爲能「端士習, 由是觀之, 正文風」。 明清間之史料, 「歸橐不名一錢」及「執法持正」之 是非恩怨,難於判定,此

又一例也。

家難事實附各 臺灣 詞「督糧道盧, 爲伐喪殺命等 事批。 二六:

徇情 者, 道 犯各證 錢謙光以 革 百廿 玩縱 黜。 錢曾素以文受知太史, 嚴 兩 加 室門 事關 訊究, 銀杯 大乖識法。 重案, 宗 九隻。 裔, 并 分贓 甘作無 該 縣 但人命重情, 據張國賢供稱 務須大破情 確數, 宜有知己之感, 良 致死 乘喪挾威, 根由 面 必經地方官審究真 陸奎 贓罪合律, 經收分受, 奈何 逼 依律定擬入招解 柳 亦爲 氏投繯, 謙 毋得徇 確, 則光等之婪贓殺 光 附 命盡 縱 道, 方可 和耶? 頃 轉報。 復煩駁結, 刻 以憑轉解無 審 訊 誠 命, 仰常 變 猶 出 曉 熟縣 律有 嘵 院 速 意外也。 速 申 IE 再將 繳。 法 明 辨, 尤可 康熙三 移明學 有名人 如 詐 該 縣 贓 怪

年又六月十九日。

寅恪案,有學集補「盧府君家傳」云:

[総康熙元年]壬寅奉命督糧蘇松,建節海虞。

審 미 解。 知 「督糧道盧 」之「糧道」。 澹巖跋云:「易實之前二日貽手書, 即上引江左三大家詩鈔跋之作者盧綋, 以後事見囑。」可知牧齋早已預料其身死之 亦即上引「孝女揭 」中「復控糧道, 仰係

必有家難。 致含憤氣絕。」等語及寅恪所論。)故以後事託盧氏。 (此點可參上引瞿四達揭文「當夫子疾篤臥牀, 今觀澹巖批語, , [朝鼎]即遣狼僕虎坐中堂, 左袒河東君, 而痛責 朝暮逼

光錢曾等, 我之冤仇 可謂不負其師之託, 汝當同哥哥出頭露面, 而河東君遺囑(詳見上引。)云: 拜求汝父相知。

澹巖乃河東君垂絕時,心中所認爲牧齋相知之一無疑。斯又可證澹巖跋中「不可謂不知己」

之語誠非虛構矣。 又各臺讞詞「鹽院顧, 爲乘喪抄逼,活殺慘命事批。」云:

錢宦棄世,曾幾何日,而族人遽相逼迫,致其庶室投繯殞軀,風俗乖張, 道嚴究解報。 莫此爲甚, 仰蘇松

似無深交, **齋作三篇文之人。** 寅恪案,此「鹽院顧」, 非如澹巖受業於牧齋者之比。故其批詞亦不及澹巖之嚴厲也。 此人旣欲藉牧齋之文以自重,其批語亦左袒河東君, 當即上引梨洲思舊錄中之「顧鹽臺」及柳南續筆之中「鹺使顧某」, 殊不足異。 但其人與牧齋 亦即求牧

復次,觀上引錢氏家難三文,當日河東君被迫死之情狀,已甚了然。唯其所謂「三千金」或「銀三

與虞陽說苑甲編馮默菴舒撰虞山妖亂志中所言錢曾父裔肅有關。

默菴之文(可參同編據

千兩」者,

梧子撰筆夢末兩段所載及河東君殉家難事實顧苓歸莊致錢遵王兩札。) 故侍御岱孫, 憲副時俊子也。 岱罷官歸, 家富於財 聲伎冠一邑。 略云:

第五

章

復明運動

裔肅亦中順天

獻焉。 要萬 諾。 答曰 死, 取士也。 言告人。 祖 族子也。 甘心者, Z 卯 妾不問。 斗又邀其家人齎銀至家。 憲副 侍御舉 藏玉芝堂中三年, 此 無所可 凡什器之貴 以故 已而 銀未入尚書家 亦殁。 素 惟箔中 (錢)尚 鄉 諸 邑人自此 傾 飲, 孫中 尚 否。 府 險 書 事 書 縣 好利。 諸兄弟皆恭裔肅, 重者, 風 將登實筵, 肅貨 不甚爲力, 於是其 (謙益)素不樂侍御, 靡 仄目尚 疑信相參。 獨饒。 裔肅 而家 事鼎 錢斗輩 無不嚴重 而迹已昭著不可 書矣。 以 人不得知, 與生一子, 名祖彭, 斗居城北, 故怨之。 沸。 有女伎連壁者, 尚書相昵, 邑譁然。 書似 指名索 有爲 尚 時傑得 書者。 出 取 裔肅諸 署 飛 口 掩。 名, 賄, 其鄰有徐錫 書告邑令楊 語 監生顧大韶出檄文討其居鄉不 故亦親之。 裔肅所貴既 亦藉藉。 以 為尚 故幸 弟又日 幾與 裔肅族人時傑者, 盍姑藏 書歡。 於侍御, 尚 策者, 奔之, 以 鼎 書等。 錢(裔肅)乃大懼, 遂交搆其間, 不貲, 熙, 憲 是時 副 稱好 故妓 當亦盛 言連 生一女矣, 裔肅 爲縣庠生, 當 撫吳爲張 事。 事 又白之於巡按御史。 壁 人納之尚書, 始以其事 一德事 事 者姑以 須三千 者, 詗 法事 得裔 郭? 公 遽出 而被出。 其事 他事 國 楊 -委尚 肅脆 金 維。 有錢 以 連 壁。 始 賕 褫 裔 捻 怨家有欲 革, 財 尚 斗 肅 肅悦 尚 尚 事, 已而 不得已 出 尚書 平 萬曆 而 重 H 乘 遂 裔 尚 尚 侍 賄 亦 亦 訟 肅 書 書 御 此 召

然則河東君遺囑所謂「手無三兩」

立索三千金。」孝女揭所謂「奉族貴命,

立索柳氏銀三千兩。

有則

裔肅 財尚書之「三千金」。 無則死。」及趙管揭所謂「必要銀三千兩, 而遵王向微仲索取之「香鑪古玩價高者」, 如少一釐,不下事。」等語中之「三千金」, 恐即指錢斗向錢裔肅「指名索 疑即此文

以爲尙書歡。」之貴重什器也。

如此解釋,

是否合理,

仍俟更考。

家資付其女及婿。 又虞陽說苑甲編「過墟志感」一書,雖爲僞託, 獸曾」之類是也。 致使「進退無門」, 至劉寡婦以其家資全付與其婿錢生者,殆常熟風俗,婦人苟無親生之子,例以 此所以錢朝鼎錢曾等由是懷疑河東君以牧齋資財,盡付趙管夫婦, 且叱管云,「初一日先要打汝夫妻出門。」故過墟志感雖爲僞託之書, 但其中用語, 可與孝女揭相參校者, 如稱錢曾爲 因而逼索特 於當

「這位先生(指章式之)是用功的, 寅恪旅居北京,與王觀堂國維先生同遊廠甸, 遵王讀書敏求記校證補輯類記所載「錢曾傳」, 但此書可以不做。」時市人擾攘,未及詳詢,究不知觀堂先生之 頗爲詳盡,茲不備引, 見書攤上列有章氏此書。先生持之笑謂寅恪曰: 讀者可自取參閱。唯憶昔年

復次,

遵王與牧齋之關係,

除光緒修常昭合志稿叁貳及同治修蘇州府志壹佰本傳外,

章式之鈺錢

時常熟風俗,

仍有參考價值也。

又家難事實載嚴武伯熊「負心殺命錢曾公案」文云:

意何在?特附記於此,

以資談助。

竊聞恩莫深於知己 而錢財爲下。 罪莫大於負心, 而殺命尤慘。 牧齋錢公主海内詩文之柄五

第五

童

復明運

動

家人徐瑞寫身炙詐銀三十六兩。 人慘縊。 十餘年, 同里後學硯席侍側者, 亙古異變, 宇宙奇聞。 今月廿八日復誣 熊與錢曾均受教益。 今公甫逝, 熊追感師思, 鳴鼓討賊。 傳族勢赫奕, 先此佈告, 同錢天章虎臨喪次, 骨肉 未寒, 行即上控下訴, 反顏肆 立逼 噬, 少效豫 柳夫 逼 打

王漁洋感舊集壹貳「嚴熊」條,盧見曾補傳云:

讓

吞炭之意

熊字武

伯,

江

南常熟人。

有雪鴻

集。

小傳下附宋琬安雅堂集「武伯詩序」(可參陳壽祺郞潛紀聞捌「虞山錢宗伯下世」條。)云: 酒, 賴 以爲 鐵燈樂於 以 錢牧齋先生常顧余于湖上,語及當代人物。先生 易當也。 聲其 漏三鼓, 燕趙 囂於先生愛妾之室, 罪。 地者再, 間 後與武伯定交吳門, 其人大慚, 俠客壯士也。 武伯出先生文一篇示余, 厥明 酒 無所容。 醒 所謂 酒 耐 先生已撤琴瑟再閏矣。 相視而笑曰, 河 以 聆其 東 往, 君 言, 者, 爲言先生下世 相 與辨 坐客無不髮上指者。 詬 夜來真大醉也。 厲 論 萬 日, 端, 往復不中意, 後, 吾虞有嚴生武伯者, 武伯身長八尺, 迫令自殺。 其族人某, 雖狂者之態固然乎? 嗚呼 武 武 伯 伯不勝其實, 妄意室中之 鬚髯 眉宇軒軒, 何 其壯 縱橫跌蕩, 盡張 哉 如 藏, 蝟 而其護 驟見之, 鳴鼓草檄 又 毛 糾 其才未 師 欲 E 門 飲 或 擲

如干城,

不以生死易心,

良足多也。

襲鼎孳定山堂集肆貳康熙丙午迄庚戌存笥稿「嚴武伯千里命駕, 且爲虞山先生義憤, 有古人之風

於其歸, 占此送之。」七絕五首云:

死生膠漆義誰陳。 清秋納扇障西風, 紅豆新詞映燭紅。 扣策羊曇何限淚, 時沾灑月明中。

挂劍風期白首新。 却笑關弓巢卵事, 當時原有受恩人。

高平門第冠烏衣。 河東才調擅風流。 珠玉爭看綵筆飛。 賭茗拈花是唱訓。 曾讀隱侯雌霓賦, 一著到頭全不錯, 至今三嘆賞音稀。 辦香齊拜絳雲樓。

寅恪案, 君家嚴父似嚴光。 一臥谿 山歲月長。 前已言及。 頭白故交零落盡, 幾時重拜德公牀。

叁柒「嚴宜人文氏哀辭並序」, 牧齋與嚴氏一家四代均有交誼, (此序前已引。)同書肆捌「題嚴武伯詩卷」及「再與嚴子論詩語 晚歲與武伯尤爲篤摯。 觀上列材料並有學集

士。」自是別具風格之人。故其與錢曾輩受恩於牧齋者同, 而所以報之者迥異也。

可知武伯之「爲虞山先生義憤」,固非偶然。但武伯之「縱橫跌蕩」「眉宇軒軒,

如燕趙間俠客壯

」等篇

河東君殉家難事實一書中尙有嚴熊「致錢求赤書」一通云: 往年牧翁身後, 家難叢集, 破巢毀卵, 傷心慘目, 孺貽世翁長厚素著,

居, 出 揭 , 噬臍 薄遊燕邸。 必欲斬絕牧齋先生之後, 弟客春在北, 每見名賢碩彦, 意何爲耶?況仁兄此揭不過爲 罔不憐念之者。 豈歸未逾月 索逋 而 起, 仁兄首發大難 手書歷歷,

飲恨

未申,

至不能安

第五 章 復明運 動

挾 在前 難免通國耳目。 嗚呼! 索逋 如此, 萬一事更有大於索逋者,仁兄又將何 以 處 之乎?

二四六

光緒修常昭合志稿貳陸錢裔僖傳附族人上安傳略云

其意而後已。 族人上安, 原名孫愛, 謁選 除永城令。 字孺貽。 始至, 順時曾 人以爲貴公子, 孫。 性孤介。 不諳吏事。 順治丙戌舉於鄉。 升大理評事, 父殁, 遂歸, 蒙家難,

閉戶不

必伸

同書叁貳錢孫保傳 云:

見一人,

即子孫罕見之。

錢 孫保字求赤。 謙 貞子, 趙 1 春婿

清史列傳柒玖貳臣傳乙襲鼎 孳傳略 云

禮 康熙元年諭 部。十二年八月以疾致仕, 部 以侍郎 補 用。 明年起都察院左都御史。 九月卒。 三年遷刑部尚書。 五年轉兵部。 八年轉

據上列之材料, 侄孫保, 曾再發起向孫愛索逋之事。 可知嚴武伯至北京, 乃在康熙五 牧齋身後, 年丙午後, 其家況之悲慘如此, 龔氏任職京師之際。 可哀也已 !又曹秋岳溶靜 而此時牧齋之從

浮 雲 級火動相妨。 紅豆當年倚恨長。 容我 瓻 駕 水北, 往來吹送 白 蘋

香。

堂集肆

肆「嚴武伯錢遵王至」二首,

其二云:

豈由於秋岳之調解, 後來武伯遵王復言歸於好耶?俟考。 據康熙四年正月廿七日總督郎憲牌及同

草了事, 年同月廿九日理刑審語, 而所加罪者, 惟陸奎楊安等不足道之人及細微之款項,而錢曾等取去之六百金及勒索三 (俱見河東君殉家難事實。)知此案懸擱「五月有餘」及郞廷佐追問, 始草

(見家難事實歸莊「致錢遵王書」, 逼死河東君一事, 則含糊不究。可知其中必有禹九之權勢及遵王之「錢神又能使鬼通天」, ,並可參同書李習之游「致錢黍谷大憲咸亭御史書」及「貽錢御史第

之也。 一書」黍谷即朝鼎, 當日清廷地方漢奸豪霸之欺凌平民,即此一端, 事蹟見上引常昭合志稿貳陸,咸亭即延宅,事蹟見同書同卷。)故可以不了了 可想見矣。

復次, 集壹陸和陶詩 河東君縊死之所, 「和飲酒二十首序」所云:「辛巳杪冬客海虞榮木樓。」及陳樹悳輯黃陶菴年譜崇禎十 實在榮木樓, 即舊日黃陶菴授讀孫愛之處。 (可參陸翼王輯黃陶菴先生

尚書側。」 則齊東野人之語,不可信也。至若兪蛟夢厂雜著齊東妄言玖「柳如是傳」等所言昭文縣署 四年辛巳條所云:「先生三十七歲,館虞山。」等語。)徐芳「柳夫人小傳」等所謂「自取縷帛結項, 死

**蹄莊集捌「祭錢牧齋先生文」云:** 

其爲妄謬,

則更不足道矣。

先生通 籍五十餘年, 而立朝無幾時, 信蛾眉之見嫉, 亦時 會之不逢。 抱濟世之略, 而 纖

懷無涯之志, 談讌從容。 剖腸如雪 而不能 日快其心胸。 吐氣成虹。 感時追往, 其性迂才拙, 忽復淚下淋浪, 心壯頭童。 先生喜其同志, 髮豎擊鬆。 窺先生之 每 商略

既享 以吉 松。 去先生之恆幹, 人固 喪事之縱縱。 取怨於同宗。 及 耄 嗚呼 高明之士 亦 170 自先生之遘疾, 百 耋 悔 無 中 書 凶。 手足不及啓, 道之委蛇, 壹 嗚呼 叁東 雖報施之常, 小子之初拜夫靈筵也, 方 飆舉 和 必能忧於名義, 澗 高 冬春再掛夫孤篷。 我 詩 詠 於雲中。哀文章之淪喪,孰能繼 獨悲其 思欲以 集下「病 以自慰,(可參 含斂不及視, 人情所同。 晚蓋。 遇 榻消寒 一之窮。 而渙然冰釋, 頗聞將廢匍匐之誼, 何天之待先生之 顧大不伐喪, 春秋之義。 雜詠 有學集壹 先生素不喜道 小子抱痛於無窮。 入夏而苦賤患, 四十六首」序。) 豈謂遂符 逝者亦可自慰於幽宮。 貳 東澗 學, 酷, 其高蹤?悲小子之失師, 就醫於練水之東。 集上「贈歸玄恭八十二韻 跪陳 而有意於興戎。 竟使之賣志以終。 故居家多恣意 詞而 虐榮獨者, 薦酒, 兩楹 虞山崔崔, 之夢, 不知涕之何從。 當馳問 哀孝子之在疚, 不 箕子 滿 X 於 誰 將 忽 所恫 疾 輿 不 尚 か之 崩千丈之 遂 死 戲效玄恭 湖 使, 聞 底於惛 温 先生 而 其 方 尤

南雷詩歷貳「八哀詩」之五「錢宗伯牧齋」云

事。 四 海 宗 宗 伯 盟五十年。 臨 殁, 以三文潤 13 期末 後與 筆 抵 喪 誰 葬 傳。 之費 憑 裀 皆余代 51 燭 燒 草。 殘 話, 紅 豆 俄 一完 飄 文抵 迷 月 債錢。 路 美 自 人 欲 注 絕 指 筝絃 疾時

(自注:「皆身後事。

」)平生知己誰人是,

(自注:「應三四句。」)能不爲公一

泫然。

(自注:「應

一二四

## 五六句。」)

定山堂詩集壹肆康熙壬寅迄丙午存笥稿「輓河東夫人」五律二首。其一云:

驚定重揮涕。 日, 悲喜話綦巾。 蘭萎恰此辰。甘爲賷志事,應愧受恩人。石火他生刦,蓮花悟後身。 九原相見

豈少完人傳,如君論定稀。朱顏原獨立,白首果同歸。絕脰心方見,齊牢寵不非。可憐共命

寅恪案,當時名流與牧齋素有交誼者,除黃龔歸三人外,如吳梅村者,必有追輓錢柳之作,

猶逐絳雲飛

不見於吳氏集中。世傳梅村家藏藁,必非最初原稿,乃後來所刪削者,由此亦可斷言矣。

錢泳履園叢話貳肆「東澗老人墓」條云:

虞山錢受翁,才名滿天下,而所欠惟一死,遂至駡名千載。乃不及柳夫人削髮投繯,忠於受

爲清理立

文忠書曰「東澗老人墓」五字碣,立於墓前。觀者莫不笑之。記查初白有詩云,「生不並時憐 我晚,死無他恨惜公遲。」(見敬業堂集壹陸「拂水山莊」三首之三。)君子之澤,五世而斬。 而受翁之塚即在其西偏,竟無人爲之表者。第聞受翁之後已絕,墓亦荒廢。 嘉慶二十年間, 錢塘陳雲伯[文述]爲常熟令,訪得柳夫人墓在拂水巖下, 余爲集刻蘇

第五章

復明運動

是

傳

別

同 秋水堂安在, | 新瓶廬詩稿捌「東澗老人墓」云: 荒涼有墓田。 孤墳我 如是, (自注:「墓與河東君鄰。」)獨樹古君遷。

翁

哉!

'」)題碣誰摹宋,(自注:「碑字集坡書。」)居人尚姓錢。

林一,尚是舊物。

鄧文如之誠君骨董全編骨董瑣記柒「錢蒙叟墓」條云:

轉凄然。

常熟寶巖西三里許, 齋墓在焉。 有碣題「東澗老人墓」五字, 日劉神濱。 再西三里, 集東坡書, 曰虎濱。 字逕五六寸。 兩濱適中曰界河沿, 嘉慶中族裔所立, 又曰花園

河東君墓即在左近。 其拂水山莊,今爲海藏寺。 故並錄之。 草此稿竟, 距劍門不遠,有古柏一,銀杏二,尚存。 合掌說偈曰:

寅恪案, 矣。 此俱錢柳死後, 有關考證之材料,

刺刺 不休 沾沾自喜。 忽莊忽諧, 亦文亦史。 述事言情, 憫生悲死。

失明臏足,

尚未聾啞。

得成此書, 乃天所假。 臥榻沉思, 然脂暝寫。 痛哭古人,

繁瑣冗長, 留贈來者。 見笑君子。

爭來問遺事, 本宗久絕 濱, (自注: 錢牧 欲説

一二五〇

家最 我們從小就知道全家最實費的東西是父親的文稿。 好 的箱子裝載, 家人呼之為「文稿箱 1 避日軍空襲時, 從抗戰逃難直至「文化大革命」, 首先要帶的就是 「文稿箱」。 父親文稿都是用全 出版父親文

集自然是父母,也是我們姐妹最大心願。

嘗侮食自矜, 道變換, 父親一生坎坷, 病殘齊至, 曲學阿 抗日烽火中, 始終未曾間斷學術創作。而父親為學一貫堅持 [世]。如今父親全集出版, 顛沛流離, 生活窘迫, 學界儻能於研究父親著述時, 雙目失明, 暮年骨折卧床, 「獨立之精 神, 更知父親此種精神之所 更經痛苦。然而無論世 自由之思想」, 一未

離世, 棺尚遠。 九六二年 終未 父親 能 胡 見到陳集出版。 喬木同志來訪 聽了 很高 興, 以為有望見到文集面世。 父親生前已將出版文稿重任託付於弟子蔣天樞先生, 談及文稿, 父親直言: 豈知 蓋棺 后有期, 「文化大革命」 出版無日。 開 始, 胡答: 父母 不料文稿在 備受推 出版 残, 有 「文革」 期, 蒼涼 蓋

集, 稿 由上海古籍出版社刊行,這只是父親文字的一部分。一九八八年六月,蔣天樞先生不幸突然病逝 送交蔣天樞先生。蔣先生沒有辜員父親囑託 付出艱巨勞動, 於一九八〇年主持出版了陳寅恪文

中竟

被洗劫一

空

片紙不留。

「文革」結束後,

我們姐妹將歷經曲折於一九七八年五月追回的父親文

在

,則為我們

姐妹辛

一勞的最

高報償

傳

於是

我

們

姐

妹

繼

續

收

集

整

理 一父親

的文字

<u>Ti</u>

集

附

現 唐篔詩存 在 出 版 的 陳 書信 寅恪集 集 讀書札記 是在上海 古籍 集 舊 出 新 版 社 唐書之部)、 所 刊 印之陳寅恪文集 二集(史記 基 漢 礎 書、 L 進 晉 行 書、 的, 唐 增 人小 加 T 說 陳 寅 等之部 恪 詩

夢未定 集(高僧傳之部), 稿據 元白詩箋證 一九八〇年出版的寒柳堂 九八七年六月收回的 稿 並 講 柳如是 義及雜 別 稿 傳諸 兩 殘稿 集, 晉南 集, 作了校 金明 北 此次 朝 史 館 補外 出版 叢 講 稿 義、 時 初 其 作了 唐 編 餘 校對, 史 編 講 排 編 義、 均 除寒 不 備課 隋 作變 唐 柳 堂集中 動, 制 筆 和記、 度 因父親 淵 詩存 論文、 源 略 生 併 論 前 講 稿 X 詩 託 話 唐 付 集, 代 蔣 評 寒 政 天 語 柳 樞 治

史述

聽

課

=

堂記

火焚燬 父親的文稿墨跡命運亦如其人, 有的在 運 輸途中 被盜 或存放親友處丢失, 頻遭 劫 難 面 世 困 難。 現下落不明, 抗戰 時已遺 難覓其 失了多箱 蹤。 撰 這些皆為父親「廿年 有 眉 識 的 書籍 其 來所 中 有 擬 的

内容

則是

期

望從不同

角度反

映父親

的

學

術

牛

涯

代為出

版文集過程

中已親自審定文集編目

及有關事宜

故仍按父親原意

進行。

而此

次

刊

行

全

集

所

增

補之

著述

四

被

戰

先

晚年 利文長老尼詩 而未成之稿」 理 就 緒 偈 准 如蒙古源 集中文舊譯並 備 出 版 的文稿, 流注、 補譯及解 世說 於「文革」中 新 語 釋其 注、 全被 詩等等(見一 五代史記注、 查抄, 九四二年九月廿三日父親致劉 文革」過去撥 佛教 經典之存於梵文者與藏譯 亂 反正 後, 雖 於 永濟 九七 及中 信)。 八年 譯 五 校 而 月及 父親

九八 七年六月 兩次收回詩文稿, 但仍未全部歸 還。 即便抗戰勝利後在清 華大學授課 研 究之講

資料等, 亦未曾得見。總之, 散落在各處的文字, 迄今尚有部分未能獲見。這次刊印父親文集, 因其為

生的夫人錢澄女士, 於上海 外學者弟子, 此次父親遺作付梓, 前所收集之最全者而拟名「陳寅恪全集」,轉又考慮到其實並不能 與 古籍 難以 輯錄並審 H 版社 我們姐妹的友人以及相識或不相識的各界人士支持幫助。 敬列, 閱讀 主持出版了 華忱之先生等將珍藏了多年 書札記等多位先生亦於此一 三聯書店非常重視, 在此謹向一切參與、 陳寅恪文集, ,投入很大力量以保證質量; 推動、 黄萱先生協助蔣先生做了不少工作。 併致謝。 「文革」 幫助、 劫後幸存的父親書函贈送, 支持出版陳寅恪集的人士表示衷心感 在我們收集父母詩文書信資料過程 「全」,故稱「 同時我們得到父母親朋故舊, 首先感謝 陳寅恪集」。 校補寒柳堂記夢 蔣天樞先生一 各種支持幫助 中, 九 劉 未定稿 海内 不 節

先

勝

述。 版陳集為中外學者深望, 歷經十年的艱難曲折, 而今陳集業已付印, 陳寅恪集終於面世, 我們希望以此集告慰逝去的父母, 此書之所以遲至今日方能面世, 當此之時, 我們百感交集, 其間有許多我們始料未及的困擾, 父親自謂「文字結習與生俱來, 真不知何以表述其經過於萬 必欲於未死之 於此 - 0 無需細 H

父親的這些文字, 前稍留 一二痕跡以自作紀念」, 作為祖國文化遺產, 他於 「賸有文章供笑駡」之時, 獻給後世相 知。 尚望「後世相知儻破顏」。 我們更希望將

陳 美延謹述 九九九年七月三日父親誕生一百零九週年

## 陳寅恪集再版説明

手寫 斯 再 此 版 聯書店出版的陳寅恪集十三種十四册,自二○○一年一月至二○○二年五月面世後, 陳寅恪信 年 本唐代 重印的機會我們做了少量校勘修訂工作, 致 胡 札、 適、 政治史略 詩作, 致聞 宥 稿 少數 亦屬憾事 個别 函 件的 詞句 作 時間認定, 了變動; 編排 如: 略增改書信集、 順序也相應有所變動。 糾正個别誤字、圖片説明; 詩集中的某些注釋, 但未及增補近年來新發 唐代政治史述論稿 更正 時逾 書信集中 八載。 現的 致 現藉 對 傅 照

仍 在 此 如既往得到大家的支持 特 向熱心 提供資料及指 和幫助。 出陳寅恪集中訛誤的讀者朋友, 致以衷心謝忱! 並希望此 次再 版 重印 後

陳流求 二〇〇九年四月

